


10/2/21

10/2/21



LOGICA CRITICA,

SIVE

ARS UNIVERSÆ SAPIENTIÆ STUDIUM

RITE INSTITUENDI,

EX

PROBATISSIMIS VETERIS

AC

MODERNI OEVI SCRIPTORIBUS

METHODO CLARA

ET

SYSTEMATICA CONCINNATA,

ATQUE IN TRES PARTES,

THEORETICAM, PRACTICAM

AC

DISPUTATORIAM

DIVISA,

USIBUSQUE ET CAPTUI

PHILOSOPHIÆ ÆQUE AC THEOLOGICÆ CANDIDATORUM

ADAPTATA

A

P. HERMANNO OSTERRIEDER,

ORD. MIN. S. P. FRANC. CONVENTUALIUM,

p. t. IN STUDIO MINORITICO RATISBONENSI

PHILOSOPHIÆ LECTORE ORDINARIO.

Cum Licentia Superiorum.

AUGUSTÆ VINDELICORUM.

SUMPTIBUS MATHÆI RIEGER,

BIBLIOPOLÆ.

Typis JOANNIS MICHAELIS ENGLERTH, Aulici &
Episcopalis Ratisbon. Typographi MDCCCLX.

Hæc est scientiarum formatrix atque Judex, omniumque disciplinarum disciplina, - - hæc docet discere, in hac se ipsam ratio demonstrat atque aperit, quæ sit, quid velit, quid valeat. Scit scire, sola scientes facere non solum vult, sed etiam potest.
S. AUGUSTINUS de Logica L. 2.
contra Cresconium C. 2.





BENEVOLO LECTORI!



*F*aciendi plures libros nullus est finis,
dudum asseruit sapientissimus
ECCLESIASTES C. 12. V. 12. Id
vero si unquam, hocce præ-
sertim ævo frequentissimum esse Benevole
Lector abunde rescies, & miraberis forsan,
cur, cum tanta sit copia librorum, de re-
bus præsertim Philosophicis ubique gentium,
& ab authoribus quidem præstantissimis edi-
torum, cur, inquam, eorum turbæ non
exoratus memet immiscere, & velut anser
inter

inter olores perstreperere audeam? ast Consilii
mei rationem prius paucis accipe, & tum
primum de illius vel æquitate vel teme-
ritate iustam, & ab omni affectione va-
cuam sententiam profer. Scio equidem,
plurima eaque Doctissima volumina, res
philosophicas pertractantia publici Juris
jam esse facta, ast eorum quoque plera-
que (paucissima si exceperis) sic facta es-
se scio, ut vel ob nimiam voluminum
multitudinem, materiarumque amplitudi-
nem, vel ob imperscrutabilem styli, ad
Leges Mathematicas plus æquo exacti subti-
litate, tyronum ingenia excedant; do-
ctis magis quam docendis accommoda, vel
etiam ob nimiam styli brevitatem, materia-
rumque, Theologiæ præsertim inservien-
tium, egestatem deficient, ad præparandos
pro studio Theologico Philosophiæ Candida-
tos minus sufficientia, vel denique ob dictum
soli authoritati potius, quam veritati sa-
cramentum viam planam ac facilem ad
intelligenda utriusque Philosophiæ tam
antiquæ quam novæ (hodierno sæculo
non minus utilis quam necessariæ) placi-
ta non pandant; hinc Religiosis Philoso-
phiæ tyronibus, quibus instituendis per
ali-

aliquot jam annos S. me obedientia
 destinavit, pro virium mearum tenui-
 tate profuturus, postquam diu multum-
 que deliberaveram, arrepto tandem Ca-
 lamo præsens hoc opusculum, domesticos
 intra parietes conceptum, scriptisque tra-
 ditum, nunc vero hinc inde magis ex-
 politum, iisdem ipsis (quos omnes in
 Domino suavissime amplector) transmit-
 to atque communico. Invenient hic il-
 li regulas Logicales, a nimia earum far-
 ragine ac subtilitate, ingenium sæpe ma-
 gis onerante quam informante, perpurga-
 tas, atque ad Leges sanæ artis Criticæ
 (facultatis ad verum solidumque de rebus
 omnibus ferendum judicium inprimis ac-
 commodatæ) ita exactas, ut nihil, quod
 a Logica expectari possit, ad universæ
 sapientiæ studium rite instituendum
 (quoad generalia saltem principia) de-
 siderari sim passus, a facilioribus ad dif-
 ficiliora identidem progrediendo. Sed &
 regulas ipsas Logicæ Theoreticæ commu-
 nes exemplis, ubicunque fieri commode
 potuit, ex Theologia, maxime Polemica
 depromptis sic illustrare sum conatus,
 ut vere exinde pateat, eam, uti artium

& facultatum cæterarum, ita & Theologia addiscendæ instrumentum famulamque existere. Quoniam porro Philosophia Neoterica apud non nullos (inter Philosophiam Neotericam Catholicorum & A catholicorum non distinguentes) acerbius, quam par est, vapulat, utriusque Philosophiæ Peripateticæ & Mechanicæ principia ad Logicam spectantia, earumque definitiones tantum nominales, uti vocant, clare & breviter attigisse contentus, cætera Metaphysicæ Physicæque reservo, quam utramque (si benigni concedant superi, superioresque) suo tempore pariter sic pertractabo, ut innocuum Mechanismum pro sensu reali & Physico assumendo, nec tamen conceptus Metaphysicos pro sensu Metaphysico ac ideali aspernando, & fidei salvandæ, & rationis sensuumque sano conceptui abunde satisfacturum me spondeam. Hoc unum Tyrones adhuc monitos esse velim, ut Dissertationes Logicæ Theoreticæ cum dissertationibus Logicæ practicæ promiscue sic legant, ut priores cum posterioribus legendo absolvant; has enim cum illis ex toto esse connexas concatenatasque legentibus patebit, simulque
per

per priores ingenium ipsorum; per posteriores autem iudicium firmabitur; cum per Logicam practicam in tota parte secunda nil aliud fere nisi artem criticam intelligam, cuius usus hoc sæculo sane maximus ac utilissimus existit. Igitur tu Lector Benevole auditis rationibus hisce primum hunc ingenii mei partem, in quo edendo manum obstetricantem me habuisse gratus confiteor plurimum Doctissimorum (quos semper cum reverentia nomino) rei philosophicæ scriptorum, pro commodo tyronum, quæis unice hoc opus, ut dixi, qualecunque consecro, æqui bonique consule; & si quid rectum in eo invenis, DEO bonorum omnium largitori maximo adscribe; si quid vero ineptum, erroneum ac immaturum deprehendas, mihi ignosce, qui, cum homo sim, nihil a me humani alienum esse puto. Vale!



CONSPECTUS TOTIUS LIBRI.

Prolegomena universæ Philosophiæ.	Pag.	1
Epitome Historiæ Philosophicæ.	-	9
Prolegomena Logicæ.	-	32

PARS I. THEORETICA.

*Sive de Natura, & Characteribus
Operationum Mentis.*

DISSERTATIO I.

De simplici Mentis apprehensione.

SECTIO I. Quid, & quotuplicis generis sint Idææ?	-	-	39
II. De divisione idearum universalium juxta Porphyrium.	-	-	54
III. De Arbore Porphyriana, & Cartesiana.	-	-	64

SECTIO

SECTIO IV. De prædicamentis VV. Philosophorum. - 69

V. De Categoriis Recentiorum. - 88

VI. De Idearum signis, seu vocibus. - 93

VII. De termino, ejusque divisione multiplici. - 100

VIII. De proprietatibus terminorum. - 116

IX. De definitione. - 132

X. De divisione. - 143

DISSERTATIO II.

De Judicio, & propositionibus.

SECTIO I. Quid sit Judicium, & propositio in genere? - 151

II. Recensentur variæ propositionum species. - 158

III. Explicantur aliæ adhuc propositiones, Mathematicis & Criticis usitatæ. 175

SECTIO IV. De Hermenia, seu interpretatione propositionum.	186
--	-----

V. De oppositione propositionum.	202
----------------------------------	-----

VI. De æquipollentia, & conversione propositionum.	210
--	-----

DISSERTATIO III.

De Discursu, & Syllogismis.

SECTIO I. Quid, & quotuplex sit discursus in genere?	219
--	-----

II. De Syllogismo in specie, ejusque principiis, & materia.	228
---	-----

III. De forma, & Regulis Syllogismorum.	234
---	-----

IV. De Syllogismorum modis.	251
-----------------------------	-----

V. De Syllogismis compositis, eorumque regulis.	257
---	-----

SECTIO VI. De Reductione Syllogis-
morum. - 263

VII. De Regulis consequentiar. 268

VIII. De fallaciis Syllogismo-
rum detegendis. - 274

DISSERTATIO IV.

De Methodo.

SECTIO I. Quid, & quoduplex sit Me-
thodus? - 286

II. De Meditatione philosophi-
ca rite instituenda. 297

Exemplum Meditationis Philosophicæ
- 298



PARS

PARS II. PRACTICA.

SIVE DE USU ARTIS LOGICO-

CRITICÆ.

DISSERTATIO I.

De diversis animi morbis, seu erroribus, eorumque remediis.

SECTIO I. De causis errorum in anima
existentibus, eorumque
remediis. 317

II. De erroribus, qui ex corpore originem ducunt. 342

III. De causis errorum externis. 354

DISSERTATIO II.

De criterio veritatis, & arte critica.

SECTIO I. De criterio, ac fontibus veritatis in genere. 373

SECTIO

SECTIO II. De fontibus veritatis in
specie,

Art. 1. De valore & usu
authoritatis Di-
vinæ. - 385

Art. 2. De Authoritate hu-
mana. - 394

III. De sensibus externis, &
experientia.

Art. 1. De valore & usu
sensuum externo-
rum. - 408

Art. 2. De experientia, &
experimentis phy-
sicis. 415

IV. Declaratur, quomodo ex-
perientiæ jungenda sic
ratio? - 423

V. De sensu intimo, ac com-
muni omnium persua-
sione. 432

VI. De Hypothesibus. 438

SECTIO VII. De Arte Hermenevtica, seu
aliorum iudicia interpret-
tandi.

Art. 1. Regulæ Hermenev-
ticæ pro libris ge-
nuinis discernen-
dis a spuriis. 444

Art. 2. Regulæ generales
pro authorum li-
bris intelligendis. 451

Art. 3. Regulæ speciales
pro intelligenda S.
Scriptura. 456

DISSERTATIO III.

De recto usu Argumentationum.

SECTIO I. De Argumentatione demon-
strativa, seu Apodictica.

Art. 1. Quid, & quæ duplex
sic demonstratio? 468

Art.

<i>Art. 2. De effectu, & locis bonæ demonstra- tionis.</i>	481
--	-----

SECTIO II. De argumentatione probabili.

<i>Art. 1. Quid, & quoruplex sit argumentatio probabilis?</i>	488
---	-----

<i>Art. 2. De effectu probabi- litatis, & locis to- piciis.</i>	496
---	-----

III. De Medio argumentatio- nis inveniendo.	505
--	-----

IV. De usu, & valore diversi generis argumentorum.	514
---	-----

DISSERTATIO IV.

De Methodo.

SECTIO I. De Methodo alios docendi atque convincendi.	521
--	-----

SECTIO

SECTIO II. De Methodo discendi, seu
studendi. § 26

III. De Methodo alios refu-
tandi, & se ipsum de-
fendendi. § 29

IV. De Methodo disputandi. § 33

LOGICA DISPUTATRIX, seu XVIII.
Exercitationes schola-
sticae in Logicam Theo-
retico-Criticam. § 43 & seq.



PRO-



PROLEGOMENA
UNIVERSÆ
PHILOSOPHIÆ.

I.



TRiplex in genere datur rerum *cognitio*. 1. HISTORICA, qua simpliciter rem aliquam esse factam aut fieri cognoscimus, diciturque propterea COGNITIO FACTORUM, AC RERUM EXISTENTIUM, simulque VULGARIS, quia Doctis cum VULGO communis est. 2. PHILOSOPHICA, qua etiam causas rei factæ aut existentis percipimus. 3. MATHEMATICA, per quam rei existentis *quantitas* sive *mensura* nota nobis fit, atque perspecta, e. g. explosi forte tormenti bellici sonum, atque immanem fragorem audiunt indocti æque ac docti,
A ideo-

Quid sit
cognitio
historica?

Philoso-
phica?

Mathe-
matica?

ideoque *cognitio historica* est, si quis vero supra plebem sapiens soni illius, atque fragoris ex incensi pulveris pyrii granulis causas reddere valet, is *cognitione* gaudet *Philosophicâ*, qui denique accurate etiam determinare novit, quanta pulveris pyrii moles atque copia ad globum ferreum, ad quingentos aut mille passus provehendum sit necessaria, huic *cognitionem* tribuimus *Mathematicam*.

Ad cognitionem Philosophicam requiruntur sensus, & ratio.

II. In cognitione *historica* (quæ mere per *sensus* acquiritur, ideoque in ordine dignitatis omnium *infima* est) fundatur *cognitio philosophica*; rei enim, quas omnino ignorat, causas reddere quis valet? non soli tamen ad cognitionem *philosophicam* acquirendam satis sunt SENSUS, etsi de cætero optime dispositi, sed RATIO vel maxime accedat oportet, qua *nexum & relationem causas inter & effectus* accurate perquirere, enodare, atque in apri- cum proferre possimus. In hunc finem loquitur facundissimus Romanorum Consul TULLIUS. *Lib. I. de offic. Cap. V.*: Ut quisque maxime perspicit, quid in re quaque verissimum sit, quique acutissime, & celerrime potest & videre, & ex-

& explicare rationem, is prudentissimus
 & sapientissimus rite haberi solet.

III. PHILOSOPHIA igitur *objective*, hoc est in se præcise considerata, apte dici potest *cumulus veritatum ex ratione cognitarum de rebus sensibilibus aut etiam de entibus, a rebus sensibilibus, per mentem abstractis*. *Subjective* vero, seu respectu *subjectorum*, quibus inest, à citato TULLIO Lib. II. de finibus, definitur: *rerum divinarum* (in quantum hæ scilicet per rationem solam cognosci possunt) & *humanarum, causarumque, quibus hæ res continentur, scientia*. Hæc ipsa vero & SAPIENTIÆ definitio est, Nempe conformiter etymologiæ nominis *Philosophiæ*, utpote quæ à græcis hisce vocabulis Φίλος, *amicus, amator*, & σοφία *sapientia* derivata, quasi AMOR SAPIENTIÆ est (Pythagoras autem primus se non σοφόν, id est *sapientem*, sed Φιλόσοφον, hoc est, *sapientiæ amatorem* dici voluit) vel paucis: *Philosophia subjective considerata* dici potest *ea animæ dos atque facilitas, qua homo veritatum naturalium causas investigare, atque distincte perspicere valet.* (II)

Definitur
 Philosophia
 objective.

Subjective.

Origo
 Nominis.

Definitio Wolffii. IV. WOLFFIUS cum suis (nec incongrue) Philosophiam nominat

scientiam possibilium, quatenus esse possunt, sive ejusmodi habitum atque perfectionem, per quam ratio reddi potest, cur, quæ existunt, ita existant, nec aliter, itemque scitur, quomodo possibilis sit, sive quomodo fieri potuerit, ut hoc aut illud ad existentiam pervenerit, atque ut hoc, nec alio modo pervenerit,

Et Baumeisteri.

prout explicat BAUMEISTERUS in sua Philos. definit. Num. IV. qui propterea loco cit. dicit, Philosophiam etiam appellari posse scientiam rationis sufficientis. Philosophum vero appellatum, qui rationem reddere potest eorum, quæ sunt, vel esse possunt, nam nihil prorsus existit, quod non rationem habeat sufficientem, ex qua intelligi queat, & declarari, cur potius sit, quam non sit? Cur fiat potius, quam non fiat? Cur fiat hoc modo potius, quam alio, secus enim essentiam suam & existentiam res illa existens haberet ex nihilo, quod prorsus implicat.

Quid Philosophus?

**Obje-
ctum Phi-
losophiæ
& præ-
stantia.**

V. Inde haud obscure cognoscitur *Philosophiæ amplitudo, atque præstantia; res enim omnes, quæ rationem humanam non transcendunt, ad illius obje-*

objectum pertinent (III) *Terra* nimirum non minus, quam *Cæli* ac *Sidera*, in *Terra* autem plantæ aque, ac insecta, reptilia, & bruta perfecta, quin & aquæ ipsius, & telluris arcana, fossilia, Thesauri &c. *Cælorum* vero tam infima, quam Media, supremaque *Regio*, venti nimirum, nives & grandines, calor & frigus, lux & sonus, fulgura quoque, tonitrua, ac fulmina, Sol & Luna cum cæteris planetis, aliisque scintillantibus *Cæli* facibus &c. Ex quarum contemplatione mentis nostræ capacitas ac perspicacia mirum quantum augetur, ac dilatatur, atque in ipsius *DEI T. O. M.* tanquam eorum omnium Auctoris & Fontis (quæ sane hominis in hac mortali vita præstantissima occupatio est) laudem & amorem animus illustratus assurgit.

VI. *Utilitas* porro tanta est, quanta maxima esse potest, ut singulas *Philosophiæ* partes accuratiore non nihil mentis acie contemplanti Luce clarius innotescit: audiatur solummodo, quæ super hac re fuerit mens perspicacissimi non minus Philosophi, quam Oratoris omnium præstantissimi *TULLII*: *Philosophia*, inquit, *Lib. I.*

II. QQ. omnium Mater artium, quid est aliud, nisi, ut Plato ait, donum, & ut ego, inventum Deorum? hæc nos primum ad illorum cultum, deinde ad Jus hominum, quod in generis humani societate situm est, tum ad modestiam, magnitudinemque animi erudit, eademque ab animo, tanquam ab oculis caliginem dispulit, ut omnia supera, infera, prima, ultima, media videamus. Quare non immerito apud nonnullos hæc facultas quoque audit scientia Felicitatis humane; Philosophiæ enim (saltem quantum in se) finis nonnisi bonus, ac optimus est, ut egregie probat S. AUGUSTIN. Lib. XIX. de Civ. DEI dicens: *Nulla homini causa philosophandi est, nisi ut beatus sit, quod autem beatum facit, ipse est finis boni; nulla est igitur causa philosophandi, nisi finis boni.* Et hic quidem finis ultimus est, de alio vero magis immediato & proximo loquitur sæpe laudatus CICERO, dum ait: Lib. I. de Offic. Cap. II.: *Unicus finis est cognitio veritatis, qui alium habet, Pseudo-Philosophus est.* Hunc porro finem vel non intendunt, vel nunquam certe adipiscuntur, tum qui sola, & tam inani quam subtili, nimium à ratione remota speculandi libidine abrepti atque ir-

reti-

Ac Finis.

Media ad hunc finem.

retiti, non nisi recondita verborum ænigmata, & myſteria, diſtinctæ notionis expertia proferre amant, tum etiam, qui omni omnino *ſpeculatione* abjecta, nonniſi ad *machinas*, merâque *experimenta*, magis nonnunquam jucunda, quam utilia, hocce præſertim ſæculo convertuntur, cum *utrumque* potius medium (*ſenſus* ſcilicet, & *Rationem*) ad veram acquirendam *cognitionem Philoſophicam* apprime neceſſariam eſſe conſtet (II)

VII. Quoniam res ad Philoſophiam ſpectantes *ſenſibus* & *ratione* nituntur (n. præc.) *ratio* vero ſit illa ſingularis *Mentis humane* vis ac prærogativa, qua in eſſe ſuo tanquam *Spiritus* conſtituitur, appoſite Philoſophia ipſa Philoſophiæ di-
(genericè loquendo) in geminas partes præcipuas cum Cl. P. FORTUNA- viſio,
to à *Brixia* diſpeſci valet, quarum una PHILOSOPHIÆ MENTIS, al- In Philo-
tera PHILOSOPHIÆ SENSUUM Nomen ſophiam
gerat, ad quas partes aliæ omnes de- mentis, &
termine referri poſſunt; nempe ad ſenſuum.
PHILOSOPHIAM MENTIS *Logica*
& *Metaphyſica*, quæ ad *intellectum*,
una cum *Ethica*, quæ ad *voluntatem*
MENTIS pertinet, PHILOSOPHIA

vero **SENSUUM** *Physicam Experimentalem*, sive ea omnia, quæ immediate in *sensus* incurrunt, nec per *mentis Ratiocinium* ab objectis sensibilibus *abstrahi* petunt, comprehendere debet.

Item in
Theore-
ticam,
Et Pra-
cticam.

VIII. Sunt etiam, qui **PHILOSOPHIAM** dividunt in **THEORETICAM** & **PRACTICAM**: nempe in ampla *materiarum Philosophicarum mole* (V) nonnullas reperire est veritates, quas *scire*, sive *speculari* tantum debemus, & alias, per quas *agere* quoque docemur, si *felices* fieri concupiscimus (VI) *Prioris* ergo *generis* veritates illi *Philosophiæ* parti, quam **THEORETICAM**, seu **SPECULATIVAM** vocant, attribuunt, posterioris autem generis veritates **PRACTICÆ** adjudicant. Ad *Theoreticam* nempe referunt *Logicam*, *Metaphysicam*, *Physicam*, & *Pneumatologiam*; ad *Practiam* vero *Ethicam*, *Politicam*, & *Oeconomicam*, ac *Technologiam*, sive *Mathesin applicatam*: hæc autem cum sine *theoretica* subsistere non possit, *Mathesin* quoque *puram* à *Philosophia* abesse non posse contendunt. Hanc divisionem etiam modo plerique sequuntur. Cæterum antequam ulterius progre-

grediar, juvat hic, more eorum qui novissime de rebus Philosophicis scripsere, de *Philosophiæ ortu & progressu* breve quoddam *compendium* præmittere. Igitur

EPITOME

HISTORIÆ PHILOSOPHICÆ.

IX. **P***hilosophiæ* Origo ipsi DEO, à quo omne datum optimum, & omne donum perfectum *Jac. I. v. XVII.* in acceptis referenda est, utpote primo Homini jam ab ipso mundi exordio plene *infusa*, quemadmodum S. Scriptura testatur *Eccl. XVII. v. III. & seq.* & infra pluribus declaratur in *Logica disputatrice Exercitat. 2.* At Status ille Adami felicissimus satis exiguo duravit temporis spatio, omnesque Adæ Nepotes & culpæ ipsius primigeniæ hæredes, ignorantia crassissimæ tenebris involuti, lucem hanc aspicere modo jubentur, atque assiduo labore, & in vultus sui sudore à Magistris & Præceptoribus sapientiam omnem acquirere, ut quotidiana experientia testatur, ac in parvulis recens natis abunde patet, utpote qui velut *tabula ra-*

Origo
Philosophiæ
infusæ
DEus est,

Acquisi-
tæ vero
origo Adæ
nepotes.

sa per sedulam educationem quasi poliri, primis notionibus velut coloribus imbui, quin ad ipsam quoque loquelam multa exercitatione induci debent. Tales porro *Magistri & duces* ex Sapientissima DEI misererentis Providentia in Mundo nunquam defuere, qui traditam sibi à parentibus suis, & quasi per manus ab Adamo usque deductam doctrinam aliis communicarent. Sic JOSEPHUS narrat *Lib. I. Antiq. Judaic.* vel ab ipsis jam Sethi posteris Cælorum ordinem, ac syderum cursum observatum fuisse, *neve inventa ipsorum ex hominum notitia dilaberentur, duas ab iis excitatas esse columnas, alteram Latritiam, alteram Lapideam, queis sua inventa inculpsissent.* Licet autem multi istud tanquam fabulam explodant, dubitari tamen nequit, quin Hebræorum Patriarchæ, Duces ac Prophetæ *veritatum naturalium* optime sibi Conscii fuerint, ut Libri MOYSIS præprimis aperte loquuntur, & de SALOMONE Scriptura Sacra his verbis, ab ipso Domino DEO ad illum factis enunciat: *De-di tibi cor sapiens, & intelligens, in tantum, ut nullus ante te similis tui fuerit, nec post te surrecturus sit. III. Reg. v. XII.* Atque in specie cognitionem rerum
na-

naturalium tantam in eo fuisse facer textus narrat *cit. Lib. III Reg. Cap. IV. v. XXXIII. Ut disputaverit super lignis à cedro, quæ est in Libano, usque ad Hysopum, quæ egreditur de pariete, & disferuerit de jumentis & volucris, & reptilibus, & piscibus.* Ideoque etiam non pauci scriptores tam antiqui quam novi in eam concedunt sententiam, quasi à Solis JUDÆIS, sive HEBRÆIS universæ sapientiæ studium in alias nationes & gentes profluxerit, uti videre est apud Cl. HUETIUM *in Evang. Demonstr.* quod tamen alii sic limitant dicentes, quod ab Hebræis in tantum scientiæ sint exortæ, quatenus *origine primi*, & post linguarum, in ædificatione Turris Babelicæ confusionem, ubi vis divisi omnium gentium primævi duces ac Magistri effecti fuissent, licet & aliæ dein gentes ab iis procreatæ plurima proprio Marte invenerint, atque inventis addiderint. Triplex autem in Historia Philosophica constitui meretur
Epocha, scilicet

EPO-

EPOCH A I.

PHILOSOPHIA ANTIQUA.

X. **H**æc communiter in BARBARICAM, & GRÆCANICAM sive GRÆCAM dividi solet. *1ma* florebat inter *Barbaros* (hoc Nomine GRÆCI vocabant omnes à sua Religione & patria extorres, sicut JUDÆI omnes alios à suis Cæremoniis alienos GENTILES appellant) *2da* inter GRÆCOS, scientia Philosophica præ omnibus nationibus eminentes, utpote qui *primi ordine Systematico* in singulas Philosophiæ partes scripsêre, & in varias rursum *sectas* semetipsos *secuêre*, pro varietate scilicet *Magistrorum*, quos *sectati* sunt, ut Num. XII. dicetur.

Philosophia Barbarica.

XI. In BARBARICA porro PHILOSOPHIA illuxerunt diversi Sapientiæ Amatores, atque Veritatis scrutatores 1. Apud Judæos RABBINI. 2. Apud Babylonios & Assyrios CHALDÆI. 3. Apud Persas MAGI (quales etiam fuisse SS. TRES REGES, Christi infantis Adoratores perhibetur) 4. Apud Indos BRACHMANES sive GYMNO-SOPHISTÆ, sic dicti à Græcis vocabu-

bulis γυμνός *nudus* (eoquod *nudi* in ferventi fabulo stantes solem tota die contemplari solerent) & σοφιστής, quod *artium Magistrum*, aut *sapientie Professore* olim indicabat. 5. Apud Ægyptios HIEROPHANTÆ, dicti ab ἱερός, *Sacer, Divinus, Sanctus*, & Φαίω, *declaro, indico* vel *accendo* (eoquod plebi *sacra* *Mysteria* ostendere, & quasi sapientiæ lucem accendere ipsis solemne fuerit) 6. Apud Gallos DRUIDÆ, quod nomen vel à *Drudus*, hoc est, *fidelis*, aut à græca voce δρῦον, *nemus* derivatur (quia nempe in *sylvis* tantum Diis faciebant) 7. Denique apud Sinenses CONFUCIUS, notum illud Philosophi nomen, ubi tamen non pauci defendunt, quòd ipsemet jam Patriarcha NOE, ex Arca in Armeniæ montibus requiescente, egressus in CHINAM, vel SINAM cum uxore sua profectus, Liberis ibi de novo procreatis, Sinensium primus parens & Monarcha (quem Chineses in sua lingua *Fobi* appellant) extiterit, scientiamque rerum naturalium amplissimam eosdem edocuerit. Videantur WHISTON Anglus, & MAR-

TINIUS in *Histor. Sin.* apud Gottsched
in *Compend. Histor. Philos. Sect. I. Cap. II.*

Græca-
nica.

Dogma-
tici.

Acade-
mici.

XII. GRÆCI, Philosophorum quon-
dam Principes (X) in plurimas divisi
sunt sectas, è quibus præcipuas tan-
tum indicabo. 1. DOGMATICI ve-
ritatem in rebus vix non omnibus adæ-
quate sese invenisse gloriabantur. Il-
lorum Principes erant *Thales Milesius*,
à quo rursus *Secta Jonica*, *Pythagoras*,
à quo *Secta Italica*, *Parmenides*, à quo
Secta Eleatica &c. ortum duxere.
2. ACADEMICI Nomen trahebant
ab *Academia*, sive à loco nemoroso,
in suburbio Athenarum sito, quem
nobilis vir quidam *Academus* Nominè
Philosophorum Exercitationibus con-
secrasset fertur. Isti Philosophi assen-
sum omnem cohibentes, nihil affir-
mabant omnino, atque à *Dogmaticis*
per hoc diffidebant ex toto, divide-
banturque iterum in *veteris*, *media*,
& *novæ* *Academiæ* Sectatores. Eorum
duces nobilissimi fuerunt SOCRATES
& PLATO, à quo etiam PLATONI-
ci nominabantur, & *inquisitores*, eo-
quod, licet ignotam dicerent esse ve-
ritatem, de ea tamen invenienda neu-
tiquam desperarent, ipse porro *Socra-*
tes

tes continuo in ore habuisse dicitur illud: *Hoc unum scio, me nihil scire.* Plato autem Socratis Discipulus (qui nobilissimo apud Athenienses genere natus, paternos inter Avos complures Reges, inter Maternos vero SOLO-
NEM illud Atheniensium decus numerabat) de DEO omnium optime cæpit scribere, unde & *divinus* est appellatus. Academiæ vero *mediæ* Auctor & Parens *Arcefilaus*, vel ut alii eum nominant, *Arusticus*, cujuscunque etiam obviæ rei existentiam negavit: e. g. nescire se dixit, an ille: qui *actu* ad ipsum loquebatur, *vere* loqueretur & existeret, quapropter ejus Sectatores ACATALEPTICI erant nuncupati, idest, *dubitantes* sive *titubantes* ac SCEPTICI à voce *σκέψις*, *deliberatio*, *disceptatio*, quasi perpetuo *deliberantes*, atque in utramque partem citra ullam mentis resolutionem *disceptantes*, sicut adhuc hodie omnia negandi aut in dubium vocandi libido SCEPTICISMUS audit. Cæterum hæc philosophandi methodus plerisque tandem Academicis omnino, & juste quidem displicuit, hinc Castra suorum Præceptorum deferentes, aufugerunt ad *Dogmaticos*, atque in tres alias præcipue

cipue scissi sunt Sectas, *Stoicorum* scilicet, *Epicureorum*, & *Peripateticorum*.

Stoici.

XIII. 1. **STOICI** sic dicti à nomine *Στοά porticus* (eoquod *ZENO* eorum parens docere Athenis solitus sit stans sub quadam *porticu*) inter alia docebant, *animum ita esse componendum, ut nulla re moveatur, nulloque agatur affectu amoris, gaudii, tristitiæ &c.*: Ideoque tanta cum *pertinacia* suas propugnarunt sententias, ut ferrum potius & mortem violentam sustinuissent, quam de re, licet levissima, capta semel sententia, latoque iudicio recessissent. In eos eleganter ludit *TULLIUS* in oratione pro *Muræna*. Quare nos etiamnum homines tardos, duræ cervicis atque immobiles *Stoicos* appel-

Epicuræi. lare solemus. 2. **EPICURÆI** nominis etymon traxêre ab *Epicuro* sectæ istius parente, qui deliciarum amans plerumque in horto sua Discipulis exposebat dogmata. Ipse (ut multi contra multos aliter sentientes opinantur) in *bona conscientia* nullius culpæ sibi conscia *summam voluptatem*, atque adeo *veram hominis beatitudinem* collocabat, quam tamen ipsius doctrinam, forte non satis clare atque distincte pro-

propositam, sui postea Discipuli in sensu reprobò intelligentes, Corporis obscenam libidinem, ac voluptatem pecoribus communem, summam hominis felicitatem reputabant, Epicuri de grege porci passim propterea appellati. 3. PERIPATETICI ita dicti à Peripatetici, verbo περιπατέω, obambulo, spatior, (eoquod ipforum Magister plerumque obambulans suos Discipulos erudit, unde & locus scholæ ipforum destinatus περίπατος, id est obambulatio dicebatur.) Parente gloriantur ARISTOTELE Stagyræ Thraciæ urbe nato ex clarissimo Medicorum Asclepiadico-Machaonico genere, & Platonis per viginti annos Discipulo. Erat is teste Timotheo Atheniensi in L. de vitis. Voce gracili, exilibusque cruribus, festivo tamen corporis cultu atque insigni veste ac annulo ornatus incessit, de cætero parco admodum utebatur cibo, parciore somno, à quo ne invitus præveniretur, globum è metallo conflatum de nocte legens, manu dextra protensâ sustentasse fertur, ut ejusdem sibi forte per somnum è digitis elapsi, & ad pelvim ex illa ipsa materia conflata, atque humi deposita.

B fitam

fitam allisi strepitu excitatus, sua studia reassumeret, qua in re imitatore eundem, quem Discipulum habuisse fertur Alexandrum M. Macedoniae Regem & Asiae Domitorem. Morte ipsum violenta obiisse asserunt multi, negant alii, Chalcide eum obiisse plerique tenent, sive sumpto, ut non nullis placet, veneno, sive (quod longe verisimilius videtur aliis) cholicæ familiari morbo extinctus. Libri ab Aristotele scripti, quales Laertius ferme quadringentos enumerat, post illius obitum diu delitescentes, primum sub Ciceronis tempora Romam allati paulatim è tenebris emergere; plures vero periire.

Aristote- XIV. Cæterum primis Ecclesiæ sæ-
licæ Sc- culis sola PLATONIS Philosophia à Chri-
stianæ fata. stianis colebatur, eique coævi Ecclesiæ Patres potissimum adhærebant, nempe JUSTINUS M. CLEMENS Alex. ORIGENES, BASILIUS, GREGORIUS Naz. & maxime S. AUGUSTINUS. *Aristotelis* econtra secta tunc temporis summopere erat reprobata. Sic enim S. JUSTINUS M. integrum scripsit Librum, cui titulus: *Confutatio dogmatum Aristotelis*. S. GREGORIUS

RIUS Naz. ejus sententias vocat *Captiones Sophisticas*, ac *pravum Aristotelicæ artis artificium* - - *velut Ægyptiacas plagas*, & S. HIERONYMUS ejus dogmata appellat *versutias*. Plures autem Patronos STAGYRITA nactus est post finem sæculi VIII. per Arabes late in Africa & Hispania tunc dominantes, qui in publicis, quas ubique erigebant, scholis Libros Aristotelis Arabice redditos, legi jusserunt, eosque quasi jure belli in scholas intrusos AVICENNA Arabs, & post illum AVERROES Cordubensis Hispanus Sæculo XII., suis commentariis obscurarunt potius, quam illustrarunt. Ex Hispania in finitimam Galliam, Italiam, atque Germaniam transmigravit postea Aristotelis doctrina, & in Gallia quidem pessime primo audiebat, utpote à synodo Parisiensi ob plurimos errores damnata, ac Romæ quoque ab ipso GREGORIO IX. P. M. anathematis fulmine percussa, quam tamen Viri postea summi (ut subtiles Arabum errores ex Aristotelis Philosophia depromptos solidius refutarent) scriptis suis expurgare, & quodammodo Catholicam reddere cæperunt, e quibus erant præcipui PETRUS LOM-

BARDUS Episcopus Parisiensis MAGISTER SENTENTIARUM communiter appellatus, S. ALBERTUS M. Episcopus Ratisbonensis, S. THOMÆ Aquinatis Magister. ALEXANDER ALENSIS Minorita, ob doctrinæ suæ profunditatem DOCTOR IRRREFRAGABILIS vocatus &c. Exinde ergo

Philosophia scholastica.

ortum sumpsit PHILOSOPHIA SCHOLASTICA, sic dicta, quoniam in plerisque scholis postea tradi cœpit. Igitur

EPOCHA II.

PHILOSOPHIA MEDIA.

XV. **H**Oc ævo sola & unica re-
gnavit PHILOSOPHIA
SCHOLASTICA, in sequentes iterum
sectas (pro vario scilicet Aristote-
lem interpretandi modo) subdivisa.

Thomistæ.

I. THOMISTÆ ducem venerantur S. THOMAM anno 1224 ex nobilissimo Comitum AQUINATUM sanguine progenitum, DOCTORIS ANGELICI glorioso Nomine decoratum, qui anno ætatis suæ decimo septimo Ordinem FF. Prædicatorum ingressus, in sanctitate non minus, quam scientiis

tiis ita profecit, ut Parisiensem, Romanam, Bononiensem, aliasque celeberrimas Academias lucidissimis doctrinæ suæ radiis mire illustrârit. Tandem à GREGORIO IX. P. M. ad Concilium Lugdunense II. evocatus in Monasterio *Fosse novæ* S. Ordinis Cisterciensis, in quo divertit, morbo correptus in Cœlum evolavit anno ætatis suæ quinquagesimo.

XVI. II. SCOTISTÆ. Hi Patre Scotistæ: gloriantur JOANNE DUNS SCOTO, qui eodem, quo DOCTOR ANGELICUS è vita decessit, natus est anno nempe 1274. Is admodum Juvenis Ordini FF. Minorum nomen dedit, atque in eo ope DEIPARÆ, cujus à puero tenerrimus Cultor extitit (quæque illius adhuc in puerili ætate existentis intellectum, antea penitus rudem cœlitus illustraverat) in scientiis ita profecit, ut in Theologia scholastica omnium sui ævi facile princeps, & in Jure Civili pariter ac Canonico versatissimus, Logices quoque, Physices, Metaphysices, Mathematicæ & Astronomiæ peritissimus evaserit, unde etiam, evocato ex Academia Oxoniensi ad Parisiensem Guiliel-

mo Varroni ejusdem ibi Professori, in Cathedram Theologicam à Superioribus suscectus est, quam tanta Nominis sui gloria moderabatur, ut 30000. scholarium & ultra, ejus audiendi gratia Oxonium undique confluisse perhibeantur. Mox anno 1304. Oxonio Parisios accersitus pro tuenda B. M. V. IMMACULATA CONCEPTIONE sententiam illam contra adversarios adeo defendit, per notum illud suum: **DEUS POTUIT, DECUIT: ERGO FECIT**, ut Parisiensis Academia edito decreto, in hunc usque diem adhuc persistente statueret, ne quis, nisi præstito jure jurando de hocce propugnando Mysterio ad sacram Doctoratus Lauream admitteretur, ex eoque facto DOCTORIS SUBTILIS gloriosum Nomen est adeptus: Sed & lapidea quædam B. V. cujus opem antepugnam illam de more supplex invocaverat, Statua ad illa Scoti verba: *Dignare me laudare te Virgo sacrata, da mihi virtutem contra hostes tuos*, caput eidem inclinans monstraverat, cujus ope postea triumphaverit. Bene igitur non nemo sequens Epigrama Scoto, unacum Doctore Angelico in eadem icone depicto subscribere potuit:

Tho-

Thomæ scripta DEus, Scotique Maria
probavit :

Ergo de Christo scripsit uterque bene.

Tandem an. 1308 à Generali Ministro
Parisiis Coloniam abire jussus, ibique
cum ingenti totius Cleri & populi eidem
obviam procedentis jubilo exceptus,
non multo post in morbum lapsus, eo-
dem anno non minori cum sanctitatis
quam Doctrinæ fama in octava omnium
sanctorum è vivis abiit, ibidem in
choro apud FF. Minores Conventua-
les honorifico Mausolæo decoratus,
cui præter alia, sequentia inscripta le-
guntur Carmina vetusta :

Clauditur hic rivus, fons Ecclesiæ,
via, vivus

Doctor Justitiæ, studii flos, arca
Sophiæ.

Ingenio scandens, Scripturæque ab-
dita pandens,

Dux fuit hic Cleri, Claustri Lux,
& Tuba veri. &c.

Cæterum *fabella est* (inquit Cl. P. DE-
SING in suo compendio erudit. fol. 147.)
que mentitur, illum deliquio animi forte
oppressum, atque à suis præmature tumu-
lo mandatum coactum fuisse in ipso fere-

tro suamet membra depascere. Crassissimam hanc calumniam, diu post SCOTI obitum ad odium tanto Doctōri conciliandum excogitatam, & a nonnullis nimium credulis latius propagatam, fuse refutat WADDING. *Tom. III. Annal. in vita Scoti.* Inter alia denique Scoti, ejusque Doctrinæ encomia (quæ videre est ex diversis scriptoribus deprompta apud P. MASTRUM Scoti interpretem omnium præcipuum in principio suæ Philosophiæ) non postrema hæc sunt. 1. Teste JOANNE POSSEVINO S. J. *In apparatu Sacro Tom. II. Absque ullo erroris nervo Libri Scoti in œcumenicis Conciliis inviolati permanserunt, cum tamen plurima excellentium Virorum volumina in publicis Conciliis multis censuris & correctionibus subiecta fuerint.* 2. S. Congregatio Cardinalium anno circiter 1610 præcepit Librorum Censoribus, ut, *quidquid SCOTI esse constaret, intactum, inviolatumque admitteretur*, ut notat WADDING. Hinc etiam usque ad hoc tempus celebriores orbis Catholici Universitates in tanti Doctōris venerationem non paucas ejus Doctrinæ destinarunt Cathedras, videlicet Bononiensis, Patavina, Romana, Perusina,

na, Papiensis, Pisana, & Ferrariensis in
ITALIA. Complutensis, & Salmanticensis in
HISPANIA. Conimbricensis in LUSITANIA.
Viennensis, & præcipue, Pariensis in
GALLIA &c.

XVII. III. NOMINALES pro pa- Nomina-
rente suo habuerunt GUILIELMUM les.

OCKAMUM, itidem ex ordine Mi-
norum, natione Anglum, & Scoti Di-
scipulum, Prærogativa DOCTORIS
SINGULARIS ET INVINCIBILIS
quondam decoratum, qui floruit sub
Ludovico Bavaro, Capuæ anno 1350
extinctus. *Nominales* autem diceban-
tur, quia nimium vocibus ac *Nomini-*
bus tribuebant, eaque pro Logicæ ob-
jecto statuebant. Erant præterea ex
ordine nostro SERAPHICO circa illa tem-
pora Doctores alii, insigni doctrina
non in *Philosophia* solum, sed & aliis
præsertim *Theologicis* Disciplinis con-
spicui, inter quos præcipui numera-
bantur. I. ALEXANDER ALENSIS Alii De-
(de quo supra Num. XIV.) Is, ut no- doctores ex
ster Reverendiss. ac Ven. DEI Servus Ordine
ANTONIUS LUCCI scribit. Rat. Histor. FF. Mino-
rum.

Cap. VIII. primus Theologiam in eam
formam ac methodum, sub qua ho-
diedum reperitur, digressit, cujus sum-
ma à 70. Theologis, pro ejusdem exa-
mine

mine ab INNOCENTIO IV. P. M. delectis approbata, & ab ALEXANDRO IV. universis Academiis Europæ proposita est. 2. S. BONAVENTURA propter octo prodigiosa volumina sua, lumine, & ardore plena DOCTOR SERAPHICUS appellatus, & inter sanctos Ecclesiæ DOCTORES a SIXTO V. P. M. S. Ord. nostri antea Ministro Generali cooptatus, assignata ejus Doctrinæ speciali Romæ Cathedra in Collegio, quod ab ejus Nomine hodiedum *Collegium S. Bonaventuræ* dicitur. De eo adhuc vivente passim dici solebat, quod *nullus pulchrior, nullus doctior, nullus sanctior* esset. Fuit præterea Condiscipulus, vel saltem, ut alii volunt, cœvus & intimus amicus DOCTORIS ANGELICI S. THOMÆ AQUIN. 3. PETRUS AUREOLUS teste Sixto Senensi omnium scientiarum notitia clarissimus, & DOCTOR FACUNDUS appellatus. 4. FRANCISCUS MAYRONIS, ob ingenii vivacitatem & facilitatem cognominatus DOCTOR ILLUMINATUS. 5. NICOLAUS DE LYRA, sive LYRANUS, ex Judæo factus Christianus, & postea Minorita, Græcis, Hebraicisque Litteris apprime eruditus hoc sibi à toto orbe notum elogium prome-

meruit : *Si Lyra non lirasset , totus mundus delirasset &c.* videatur WADDING. *de script. Ord. Min.*

XVIII. IV. SCHOLASTICI RECENTIORES. Ita vocabantur quondam RR. PP. Inclytæ S. J. qui sæculo XVI. & seq. præter innumera rei Christianæ & Litterariæ præstita commoda, etiam in Philosophia rem communem ut plurimum promovere, dum ipsi *Eclecticam* quamdam, *Scholasticam* tamen, ac inter *Thomistas* & *Scotistas* mediam disputandi, ac Aristotelem interpretandi rationem sunt amplexi. Authores eorum præcipui sunt Cl. PP. SUAREZIUS, VASQUEZIUS, TOLETUS cum mille aliis. Quænam vero hodie illorum philosophandi ratio sit, ex Libris passim obviis abunde liquet, ut sunt v. g. Cl. P. HAUSER, MANGOLD, ZANCHI &c. quorum laudibus aliquid addere supervacaneum puto.

XIX. V. CHYMICA SEU ALCHYMISTICA PHILOSOPHIA initium quoque suum ARABUM ætati adscribit, cujus Author fuisse scribitur famosus ille MERCURIUS TRISMEGI-

GISTUS; propugnatores vero præcipui censentur RAYMUNDUS LULLUS ex tertio Ordine S. P. N. FRANC. ARNALDUS VILLANOVANUS, & omnium maxime THEOPHRASTUS PARACELsus Einsidlenſis Helvetus, cum ſuo Diſcipulo ADAMO BODENSTEIN, HELMONTIUS item & alii, qui ſuis inventis Philoſophiam præſertim MECHANICAM plurimum promoverunt, & quaſi inſtituerunt.

EPOCHÆ III.

PHILOSOPHIA NOVA.

Novæ
Philoso-
phiæ Pa-
rentes.

XX. **H**æc ſuam originem *Angliæ* præprimis & *Italiæ* debet Galliæque, quas provincias & regna non ſegniter ſubſecuta eſt GERMANIA noſtra. Fundamenta nempe jecere FRANCISCUS BACONUS DE VERULAMIO *Anglus* ante ducentos retro, quo hæc ſcribo, annos, nempe anno 1560, & GALILÆUS DE GALILÆIS *Piſanus Italus*, tribus poſt ipſum annis mundo natus, qui reje-ctis ſubtilitatibus minus utilibus per experientias philoſophari cæperunt, queis tertium quidam annumerant ROBER-

TUM

TUM BOYLE pariter *Anglum*, queis tandem plurimi alii in *Gallia*, *Germania*, *Belgio* &c. accessere. Hi vulgato nomine *Empirici*, hoc est, **EXPERIMENTALES PHILOSOPHI** nuncupantur, eorumque Philosophia dici solet **MECHANICA**, ipsi vero hujusmodi Philosophi in quatuor rursus classes divisi sunt. 1. *Gassendistarum*. 2. *Cartesianorum*. 3. *Newtonianorum*, & 4. *Eclecticorum Recentiorum*.

XXI. I. GASSENDISTARUM DUX *Gassenda-*
atque Auctor fuit **PETRUS GAS-** *distæ.*
SENDUS *Gallus*, *Diniensis Ecclesiæ*
Præpositus, regiusque in *Academia*
Parisiensi Matheseos Professor, qui
jugi *Scholastici* impatiens, *Epicuri* &
Democriti Physicam ut vocant *corp-*
sculariam ab impiis dogmatis purgatam,
denuo e tenebris in lucem orbi litte-
rato reduxit, *Parisiis* anno 1655. de-
functus.

XXII. II. CARTESIANI nomen *Cartesia-*
trahunt a Renato **CARTESIO** *Dom-*
ni de Perron nobili Gallo, qui qua-
tuor post natum Gassendum annis na-
tus, abdicata militia, quam in *Ger-*
mania & *Hungaria* aliquantum secutus
fue-

fuerat, in Hollandia *Philosophicis* suis *Meditationibus* (uti nominat) vacans, Holmiam ad Christinam Suecorum Reginam instruendam evocatus, multoque ab illa in honore habitus, ibidem supremum diem clausit anno 1650.

Newtoniani.

XXIII. III. NEWTONIANOS edocuit ISAACUS NEWTONUS Anglus ingeniorum sui temporis phœnix, præsertim in Mathesi, ex qua non pauca eaque utilissima in Philosophiam traduxit, sectatoresque ex doctissimis sæculi nostri Philosophis innumeros habuit. Ejus encomia & summa in rem litterariam merita longius describuntur in *hisor. Academiæ Regiæ Parisinæ ad annum 1727*, quo fatis concessit.

Eclectici.

XXIV. IV. ECLECTICI sic dicti à verbo ἐκλεῖχω *delingo, lambo*, qui quasi flores omnium Philosophiæ sectarum *lingentes* sive *eligentes* (cui etiam congruit nomen ἐκλεκτὸς *delectus*) quæ in Cartesio, Gassendo, & priscis etiam Philosophis optima ac certissima sibi videntur, *eligunt* (unde quoque *Electici* seu *Electivi* vocantur) & propriis animadversionibus, inventionibusque aucta, in systema ordinata-

natum diggerunt, nec quærunt, *quid* quisque dixerit aut scripserit, sed *quam bene?* In hanc classem referendi sunt hodie plerique Philosophi, qui castra Peripatetica deseruere. Ut v. g. *Hugenius Clarckius, Purchotius, Grave-sandius, Muschenbroëckius, Leubnitius, Wolfius, Corssinus, & ex Ordine Seraphico Cl. P. Ferrari ex Ordine FF. Min. Conventual. nec non Cl. P. Fortunat. à Brix. ex Ord. FF. Min. Ref.* quocum primo in limine Philosophiæ palam profiteri audeo: *Ego Scoti doctrinam sequor, non quidem cæco impetu in singula ejus placita irruens, sed rationum illarum momentis ductus, quibus constituta ipsius confirmantur, paratus etiam aliter opinari, ubi veritas exposcat.* In pref. *Philos.* nempe conformiter ELENCHO PHILOSOPHICO à nostro Reverendiss. P. M. Generali CAROLO ANTONIO CALVI nuper edito, in quo jubet, ut *Philosophia quidem Aristotelica, purgata à scholasticorum quorundam exoticis vitiis, & Scoti lucubrationibus ditata retineatur, tum ob scholæ illius antiquissimæ & solidissimæ dignitatem, tum ob discipulorum profectum, quos in nullius magis, quam Aristotelis, Scotique Philosophia exerceri, & ad Theologiam*

Quæno-
stra sit
Philoso-
phia?

logiam institui fructuosius posse affirmat: addit vero, celebriora Recentiorum placita, si rationi & experientiæ consona sint, neutiquam prætermittenda, sed vel amplexanda, vel expendenda juxta cujusque voluntatem, si in utramque partem disceptari libere possit. Et hæc de Philosophiæ ortu atque progressu in compendio dicta sufficiant. Qui magis particularia scire amat, adeat Auctores fusius de *Historia Philosophica* tractantes, ut sunt Cl. Ant. Gen. Elem. *Metaph. Tom. I.* Cl. P. Fort. à Brix. *Prolegom. in Physic.* Jacobus Bruckerus in *Hist. Crit. Gottsched in Comp. Hist. Phil. Germanice scripto* &c.

PROLEGOMENA LOGICÆ.

Logicæ
Etymologia.

XXV. **L**OGICA à græca voce Λόγος ratio, disceptatio, item conditio ac sermo nomen trahens (unde etiam facultas RATIONALIS, DIALECTICA seu disceptatoria, atque ab Aristotele ORGANUM seu conditio aut Instrumentum scientiarum, ac denique facultas mente sermocinandi dicitur.) Ab auctore *Artis cogitandi* definitur *Ars bene utendi ratione in rerum cognitione acquirenda tam ad sui ipsius, quam aliorum*

Et definitio.

rum institutionem. Nempe quoniam *Philosophia objective* considerata est *cumulus veritatum ex ratione cognitarum &c.* (III) Ratio autem humana per originale peccatum nimium fuit *obscurata* (IX) indiget arte quadam, seu facultate, per quam ad veritates rite cognoscendas aptior reddatur, & quasi manu ducatur, id quod unice per *Logicam artificialem* fieri debet, quæ propterea quoque *veritatis Magistra, Pharos intellectus, humanarum cognitionum norma, Disciplina Disciplinarum, & Ars Artium* appellari consuevit. Nec incongrue in allata definitione Cl. Auctor addidit: *Tam ad sui ipsius, quam aliorum institutionem,* docere enim debet hæc ipsa facultas, quomodo parvuli notionum expertes imbuendi sint primis litterarum Elementis ac veris doctrinæ coloribus (N. C.) in quem finem etiam Cl. Ant. Gen. *Logicam* eam denominat *artem, in qua instruuntur Tyrones recte ratiocinari, & aliorum cognitiones rite intelligere, ut in scientiis, sibi, & generi humano utilibus rite proficere queant.* Nos denique appellamus FACULTATEM UNIVERSÆ SAPIENTIÆ STUDIUM RITE INSTITUENDI. Ille namque omnium optime *philosophatur*, qui cæteris ac-

C cura-

curatius rationem reddere potest eorum, que sunt vel esse possunt. (IV) Hoc autem debet fieri per *Logicam*, utpote solam veritatis naturalis *Magistram*, ut mox dictum est, & per decursum continuo magis patebit.

Logicæ artificialis origo. XXVI. Profluxit autem hæc *Logica artificialis à naturali* (quæ dici potest, *dispositio à natura homini à DEO indita, utendi ratione in rerum cognitione acquirenda*) per varias successive *reflexiones*, & *vitiorum* in loquendo *observationes*, primi scilicet homines v. g. in *definiendo* aut *argumentando* didicerunt, se nunc bene, nunc male procedere; hinc orta est *admiratio*, & (ut fert adagium vetustum: *Propter admirari ceperunt homines philosophari*) ex hac admiratione exarsit studium inquirendi causam, cur non semper æqualiter bonus ac *verus* sit sermo e. g. cur homo minus exacte definiatur, esse *animal implume, bipes*, exactissime vero per τὸ *animal rationale &c.* detectaque semel ac iterum erroris causa ex circumstantiis pluribus utut *particularibus, constanter* tamen, ac *uniformiter* concurrentibus, eruerunt regulam *universalem & infallibilem bene definiendi.*

Ita

Ita quoque à notioribus ad difficiliora progressi, pari modo processerunt in Logica *discursiva* &c. unde etiam in sano sensu defendi valet illud paradoxum, quod passim affirmatur, *scientias nempe ex ignorantia esse natas*, nam ignorantia Mater est admirationis, admiratio inquisitionis, inquisitio denique scientiarum.

XXVII. LOGICES præcepta pri- Veteres
mus omnium in unum distincte col- Logices
legisse, & scriptis edidisse fertur ZE- scripto-
NO ELEATES, & post illum SOCRA- res.
TES, dein PLATO, EUCLIDES ME-
GARENSIS, & alii, CHRYSIPPUS
maxime Zenonis Discipulus. Nullus
tamen melius de Logica inter antiquos
meritus est ARISTOTELE, utpote
qui 17. omnino Libris de ipsa scriptis,
mire eandem declaravit: Quorum
primus *Categoriæ* inscribitur, 2dus &
3tius *Peri-hermenias*, sive de interpre-
tatione. Hos sequuntur libri quatuor
Analyticorum, octo *Topicorum*, omnium
præstantissimi, in quibus *media argu-*
mentandi in quavis re pertractat, po-
stremum tandem locum occupant duo
libri *Elenchorum*, ad fallacias, & *Sophi-*
smata detegenda. Plura de Logicæ

sine, objecto, & necessitate videatur in Log. disputatrice.

Logica
divisio.

In 4 par-
tes.

XXVIII. Quia LOGICA est *ars bene utendi ratione* (XXV) RATIO autem, prout hic sumitur, est ea *mentis vis, qua homo rationalis tum res apprehendere, tum etiam de iis judicare, ac discurrere valet*, necessario in Logica *regule sunt statuendæ*, ut in his omnibus mens *ordinate*, ac citra erroris periculum procedat. *Ordinate* autem in his nequit procedere, nisi insuper bonam *Methodum* servet, per quam varias *ideas, judicia, & Ratiocinia*, quæ de uno eodemque subiecto fiunt, eo *ordine* disponantur, qui illi explicando maxime idoneus est: Ex his ergo sequitur logicam in 4. partes dividendam esse, quarum 1^a *simplicem apprehensionem* sive ideas. 2^a *Judicium* sive propositiones. 3^{ta} *Discursum* sive Ratiocinationem. 4^{ta} Denique *Methodum* pertractet. Quoniam item regulas istas non tantum *scire*, sed & ad *praxin* dirigere, iisque mediantibus veritatem tum ipsi *invenire*, tum ab aliis quoque inventam *dijudicare* debemus, si *sapientiæ amantes* sumus (XXV) etiam Logica *universa à me dividitur*:

I. In

I. IN THEORETICAM seu *speculativam*, aut si mavis *docentem*, in qua prædictarum mentis operationum *naturam* & *Characteres*, 2. in PRACTICAM five *utentem*, in qua certis legibus tum rectum earundem *Usum*, tum maxime potiora & magis generalia universæ ARTIS CRITICÆ principia, hocce præsertim avo imprimis *utilia* declarabo (est autem CRITICA *Ars ferendi judicii de factis Historiam concernentibus, de operibus ingenio partis, de eorumque variis Lectionibus obviis, de sensu, stylo & auctoribus*) unde & huic opusculo nomen LOGICÆ CRITICÆ non frustra indidi. Utrumque vero pro viribus ita præstare conabor, ut *superfluis* quæstionibus amandatis, *subtilioribus* ad Logicam disputatricem aut *Metaphysicam* rejectis, quibusdam vero quasi summis labiis degustatis, in prosequendis *utilioribus* & magis (præsertim ad *Theologiam*) *necessariis* totus futurus sim. Quare à *Sophisticis* illis *formis* & *argutationibus* V V. Logicorum abstinebo, in quibus (ut ait Cl. Ant. Genuensis in *prolegom. Log. §. XXVII.*) *nihil est boni succi, & damni plurimum ad mentem obscurandam, omnemque sapientiæ gustum*

Item in
Theoreti-
cam.

Et pra-
cticam.

Seu Cri-
ticam.

obtundendum. Nec tamen negaverim, iis temporibus, in quibus tota hominum scientia erat vigilatio, utilem illam artem fuisse. nunc vero in tanta artium & scientiarum luce adhuc à plerisque retineri, id vero esse ajo, inventis frugibus glandibus vesci. Hæc ille. Jam auspice DEO omnis sapientiæ fonte, ac favente DEIPARA sapientiæ sede, ad promissum adimplendum festino.



LO-

LOGICÆ PARS I. THEORETICA.

SIVE

DE NATURA ET CHARACTE-
RIBUS OPERATIONUM
MENTIS.

DISSERTATIO I.

DE SIMPLICI MENTIS APPRE-
HENSIONE

SIVE

DE IDEIS AC TERMINIS, EORUM-
QUE PROPRIETATIBUS.

SECTIO I.

QUID, ET QUOTUPPLICIS GE-
NERIS SINT IDEÆ?

XXIX. **I**DEA vox græca (latine ori- *Ideæ de-*
ginalis rei species) vulgo di- *finitio.*
citur id omne, quod animæ est præsens,
dum aliquid percipit aut cognoscit. In *Vulgaris.*
scholis dicebatur olim, modo terminus
mentalis, modo verbum mentis, modo
species im- vel expressa, modo etiam

conceptus formalis aut objectivus, intentio prima aut secunda &c. e. g. *Percipis cælum aut terram, solem, ens, parentes tuos absentes aut presentes? Eorum omnium ideas tenes.* Porro cum perceptio animæ varia sit pro objectorum, modique percipiendi diversitate, *Idea*

Propria. proprie a Philosophis hodie definitur, quod sit rei, *quatenus hæc INTELLIGIBILIS est, in mente facta representatio, citra affirmationem aut negationem.* In quo sensu differt a *sensatione & imaginatione*, quarum adminiculo res tantum *sensibiles*, & à conscientia sive sensu intimo, per quem *existentiam animæ affectionum*, utputa, *gaudii, tristitiæ* &c. tantum cognoscimus, cum econtra per *ideam intelligibilem* ipsas rerum *essentias, proprietates* &c. nobis in mente sistamus, & *notas* faciamus (unde & *notio* dicitur) sicut & alias res quascunque, quatenus non per se ipsas intellectui nostro uniuntur, sed mediante illa, tanquam illarum rerum *image* nobis fiunt *intelligibiles* & cognoscibiles, fere sicut flos v. g. ante speculum positus, pulcherrimam, simillimam, & perfectissimam sui *imaginem* sive ideam in illo depingit, sic enim mens quoque percipiendo objectum, illius quam-

dam

urbis cujusdam visæ v. g. *Ratisbonæ* idea; maginem nobis facimus *urbis alterius* nunquam visæ v. g. *Pragæ*, aut Innatæ. *Madriti*. 3. INNATÆ, quas ex mente Cartesii, Purchotii, aliorumque Philosophorum, *Deus homini ab ortu suo ad res incorporeas*, & rerum essentias cognoscendas indidit. Verum de hoc ultimo Idearum genere videatur infra in *Logica disputatrice*.

Phantastica.

XXXI. Scholion. Ideæ tum *adventitiæ* tum *factitiæ* dicuntur etiam PHANTASTICÆ, seu *phantasmata*, & quidem in triplici sensu. 1. Si sint ideæ rerum *mere corporearum*, sicut sunt omnes ideæ *adventitiæ* (n. præc.) 2. Si res etiam *imateriales* adinstar rerum *corporearum* concipiuntur, ut v. g. *Angelus sub specie juvenis alati* &c. 3. Si a mente *fiuantur*, quæ prorsus in rerum natura nec sunt, nec esse possunt, ut v. g. *Hircocervus*, *creatura infinita*, *alter Deus* &c. entia vero à rebus *physicis vere abstracta* e. g. *substantia*, *vivens*, *corpus* &c. proprie ad ideam *intelligibilem* spectant (XXIX)

II.

II.

EX RELATIONE AD MENTEM.

XXXII. **I**N ordine ad mentem, cui
 ideæ diversimode repræ-
 sentari solent, alia datur 1. IDEA *Idea cla-*
 CLARA, & est illa, *quæ sufficit ad rem* *ra.*
perceptam ab aliis rebus distinguendam.
 Sic v. g. si equum a bove, alaudam a
 passere, rubrum ab albo, dulce ab ama-
 ro &c. noveris distinguere, habebis
 de illis omnibus ideam claram: econ-
 tra 2. IDEA OBSCURA est, *quæ non est* *Obscura.*
sufficiens ad res illas prædictas à se in-
vicem discernendas, ut v. g. si aliquid
à longe vides nescius, an sit bos, aut
equus &c. 3. Idea DISTINCTA tunc ha- *Distincta.*
 betur, quando non tantum una res
 ab altera discernitur, sed etiam *notæ,*
 & *characteres assignari queunt, quibus*
res una differt ab altera v. g. per quid
bos ab equo, dulce ab amaro &c. distin-
guatur. 4. *Has notas qui assignare*
nescit, illi tantum idea tribuitur *Confusa,*
 rusa. Sic v. g. etsi sciamus colorem
 Cœruleum differre à purpureo, quotus
 tamen quisque est, qui *notas, quibus*
hic ab illo discernitur, possit singil-
latim enarrare? 5. Idea COMPLETA *Completa*
 &

& distincta tunc fit, si notas sibi quis sistere, aut enumerare valeat, quæ sufficiunt ad rem repræsentatam *ubique & semper* agnoscendam, atque ab *omnibus* aliis distinguendam. 6. At si per notas recensitas res non *ubique & semper* ita discerni queat, dicitur

Incom-
pleta.

idea sive notio INCOMPLETA. v.g. Si dicas: *Homo est animal rationale*, habes ideam completam; incompletam vero, si dicas: *Homo est animal, implume, bipes*, non enim talis homo differt v.g. à Gallo Gallinaceo deplumato, ut ostendisse dicitur Aristoteles Magistro suo Platoni. 7. Idea DISTINCTA denique etiam evadit AD-

Adæqua-
ta.

ÆQUATA, si quis omnes rei perceptæ convenientes notas atque characteres perfecte ita intelligit, ut per alias iterum æque claras atque distinctas notas explicare potens sit. v.g. Si quis non tantum hominem per τὸ *animal rationale* ab omni alio, quod non est *homo*, secernit, sed etiam insuper *distincte* declarare sciat, quid per τὸ *animal* aut per τὸ *rationale* intelligendum sit? 8. Sin minus: ha-

Inadæ-
quata.

bebit tantum ideam INADÆQUATAM, utut de cætero *distinctam*. Penultima
sive

sive *adequata* Idearum formatio dicitur quoque NOTIONUM ANALYSIS, hoc est *idearum resolutio*, eoquod per eam *minima* quæque rei cognitæ *partes* resolvantur & examinentur, non secus ac *Anatomici* in dissecto ac resolutio corpore humano omnes illius arcanos recessus ac latebras perscrutantur. Ex his fluunt sequentia

XXXIII. COROLLARIA. I. Ad Regula
Ideam *claram* de re aliqua acquirendam requiruntur *sensus integri*. Nam discendi.
cæcus v. g. nequit colores *clare* percipere. II. Eo *clarius* fit idea, quo *plura* rei ejusdem *attributa*, & perfectiones dignoscuntur. III. Eo *plura* autem attributa in re *distinguntur*, quo *plures* & perfectiores *sensus* adhibentur. Id teste S. Scriptura fecit S. Patriarcha Isaac, nam ad Filium suum Esau à Jacob dignoscendum adhibuit *auditum*, *tactum*, & *olfactum*, attamen, quia *visus*) *sensus omnium præcipuus*) non erat integer, ideam *omnimode claram* habere non potuit. IV. Ideæ solummodo *clare* virum *doctum* non efficiunt, utpote quas cum *vulgo*, & cum *brutis* perfectis communes habet, sed debet conniti ad *distinctas*, *completas*, & *adequatas* acquirendas. V. Idea
uni

uni v. g. *hebetioris ingenii* satis *obscura*, potest alteri *perspicaciori* esse oppido *clara*, atque etiam *distincta*, ut contingit v. g. in *geometriae* studio. VI. *Obscuritatis* idearum causæ præcipuæ sunt: *Præcipitantia* *Judicii* de re nondum satis intellecta, *defectus* *attentionis*, *Passiones inordinate* *mentis*, nimia in percipiendo *celeritas*, si nempe re una necdum probe menti impressæ, transitus fiat ad alia *disparata*, vel etiam illi materiæ *connexa* objecta &c. Sed plura de his in *Log. parte II. prædica.* VII. Qui de re quapiam dicit se habere *distinctas Ideas*, debet posse *enarrare*, singillatim rei illius *notas & characteres*, secus tantum habebit ideas *confusas*. VIII. *Optimam* rei aut objecti cujusdam *notitiam* tenet, qui notionum, illi objecto competentium, *analysin* texere valet. IX. Hæc tamen de rebus *omnibus* nec potest nec debet institui, tum ob *sensuum* nostrorum *limitationem*, tum etiam ob rei, quandoque *evidentis*, & demonstratione nulla indigentis *claritatem*.

III.

EX EARUM NATURA, ET
CONSTITUTIONE.

XXXIV. **P**Ræter Ideas *phantasticas*
& *intelligibiles* (XXIX)
in quas Ideæ sub hac consideratione
etiam dividuntur, sunt adhuc: 1. Ideæ
simplices, quæ rem unam *simplicem*; Ideæ sim-
aut compositam *per modum unius re-* plices.
præsentant e. g. *ens*, *sol*, *homo* &c.
2. Ideæ *compositæ*, quæ rem *cum aliquo* Compo-
attributo exhibent ut *homo doctus*, aut sitæ.
ex quibus alias adhuc notiones sive
Ideas eruere licet, e. g. in Idea *homi-*
nis (si non pro libitu meo rem tantum
unam sub hac Idea velim mihi repræ-
sentare) adverto Ideam *animalis*, hoc
est, Ideam rei *principio sentiendi* prædi-
tæ: In Idea *animalis* denuo reperio
Ideam *substantiæ*, in *substantia* denique
Ideam *entis simplicem*. Similiter ad-
huc in eodem *homine* deprehendo
Ideam *rationalitatis* seu *principii ratio-*
cinandi &c. Adeoque *homo* ita *con-*
deratus ideam *compositam* mihi inge-
nerat. Tales Ideæ sunt etiam: *Do-*
mus, *exercitus*, *acervus lapidum*, &
quæ.

quæcunque repræsentant *res partibus constantes*. Sunt tamen, qui Ideam *simplicem* ita definiunt, quod sit *ea notio, quæ solis notis constat* (per *notas* vero intelligunt ea, quæ sunt rebus *intrinseca*, unde agnoscuntur, & a se invicem discernuntur) ut si *hominem* concipimus præcise tanquam *animal rationale*. *Notionem sive Ideam completam* econtra vocant, quæ præter *notas* alia, sive rei *intrinseca*, sive *extrinseca* complectitur. e. g. Si *homo* consideratur non præcise ut *animal rationale*, sed etiam ut *doctus, pius, dives, magnus, pulcher* &c.

Associatæ. XXXV. *Corollaria.* I. Ad Ideas *compositas* referendæ sunt Ideæ, ut vocant *associate*, sive Ideæ *longioris alicujus demonstrationis* (per *notionum Analysin* (XXXII.) quæ *in se* consideratæ *separate* quidem sunt, sed menti tamen *simul* usque præsentés fiunt, ita, ut si excitetur una, alia quoque *immediate* præsto sit. II. Idea non ideo dicitur *composita*, quasi ipsa ex *partibus* constet (cum *omnis perceptio* sit *simplex entitas*) sed quia per suam *simplicem entitatem* *plura objecta* repræsentat, atque sub *una* *notione* *componit*.

III.

III. Licet Ideæ *simplices* apud omnes homines sint *eadem*, Ideæ tamen *compositæ & associatæ*, maxime, quæ à *phantasia* vel *rationis arbitrio* proficiscuntur, non apud omnes sunt *eadem*; nam diversi homines, cum habeant *diverse capacitatis* mentes (XXXIII. V.) easdem res ex *diversis aspectibus* contemplari possunt ob varias, eas cognoscendi *internas*, aut *externas* occasiones & *causas* (Num. cit. VI.)

IV.

EX RELATIONE AD OBJECTA.

XXXVI. SUB hoc respectu 1. aliæ sunt ideæ *substantiarum*, aliæ *accidentium*, sive *modorum*, & aliæ *relationum*, quarum naturas & characteres delineare ad *Metaphysicam* spectat. 2. Aliæ rursus dantur ideæ *Idea vera vera*, scilicet eæ, quæ suo objecto & *falsa*, vere sunt *conformes*, seu quæ objectum repræsentant, *ut est*, aliæ *falsæ*, quæ objecto suo à parte rei non *correspondent*. Verum de his videatur in *Log. disputatrice*. 3. Ideæ *singulares* *Idea singularis*, sunt, quæ repræsentant objectum

D

unum

unum aliquod determinatum in indivi-
duo e.g. *Petrus, Paulus, vel hic ho-*
 Particu- mo. 4. *Ideæ particulares*, quæ rem
 laris. quidem *unam*, attamen *indetermina-*
tam indicant e.g. *aliquis homo*. 5. *Ideæ*
 Univer- denique *communes*, seu *universales*
 salia. rem, quæ *secundum naturam suam* de
pluribus affirmari potest, repræsen-
 tant. e.g. *Homo, brutum, arbor, flos. &c.*

Ideas sin- XXXVII. *Scholia. I. Ideæ singulares*
gulares cognoscuntur, tum ex nomine e.g.
 cogno- *Cajus, Titius*, tum ex demonstratione
 scendi ra- five pronomine demonstrativo *hic,*
 tio. *hec, hoc*, e.g. *hic homo, hæc arbor &c.*
 tum etiam ex *hypothesi* seu *suppositione*
 e.g. *Christi proditor (Judas) Princeps*
Apostolorum (Petrus) Mellifluus Do-
ctor (S. Bernardus) Doctor Seraphicus,
 aut *subtilis (S. Bonaventura & Sco-*
 Univer- tus) &c. II. *Idea universalis* triplex
 sale in assignatur a Scotistis, nempe 1. *in*
 causando. *causando* five *operando*, & dicitur ab
 illis unum *aptum ad causanda* five pro-
 ducenda *multa*, imo *omnia*, & hæc
 idea soli Deo competit, qui propte-
 rea appellatur *causa universalis*. 2. *In*
 In essen- *essendo*, five UNIVERSALE METAPHY-
 do. *sicum* nominant *unum aptum ad inexi-*
stendum in multis. Sic *natura humana,*

eadem specie, quæ est in Petro, *vere*
 & *a parte rei* *inexistit* in Paulo juxta
 Scotum, 3. *in representando*, sive *In repræ-*
 UNIVERSALE LOGICUM, quod est *sentando.*

unum aptum ad representanda, vel po-
 tius *significanda multa*, sive etiam
 quod est aptum, ut *prædicetur* vel *di-*
catur de multis, suntque nomina se-
 cundæ intentionis, ut vocant, quibus

intellectus universale Metaphysicum enun-
tat. v.g. *Genus*, *species* &c. de qui-
 bus *in sect. seq.* Nempe hi termini:

genus, *differentia*, *species* &c. si præ-
 cise ut termini considerentur, dicun-
 tur *universale Logicum*. Si vero se-

cundum sua *substrata*, id est, secun-
 dum id, quod *a parte rei* per eos
 vere *enuntiatur* (non tamen ut *res*,

sed ut *realitas*, seu *conceptus objecti-*
vus &c.) à Scotistis vocantur *univer-*
sale Metaphysicum. De quo *in Me-*
taphysica. III. In idea universali spe-

ctari debent 1. EXTENSIO. 2. COMPRE-

HENSIO. Ad secundam eæ pertinent *Compre-*
hensio.

note, quarum una deficiente, ipsa
 deficiat necesse est, sive sunt *predi-*
cata rei essentialia. Sic v.g. ad *hominis*

comprehensionem physice à Scotistis spe-
 ctare dicitur *anima* & *corpus*, *meta-*
physice autem animalitas & *rationali-*
tas.

tas. Ad primam pertinent inferiora, ad quæ repræsentanda idea universalis se extendit v. g. ad extensionem ejusdem hominis spectant Petrus, Paulus, Andreas, Titius, Cæsus, & omnia alia individua, quæ sub hoc respectu inferiora vocantur.

Ideæ universales
fiunt per
abstractionem.

XXXVIII. Corollaria. I. Ideæ singulares, cum sint de rebus actu & determinate existentibus (nil enim præter singularia physice existit, ut apud omnes in confesso est) formantur ope sensuum: Ideæ vero universales (cum extra singularia actu non existant, uti itidem omnes concedunt) fiunt tantum per abstractionem, seu præcisionem mentis (abstrahimus autem, cum unum sine altero, cui illud realiter identificatum est, concipimus & quasi ab eo præscindimus) v. g. Ideam Ratisbonæ sensu (per visum scilicet) acquirimus, quia est urbs singularis; & in individuo existens: at ut ideam universalem urbis in genere nobis formemus, sensus non sufficit (cum genus aut species extra singularia non existant) sed opus est, ut plures civitates in individuo inter se in mente conferamus e. g. Augustam, Herbipolim,
Con.

Constantiam, Uberlingam, Argentoratum &c. easque proprietates, in quibus prædictæ urbes singulares perpetuo conveniunt, seorsim consideremus, indeque nomen Urbis genericum à singularibus abstrahamus. II. Porro abstractionis seu præcisionis à Scotistis duplex præcisio formalis. I. Formalis seu ex parte intellectus, quando præcise intellectus noster aliquid ab altero præscindit, seu abstrahit, quod tamen à parte rei tam realiter quam formaliter, sive ex toto conjunctum est v.g. si quis hominem tanquam definitum abstrahit ab animali rationali tanquam illius definitione, aut ense à gladio &c. 2. Objectiva seu ex parte objecti, aut Et objectiva. rei, in qua concipitur unum sine altero, quorum quidem neutrum se solo existere potest, unum tamen à parte rei aliam habet realitatem seu conceptum objectivum, quam alterum, talis juxta Scotistas est præcisio animalitatis seu principii sentiendi, à rationalitate, seu principio ratiocinandi. Sed plura de hoc in Metaphysica.

XXXIX. Ex relatione ad objecta dantur adhuc aliæ ideæ. Nempe I. Intuitiva.

- TUTIVA, qua rem in individuo *existentem* in se ipsa attingimus, atque etiam *intuemur*, ut v. g. *florem præsentem*. 2. ABSTRACTIVA (de qua diximus n. præc.) ut v. g. *flos* in genere. 3. DIRECTA, quæ repræsentat objectum ipsum *primo* in se v. g. *arbor*. 4. REFLEXA, quæ tendit in illam ipsam notionem *directam* v. g. explorando ac in mente *ruminando*, an sit conformis rei repræsentatæ? 5. ABSOLUTA, quæ rem menti objicit *sine connexione* cum aliquo altero v. g. *Mensa, liber*. 6. RELATIVA quæ *cum connexione aliqua* objectum indicat e. g. *Pater, Filius, Servus, Dominus*, non enim adæquate *Pater* ut *Pater* cognosci valet, quin simul *connexio* sive *idea filii* ingeneretur &c.

SECTIO II.

DE DIVISIONE IDEARUM UNIVERSALIU JUXTA PORPHYRIUM, SIVE DE QUINQUE PRÆDICABILIBUS.

Porphy- XL. PORPHYRIUS natione Judæus, rius Au- postmodum Christianus, & stor præ- denuo Apostata, secta Platonius, at- dicabi- que lium.

que Origenis condiscipulus, in gratiam adolescentis cujusdam Romani, nomine CHRYSOARII, sæculo Christi tertio scripsit εἰσαγωγήν, sive brevem quamdam introductionem ad Aristotelis *Categorias* (de quibus in sect. IV.) in qua supplere, vel potius prævie explicare voluit scitu necessaria, quæ in ὀργάνῳ, sive *Logica* Aristotelis deesse videbantur. Statuit vero ibi quinque idearum universalium species, quæ in scholis dicuntur *quinque predicabilia*, à predicando (quia modum exhibent, quod attributa seu prædicata pluribus communia de aliqua re possunt predicari) & sunt 1. Genus. 2. Differentia. 3. species. 4. Proprium. 5. Accidens.

XLI. GENUS à Prophyrio dicitur *attributum universale, quod multis speciebus convenit, ad questionem factam, quid res sit? tanquam pars essentie communior.* e.g. animal convenit homini & bruto tanquam diversis speciebus ad questionem factam, *quid res sit?* estque pars essentie humanæ & belluinæ communior, & prædicatur de illis, ut ajunt, in quid incomplete. Scilicet in

Genus.

quid, five ut *substantivum*, incomplete, quia ut *pars*. Ab aliis *genus*, prout spectatur in rebus, dicitur *multitudo specierum*, quæ habent aliquid commune secundum essentiam. Vel adhuc brevius: *Similitudo specierum*. Sic animal in rebus est *homo*, *leo*, *equus* &c. adeoque *genus* continet sub se *species*, & est totum aliquod potentiale respectu illarum, quod à Latinis vocatur *omne* (quia per τὸ *omnis* enuntiatur) *species* vero dicuntur *partes subjective* generis five *inferiora*.

Totum
potentia-
le.
Partes
subjecti-
væ.

Genus
supre-
mum.

XLII. Est autem *genus*, magis vel minus generale pro varietate *extensionis* (XXXVII. III.) unde & triplex *genus* communiter statuitur. 1. *Supremum*, quod nullum aliud habet *genus* supra se, ut *substantia* in arbore *Porphyrii* (sect. seq.) 2. *subalternum*, quod est *genus* respectu inferioris, & *species* respectu superioris, ut *corpus* vel *vivens* in eadem arbore; nam *vivens* v. g. respectu animalis est *genus*, & respectu corporis est *species*. 3. *Infimum*, sub quo *genus* aliud non reperitur, sed sola *species* ut *animal*, sub quo immediate ponitur *homo* tanquam *species*.

Subalter-
num.

Et infi-
mum.

XLIII.

XLIII. DIFFERENTIA dici solet at- Differen-
tributum pluribus conveniens sub eodem tia.
genere positum tanquam pars essentia spe-
cialior: vel est attributum essentiale &
primarium, quo una species ab alia se-
jungitur, sive quod respondetur ad quæ-
stionem factam, quale est quid essentiali-
ter? e. g. si quæritur quid sit homo?
respondetur, ipsum esse animal (XLI)
quod est ipsius genus. Deinde si quæ-
ratur: Quale sit animal? respondetur,
esse rationale, quæ est differentia, &
enuntiatur per adjectivum, à quo re-
stringitur & determinatur τὸ animal,
unde etiam in scholis genus dicitur
determinabile, & differentia denomi-
natur determinativa, seu determinans.

XLIV. Scholia I. Differentia gene-
ratim quidem est omne id, quo unum
differt ab alio, in specie autem, sive
speciatim triplex est. I. Essentialis,
quæ etiam specifica dicitur, & de hac
loquitur allata definitio (n. præc.)
2. propria, & appellatur proprium, de
quo mox (XLVII.) 3. accidentalis,
quæ spectat ad accidens (XLVIII.)
II. Differentia essentialis rursus du- Differen-
plex est. 1. Divisiva generis, quæ nem- tia divi-
pe cum alia differentia opposita di- siva.

Et consti-
tutiva.

vidit genus e. g. *rationale & irrationale* dividunt *animal*; *corporeum* vero ac *incorporeum* dividunt *substantiam* in arbore Porphyrii (sect. seq.) 2. *Constitutiva cum genere*, quæ scilicet cum *genere*, quod dividit constituit *speciem* e. g. *differentia rationale* cum *genere animal* constituit *hominem* tanquam *speciem* &c. (fig. 1.)

Species. XLV. SPECIES est attributum, quod multis individuis sive singularibus convenit, ad questionem factam, quid res sit? tanquam tota rei essentia: sive quod de pluribus individuis enuntiari valet in quid complete, hoc est, quoad totam essentiam. Sic prædicatur τὸ homo de Petro, Paulo, Andrea, & cæteris singularibus; quia si quærat, quid sit Petrus? respondetur, quod sit homo, & ex hoc substantivo tota Petri essentia intelligitur. Hinc species secundum id, quod datur in rebus, sit multitudo singularium, quorum essentia est eadem; vel brevius: Est similitudo individuorum. Sic enim, licet Petrus, Paulus &c. in multis à se invicem differant, in hoc tamen à parte rei perpetuo conveniunt, quod sint homines, adeoque per hoc constituunt speciem

speciem humanam, conceptus vero iste seu vox: *species* (tanquam terminus logicus, sive ut vocant, *secundæ intentionis*) repræsentans naturam omnibus singularibus communem, etiam juxta Scotistas fit solum *per intellectum præscindentem* (XXXVIII.) Attamen ejus *substratum* (sive id quod sub illa voce vere latet, quoad suam *realitatem*, seu *conceptum objectivum* &c.) dari etiam *nemine cogitante* continentur (XXXVII. II.) dum in sua *Metaphysica* docent, *naturam communem dari à parte rei*.

Datur à parte rei quoad substratum terminorum minorum logico-
rum.

INDIVIDUUM seu SINGULARE in scholis dicitur, *quod dividi non potest in plura talia, quale ipsum est*. e. g. Petrus non potest dividi in plures Petros, licet dividi possit in plures partes, & per hoc volunt differre *individuum* ab *indivisibili*, quod ultimum nec in partes dividi potest. Ab aliis *individuum* dicitur, *quidquid sub sensu cadit, sive externos, sive internos aut imaginationem* (XXXVIII.) ab aliis, *quod non habet sui simile*, vel denique *ens omnimode determinatum*: *determinationes* vero illæ, quibus unum *individuum* saltem *externe* ab altero discernitur, sunt sequentes:

Individuum.

Individuationis principium externum.

For-

*Forma, figura, locus, tempus, stirps,
Patria, Nomen.*

Et inter-
num.

Dixi: *Saltem externe seu physice &c.* nam Scotistæ in sua Metaphysica aliam adhuc admittunt *determinationem intrinsecam* (*hæcceitatem* vocant) naturæ communi superadditam, per quam eadem *intrinsece* fiat *hæc*, seu *singularis*, cum *de se* sit *universalis*.

Species
constitui-
tur ex
genere
& diffe-
rentia.

XLVI. *Corollaria.* I. Species *ge-
nere & differentia* continetur, sive, quod
idem est, *differentia addita generi con-
stituit speciem.* e. g. *Rationale* additum
animali constituit *hominem*. Unde *spe-
cies* quoque bene definitur, quod sit
*prædicatum genere & differentia constans,
pluribusque conveniens tanquam tota rei
essentia.* II. Species eo fere modo,
quo *genus* (XLII) dividitur in *supre-
mam, subalternam, & infimam.* 1^{ma} est,
quæ generi *supremo* (*substantiæ*) imme-
diate subjicitur, & solum *respectu il-
lius* est *species*, respectu autem cæte-
rorum omnium verum *genus* consti-
tuit, ut *corpus.* 2^{da} dicitur ea, quæ
genus est respectu *inferioris*, & *species*
respectu duorum aut plurium gene-
rum *superiorum*, ut *vivens*, vel *animal.*

Species
suprema,

Subalter-
na,

3^{tia}

3tia denique *atoma* (à voce ἄτομος Et infima.
individuus) seu *minima species* est, quæ
 sub se nullam aliam continet *speciem*,
 sed *sola individua* ut *homo*, qui conti-
 net *Petrum*, *Paulum* &c. Duæ porro
 priores species appellantur etiam *spe-*
cies subijcibiles, & pertinent ad *genus*
 (XLII) & *sola postrema* peculiare uni-
 versale, quod dicitur *species*, consti-
 tuit, estque totum *potentiale* respectu Totum
individuorum, eo quod sub se habeat potentia-
individua tanquam *partes subiectivas* le.
 (XLI) quodlibet autem *individuum* Partes
 denominatur *totum actuale*, id est: ta- subiecti-
 le, quod *actu* omnes in se partes ha- væ.
 bet, ut v. g. *Petrus* habet in se cor- Totum
pus & *animam*. III. Illa, quæ ad con- actuale.
 stituendam *speciem* concurrunt, in scho-
 lis dicuntur *essentialia*, item *forma rei*,
esse rei, sive uno verbo *quidditas*, sine
 qua scilicet nulla habetur *comprehensio*
 (XXXVII. III.) & qua posita ponitur,
 & qua sublata tollitur quævis res.

Essentia-
lia rei.

XLVII. PROPRIUM 4 modis dicitur Propri-
 apud Porphyrium. 1. Quod conve- um.
 nit certæ alicui speciei *soli*, sed non
omni, id est, non omnibus illius spe-
 ciei individuis. e. g. *Esse Philosophum*
competit soli homini, non vero *omni*.

2. Vice

2. Vice versa, quod convenit *omni*, sed *non soli* certæ speciei. Sic *omni* homini proprium est, *duos habere oculos & pedes*, at *non soli*, nam etiam *avis* id convenit. 3. Quod *omni & soli* speciei commune est, sed *non semper*. e. g. *Omni & soli* homini competit *ridere & sermocinari*, non tamen homo *semper* actu *ridet* aut *sermocinatur*. 4. Denique quod *omni & soli* speciei convenit, & *semper*. Sic *posse ridere*, aut *posse ratiocinari*, *posse sermocinari* &c. homo proprium habet. Et in hoc ultimo sensu proprium definitur esse *attributum universale secundarium* (*genus & differentia sunt attributa primaria*) quod *prædicatur de aliquo*, tanquam *immediate fluens ex ipsius essentia*, & *necessario competens illi speciei*, sub qua ipsum continetur, *omni, & soli, & semper*. Diciturque propterea etiam *proprietas quarto modo*. Talis in homine *proprietas est capacitas ad scientias*, utpote quæ *ex illius essentia immediate fluit*, & *omni, solique homini continuo competit*.

Proprie-
tas quar-
to modo.

Accidens. XLVIII. **ACCIDENS** est *predicatum universale secundarium, commune pluribus subjectis, quibus tantum contin-
genter*

gener inest, vel ut loquitur Porphyrius, est id, quod adest vel abest sine subiecti, quod afficit, & cui inheret, corruptione. e. g. Albedo, vel actualis doctrina, aut pulchritudo &c. in homine.

Accidens dividitur 1. in separabile, Separabile. quod vel actu separatur, vel saltem separari potest à suo subiecto, ut albedo à muro. 2. In inseparabile, quod Inseparabile. non ita separari potest. e. g. Nigredo à corvo. 3. Extrinsecum, quod rem Extrinsecum. tantum extrinsecus denominat, & vocatur denominatio externa. Sic v. g. murus denominatur visus ab hominis visione, quæ est muro extrinseca. 4. Intrinsecum, quod in ipsa re, vel subiecto recipitur, ut intellectio, & volitio respectu anime, aut quantitas, motus, quies, figura &c. respectu corporis, ut Philosophi moderni loquuntur. Intrinsecum.

XLIX. Scholia. I. Quandoque, si Substantia potest etiam concipi potest tanquam accidens. quandoque dici accidens. e. g. Si concipitur homo vestitus, tanquam quid compositum ex homine & vestibus, licet de se vestes substantie sint, hic tamen respectu hominis solummodo ad quintum universale pertinent. II. Accidens

Accidens inseparabile differt à proprio in hoc, quod proprium possit convertibiliter prædicari cum specie, non verò *Accidens inseparabile*. Sic bene dicitur, *omnis homo est scientiarum capax*, & vice versa: *Omne scientiarum capax est homo*. Ast non valet. *Omne nigrum est corvus*, licet vere dici queat: *omnis corvus est niger*.

SECTIO III.

DE ARBORE PORPHYRIANA ET CARTESIANA.

Quid sit
arbor
Porphy-
riana?

Substan-
tia prima.

Substan-
tia secun-
da.

L. PORPHYRIUS (XL) clarum, ac memoriæ opportunum specimen Discipulo suo CHRYSOARIO eorum exhibiturus, quæ de genere, specie, & differentia ipsum edocuerat, in sua ISAGOGE sequentem Arborem Statuit, (Fig. I.) in qua 1. ab aliquo individuo scilicet Paulo (quod individuum *substantia prima* ab eo dicitur) tanquam ab Arboris radice ascendere licet ad speciem (Homo) ab hac ad genus infimum (animal) subalternum (vivens, corpus) ac tandem ad genus summum: *substantia*: quæ *substantia secunda* à Porphyrio



20

25

10

physi
sunt
bra
re, et
speci
anim
alte
rep
mix
meo
Ar
indi
corp
phys
tant
bilit
ne a
dire
bor
ut
cat
que
co
id,
nu
tui

defi.
gum

phyrio vocatur) 2. à latere positæ sunt *differentiæ* (XLIII) tanquam membra & partes totius, quæ ex uno latere, cum suo genere constituunt totum seu speciem, v. g. rationale cum suo genere animal, conficit speciem homo &c. Ex altero autem latere negant speciem, cui repugnant. e. g. Irrationale negat hominem, cui repugnat. 3. Quæ sunt in media linea, dicuntur *directe* posita in Arbore ista, & quæ ab utroque latere, *indirecte*, partes denique vel *physicæ*, ut corpus & anima in homine, vel *metaphysicæ*, ut animalitas & rationalitas &c., tantum *reducive* ad Arborem prædicabilem spectant, scilicet nonnisi ratione alterius, quod in ea *directe* vel *indirecte* ponitur, unde corpus hic in Arbore non sumitur ut pars hominis, sed ut *tantum* *potentiale* sive genus (XLI) Prædicatum ceterum *directa* prædicatio est, si illud, *tio* quod *latius* patet, prædicatur, ut si *Directa*, dico: homo est animal. *Indirecta* vero si & *indirecta*, quod *latius* est, *subjicitur*, & *mi-æta* nus late patens in loco prædicati ponitur: e. g. Aliquod animal est homo.

LI. Inservit autem hæc Arbor tum *Ufus ar-* definitioni, tum *diviſioni*, tum etiam *arboris Por-* gumentationi faciendæ. Nam 1. Si *ge-phyria-* *neri* *na.*

neri in linea media posito, v. g. animal
 conjungitur *differentia*, ab uno latere po-
 sita (*rationale*) prodit definitio homi-
 nis, nempe: *homo est animal rationale*.
 Item *animal est vivens sensitivum* &c.
 2. Si genus in suas *differentias* ab utro-
 que latere positas, dividatur, adest di-
 visio v. g. *Substantiæ* in *corpoream*, & in-
corpoream; *corporis* in *animatum* & in-
animatum &c. 3. *Argumentatio* proce-
 dit, si de individuo seu *substantia* prima,
 scilicet Paulo, prædicentur tum genera
 omnia, supra ejus *speciem* posita, usque
 ad genus supremum, seu *substantiam* secun-
 dam; tum horum quoque generum
differentiæ constitutivæ; repugnantes ve-
 ro de eo negentur e. g. *Paulus est ho-*
mo: ergo est rationalis: ergo est sensiti-
vus: ergo est animatus: ergo est corpo-
reus. Postmodum à contrario poterit in-
 ferri: *Plato est homo: ergo non est ir-*
rationalis: ergo non est insensitivus &c.

Crisis Re-
 centio-
 rum in
 arborem
 Porphy-
 rianam.

LII. Displicet nihilominus Arbor
 Porphyrii Philosophis Recentiori-
 bus, non solum, quia ille ut ethnicus,
 cum Platone admisit δαίμονας DEOS,
 Lares sive Spiritus, quos ab homine per
 differentiam: immortalis: distinxit, ho-
 minique spiritum mortalem attribuit (in
 quo

quo utique contra veræ fidei principia gravissime erravit, nec ab ullo unquam Christiano Philosopho in hac parte assensum tulit) sed etiam aliis, & quidem tribus potissimum de causis.

1. Quia (ut modo illa arbor passim depicta videtur) in ea nec ponitur *Deus*, nec alii *Spiritus* quicunque. 2. Quo-

niam *τὸ Homo* ponitur ibi tantum sub genere *animal*, cum tamen etiam ratione *animæ* (tanquam *partis nobilioris*) deberet poni *sub Spiritu*. 3. Denique

quia in altera linea collateralis, ponuntur meræ *differentiæ negativæ*, per quas nulla rerum species (quarum quælibet ens est *positivum*) constitui potest. Ast Respondent Peripatetici ad

imum, DEUM sub nullo genere contineri, cum non habeat *conditiones requiritas* ad hoc, ut inter *predicabilia* referri possit, quæ juxta ipsos tantum ejusmodi entia esse debent, de quibus verificetur istud Hexametrum,

Entia per sese, finita, realia, tota.

DEUS ergo (inquiunt) cum non sit ens *finitum*, nequit *arborem Porphyrianam* ingredi. Alios vero *Spiritus* asserunt poni in Arbore per *differentiam collateralem incorporea*,

Respon-
siones.
Peripate-
ticorum.


Ad 2dum admittunt, quod Porphyrius non intenderit dare plenariam divisionem substantiæ, sed tantum ideam doctrine, Discipulo suo de genere, specie, ac differentia, traditæ.

Ad 3tium dicunt, differentias illas esse tantum negativas secundum voces, secundum rem vero esse positivas, cum sint negationes inseparabiles, sicut v. g. negatio irrationalitatis in homine, est aliquid positivum, scilicet ipsa rationalitas, cum duplex negatio sit formalis affirmatio.

Arbor
Cartesia-
na.

Recentiores vero istas Peripateticorum responsiones, præsertim primam & secundam, putantes esse arbitrarias, & infantie præjudiciis nimium addictas, Duce Cartesio, ejusque sectatore Purchotio, aliam statuunt arborem fig. II. (quæ ab aliis propterea etiam Cartesianæ, ab aliis vero Purchotianæ dicitur) in eaque poni asserunt Coordinationem generum & specierum omnium, quæ sub genere supremo entis continentur, & consequenter ea, quæ in arbore Porphyriana desunt, ibi adæquate suppleri.

Atta-



L 3

disct,

1-

De

vul
P. l
nea
que
me
pri
posi
pos
nu
rib
coa
cor
cia
ut
gen

Ca
na

Di

L

run
pai
bis
loc

Attamen in hac quoque Arbore næ-
vum reperit Cl. P. Fort. a Brix. Log.
P. I. n. LXVIII. ubi negat plane ido-
neam esse *substantiæ* divisionem, eo-
quod *corpus* in *vivens* & *non vivens* im-
mediate dividatur, illud enim (inquit)
primo dividendum est in *simplex* & *com-*
positum, & tunc primum *corpus com-*
positum in *vivens* & *non vivens*, cum
nullum sit *corpus vivens*, quod ex plu-
ribus *natura diversis* intrinsecus non
coalescat. Adde, quod *prima* etiam
corporum principia debeant esse *simpli-*
cia, ne detur processus in infinitum:
ut modo passim in *Cosmologia*, & *Physica*
generali docetur.

SECTIO IV.

DE PRÆDICAMENTIS, SEU CA- TEGORIIS VV. PHILOSO- PHORUM.

LIII. **P** RÆDICAMENTA (græce *Πραδικα-
μεντα*) sunt *varie re-menta*.
rum classes, ad quas unaquæque *res* in
particulari, qua mente concipi aut ver-
bis exprimi valet, tanquam ad proprium
locum referri, atque per hoc ordinate ad-
disci,

disci, ac distincte predicari valet. Ea differunt à predicabilibus per hoc, quod predicamenta exprimant ipsa substantiæ singularis attributa omnia, quæ enunciari queunt, predicabilia vero modum tantum, quo attributa enuntiantur (XL) Archita Tarentinus antiquissimus Philosophus, omnium primus decem statuisset dicitur ejusmodi classes sive *predicamenta*, quem numerum non modo Aristoteles, sed etiam alii omnes post ipsum Philosophi antiquiores receperunt. Sunt autem sequentia 1. *Substantia*. 2. *Quantitas*. 3. *Relatio*. 4. *Qualitas*. 5. *Actio*. 6. *Passio*. 7. *Ubi*. 8. *Quando*. 9. *Situs*. 10. *Habitus*, quæ pro memoriæ adjumento per exempla (vel saltem *signa*) declarantur isthuc noto disticho:

Substantia. quantitas. relatio. qualitas.

Arbor sex servos ardore

actio. passio.
refrigerat uistos.

ubi. quando. situs. habitus.
Ruri cras stabo, cum tunicatus ero.

LIV. Corollarium. Si dicta decem Proprie sunt tantum duo.
 prædicamenta bene animo perlustrentur, dici potest, quod *due* tantum
 principiales sint *predicamentorum* clas-
 ses, scilicet *substantia* & *accidens*. Nam
 vel res aliqua *per se ipsam independenter*
ab alia existit, & erit *substantia*, vel
alteri inheret, atque ab eo sustentatur,
 & erit *accidens* (XLVIII) quod in no-
 vem denuo classes subdividitur. Hoc
 nempe *accidens* 1. vel ita *afficit sub-*
stantiam, ut fiat corpus aliquod *im-*
penetrabile, id *extendendo*, & *palpabile*
reddendo, & erit *quantitas*. 2. Vel si-
 gnificat *ordinem ad aliud*, & est *rela-*
tio. 3. Vel *accidentali quadam perfe-*
ctione ornat, & erit *qualitas*. 4. Vel
substantiam operari notat, & est *actio*.
 5. Aut illam *pati*, & *passio* nomina-
 tur. 6. Vel *substantiam in loco esse*
ostendit, & erit *ubi*. 7. Vel *ad tem-*
pus eam refert, & est *quando*. 8. Aut
ordinem vel dispositionem partium in ipsa
substantia representat, & erit *situs*.
 9. Vel denique *indumentum corpori ap-*
plicatum, & *habitus* vocatur. De sin-
 gulis genuinas *Peripateticorum*, tum
 etiam ex parte, *Neotericorum* defini-
 tiones afferre juvat. Igitur

Substan-
tia.

LV. SUBSTANTIA in scholis dicitur *ens per se existens*, id est, *non inherens* alteri. Tale ens v. g. est *DEus*, *Angelus*, *Lapis* &c. illi opponitur ACCIDENS, quod solum existit *in alio*, ei-que *inheret*: ut v. g. *doctrina* in homine (XLVIII) *substantia* semper prædicatur *in recto* seu casu *nominativo*, *accidens* vero *in obliquo* (seu cæteris casibus extra Nominativum) e. g. *Hoc ens est DEus*, *est Angelus*, *est lapis* &c. e contra male diceretur: *hic homo est doctrina*, sed dici debet: *hic homo*, seu *hoc ens est habens doctrinam* &c. & per hoc *substantia* ab *accidente* facile discerni potest. Alia porro est *substantia spiritualis*, ut *DEus*, *Angelus* &c. alia *corporea*, ut *homo*, *brutum* &c. Ulterior *substantie* divisio videri potest in *arbores Cartesiana* (fig. II.) quid vero *substantia prima* sit aut *secunda*, dictum est (L)

Putat Cl. P. Fort. à Brix. per *substantiam* hic non intelligi à Peripato *ens per se existens*, sed *specificam naturam*, sive *essentiam* individui substantialis, utpote. cujus attributa in hac prædicamentorum serie recenseantur & explicentur. *Prædicamentalem* itaque *substantiam*

stantiam ipse definit Log. p. I. Sect. VI. N. LXXIV. esse id, quod respondetur quærenti, quid essentialiter sit res quævis individua, seu quid sit illud subiectum nobis ignotum, in quo sunt affectiones & proprietates nobis notæ? Atque ex eo quidem capite istam definitionem ponit, quia essentia rei cujuscunque (ut in Metaphysica docetur) est primum, quod de re quæritur, omniumque rei attributorum subiectum, principium, atque origo.

Substantia rursus aliter à Recentioribus definitur Philosophis, nempe à Wolfio: Subiectum perdurable & modificabile: à Leibnitio vero dicitur ens, quod principium suarum mutationum (id est accidentium) in se continet. Et quadrat certe hæc definitio pro substantiis creatis, non vero pro DEO sive substantia increata (utpote qui nullum in se accidens proprie dictum continet) sic v. g. granum tritici est substantia, quia si mittatur in terram, in prima sui mutatione accidentali, ex eo fiet spica, hæc per molendini rotas in gyrum actas, secundo mutabitur in farinam, tum ex farina in panem, ex pane ab homine in ventrem demisso, in Chylum, ex

chylo in sanguinem vel carnem, ex carne in vermes, ex vermibus in pulverem sive terram &c. continua vicissitudine abibit.

Substan-
tiæ pro-
prietates.

Sex substantiæ proprietates Aristoteles recenset, quarum duæ præcipuæ memorandæ sunt 1. quod substantia nihil sit contrarium, quatenus substantia est: Sic aqua v. g. ignis non est ex se contrarius, sed ob sua accidentia, nempe ob calorem, siccitatem &c. per quæ dignoscitur substantia, qualis sit, ideoque ejusmodi accidentia in scholis qualitates vocantur. 2. Quod substantia non recipiat magis aut minus. Sic v. g. unus homo, non est magis homo quam alter, ex sua substantia, licet differant duo homines inter se ob varia accidentia, & diversas determinationes externas (XLV.)

Quantitas.

LVI. QUANTITAS (inter omnia accidentia primum) definiri in scholis solet: *Accidens absolutum, faciens, ut una substantia cum altera pariter quanta in eundem locum penetrari nequeat.* Aliam vero quantitatis definitionem affert Cl. P. Fort. à Brix. dicens, quod ea in genere sit tale attributum, penes quod
duo,

duo, si inter se mutuo comparentur, equalia vel inequalia dici solent. Cui quoad sensum consonat quoque ista Purchottii, quod sit *mensura*, seu *Modus magnitudinis*, & Wolfii, qui illam vocat *discrimen internum similitum*, hoc est, quo similia, salva similitudine, intrinsece differre possunt.

Plures assignantur quantitatis species. 1. *quantitas perfectionis*, quæ consistit in serie Perfectionum majorum vel minorum, enti competentium, in quo sensu vel ipse DEUS dicitur *quantas* (nempe eminenter) & omnia entia perfectionem habentia. 2. *Quantitas virtutis*, sive *major*, *minorve extensio active potentie*, ut si dicimus, solis vim magis influere in sublunaria, quam alterius cujusque sideris aut planetæ, adeoque ipsius *virtutem*, seu *potentiam activam*, esse *magis quantam*, quam aliorum Astrorum. 3. *Quantitas molis* sive *magnitudinis*, nimirum *entitativa corporum extensio*. 4. *Quantitas discreta* sive *numerica*, vel *multitudinis*, cujus partes sunt *multæ*, id est, quæ à se mutuo *sejunctæ* re ipsa sunt, vel ut *sejunctæ* spectantur, quales sunt *numeri Arithmetici*. 5. Denique *quantitas continua* est, cujus partes sunt *continue*, sive *conjunctæ*.

Æ. Eaque rursus vel est *successiva* vel *permanens*. 6. *Successiva* dicitur, cujus partes non actu simul adsunt, sed in perpetuo fluxu *successivo* consistunt, ut se habent *variæ motuum & temporum species* v. g. *Annus, Mensis, Dies, Hora &c.* motus tamen à quibusdam ad *qualitatem* potius, quam *quantitatem* reducitur, eoquod & ipse suam habeat *quantitatem*, ut in *Phyfica* docetur. 7. *Quantitas permanens* illa vocatur, cujus omnes partes *simul* existunt, ita, ut *tripliciter mensurari* queant, scilicet vel secundum *longitudinem* tantum (quæ *dimensio linea* appellatur) vel secundum *longitudinem & latitudinem* simul (quæ *superficies*) vel secundum *longitudinem, latitudinem, ac profunditatem* (quæ *soliditas* sive *corpus solidum* dicitur) de qua mensura triplici agunt *Geometræ*, non quod ulla sit *longitudo sine latitudine*, vel *longitudo & latitudo sine profunditate*, sed quod spectari possit *longitudo* unius corporis seorsim ab ipsius *latitudine*, vel *longitudo & latitudo sine profunditate*. Et talem quantitatem *permanentem* ac *triplicem dimensionem* naturaliter habent omnia corpora sub tactum cadentia v. g. *Mensa, Liber, Arbor, &c.*

Tres

Tres sunt quantitatis proprietates juxta Aristotelem. 1. *Non habere contrarium*, nam quantitas non est contraria alteri quantitati, ut *substantia*, non est contraria alteri *substantiæ*, ratione sui (LV) sed tantum ratione suarum qualitatum. 2. *Non recipere magis & minus*; etenim quantitas una non est magis aut minus quantitas quam altera, licet esse possit major vel minor quantitas. 3. Res tandem per quantitatem dicuntur *æquales* vel *inequales*. Sic v. g. lignum *bipalmare* alteri ligno itidem *bipalmari* dicitur *æquale* in longitudine, econtra si alterum sit *tripalmare*; tunc illud prius huic dicitur *inequale*;

LVII. QUALITAS (ut est secundum accidens predicamentale) in scholis definitur, quod sit forma accidentalis; denominans rem; qualis sit. Adeoque secundum qualitatem res denominantur *quales*, seu potius *tales*, aut *tales*. Porro qualitas alia est *spiritualis*, ut *gratia sanctificans*, & *Character sacramentalis*: Hæc spectat ad Theologos. Alia est *corporea*, quæ rursus ab Aristotele dividitur in quatuor species bimembres, suntque 1. *habitus*, & *dispositio*. 2. *Potentia naturalis*, & *impotentia*. 3. *Passibilis*

bilis qualitas; & passio. 4. *Forma & figura.* Agamus de his, in quantum hic necesse est.

Qualitatis
quatuor
species.

Habitus est operandi facilitas, ipsi potentie operanti superaddita, atque à subjecto, cui inest, non facile mobilis. Unde illud axioma: habitus est altera natura. Ut sunt v. g. habitus saltandi, ludendi, argumentandi &c. Si autem habitus nondum sit firmiter radicans, dispositio tantum nominatur. De cætero omnis omnino habitus, modo descriptus, naturaliter acquiritur tantum per actus frequentatos: dantur autem & habitus supernaturales, qui à solo Deo infunduntur, & per quos non tantum faciliter, sed etiam simpliciter, ad hoc vel illo modo agendum apti reddimur, ut sunt habitus Fidei, Spei, & Charitatis &c. Sine quibus nemo meritorie operari valet, ut loquuntur Theologi.

Potentia naturalis est aptitudo, vel, ut alii loquuntur, vis à natura rebus indita ad agendum seu aliquid producendum (& in hoc sensu dicitur potentia activa) aut ad patiendum, seu aliquid recipiendum (sicque vocatur potentia passiva) si autem illa vis & aptitudo sit pror-

prorsus *infirmas*, appellatur *impotentia* seu *infirmas*. Porro *active* potentia *actus*, est ipsemet *effectus*; *passive* vero *actus*, est *forma* denominans passum, seu est id, quod recipitur. Sic v. g. intellectus tanquam *potentia activa*, producit *intellectionem* pro *actu* suo, si autem consideretur ut *potentia passiva*, sive *recipiens*, tunc eandem illam *intellectionem* in se recipit velut *formam*, per quam denominatur *intelligens*. Qualitates patibiles, seu potius *sensibiles* sunt, quæ *sensu* percipiuntur, & quidem aliæ sunt *in ipsis sensibus*, ab *objecto* diffusæ, ut v. g. *sonus*, *color*, *odor* &c. Aliæ sunt *in ipsis objectis*, & efficiunt *impressiones* in *sensu* e. g. *durities*, *scabrities*, *viscositas* &c. Si ejusmodi qualitates cito transeunt, vocantur *passiones*, ut v. g. *rubedo* in *vultu* erubescantis.

Figura est *terminus quantitatis*, ultra quam non extenditur *quantitas*, ut v. g. *Rotunditas* in *globo*, *figura quadrata*, *Elliptica* &c.

Forma hic sumitur pro ea *dispositione* partium, quæ *subjecto* de se, & ex *natura* competit. e. g. *Pyramis igni*, *sphæra*
aque

aque &c. Ut Peripatetici loquuntur. Vel forma etiam appellari potest, *apta dispositio lineamentorum corpori competentium.*

LVIII. Scholion. Qualitas corporea à Schola Subtili plerumque definitur, quod sit tale accidens. ratione cuius subiectum potest intendi vel remitti. Tunc autem intendi dicitur subiectum aliquod, cum aliqua qualitas plures & plures gradus subiecto communicat, non autem per hoc intelligunt Scotistæ, quasi ipsa qualitas in abstracto intendatur, sed quia per qualitates subiectum dicitur intendi, plures gradus accipiendo. Sic. v. g. unus gradus Caloris non est magis calor, quam alius (nam essentie rerum sunt indivisibiles) sed unum aliquod subiectum habens plures gradus caloris quam aliud, dicitur *magis calidum.* Remitti vero dicitur subiectum, dum cessant gradus caloris. Hæc porro intentio & remissio, non est iuxta alios ipsa qualitatis essentia, sed prima tantum proprietas: altera est, quod secundum qualitatem res aliqua dicatur alteri similis, vel dissimilis. e. g. Duo muri albi propter albedinem, quæ in scholis dicitur qualitas, vocantur *similes.*

Qualitatis
proprieta-
tes.

3tia proprietas est, quod *qualitas habeat contrarium*. Sic enim v. g. *virtus contraria est viti*, & *nigredo albedini*, secundum eosdem scholasticos. Volunt tamen nonnulli, hanc esse potius *proprieta-tem tertio modo* (XLVII) dicendam.

LIX. RELATIO est ordo, seu *respectus* Relatio. *unius ad aliud*. Sic v. g. *Pater* refertur ad *Filium*, *Servus* ad *Dominum* &c. quoniam vero nullum est *ens*, neque *modus entis*, in quo non sit, aut esse possit aliquis ordo, vel *respectus* ad aliquid aliud, hinc præclare monent Cl. Purchotius, & Auctor *artis cogitandi*, relationem esse potius terminum *transcendentalem*, quam *categoricum*. Peripatetici vero distinguunt inter relationem *transcendentalem*, quam & ipsi vocant *inseparabilem* (ut est relatio *creature ad creatorem*) & inter relationem *prædicamentalem*, quam appellant *separabilem*, eamque postremam rursus dividunt in *intrinsecus*, & *extrinsecus advenientem*: illa nullam conditionem requirit, ut resultet; sic duo muri albi, ubicunque existunt; sine alio addito ad se referuntur, sive relationem *similitudinis* dicunt. Hæc autem, scilicet

Extrinsc- *extrinsecus adveniens*, approximat-
cus adve- nem, tanquam *conditionem* requirit. Ut
niens. *ignis non dicit ordinem ad combustionem*
domus, nisi ad eam approximetur.

Relativa *Relativa* in scholis dicuntur *esse simul*
sunt si- *natura & cognitione*, hoc est, ex duo-
mul. bus, relationem ad se dicentibus, unum
ut relativum cognosci nequit, quin
 etiam alterum eo ipso intelligatur. e.
 g. Pater, *ut pater* nullatenus à nobis
 cognosci valet, nisi etiam *filius* (per
 cuius generationem fit *pater*) sui
 ideam nobis ingeneret.

Funda- Cæterum in omni relatione tria con-
mentum currere debent. 1. *Fundamentum*, sci-
Relatio- licet id, quod refertur, v. g. Pater.
nis, ter- 2. *Terminus ad quem* illud prius refer-
minus, & tur, v. g. *filius*. & 3. *Ratio fundandi*, sive
ratio fun- illa ratio, *propter quam* unum refertur
dandi. ad aliud, v. g. *actio generativa*. Mutua
 plurium habitudo dicitur etiam *corre-*
latio, ac Pater, & Filius dicuntur *cor-*
relata.

Actio. LX. *Actio* est *relatio extrinsecus ad-*
veniens, per quam causa denominatur
actu agens. Et dicitur *relatio extrinse-*
cus adveniens, quia subiectum, circa
 quod

quod fit *actio*, debet *approximari* agenti. *PASSIO* vero est, qua *subjectum* denominatur *actu* *patiens*, *jive* *actionem* aliquam *recipiens*. e. g. *Calefactio* respectu ignis *agentis*, seu *calefacientis* dicitur *actio*, respectu autem *manus*, *calefactionem* *recipientis*, sive ut *recepta* in manu *calefacta*, *passio* vocatur. Unde dari nequit *actio*, quin simul detur *passio*, cum sint *correlata*. Et licet in *diversis* *prædicamentis* ab *Aristotele* collocentur, solo tamen *concipiendi* modo, non autem à *parte rei* inter se distinguuntur. Alia etiam in *scholis* dicitur *actio immanens*, alia *transiens*. *Prima* est, quæ *nihil* *producit* *extra ipsum* *agens*, ut *visio*, *cognitio*. *Secunda*, quæ *efficit* *aliquid* *extra agens*, ut *calefactio*, aut *illuminatio ignis*.

Actio porro *Neotericis* est illud *conamen*, quod *adhibetur* *ad* *equilibrium* *tollendum*: *passio* autem illud, *cujus* *momentum* *sive* *potentia* *superatur*. Ut in *Mechanica* docetur.

LXI. *Scholia. I.* *Actio* in *Scholis* quandoque *sumitur* quoque, vel pro *actu* *secundo*, id est, pro *actuali* *exercitio* *agentis*. Vel pro *potentia*, & tunc

vocatur *actus primus*, vel denique pro perfectione, prout *anima* dicitur *actus corporis*, id est. *eius perfectio*. II. Quid sit *potentia activa & passiva*, dictum est (LVII) III. Ad hoc prædicamentum reducuntur vulgo omnes *causæ agentes*, quarum effectus idem sunt, ac τὸ *passum*, dicuntque *correlationem*, sive *relationem reciprocam* ad illas: Attamen proprie loquendo, per *actionem* à Scholasticis intelligitur non tam *actio productiva*, qua v. g. ignis calorem producit, quam *transmutativa*, qua e. g. aqua frigida per ignem mutatur in calidam, ubi aqua in rigore est τὸ *passum*, & ignis est *agens*, *calesfactio* autem dicitur *actio*, calor demum ratio, sub qua ignis agit.

Ubi. LXII. UBI sive *Locatio*, est *relatio rei*
 Quando. *locate ad locum*. QUANDO sive *duratio*,
 est *relatio rei durantis ad tempus*, vel,
 ut alii loquuntur, est *ipsa existendi perseverantia*. SITUS est *dispositio & ordo*
 Situs. *partium corporis in loco*, secundum quem
 aliquis v. g. dicitur *stare, sedere &c.* HABITUS denique est *relatio corporis ad*
 Habitus. *vestes, & ornamenta, quibus induitur*. Vel potius est *corpus quoddam*
alteri corpori circumpositum, ut toga,
 pal-

pallium &c. Inde *habitus* inter *accidentia physica* proprie censendus non est, sed inter *substantias* (LV) licet *accidentalis* dici possit respectu *hominis*, ad cuius *essentiam* non pertinet (XLIX. 1.) ad *habitus* ex aliqua Etymologia in Scholis quoque referuntur omnes *formæ*, à quibus materia perficitur, & quasi ornatur, ac in certa specie constituitur e. g. *Albedo* dicitur se habere per modum *habitus* in muro, quem vestit.

LXIII. *Scholion*. Atque hæ sunt famosæ illæ Aristotelis *κατηγορίαι*, sive *prædicamenta*, in quibus explicandis bona VV. Logicorum pars occupata erat, *quæ* tamen (ut inquit Cl. Ant. Gen. Log. cap. IV. §. VI.) *Nullum* *aliud* habent usum, quam *Sophistice* *disserendi*, *assuescuntque* *adolescentes* *ad inania vocabula* pro *sincera sententia* *acceptanda*. Verum an hoc iudicium æqua rationis lance trutinatum sit? Doctioribus decidendum relinquo. Hisce porro prædicamentis Aristoteles in suo organo præmisit sic dicta *Ante-Prædicamenta*, ac post *categorias* subiunxit *Post-Prædicamenta*, uti in Scholis vocantur.

Cl. Ant.
Gen. de
prædica-
mentis
iudicium.

Ante-
Prædica-
menta.

LXIV. Per ANTE - PRÆDICAMENTA indicantur quædam *prænotiones*, quas ad meliorem suarum categoriarum intelligentiam necessarias iudicavit Aristoteles, suntque explicationes nominum *univocorum*, *equivocorum* & *Analogorum*. De quibus in Sect. VII. (LXXXIII.)

Post-Præ-
dicamen-
ta.

LXV. Cæterum inter ipsa prædicamenta intercedunt quædam quasi *communes affectiones*, dum nempe aliquando unum est altero *prius* aut *posterius*, aut *simul* cum eo: Inde ordo *prioris* & *posterioris*, atque illa *connexio*, quæ aliqua sunt *simul*, POST - PRÆDICAMENTA dicuntur.

Prioritas
multi-
plex.

Potest autem unum altero *prius* aut *posterius* existere multiplici ex ratione. 1. *Duratione* seu *tempore*, sic *adolescens* est *prior*, quam *pæter*, & hic respectu illius est *posterior*. 2. *Ordine*, sic *unitas* præcedit *binarium*, & *miles gregarius* suo *Duce* *posterior* est. 3. *Causalitate*, quo sensu omnis *causa efficiens* suum *effectum* præcedit, & hæc etiam vocatur *prioritas in quo*. 4. *Natura*, quando unum *prius* altero *intelligitur*, ita scilicet, ut ab illo altero non dependeat;

deat; bene vero hoc alterum absque primo existere non possit, quamquam ambo sint *simul quoad Tempus*. Sic *illuminatio* dicitur *natura* posterior, quam *lumen*, & *vestigium* posterius *imprimente*. 5. *Honore*. Sic *Dominus* antecedit *Famulum*, *Rex aulicum* &c. unde notum hoc distichon.

Tempore, natura, prius ordine, dic
& honore,
Causaque causato dicitur esse prior.

Hiscæ addunt adhuc Theologi 6. *Prioritatem originis*, seu à quo, per quam explicant, quomodo Pater divinus sit prior Filio Divino. Sic etiam à Scottistis salvatur in Deo prioritas *principii primi*, respectu *actionum humanarum*, stante licet ipsius *concurso simultaneo*, quo agit cum Creaturis. De quo in *Theologia tam naturali, quam revelata*.

Tribus pariter modis duo *simul* esse *Simultas* dicuntur. 1. *Tempore*, scilicet ea, quæ triplex *simul eodem tempore* in rerum natura sunt posita. Sic duo *gemelli* vulgo *simul* esse censentur. 2. *Natura simul* sunt illa, quæ ita existunt, ut uno eo-

rum posito alterum quoque necessario ponatur: Sic dicuntur esse simul *duo similia*, sive *correlata* (LIX) 3. *Divisione*, suntque ea, quæ idem *genus* *dividunt*, ut *homo*, & *brutum*, si ad *animal* referantur juxta arborem Cartesii (fig. II.) In Scholis triplex hæc *simultas* sequentibus versibus declaratur:

Tempore crede simul, quorum generatio nunc est,

Quæ convertuntur, dicimus esse simul,

Suntque simul species, genus unum distribuentes.

SECTIO V.

DE CATEGORIIS RECEN- TIORUM.

Catego-
rie Re-
cen-
sio-
rum.

LXVI. **E**Adem *predicamenta* Recen-
tiores constituunt, quæ vo-
lunt *rerum omnium* esse *principia*, at-
que his versibus comprehendunt:

Mens, Mensura, quies, motus, po-
situra, figura,

Sunt cum materia *cunctorum* *exor-
dia rerum*.

Sic

Sic enim argumentantur: Quidquid in rerum natura existit, vel est ENS, five SUBSTANTIA, aut RES (nam hos tres terminos passim pro synonymis habent) vel est MODUS, Sunt duæ, seu affectio entis. Igitur in duo tantum *suprema genera* totam categoriarum seriem dividunt, nempe in *seriem entium*, seu *substantiarum*, & in *seriem modorum*, five *accidentium*, atque in hoc cum Peripateticis quodammodo conveniunt. (LIV.)

LXVII. Ad *seriem* porro *entium* referunt *substantias omnes*, tam *spirituales* Series entium, (per τὸ ΜΕΝΣ) quam etiam *corporeas*, ac *materiales* (per τὸ ΜΑΤΕΡΙΑ, in illis versibus indicatas) easque ulterius dividunt, ut in *Arbore Cartesiana* videre est. (Fig. II.)

LXVIII. Per *modos*, Recentiores fere idem intelligunt, quod Peripatetici per sua *accidentia*. (XLVIII. & LVI. LVII. &c.) Eos tamen Et series Modorum. nullo modo, nequidem *superna virtute* a subjectis, quæ afficiunt, determinant, variant, ac *modificant*, abesse posse contendunt, secus ac Scholasti-

ci de *accidentibus absolutis* docent. *Modi* primo dividuntur in *spirituales*, qui ad substantiam pure *spiritualem* pertinent, ut sunt *intellectio*, *volitio*, *recordatio*, quibus *anima* varie modificatur; & in *materiales*, qui rem *corpoream*, aut *sensus* variant, ac modificant. Atque hi iterum dividuntur in quinque alios, quos vocant *primarios*, suntque sequentes.

Modi pri-
marii.

I. *MENSURA* sive *magnitudo*, quæ est *certa ac determinata corporis extensio*, eamque Neoterici Peripateticorum *quantitati* opponunt (LVI.)

II. *QUIES* est *permanentia corporis in quodam loco*, & quidem *positiva*, ut quidam volunt.

III. *MOTUS*, (intellige *localis*, nam alium isti non agnoscunt) est *translatio corporis ex uno loco in alium*.

IV. *POSITURA*, sive *SITUS*, est *partium in quovis corpore, atque minimarum particularum intima dispositio, textura, & connexio*, quam *configurationem* appellant, & qua variata corpus ipsum *substantialiter* variari dicunt, ut v. g.
cum

cum ex farina & aqua fit massa, ex hac vero per novam introductam configurationem fit panis.

V. FIGURA est extensio, secundum plures dimensiones undique terminata, vel secundum alios, est exterior tantum partium dispositio, qua variata corpus substantialiter non mutatur (& per hoc à configuratione distinguitur) ut v. g. cum mensa lapidea, aut lignea, ex quadrata fit rotunda. Et per hos 5 Modos conantur isti Philosophi omnes mutationes corporum naturalium explicare in sua Physica.

LXIX. Alii cum Cl Corfino quietem ex numero modorum illorum omittunt, figuram quoque duplicem (externam nempe & internam, seu configurationem) pro una sumunt, versumque ex illis duobus (LXVI) unum sic reddunt.

Mens, Corpus, Motus, nexus,
mensura, figura.

Ubi per *nexum* ab ipsis intelligitur ordo rerum pulcherrimus, ipsa catena Mechanicorum hoc in mundo spectabilis, ac sumus. vicissitudo continua, qua unum sicut
in

in Theatro pulcherime succedit alteri, sive, ut communiter loqui amant, est ipse **MECHANISMUS**, seu *artificiosa DEI conditoris machina, in qua jugi serie una quasi rota dependet ab altera, & una impellit alteram*, sicque generationes, corruptiones, ac omnes rerum vicissitudines non tantum analogice, & per assimilationem, sed etiam vere ac realiter, à se explicari posse putant.

Modi secundarii.

LXX. Præter modos illos primarios (LXVIII) numerant adhuc Neoterici & alios, quos vocant *secundarios*, seu *derivatos* à primariis, juxta numerum scilicet *sensuum* corporis animati, quos isti efficiunt, & sunt 1. **LUX** & **COLOR**, qui *visum*, 2. **SONUS** qui *auditum*, 3. **SAPOR**, qui *gustum*, 4. **ODOR**, qui *odorum* afficit, 5. denique **QUALITATES TACTILES**, cujusmodi sunt *calor, frigus, siccitas, humiditas, durties, mollities, fluiditas* &c. quæ sub *tactum* cadunt. De quibus omnibus & singulis jucunde ac utiliter *Physica* agit.

Antiquorum, & Recentiorum duæ viæ.

LXXI. *Scholion*. Hæc, quæ in ista, & præcedenti Sectione, de *Prædicamentis* dicta sunt, Philosophiæ tyroni continentem.

temnenda minime sunt, sed accurate potius memoriæ mandanda, eo quod in iis, magna ex parte, lateant duæ illæ viæ, per quas *in utraque Physica* Veteres, ac Recentiores Philosophi in diversas, planeque oppositas abeunt sententias: quinam vero præ aliis ibi feriant punctum, atque sic currant, ut reportent bravium? Judicent æqui veritatis arbitri.

SECTIO VI.

DE IDEARUM SIGNIS, SEU VOCIBUS.

LXXII. **C**Um humanæ mentis *Cogitationes* ac *Ideæ*, ut sunt *in se*, intus ac *in mente* lateant (XXIX) aliqua *re sensibili* eas *palam* fieri necesse est, ad hoc autem præstandum, uti omnibus notum est, Vox principem locum tenet: ergo sicut *Logicæ munus* est latentes humanæ mentis operationes dirigere, *bonumque* exinde *rationis usum* edocere (XXV) ita ad eam quoque pertinet de *Vocibus*, quibus cogitationes ipsæ *palam* fiunt, scitu necessaria pertractare.

LXXIII.

Signum.

LXXIII. SIGNUM a S. Aug. L. II. de Doctr. Christ. C. I. definitur, id quod præter sui speciem, quam ingerit sensibus, facit nos venire in cognitionem alterius, sic v. g. fumus est signum latentis ignis, & gemitus tristitiæ, quia 1. fumus, aut gemitus ideam oculorum auriumve ministerio in mente percipimus, 2. & præter illorum ideas etiam in cognitionem ignis aut tristitiæ venimus.

Multi-plex.

Aliud porro signum vocatur I. naturale, quod scilicet naturaliter aliquid significat, ut v. g. respiratio vitam, aurora solis ortum, fumus ignem &c. II. aliud arbitrarium, vel ad placitum, quod ex arbitrio, sive libera tanrummodo hominum institutione significat: sic hedera vini vendibilis, & voces seu vocabula rerum signa sunt. III. Aliud dicitur materiale, quod sub sensus cadit, IV. aliud spirituale, quod est prorsus insensibile, ut est character sacramentalis, V. aliud speculativum, quod rem mere significat. VI. Aliud practicum, quod rem, quam significat, etiam efficit. VII. Aliud demonstrativum, quod rem præsentem, & manu demonstrandam, VIII. aliud prognosticum, quod rem futuram, IX. Aliud denique rememorativum, quod rem præteritam significat.

ficat. Sic eadem v. g. *novæ legis Sacramenta* sunt *signa speculativa*, & *rememorativa* passionis Dominicæ, item sunt *signa practica*, & *demonstrativa* gratiæ sanctificantis, ac denique *prognostica* gloriæ. X. Sunt insuper in scholis alia adhuc *signa* usitata, videlicet *universalia*, *particularia*, *affirmantia*, & *negantia*, suntque termini *omnis, nullus, aliquis* &c. de quibus suo loco.

LXXIV. *Corollaria*. I. Quodlibet *signum* duas habere *Ideas* debet, unam *sui ipsius*, alteram *rei significatæ*. II. Inter *signum*, & *rem significatam* dari necesse est aliquam *proportionem*, seu *connexionem*, & quidem *naturalem*, si *signum* sit *naturale*; aut saltem *communiter notum*, si sit *arbitrarium*. Jam

LXXV. VOX IN GENERE definitur, Vox. sonus ex animalis ore prodiens, & per appulsionem aeris, e pulmonibus in fauces incurrentis, formatus; Sumpta autem pro vocabulo, seu dictione definiri potest: *Signum articulatum ore humano expressum*, & ad exprimendas animi cogitationes institutum. Dicitur 1. *Signum*, vel *sonus articulatus*, id est per syllabas, tanquam per articulos distinctus, in quo
dis-

differt a gemitu, & belluarum confusis vocibus, v. g. rugitu leonis, latratu canis &c. 2. Ad exprimendas, propter quod humana vox a plittacorum, aliarumque avium vocibus secernitur, ut ait TULLIUS *Lib. I. de Orat. Cap. VIII.* Cæterum præcipuæ ex dictionibus seu vocibus, in *Logica* æque ac *Grammatica*, censentur *Nomen*, & *Verbum*.

Nomen. LXXVI. NOMEN est vox instituta ad exprimendas ideas, idearumve objecta, Vel, ut aliis placet, est substitutio ideæ.

Aristotelica definitio nominis. Illa vero Aristotelica nominis definitio, quod sit vox significativa ad placitum, sine tempore, cujus nulla pars separata significat, finita & recta, hodie passim rejicitur, & 1. quidem, quia est nimis verbosa. 2. Quia non convenit omni nomini, nam etiam participia sunt vera nomina (scilicet. *adjectiva*) & tamen non significant sine tempore. 3. Quia non convenit soli nomini, nam etiam particule v. g. *bene*, *male* &c. sine tempore significant, & tamen non sunt nomina. 4. Quia non tantum nomina finita (quæ carent præfixa particula non) & recta (quæ efferuntur in casu *Nominativo*) sed etiam infinita (quæ ha-

habent præfixam particulam *non*) ut *non homo, non mensa* &c. ac *obliqua* (quæ efferuntur in aliis casibus præter *Nominativum*) ut *hominis, homini, hominem* &c. vera sunt nomina Grammaticalia, quæ in casus inflecti debent, cur non & Logica?

LXXVII. VERBUM est vox, ad ex- Verbum.
primendum de idets Judicium primario in-
stituta. Ab ARISTOTELE Lib. Perib. Quid sit
Cap. III. definitur: Vox ex instituto si- juxta Aris-
gnificans cum tempore, cujus nulla pars tototem?
significat separata, finita, & recta, & est
semper eorum; quæ de altero dicuntur, nota.
Sed etiam contra hanc definitionem facit 1. quod non conveniat soli verbo, nam etiam participia significant cum tempore, & tamen non sunt proprie verba, sed adjectiva. 2. Quod non conveniat omni verbo, eo quod excludat verba obliqua (quæ non sunt recta, seu in prima persona) & infinita (habentia adjunctam particulam *non*) 3. Quod superflue sint illæ voces, & est semper eorum &c. nam etiam copula (seu terminus EST in propositione) est talis nota; item particula, rem determinantes, vel explicantes, aut limitantes, sicut & nomina obliqua, quæ ta-
men

men non sunt *verba*. Alii etiam, cum auctore ARTIS COGITANDI, *Parte II. Cap. II. VERBUM* definiunt, quod sit *vox significans affirmationem*, quæ definitio *in re* consentit cum prima.

LXXVIII. Ex bene ordinata vo-
Sermo. cum associatione nascitur *sermo*, qui vel *familiaris* est, aut civilis, vel *philosophicus*, aut doctrinalis, utrumque duo vel maxime corrumpunt vitia, 1. *obscuritas*, ex imperfectione vocabulorum. 2. *Confusio*, ex earundem ambiguitate, aut *equivocatione*, uti vocant, profecta. Unde sequentes observentur canones oportet.

Regulæ
circa
Vocabula
rite adhi-
benda,
ac intelli-
genda.

I. Nulla in *loquendo*, aut *scribendo* adhibenda est vox *inantis*, aut *a communi usu remota*, *vaga* item aut *equivoca*, aut si ejusmodi voces vitari omnino non possint (eoquod plures sint *res*, quam *verba*) earum vis atque potestas accurate *definiatur*, ne in ambiguo fluctuet mens legentis, vel audientis.

II. Voces *proprie* præhabendæ sunt *translatis*, nisi istæ (ut sæpe nunc contingit) sint *clariores*, atque *usitatiores*,
aut

aut ubi etiam *proprie* haberi non possunt.

III. Si *antiquorum* vocabula legantur, iis promiscue *Recentiorum* notiones tribui non debent, nam e. g. *species*, *qualitas*, *forma substantialis* &c. *aliud* longe *sensum* modo habent, quam olim; & *idem* vocabulum apud *diversos* populos, *diversum* quoque *sensum* faciebat e. g. *Musicus*, & *Poeta*, vetustis *Romanis* malesonans, & infamis erat, econtra *Græcis* in honore fuit. Igitur

IV. In Verbis alicujus scriptoris interpretandis attendantur *usus*, *tempus*, *ætas*, *mores*, *Religio*, & *intentio* scribentis, unacum *subjecta materia*; nam male v. g. alicujus erroris argueretur S. BASILIUS, quod non admiserit vocem CONSUBSTANTIALIS, quia in Oriente, illo tempore, hæc vox non ad *naturam*, sed ad *personam* referebatur, & S. Scriptura male explicaretur, si quædam vocabula, de DEO quid narrantia, v. g. *irasci*, *ambulare* &c. in sensu *humano* acciperentur. Plures *Regulæ legendi* & *interpretandi libros*, tam *sacros*, quam *profanos* vide in LOG. PARTE PRACTICA.

SECTIO VII.

DE TERMINO, EJUSQUE DIVISIONE MULTIPLICI.

LXXIX. **S**i *Idea* in mente concepta, voce per aliquod *nomen* (LXXVI.) palam profertur, tunc istud *nomen* voce prolatum, & in se consideratum, *signum* vel *substitutio Idea* (n. c.) ut consideratum vero in ordine ad aliquam *propositionem*, **TERMINUS** dicitur: & quidem in omni propositione, v. g. hac: *DEUS est omnipotens*, terminus

Subjctū. *primus* inchoans (*DEUS*) **SUBJECTUM**, hoc est, *de quo* aliquid dicitur, & terminus claudens sive *ultimus*

Prædicatum. (*omnipotens*) **PRÆDICATUM**, hoc est, *quod* de aliquo dicitur, appellatur, *τὸ*

Copula. *est* autem idem sonat ac **COPULA**, *quod copulet*, seu connectat *prædicatum* cum *subiecto*; unde etiam terminus à quibusdam definitur, *extremum propositionis*, vel *id, ex quo constituitur propositio*, *tanquam ex subiecto, & prædicato.*

Ac Etymologia. LXXX. *Scholion.* Appellationem seu Etymologiam nominis *Termini* Cl. P. HAUSER Log. P. I. §. XCIV. inde deri-

derivat, quod veteres Logici, quando volebant syllogismos oculis palam exponere, consueverint in pulvere. vel triangulum, vel figuram, tribus semicirculis constantem depingere, ejusque extremitatibus, seu *terminis* apponere litteras, quibus propositio- num singularum partes designarent, atque exinde factum esse ait, ut etiam voces, litteris illis in figurarum *terminis* designatæ, *termini* appellarentur. Cæ- terum quia *variæ* dantur ideæ (qua- rum *substitutiones* sunt *termini*) item quia *variæ* quoque fieri possunt *propo- sitiones* (ut in DISSERT. II. patebit) hinc varii etiam dantur *termini*, quo- rum aliqui, ex supradata idearum divi- sione (XXX. XXXI. &c.) facile intel- Termino-
liguntur, & alii suis locis commodius rum divi-
explicabuntur, reliqui autem hic de- fio.
clarantur.

LXXXI. Terminus CATEGOREMA- Categori-
TICUS est, qui significat aliquid *per se*, catus.
id est, *se solo* e. g. DEUS, homo, ar-
bor &c. SYNCATEGOREMATICUS Syncate-
econtra, qui nil *per se*, sed tantum goremati-
cum aliquo alio addito indicat, ut *omnis*, cus.
nullus, *aliquis*, *hic*, *iste*, *qui*, *unus*, *duo*,
usque ad centum, *casus* item *obliqui*,

& *adverbia*, quæ omnia *se solis* non possunt esse *subjectum*, nec *predicatum*, in sensu *formali*, sed sunt potius **CON-TERMINI**.

Categori- LXXXII. **TERMINUS CATEGORICUS**
cus. significat rem in serie *predicabilium*, seu *arbore Porphyriana* (L.) *distinctæ*, aut *reductive* positam, e. g. *animal*, *corpus* &c. **TRANSCENDENTALIS** vero omnibus omnino rebus convenit, atque adeo *arborem* illam (n. c.) plane *transcendit*. Suntque ista 6 vocabula: *Res*, *ens*, *verum*, *bonum*, *aliquid*, *unum*, *barbara illa voce REUBAU* contenta.

Univo- LXXXIII. **UNIVOCUS** (quem alii *uni-*
cus. *versalem*, & Cl. PURCHOTIUS *synonymum* appellat) est qui *eandem significationem* habet in multis, ut *animal*, *homo*, *substantia* &c. diciturque propterea *universalis in significando*, sicut *idea in representando* (XXXVI. 5.) porro termini ejusmodi *univoci* in scholis **UNIVOCA UNIVOCANTIA**, *res* autem *ipse*, his terminis enunciata, **UNIVOCA UNIVOCATA** appellantur.

Æquivo- Terminus **ÆQUIVOCUS**, seu *homonymus* est, qui *diversam significationem* habet
cus.

bet in multis, sive, ut alii loqui amant, qui secundum nomen convenit multis, secundum rationem vero, & naturam per nomen importatam, disconvenit. Talis est v. g. Terminus canis respectu sideris, quod canis dicitur, & respectu animalis domestici. Termini isti pariter equivoca equivocantia, & res subintellectæ, equivoca equivocata à Scholasticis vocantur.

Terminus ANALOGUS, græce idem est ac proportionalis, qui nempe partim idem, partim diversum significat in multis, hinc vulgo ANALOGA dicuntur ea, quibus nomen est commune, ratio vero per nomen importata, est partim eadem, partim diversa. Analogus.

Dicitur autem aliquid alteri esse partim idem, partim diversum. 1. Si idem diverso modo pluribus convenit. 2. Aut si diversa res eodem modo pluribus convenit. Imo modo vocatur ANALOGIA ATTRIBUTIONIS, sic animal dicitur sanum, color sanus, ambulatio sana; nam tò animal, refertur ad sanitatem, tanquam ad subiectum, in quo recipitur sanitas, color tanquam indicium, & ambulatio tanquam causa, & adminiculum sanitatis. Analogia attributionis.

Proportionis. ANALOGIA PROPORTIONIS: e. g. *Pes hominis* eandem habet relationem ad hominem, ac *pes scamni* ad scamnum, & *pes montis*, vel *pontis* ad montem, aut *pontem*. His addunt *Scotistæ* ANALO-

Et inæqualitatis. GIAM INÆQUALITATIS, seu illam, quæ habet idem nomen, & eandem naturam, *perfectiori* tamen modo participatam, ut *τὸ animal perfectius* participatur ab homine, quam *bruto*, item ratio *entis* respectu DEI, & *creaturæ*, *substantiæ* & *accidentis*: propterea docent in sua Metaphysica, *ens* esse *univocum* DEO & *creaturæ*, cum quadam tamen analogia *inequalitatis*.

Terminus concretus. LXXXIV. TERMINUS CONCRETUS est, qui significat *subiectum*, unacum sua forma, e. g. *Album* significat *murum*, unacum *albedine*. **Abstractus.** ABSTRACTUS econtra denotat *solum* formam, absque subiecto, v. g. *Albedo*.

Terminus *concretus*, si indicet formam *substantialem* in subiecto, dicitur *concretum substantiale*, si vero *accidentalem*, vocatur *concretum accidentale*. Omnia porro concreta vocantur etiam *denominativa*, eoquod *subiectum* per formam *denominetur* tale, vel tale) sic enim v. g. Per *albedinem* *paries* *denominatur albus*) & hæc insuper forma de-

denominans potest esse vel *in*-vel *extra* subjectum, si *1um*, dicitur denominatio *intrinsicca*. e. g. *murus albus*. Si *2dum*, appellatur denominatio *extrinsicca*, ut si dico: *murus est visus*, aut *cognitus*; nam *visio*, vel *cognitio* non est *in* muro, sed *extra* illum, in *oculo*, vel *intellectu*. *Primi generis* concreta proprie dicuntur *physica*, *2di generis Logica*, quamquam & in alio sensu sumatur concretum *physicum*, scilicet ut indicat formam, quæ tantum per *unionem*, & *separabiliter* inexistit subjecto, prout in dato exemplo *albedo*, tanquam *forma physica*, inest muro, & sic opponitur concreto *metaphysico*, in quo forma per *realem identitatem*, sive *inseparabiliter*, est in suo *subjecto*, uti ab *animalitate* homo constituitur *animal*.

Hæc denique concreta possunt sumi Quid in
vel MATERIALITER, seu *specificative*, vel *FORMALITER*, aut *reductive*, in *priore sensu* accipitur concreto
concretum, si illud, quod prædicatur, sit mate-
concreto conveniat solum ratione *specificativum*?
subjecti, & non *ratione forme*, ut si di- Item quid
co: *Logicus cantat*, id est: *illud sub-* sit forma-
jectum, quod possidet *artem logicam*, *can-* le, & re-
tat, *duplicati-*
vum?

tat, ita nimirum, ut *Logica* non sit ratio, cur ille *cantet*, in 2do autem sensu fumitur, si *ratione formæ* concretum tribuatur subjecto. e. g. Si dico: *Logicus perite syllogizat*, *Logica* enim, tanquam *habitus*, aut *forma artificialis*, est *causa perite syllogizandi*. Concretum *reduplicative* sumptum solet enunciari per particulas: *qua*, *quatenus* &c. Ast hæc solummodo tunc sensum faciunt *strictè* REDUPLICATIONUM.

Quando
ad sit sen-
sus redu-
plicati-
vus?
Et quando
specificati-
vus?

1. Quando prædicatum est *de essentia* subjecti, quod reduplicatur, aut saltem de ejus *integritate*. 2. Quando id, quod reduplicatur, est *causa*, vel *radix prædicati*: econtra sensum mere SPECIFICATIVUM faciunt illæ particulae. 1. Quando prædicatum non convenit subjecto *simpliciter*, sed tantum *secundum quid*, 2. Quando prædicatum subjecto quidem convenit *simpliciter*, attamen *accidentaliter*. 3. Quando denotatur solum, non *repugnantia* prædicati cum subjecto, aut *conditio*. Sic ex illo Prov. 24. SEPTIES IN DIE CADET JUSTUS, vere infertur hæc propositio: *justus quia justus, peccare potest*, & facit hunc sensum: non *repugnat*, justum peccare *leviter*, aut *venialiter*, etiam stante & manente in

eo gratia sanctificante, - seu *Justitia*.
 Item si dico: *bonum, qua cognitum, ama-*
tur, sensus est, quod *cognitio boni* sit
 CONDITIO, ad amorem requisita,
 sola vero *bonitas objecti* sit ratio forma-
 lis amoris.

LXXXV. *Scholia*. I. Concreta se- Regulæ
utiles de
concretis.
cundum se sumpta, & *extra propositionem*,
subjectum dicunt in recto, forma-
nam in obliquo; *intra propositionem* ve-
 ro illud *in recto* important, quod *im-*
mediate per copulam cum altero pro-
 positionis termino nectitur, sive
 quod *expresse* affirmare quis intendit
 de subjecto, tanquam ipsi *identifica-*
tum; illud vero *in obliquo* importatur,
 quod quidem ex parte unius termini
concipitur, at non affirmatur imme-
 diate, neque nectitur alteri termino
 per copulam; sed respectu illius solum
 se habet instar adjuncti. II. Hinc
 concreta *specificative* accepta regula-
 riter subjectum *in recto*, formam *in*
obliquo important. Intellige de *con-*
cretis accidentalibus; nam in *substantia-*
libus, tam creatis quam increatis (quæ
naturam simul cum *persona* involvunt)
 juxta præcedentem regulam genera-
 lem (I) illud *in recto* venit, quod est
 ra-

ratio formalis, cur prædicatum conveniat subiecto. Ita cum dico: *homo est peccator* (ubi tò *homo* dicit simul *naturam*, & *substantiam*, seu *personam humanam*) prædicatum hoc PECCATOR, potius convenit *supposito* sive *personæ*, quam *naturæ humanæ*, quia (ut axioma Philosophicum habet) *Actiones sunt suppositorum*, & contraria LUTHERI expositio, scilicet quod ipsa corrupta hominis natura peccatum sit, à fide aliena est; econtra si dicis: *homo est mortalis*, aut: *homo constat corpore, & anima*, recte natura infertur in recto. III. Eadem ergo tenenda est regula de concretis, quæ fiunt in divinis; nam subiectum harum propositionum: *Deus est unus, immensus, omnipotens &c.* sic resolvi debet: *Natura Divina in tribus personalitatibus subsistens est una, immensa &c.* Hæc autem, propositio: *DEUS est Trinus*, in hoc sensu accipienda est: *personalitates, habentes unam naturam divinam, sunt tres*, nam sicut ratio formalis UNITATIS, aliorumque attributorum absolutorum, est divina natura, ita à Personalitatibus habetur TRINITAS; & consequenter pro ratione prædicati, nunc natura
nunc

Regulæ
pro con-
cretis in-
creatis.

nunc *subsistentia*, sive *personalitas* venit in *recto*. Similiter in *concretis*, ut vocant, THEANDRICIS (quæ scilicet Ac The-
concernunt CHRISTUM, ut DEUM andricis.
simul & hominem) plerumque *suppositum* importatur in *recto*, ut v. g. in hac propositione: *DEUS est homo*, vel, *immortalis est mortalis*, sensus Catholicus hic est: *suppositum habens naturam divinam, vel immortalem, est suppositum, habens quoque naturam humanam, & mortalem*; nunquam vero *abstracta* Concretorum de se invicem in *recto* prædicantur, ut si dicitur: *hic homo dives, est simul pius*, sensus non est, quasi *ipse divitiæ sint pietas illius*, ita quoque cum proportionem de Christo hæc propositio; *DEUS est homo*, nequaquam interpretanda est, *Divinitatem Christi esse ejus humanitatem*; alias recte quoque deduceretur, *humanitatem Christi esse immensam, omnipotentem &c.* Qui Error UBIQUISTARUM est. IV. Concretum *reduplicative* sumptum, ut plurimum quidem *formam* designat, sæpe tamen etiam id, quod per reduplicationem expressius affirmatur, tanquam *ratio*, propter quam prædicatum conveniat subjecto: ita si ex illo *Matth. XVIII. v. XIII.* infertur hæc

hæc propositio : *Culpa peccati , ut agnita & expiata , placet Deo , reduplicatio non afficit subiectum , seu ipsam peccati culpam , sed potius formam hujus concreti , ita ut sensus sit : agnitio , & expletio peccati placet DEO . Sic pariter si enuntiatur , Christus qua homo , est minor Patre , est passus , mortuus &c . Reduplicatio afficit naturam humanam , ut rationem formalem hujusmodi prædicatorum . V . In exponendis concretis , maxime de rebus creatis , mens loquentis non raro exquirenda est ; nam sæpe propositiones , ex communi usu non sunt satis determinatæ , ad aliquem certum sensum e . g . hæc propositio : *Sempronius est homo* , in triplici sensu vera est . 1 . *Subsistentia terminans naturam Sempronii , est subsistentia terminans naturam humanam . 2 . Subsistentia & natura Sempronii , sunt subsistentia & natura humana . 3 . Natura Sempronii est natura humana .* Ultimus tamen sensus videtur magis proprius . VI . *Concreta accidentalia , tam substantiva quam adjectiva , exprimi in numero plurali possunt , quando recti multiplicantur , pro quibus supponunt , sive , ut in Scholis passim dicitur , concreta multiplicantur multiplicato**

cato recto, et si obliquus non multiplicetur: sic v. g. Licet tres albedines ponantur in uno, eodemque subiecto, non erunt propterea tria alba, sed subiectum foret potius appellandum ter album, quia non multiplicatur id, pro quo subiectum supponit: econtra si eadem albedo in tribus poneretur subiectis, essent tria alba, ob rationem oppositam. Hæc de termino concreto modo dicta, utilissima sunt, præsertim ad Theologiam, in Tractatu de Incarnatione, ac de DEO, ubi de Idiomatum communicatione &c. agitur: imo hæc ipsa notitia ad multorum Hæreticorum, etiam nostræ ætatis fallacias diluendas, & apparentes saltem S. Scripturæ contradictiones, catholice solvendas, plurimum conducit.

LXXXVI. Ratione habitudinis, seu Termini *comparationis unius Termini ad alium*, impertidicuntur alii IMPERTINENTES, qui nentes. sibi mutuo nec repugnant, nec legitime se se inferunt, tales sunt *pius, & doctus*. Alii e diverso dicuntur PERTINENTES, & quidem duplici modo. I. *Et pertinentes sequela*, quorum alter alterum infert, qui & proprie comparati appellantur, & *convertibiles, ut animal*

mal, & sensitivus, homo, & rationalis &c. 2. Pertinentes repugnantia sunt, quorum alter alteri repugnat, vel per solam *diversitatem naturalem*, quos *disparatos* vocant, ut *album, & dulce*.

Oppositi. Vel qui per *strictam oppositionem* sibi repugnant, unde etiam *termini oppositi* appellantur. *Oppositorum* rursus 4. sunt species. 1. Alii sunt *contrarii*, qui se de eodem subiecto ratione formæ ex-

Contra-
rii.

Privativi. cludunt, ut *calor, & frigus*. 2. *Privativi*, quorum unus significat *formam*, alter ejusdem *formæ absentiam* a subiecto *capaci*, ut *homo videns, & cæcus, Lux, & tenebræ*. 3. *Contradictorii*, quorum

Contradi-
ctorii.

Relativi. unus *formam*, alter ejus *negationem* significat, ut *doctus, non doctus*. 4. Denique *relativi*, qui se mutuo respiciunt, ita tamen, ut *utrumque* eidem *respectu ejusdem* convenire non possit, unde & *oppositio relativa*, qualis datur inter *Patrem, & Filium divinum*, arguit *distinctionem realem* inter *correlata*.

Termini
positivi.

LXXXVII. Terminus Positivus est, qui significat *aliquid reale*, seu qui dicit, *quid res sit?* e. g. *Leo, lapis* &c. vel qui saltem *veram entis realitatem* aut *modum* exprimit e. g. *Magnitudo, rotunditas, impenetrabilitas* &c.

N.B.

NEGATIVUS vero indicat *absentiam* Negati-
realitatis a subiecto, illius *realitatis* *us*.
 vel *capaci*, & tunc *privativus* est
 (n. præc.) vel *incapaci*, & *strictè ne-*
gativus est. e. g. *Cecitas respectu la-*
pidis, qui *visionis* est *incapax*. Quo-
 nam saepe fit, ut termini *positivi* præ-
 ferant *speciem negativorum*, & vicissim, *scernen-*
 inde attendendum est ad *notionem*, ter-
 mino respondentem, an scilicet *positi-*
va, aut *negativa* sit? Sic v. g. hi ter-
 mini: *infinitus*, *immensus* &c. secun-
 dam *Grammaticam* videntur *negativi*,
 ast *notio* illorum *positiva* facit, ut etiam
 ipsi pro terminis *positivis* habeantur.

LXXXVIII. Terminus FINITUS Finitus.
 seu *finitans* est, qui significat, quid
 res *determinate sit*, ut *homo*, *arbor*
 &c. INFINITUS vero, sive *infinitans*, Infinitus,
 solummodo dicit, quid res *non sit*, &
 cognoscitur ex particula NON, quam
 semper *immediate* sibi præfixam habet,
 ut: *non homo*, *non arbor*. Si autem Quo-
 particula NON afficiat tantum *copulam* differat a
 (LXXIX) facit *propositionem negati-* negativo?
vam, & non *infinitantem* e. g. *arbor non*
est homo &c.

LXXXIX. Terminus PRIMO INTEN- Termi-
 TIONALIS (seu *prima intentio*) est, qui nus pri-
 significat id, ad quod significandum mo inten-
 H pri- tionalis.

primo ab hominibus est institutus, sive
qui sensum habet grammaticalem, & ob-
viu. E converso terminus SECUN-
 DO INTENTIONALIS (seu *secunda intentio*)
 est, qui significat id, ad quod signifi-
 candum ab aliqua tantum facultate,
 quasi *secundo* institutus est, & conse-
 quenter qui non significat *res ipsas* se-
 cundum suum *esse reale* (quod per *sensum*
grammaticalem, & obviu exprimitur) sed
 tantum rerum nomina, quæ iis tribuun-
 tur, ut *certo modo cognitis*. e. g. *animal*,
 est terminus *primo intentionalis*, si su-
 mitur pro aliquo *subiecto sensitivo*; aut
 si vocatur *genus*, aut *species subalter-*
na (XLVI.) vel *prædicatum* aut *subje-*
ctum &c. est terminus *secundæ intentio-*
nis, hæc enim nomina τῶν *animal* tan-
 tum tribuuntur *mediante cognitione*, qua
 istud consideratur, ut *conveniens* ho-
 mini & bruto, &c. nam sic substat *cogni-*
tioni speciali, nempe res plerumque
primo cognoscimus, quales sunt à par-
 te rei *in se*, & tunc primum illas se-
 cundum logicæ regulas consideramus,
 quæ cognitio, quia priori *supervenit*,
secunda intentio vocatur.

XC. Scholion. Omnino diversa sunt Differentia inter
 hæc duo: *terminus secundo intentionalis*, & *terminum sumi secundo intentionaliter*; terminū
 potest enim fieri, ut terminus, qui *in se* secundo
 est *secundo intentionalis*, non tamen *secundo* intentionalem, &
do intentionaliter accipiatur. Unde at- sumi se-
 tendendum est ad duas has regulas. cundo in-
 1. Si in propositione *affirmativa* prædi- tentiona-
 catum sit terminus *secundo intentionalis*, liter.
 tunc subiectum, licet sit terminus *pri-*
mo intentionalis, sumitur tantum *secun-*
do intentionaliter e. g. *animal est genus*,
 tō *animal* sumitur *secundo intentionaliter*,
 etsi *in se* sit terminus *primo inten-*
tionalis (LXXXIX) 2. Econtra si præ-
 dicatum sit terminus *primo intentionalis*,
 vel si æquivalet termino *primo inten-*
tionali (quod fit, si terminus *secundo*
intentionalis de alio itidem *secundo in-*
tentionali affirmatur) tunc sumitur
 subiectum (quod alias esset terminus
secundo intentionalis) *primo intentionaliter*.
 e. g. si dicitur: *genus est universale*:
subiectum est terminus inchoans *propositio-*
nem: *species est universale*, quod prædi-
 catur de pluribus individuis, ut tota eorum
 essentia &c. hi termini *secundo intentiona-*
les: *genus*, *subiectum*, *species* sumuntur
primo intentionaliter. Et hæc de termi-
 norum varia acceptione abunde dicta
 sufficiant.

XCI. Cæterum ex dictis patet, posse *unum*, *eundemque* terminum ad *diversas* classes reduci, prout is nempe diverso modo accipitur, sic v. g. idem terminus, Homo, nunc vocatur *categorematicus* (LXXXI) nunc *categoricus* (LXXXII) *univocus* (LXXXIII) *concretus* (LXXXIV) *positivus* (LXXXVII) *finitus* (LXXXVIII) & *primo*, aut *2do intentionalis* (LXXXIX) sicut eadem v. g. plurium regnorum Domina, MARIA THERESIA, nunc dicitur invictissima Romanorum Imperatrix, nunc Regina Hungariae, Bohemiae, Croatiae &c. nunc Archiducissa Austriae, aut magna Ducissa Florentiae &c. &c.

SECTIO VIII.

DE PROPRIETATIBUS TERMINORUM.

Proprietates Terminorum. XCII. *Proprietatis* nomine hic non venit illa, supra (XLVII) definita, sed diversi tantum intelliguntur *modi*, quibus *termini* in propositionibus variari, ac in diverso sensu accipi possunt: id, quod respectu *Verbi*, five *Copulae* (LXXIX) quinque modis con-

contingere valet, respectu vero ob-
 jecti, cujus signa sunt termini (n. c.)
 uno præcipue modo. Primi igitur ge-
 neris proprietates, seu affectiones sunt 1.
 Status. 2. Ampliatio. 3. Restrictio, seu
 diminutio. 4. Alienatio. 5. Et appella-
 tio; ad ultimum vero suppositio spe-
 stat.

XCIII. STATUS est acceptio termini Status.
 pro suo significato, ut existente pro certo
 tempore, per copulam importato. Ut Pe-
 trus studet, sumitur pro determinato
 tempore presenti: Judas peccavit, pro
 præterito, vel Anti-Christus peccabit, pro
 futuro &c. huic opponitur AMPLIATIO, Amplia-
 seu DISTRACTIO, quæ est extensio tio.
 termini ad tempus, per copulam prin-
 cipalem non indicatum. e. g. Justus
 graviter peccat, vel: CÆCI VIDENT,
 CLAUDI AMBULANT. Matth. XI. in
 quibus propositionibus subjecta quasi
 ampliantur ad aliud tempus, ita ut
 sit sensus: ille, qui fuit justus tempore
 PRÆTERITO, in tempore PRÆSENTI,
 se avertit à sua justitia per grave pec-
 catum. Item, illi, qui fuerunt cæci,
 nunc vident &c. Illa autem Christi ver-
 ba: HOC EST CORPUS MEUM, pessime
 non solum contra sensum Ecclesiæ;

sed etiam sanæ Logicæ, à *statu* ad sensum *ampliativum* Lutherus detorsit, quasi nempe τὸ *est*, idem significaret, ac *erit*, ut egregie probant THEOLOGI CATHOLICI.

Restri-
ctio seu
Diminu-
tio.

XCIV. RESTRICTIO seu DIMINUTIO, est contractio termini, a *latiore* ad *minorem*, & *limitatam* significationem e. g. *homo justus salvatur*. *Vir doctus honoratur* &c. ubi τὸ *justus*, aut *doctus*, restringit subjectum, ne possit in *tota sua latitudine* accipi. Vel si dicitur: *ethiops est albus secundum dentes*, ex qua propositione, uti male inferrem: ergo *ethiops est totus albus*, sic etiam Lutherus ex illo *Math. XXIV. v. XIII. QUI AUTEM PERSEVERAVERIT USQUE IN FINEM, HIC SALVUS ERIT*, male infert: Ergo OMNIS, qui credit in Christum, salvabitur, æque ac si dicerem: *omnis homo, voluntarii homicidii reus, est dignus rota, aut gladio: ergo etiam tu, quia Homo es, dignus es rota*; non valet enim consequentia a termino restricto, ad non restrictum seu *illimitatum*.

Alienatio.

XCV. ALIENATIO est translatio vocis a propria & genuina sua significatione, ad *impropriam* seu *tropicam*, ac *Metapho-*

taphoricam. Sic *vites* dicuntur *lacrymari*, & *prata* *ridere*. De Christo quoque dicitur in S. Scriptura, quod sit *vitis*, *Leo*, *Petra*, *lapis angularis*, *Agnus DEI* &c. male autem ac prorsus erronee Calvinus illa Christi verba: *HOC EST CORPUS MEUM*, in sensu *alienato* accepit, per τὸ *EST* idem intelligens, ac *SIGNIFICAT*, ut multis modis rursus probant DD. Catholici. Mala nempe est omnis illatio a sensu proprio ad *alienatum*, sic non valet e. g. *omnis homo est animal rationale: ergo etiam hic Homo pictus est animal rationale*.

XCVI. APPELLATIO est species restrictionis, dum nempe significatio fortio. malis unius termini adhibetur ad significatum alterius, e. g. dum *Plato* dicitur *magnus Philosophus*, τὸ *Magnus* (quod alias indicat corporis magnitudinem, seu hominem procera stature) Platoni tribuitur ob excellentiam Doctrinae. Huc etiam pertinent termini quidam, uti vocantur, *familiares*, quibus in sermone quotidiano utimur, in lingua praesertim vernacula, ad exprimenda *superlativa*, vel ex terminorum propriorum defectu, vel ex usu loquendi, a teneris imbibito.

Cantela
adhiben-
da circa
novas vo-
ces cōfin-
gendas.

XCVII. *Scholion.* Monendum hic, penes nos quidem existere, qua quamque rem voce appellare velimus (cum voces sint *signa conceptuum arbitraria*, & apud diversos etiam populos varia) *novas* tamen voces temere fingendas non esse, nisi in societate hominum rideri, explodique velimus; *Verba* enim valent, sicut *nummi*, nummi autem v. g. Persici, Indici, aut Lapponici apud nos minime valent, etsi apud illas nationes suum valorem habeant: sic etiam aliæ Provinciæ, ut alios nummos, ita alias voces postulant. Hinc *absurdos* vocat Baumeisterus *Log. P. I. C. II. §. LXIV.* eos, qui quondam omnes voces, quarum origo ex Romana, sive latina lingua proflexit, in lingua Germanica evitaturi, die Nase (Latine *nasum*) vocabant den Schnausber, die Ohren (aures) die Lust. Sänge, das Fenster (*fenestram*) den Tagesleuchter &c. ad hanc classem forsan etiam reduci possunt quædam, noviter in Saxonia inventa grammaticæ Gottschedianæ vocabula. Nec minus peridiculi ex nostris Patriotis sunt ii, qui, ut eruditi videantur, sermoni vernaculo immiscent vel *Latinas*, vel *Gallicas*, vel *Italicas* voces; aut denique
qui

qui pro concione de rebus divinis ad populum loquentes, integras sententias *Latinas*, *Græcas*, aut *Hebraicas*, ingenii ostentandi causa, è memoria recitant, ignorantes, unicum loquendi *finem* esse, *ut alii nos intelligant*.

XCVIII. Ex usu loquendi quotidiano certum habemus, quod terminus quandoque aliud *supponat*, quam *significet*. e. g. in hac propositione; *homo furatur*, subjectum, *Homo*, *ex se* equidem *supponit pro omnibus*, cum sit *terminus universalis* (LXXVI. §.) *unicum* tamen ex usu loquendi *individuum significat*. Inde

Suppositio termini.

SUPPOSITIO definitur, quod sit *positio*, *sive substitutio termini pro re significata*, & *supponere*, vel potius *supponi* (quæ dictio regulis Grammaticæ conformior esset) aliud non est, quam *usurpari terminum pro suo significato*.

Hinc magnum est discrimen inter *significationem*, & *suppositionem terminorum*; Per quid differat à significatione?
nam SIGNIFICATIO est *essentia termini*, cum sit *signum* (LXXIX) & oritur ex *institutione vocis ad significandum*; SUPPOSITIO autem est *proprietas*, & *usurpatio vocis*, ex *institutione jam significantis*.

Variae
suppositio-
num
species.

XCIX. Suppositio, quæ inter omnes terminorum affectiones maxime attendenda est, varias divisiones ac subdivisiones continet. Nam

Suppositio
materialis.

I. Alia est suppositio MATERIALIS, si nempe vox usurpetur *pro se ipsa*, seu *pro nuda*, ut ajunt, *voce*: e. g. si dico: *homo est vox bisyllaba*. Huic op-

Formalis.

ponitur suppositio FORMALIS, quæ est *usurpatio vocis pro re*, ad quam significandam primario est instituta, sive est ipsa termini *significatio essentialis*, e. g. *homo est animal rationale*, vel, *homo est aliquid constans ex corpore & anima*, ubi vox *homo* sumitur pro eo, quod *essentialiter* significat.

Simplex.
& Personalis.

II. Suppositio *formalis* rursus dividitur in SIMPLICEM, & PERSONALEM. *Ima* est positio termini pro suo significato *2do intentionaliter* (LXXXIX) accepto. *2da* est ejusdem pro significato *primo intentionaliter* (n. c.) sumptio.

Communis.

III. Suppositio *personalis* ulterius dividitur in *communem*, & *singularem*. COMMUNIS est usurpatio termini pro aliquo attributo universaliter (XL. &c.)

Singularis.

SINGULARIS est acceptio pro *individuo* (XLV.)

(XLV.) ut v. g. *hic homo, vel, Petrus est doctus.*

IV. Suppositio communis & singularis quadrifariam iterum dividuntur. I. In DISTRIBUTIVAM, quando terminus communis usurpatur pro omnibus suis inferioribus singillatim acceptis. e. g. *Omnis homo est animal rationale: vel nullus homo est lapis:* in 1ma quidem propositione affirmativa enumeratio fit per particulam ET, in 2da vero negativa, per particulam NEC, integras semper propositiones formando, hoc modo: *¶ Petrus est animal rationale, ¶ Paulus est animal rationale ¶c. aut: nec Petrus est lapis, nec Paulus est lapis ¶c. & hæc denuo suppositio distributiva potest considerari, vel ut COM- Comple-*
 PLETA, seu pro singulis, ut ajunt, *ge-* te,
nerum, quando scilicet accipitur tam pro individuis, quam pro speciebus omnibus, sub genere contentis, sive secundum totam suam extensionem (XXXVII. 3.) e. g. *omne animal est sensitivum.* Vel ut INCOMPLETA seu Incom-
 pro generibus singulorum, si nempe pro omnibus quidem generibus, & speciebus, non autem pro singulis individuis supponit. e. g. *Omne animal fuit in Arca*
Noe

Noe, id est, *omnia genera*, & *species animalium*, non vero *omnia individua* v. g. *tuus canis*, vel *Alexandri Bucephalus*. Adeoque in hoc sensu terminus *universalis* suam patitur *limitationem*, & sumitur in sensu, ut vocant, *accommodo*, in quo etiam a Doctoribus Catholicis conformiter *Scoto* (XVI) explicantur illa verba *1 Cor. XV. IN ADAM OMNES MORIUNTUR: excepta* scilicet *B. VIRGINE*. 2. In *COLLECTIVAM*, quæ accipitur pro omnibus omnino inferioribus, non *singillatim*, sed *simul* & *semel* enumerandis e. g. *omnia elementa sunt 4.*; facit enim hunc sensum: & *aqua*, & *terra*, & *aer*, & *ignis* (*in simul sumpta*) *sunt 4.* non autem: & *aqua est 4.* & *terra est 4.* &c. atque per hoc differt a *distributiva*. 3. in *DISJUNCTIVAM* seu *determinatam*, & *Confusa*. 4. in *CONFUSAM* seu *indeterminatam*, aut *disjunctam*, quæ ambæ significant *particularitatem*, non tamen utraque eodem modo; subjectum scilicet propositionis particularis tunc supponit *disjunctive*, quando prædicatum absolute verificatur in *pluribus*, vel in *aliquo saltem determinato*, id, quod ex eo cognoscere licet, si prædicetur terminus involvens *ACTIONEM*, aut *EXERC-*

CITUM, ut si dico: *aliquis Apostolus negavit Christum*: si vero prædicetur terminus involvens NECESSITATEM, vel potentiam, cui per plures causas æque satis fieri potest, in illo casu subjectum ejusmodi propositionis supponit confusa, seu indeterminate, ut sunt hæ propositiones: *Aliqua navis est necessaria ad transfretandum, aliquis equus est necessarius ad equitandum, aliqua gratia est necessaria ad superandam hanc tentationem*: in istis vero: *aliqua fides, aut aliquod Sacramentum est necessarium ad salutem, aliqua navis est necessaria ad navigandum* (ex supposito, quod una tantum apta adsit) subjectum supponit determinate, quia per ea sola illis necessitatibus satis fieri potest.

Per quid differat disjunctiva a confusa.

In suppositione disjunctiva integre pariter propositiones, pro verificando prædicato (per particulam VEL) enunciantur, sicut in distributiva. e. g. *vel Andreas negavit Christum, vel Joannes negavit Christum, vel Petrus &c.* e contra in suppositione confusa (itidem per particulam VEL) multiplicari debent soli termini, & non propositiones: v. g. *Vel navis A, vel navis B, vel navis C, &c. est necessaria &c.* adeoque quoad hoc æquivalet suppositioni collective.

C.

Ascensus & descensus Terminorum, **C. Scholion.** Quadruplici *Suppositio- ni*, ultimo recensitæ, respondet quadruplex *Ascensus*, & *descensus terminorum*, sic dictus, quia in propositionibus, ad præfatas suppositiones spectantibus, quasi *per gradus*, vel ab *inferioribus*, ad aliquem terminum communem, seu universalem *ascendere*, vel econtra à termino *communi* ad *individua descendere* solemus, & quidem juxta sequentes regulas. I. In *ascensu distributivo*, seu *copulativo* (qui fit per particulam *ET*) *omnia inferiora* sic enumerari posse oportet, ut *de singulis* propositio verificetur. 2. In *ascensu & descensu collectivo* seu *copulato* omnia singularia, nullo dempto, sub *una* copula enumeranda sunt; suppositio enim *collectiva*, copulat tantum *subjecta* (& ideo quoque *copulata* dicitur) sed ita *subjecta* copulat, ut non nisi per *unicam* copulam rectè prædicato possint. III. In *Ascensu disjunctivo* non necessario enumerari debent *omnia* singularia: at vero in *descensu* omnia recensenda sunt. Sic v. g. si dico: *Petus currit*, jam licet inferre ascendendo: *ergo aliquis homo currit*: at si dicitur: *aliquis homo currit*: ut *subiectum de uno*, vel *de pluribus* verificetur,

tur, oportet sic descendere: *ergo vel Petrus currit, vel Paulus currit* &c. Et ita porro per *singula* inferiora, nam si *unum unicum* prætermitterem, tunc propositio nullatenus esset *vera*, si illud *unicum* curreret. IV. Tam in *ascensu* quam in *descensu disjuncto*, omnia singularia *confuse*, & sub *una* copula enumeranda sunt, ut patet in allatis exemplis (n. præc.)

CI. Corollar. Ex dictis facile colligitur, quæ sint SUPPOSITIONUM REGULÆ, tam *generales*, quam *speciales*. Nempe REGULA GENERALIS hæc una est: *Terminus extra propositionem supponit juxta suam significationem; intra propositionem vero supponit juxta exigentiam tum prædicati, tum Signi (LXXIII. 10.) præfixi, tum ipsius connexionis prædicati cum subiecto.* REGULÆ autem SPECIALES sunt

Regulæ
suppo-
sitionum,

Pro SUBJECTO I. Subjectum propositionis UNIVERSALIS AFFIRMATIVÆ est in suppositione *distributiva*, si prædicatum de *omnibus* inferioribus *seorsim* sumptis affirmari potest. e. g. *Omnis homo est mortalis*: e contra in *collectiva*, si prædicatum

Pro Sub-
jecto.

non

non de *singulis*, sed tantum de *omnibus simul sumptis* affirmari potest, v. g. *Omnes Apostoli sunt duodecim.* II. Subjectum propositionis UNIVERSALIS NEGATIVÆ distributive supponit e. g. *Nullus canis est homo.* III. Subjectum PROPOSITIONIS PARTICULARIS tam affirmantis, quam negantis, disjunctive, vel disjunctim seu confuse supponit, prout prædicatum, aut propositionis veritas exigit (XCIX. 4.) IV. Subjectum indefinitum (sive quod indicat terminum communem, absque præfixo tamen signo universali) supponit pro ratione prædicati, ita ut, si prædicatum sit contingens, id est, si actum, aut exercitium exprimat, suppositio detur disjunctiva, si necessitatem, indigentiam passivam &c. Significet, suppositio sit confusa (n. c.) Si vero genium nationis, indolem ætatis, rerum affectiones, naturam, aut populi cujusdam mores, & consuetudines indicet, supponit etiam distributive in sensu accomodo (XCIX. 4.) quales sunt istæ propositiones: *juvenes sunt inconstantes, mulieres sunt garrulæ, senes avari, Græci mendaces* &c. In materia denique necessaria, seu universali, dogmatica & legali, semper supponit distributive, etsi

et si *leges* quandoque admittant *exceptionem*. Ita hæc propositio : ANIMA, QUÆ PECCAVERIT, MORIETUR. *Ezech.* 18. Quoad *subjectum distributive* supponit. Idem dicendum de propositionibus dogmaticis, in *materia fidei* aut *morum*, nisi *materiæ substratæ* ratio hanc *extensionem* respuat. v. g. si dico: *fides ad salutem est necessaria*, id quidem de *omni fide* neutiquam intelligi potest, aut debet, manet tamen hæc propositio, *quoad obliquum* saltem, *universalis*, nempe quod vera fides *omnibus* ad salutem sit necessaria. V. Subjectum propositionis *singularis* suo modo *distributive* supponit, nam hæc propositio: *Petrus currit*, facit in Scholis hunc sensum: *omne id, quod Petrus est, currit*.

Regulæ *speciales* pro PRÆDICA- Pro Præ-
 TO sunt. I. In propositione *affirma-* dicato.
tiva prædicatum ordinarie supponit
disjunctive, saltem in *creatis*. e. g.
omnis homo est mortalis, sensus est: *vel est*
mortalis hic, vel mortalis iste, vel ille &c.
 Item: *aliquis homo est doctus*, facit hunc
 sensum: *vel est hic doctus, vel iste doctus,*
vel ille &c. II. In propositione *nega-*
tiva, vel *infinitante* (LXXXVIII.) Præ-
 dica-

dicatum supponit distributive. v. g. *Homo non est lapis, vel, est non lapis: sensus est: homo nec est lapis hic, nec iste, nec ille &c.*

Ufus ha-
rum Re-
gularum
in argu-
mentan-
do.

CII. *Scholion.* Serviunt hæ Regulæ quam maxime in *argumentationibus*. Pro quibus statuitur generalis hæc regula: *Non valet consequentia ab una suppositione ad aliam diversam, quæ terminum, aut modum ejus significandi intrinsecus immutat.* Regulæ autem particulares sunt 1. non valet illatio a suppositione materiali ad formalem. 2. Nec a simplici ad personalem. 3. Nec a distributiva accomoda ad absolutam, aut a suppositione pro generibus singulorum, ad suppositionem pro singulis generum. 4. Nec a disjunctiva ad distributivam, aut a disjuncta ad disjunctivam. 5. Nec a disjuncta ad distributivam affirmativam; bene vero a disjuncta ad distributivam negativam. Quæ omnia in datis supra exemplis patent. 6. A sensu distributivo ad collectivum nulla est consequentia formalis; nam in ejusmodi argumentationibus plus infertur in consequente, quam in antecedente dictum fuit. Adeoque non valet: *Petrus est animal, Paulus est animal*

mal &c. ergo omnes homines sunt animal.
 Quia argumentatio *similis formæ*, etiam
 falsa fieri potest e.g. *Petrus habet unam*
animam, Paulus habet unam animam &c.
ergo omnes homines, simul sumpti, habent
unam tantum animam. Item male con-
 cluderetur: *Potest homo, ordinario gra-*
tiae auxilio adjutus, vitare hoc, & illud
peccatum veniale: ergo toto vitæ suæ tem-
pore poterit evitare omnia peccata venia-
lia: Quod est damnatum a CONCILIO
 TRIDENTINO. *Sess. VI Can. XXIII.* Si
 ergo hæ & similes propositiones quan-
 doque valent, illarum valor tantum
 habetur a *materia*, non autem a *for-*
ma, Ut alibi dicitur. (CLXVII.)
 7. Valet tamen illatio, a sensu *distrib-*
utivo ad disjunctivum, & ratio est,
 quia hic in illo velut *pars in toto* con-
 tinetur: sic tenet illatio: *omnis*
homo currit: ergo etiam aliquis
homo currit.



SECTIO IX.

DE

DEFINITIONE, TANQUAM PECULIARI OBSCURITATIS CIRCA IDEAS, ET TERMINOS REMEDIO.

Definitio
spectat ad
primam
mentis
operatio-
nem.

CIII. **Q**Uoniam tum IDEÆ (XXXII) tum etiam *termini*, qui sunt *idearum substitutiones* (LXXIX) possunt esse *obscuri*, hic opportune post *Ideas* & *terminos*, de *definitione*, tanquam peculiari *obscuritatis remedio* agendum est. Sunt quidem nonnulli, qui definitionem omnem ad *2dam mentis operationem*, sive ad *propositiones* rejiciunt, ast alii numero multo plures, ad *simplicem apprehensionem* melius eam revocant, ideo potissimum, quia *definitio- num* vis videtur magis contineri *terminis*, quam *propositionibus*; nam v. g. hi *termini*: *animal rationale*, exhibent utique, quidquid ad *hominem* vere *definiendum* spectat. Et sic de aliis quoque *definitionibus* pariformiter dicendum est.

CIV. Est autem DEFINITIO, *gene-* Definitio
rice sumpta, oratio, quæ illud exponit quid sit?
Et explicat, quod in re, vel in nomine
obscurum est. Vel ut alii dicunt: est
notio sive idea distincta (XXXII. 3.) &
completa (n. c. 5.) sermone, aut oratio-
ne (LXXVIII.) expressa. Ipse termi- Definitio
nus, aut res, quæ definitur, dicitur formale,
definitum, & terminus quidem in scho- & obje-
lis dicitur definitum formale, res vero ctivum.
definitum objectivum.

CV. Quoniam aliud est cognosce-
 re, quid *res* sit, aliud scire, quidnam
 determinato aliquo *vocabulo*, seu *nomi-*
ne intelligatur? Hinc duplex præcipue
 definitio datur, alia scilicet NOMINIS, Definitio
 alia REI. 1^a est, quæ explicat, si- nominis?
 ve determinat, quidnam *termino* hoc,
 seu *vocabulo* intelligatur, abstrahendo
 interim, quid sit ipsa *res*, illo *termino*,
 seu *vocabulo* enunciata? e. g. si dico,
 me per hanc vocem *Elaterium*, sive
Elasticitas, intelligere vim illam, quæ
 corpus *tensum*, aut *pressum* se restituit, nil
 interim determinate affirmando, in quo
 proprie vis illa *Elastica* consistat? 2^a Definitio
 est, quæ declarat, quid *RES* ipsa sit? rei.
 v. g. si dico: *homo est animal rationale*,
 vel, *Linea est longitudo, latitudinis ex-*
pers &c.

SECTIO IX.

DE

DEFINITIONE, TANQUAM PE-
CULIARI OBSCURITATIS CIR-
CA IDEAS, ET TERMINOS
REMÈDIO.

Definitio **CIII.** **Q**Uoniam tum IDEÆ (XXXII)
speçtat ad tum etiam *termini*, qui sunt
primam *idearum substitutiones* (LXXIX) possunt
mentis esse *obscuri*, hic opportune post *Ideas*
operatio- & *terminos*, de *definitione*, tanquam pe-
nem. *culiari obscuritatis remèdio* agendum est.
Sunt quidem nonnulli, qui definitio-
nem omnem ad *2dam mentis operatio-*
nem, sive ad *propositiones* rejiciunt, ast
alii numero multo plures, ad *simpli-*
cem apprehensionem melius eam revo-
cant, ideo potissimum, quia *definitio-*
num vis videtur magis contineri *ter-*
minis, quam *propositionibus*; nam v. g.
hi termini: *animal rationale*, exhibent
utique, quidquid ad *hominem* vere *de-*
finiendum speçtat. Et sic de aliis quo-
que *definitionibus* pariformiter dicen-
dum est.

CIV.

CIV. Est autem DEFINITIO, *generice sumpta, oratio, quæ illud exponit quid sit? & explicat, quod in re, vel in nomine obscurum est.* Vel ut alii dicunt: est *notio sive idea distincta (XXXII. 3.) & completa (n. c. 5.) sermone, aut oratione (LXXVIII.) expressa.* Ipse terminus, aut res, quæ definitur, dicitur *definitum, & terminus quidem in scholis dicitur definitum formale, res vero definitum objectivum.*

Definitio
formale,
& ob-
jectivum.

CV. Quoniam aliud est cognoscere, quid *res* sit, aliud scire, quidnam determinato aliquo *vocabulo*, seu *nomine* intelligatur? Hinc duplex præcipue definitio datur, alia scilicet NOMINIS, alia REI. 1^a est, quæ explicat, si-
ve determinat, quidnam *termino* hoc, seu *vocabulo* intelligatur, abstrahendo interim, quid sit ipsa *res*, illo *termino*, seu *vocabulo* enunciata? e. g. si dico, me per hanc vocem *Elaterium*, sive *Elasticitas*, intelligere vim illam, quæ corpus *tensum*, aut *pressum* se *resistit*, nil interim determinate affirmando, in quo proprie vis illa *Elastica* consistat? 2^a est, quæ declarat, quid *RES* ipsa sit? v. g. si dico: *homo est animal rationale*, vel, *Linea est longitudo, latitudinis expers* &c.

Definitio
nominis?

Definitio
rei.

In quo
differant
definitio
nominis
& rei?

CVI. *Corollarium.* Differt quam plurimum definitio *rei* a definitione *Nominis*, nam 1. *definitio rei* concipitur, ut præcise *rei* definitæ conformis, definitio *nominis* vero ut conformis *notioni*, quam definiens ipse hic & nunc per nomen aliquod significare constituit. 2. *Definitio rei* non potest esse nisi *una*, eademque apud omnes, sicut *una* est unius *rei natura*: at definitio *nominis* potest esse *diversa* apud diversos, quia *per se* non exigit, ut *notæ* definiti *Characteristica* (seu *proprietates 4to modo*) attingantur, quales à *parte rei* dantur, sed sufficit, si illæ afferantur *notæ*, quas *mente* concepit definiens, quasque hic & nunc *communicare intendit*. Hinc 3. definitio *nominis* plerumque est ad *arbitrium* usurpantis, non item definitio *rei*, & de illa lis moveri neque debet, neque potest; hæc autem in controversiam adduci & potest, & aliquando debet.

Quid sit
Etymologia?

CVII. *Scholion.* Definitio *nominis* non debet confundi cum *Etymologia*; hæc enim in *originem* tantum *vocis* inquirat, illa autem determinat, quid per *vocem*, quam usurpamus, *intelligere* velimus. Cæterum quantum COMMODO

præ definitio *nominis* præstet, inde patet, quia inutiles altercationes, & lites de *nomine* refecat, facitque, ut in definitionibus disputantes conveniant: Utilitas definitio-
nis nomi-
nalis. hoc si veteres accurate in suis controversiarum libris servâssent, controversiæ quam plurimæ, quæ in rebus, præsertim Philosophicis, ingeniorum, & quandoque etiam animorum scissiones fecerunt, aut exterminatæ fuissent, aut in exiguum relatæ numerum; inde enim factum, ut visi quandoque fuerint homines, integros dies furiose disputare, atque interim egregie ignorare, qua de re disputarent? Sic etiam Protestantes in statuendo *Sacramentorum numero*, ab orthodoxis æque, ac à se ipsis usque hodie adhuc dissentiunt, ideo vel maxime, quia in definitione *Sacramenti*, longissime discrepant; & Spinoza ex mala definitione *substantiæ* (utpote quam definiit *rem A SE subsistentem*) in PANTHEISMUM (sive errorem eorum, qui *DEUM* & *mundum* pro uno eodemque habent) incidit, ut testantur HEINECCIUS. in *Elem. Phil. Rat.* §. XXX. & CI. ANT. GENUENS. *Elem. Met. P. I. C. II.* §. XX.

Definitio
essentia-
lis.

CVIII. Definitio *realis* dividitur in
ESSENTIALEM, & ACCIDENTIALEM, seu
descriptivam. 1ma est, quæ rei mate-
riam explicat per ea, quæ *ipsam essen-*
tiam constituunt, estque iterum vel
PHYSICA, si scilicet rei natura explicetur
per partes *physicas*, id est, *realiter*
inter se *distinctas*, e. g. si dico: *Homo*
est aliquid constitutum ex corpore &
anima; vel METAPHYSICA, quando
naturæ explicatio fit per partes *meta-*
physicas, seu per prædicata essentialia,
realiter inter se *identificata*, *genus &*
differentiam constituentia. e. g. dum
dico: *Homo est animal rationale* (nam
animalitas, & *rationalitas* juxta Scoti-
stas sunt partes hominis *Metaphysice*,
realiter identificata) 2da, seu DESCRI-

Acciden-
talis seu
descripti-
va & ge-
netica.

PTIVA est, quæ rem explicat per ali-
qua attributa *non essentialia*, sed vel
per *proprietates*, vel per *principia ex-*
trinseca, *accidentia*, & *causas*, vel per
genesin, sive *originem* (unde & GENE-
TICA dicitur) ut. v. g. *homo est substan-*
tia, *admirationis*, *risus*, & *loquela ca-*
pax. Vel, est *animal implume*, *bipes*,
erectum tollens ad sidera vultum. Item
Eclypsis Lunæ est, quæ oritur per *inter-*
positionem terræ, *solem inter & Lunam*.
Aut: *commiseratio est tedium*, ex al-
terius

terius infelicitate oriundum. *Linea est longitudo, ex continuo punctorum fluxu orta. Circulus est, qui generatur, si linea recta circa punctum fixum rotetur &c.*

CIX. *Scholion.* Non desunt, qui cum Tschirnhausen, Wolfio, Gottsched, & aliis contendunt, omnem definitionem realem (n. præc.) debere esse geneticam, hoc est, quæ distincte explicet modum, & causas, per quas definitum fieri, aut generari soleat; sed graves rationes in contrarium opponunt alii, & usus quoque perpetuus Doctorum eis aperte contradicit, utpote qui solum amant definitiones succinctas, & averfantur longiores, ut sunt ejusmodi *Geneticae*, quæ rei potius causas, partes, & accidentia, quam ipsam rei essentiam complectuntur: nihilominus in definiendis artefactis, meteoris, aliisque mixtis, definitio genetica locum, & usum frequentem habet.

Definitio
genetica
rejicitur.

CX. Cæterum Canones sive REGULÆ definitionis perfectæ sunt sequentes. I. *Definitio debet esse clarior definito*; alias enim non esset idea rei distincta, quod est contra (CIV.) Hinc

Regulæ
definien-
di.

ipsi definitionis *Termini*, seu *definitum formale* (n. c.) si non sint satis perspicui, antea accurate explicari debent per *novam* definitionem. Sic Cicero *Paradox. V. c. I. LIBERTATEM* definiens inquit: *quid est libertas? potestas vivendi, ut velis. Quis igitur vivit, ut vult? nisi qui recta sequitur, qui gaudet officio, cui vivendi via considerata, atque provisa est?* II. *Definitio* constet genere proximo, & *differentia ultima*, vel ut alii loquuntur, *primaria*, alias enim *definitio* esset *latior suo definito*, & consequenter res definita non posset *DISTINGUI* ab omnibus aliis rebus. Sic male diceretur: *verba sunt signa conceptuum, sive cogitationum*, quia multi, non tantum *verbis*, sed etiam *manibus*, aut *oculis*, *SIGNA* quædam *cogitationum* edunt. Item mala esset hæc definitio *hominis*: *homo est substantia mortalis*, quia τὸ *SUBSTANTIA*, est genus latissimum, & τὸ *MORTALE*, non est *differentia ultima*, atque *primaria*, per quam homo à *brutis*, & rebus *materialibus* differt. Si vero *genus proximum*, aut *differentia ultima* haberi nequeunt, licite ad *descriptiones* confugi potest, ita

tamen, ut quantum fieri potest, III. *Definitio semper conveniat omni, & soli definito*: id, quod continget, observata præcedenti regula, sicque definitio *adequabit* definitum, & cum eo, ut debet, *commutari* poterit, ita, ut definitio in locum definiti, *salva omni mutatione*, possit substitui, & e contra, dicendo. v. g. *homo est animal rationale, & animal rationale est homo*. Peccat autem hæc definitio: *homo est animal, implume bipes*, quia non valet: *animal implume bipes*, (v. g. Gallus Gallinæus deplumatus) *est homo*. Item male definitur *amor*, si dicitur, *amor est affectus, quo aliorum felicitate delector*, nam *amor erga nos ipsos* in hac definitione non continetur.

CXI. *Corollaria*. I. Notæ igitur in Aliæ ad-
 definitione enumeratæ aliis rebus, præ- huc Re-
 ter rem definitam, convenire non de- gulæ.
 bent; bene autem omnibus iis, vel in-
 dividuis, vel speciebus, quæ rei defini-
 tæ ambitu comprehenduntur, & per
 illas notas res definita debet ab omni-
 bus aliis rebus *semper & ubique* discer-
 ni posse, prout requirit natura Ideæ
 completæ (XXXII. 5.) Qualis ut sit
 definitio oportet (CIV.) II. Ea ergo,
 quæ

quæ rei definitæ non *constanter* insunt, sive *accidentia* (XLVIII.) in definitione poni non debent; male enim dicerem: *Homo est animal pulchrum, aut doctum.* III. Cavendum est in omni definitione, ne *idem per idem* explicetur, qua de causa recentiores Philosophi non approbant illam definitionem QUANTITATIS, qua Peripatetici dicunt, *quantitatem esse accidens, à quo res dicitur quanta?* nam hoc ipsum in quæstione est, *quid sit illud, à quo res dicitur quanta?* & hæc definitio dicitur *ambulare in Circulo*, quia id ipsum in definitionem ingreditur, quod definiri deberet, æque ac si dicerem: *Lex est decretum Superioris, obligans inferiorem;* ac dein Superiorem definirem, esse illum, *qui habet potestatem ferendi legem.* Terminus tamen *identicus* aliquando valet: si prius jam definitus sit *in concreto.* e. g. *Sapiens est vir eligens optimum,* ex quo dein vere addi potest: igitur SAPIENTIA est *virtus animæ, qua quis est SAPIENS.* IV. In definitione adhibendi minime sunt termini *metaphorici, ignoti, vagi, & ambigui,* nisi antea illi ipsi fuerint definiti (CX.) neque termini *negativi* per se loquendo

do usurpari debent (nisi quæ vim positivorum habent, aut alii termini positivi omnino non suppetant) nam per ejusmodi definitionem negativam nemo venit in cognitionem, quidnam revera res sit? sed tantum, quid non sit? inde male definiretur aurum per hoc, quod non sit arbor, aut cuprum &c.

CXII. Circa Usū definitionum sequentes canones observandi sunt. I. *Usus definitionum non debet esse nimis: Philoristia*; sive excessus in definiendo antiquis vitio vertitur, qui ne olus quidem citra definitionem comedere volebant: at inutile prorsus est illa definire, quæ per se Ideas claras menti ingenerant, unde Democritus alios quondam Philosophos risu excepit, quod Homini definiendo adeo insudarent, dicens: *homo est id, quod nos ipsos esse novimus*. Quædam vero objecta ita sunt obscura, ut secundum naturam suam perfecte definiri nullatenus queant. e. g. Leo quidem definitur esse animal rugibile, bos vero animal boabile: at quis scit ipsam naturam τῆ rugibilis, aut τῆ boabilis? II. Inter definitionem REI, & NOMINIS accurate distinguendum est, ne unus v. g.

Regulæ
circa usū
definitionum.

Philoristia
quid sit?

eosdem terminos usurpet pro definitione nominis, alter pro definitione *Rei* (CVI.) Definitiones enim *nominum* sunt ad libitum quidem cujuslibet; dummodo alios moneat, se id, & non aliud intelligere; at definitiones *rerum* non sunt *arbitrarie*, sed probe inspicenda est *rerum natura*: Unde ad LOGICUM non spectat condere definitiones ejusmodi, sed oportet illas cuiusvis facultati relinquere, illique sufficiat scire *regulas* bene definiendi, factasque ab aliis definitiones *reales* examinandi. Hinc communis usus in figendo *vocum* sensu, quoad potest, servetur, & determinatus semel *vocis* alicujus sensus non facile mutetur.

Definitio
est mo-
dus sciē-
di.

CXIII. *Scholion*. Cl. P. Fort. a Brix. Log. P. 1. §. 140. negat, definitionem esse *modum sciendi* (sive *medium acqui-
rendi scientiam*) ex eo, quia scientiam, vel notitiam rei primum sequitur, atque ideo asserit, quod per eam *scientia* obtineri non possit; ast fere omnes pleno agmine in eo sibi contradicentes habet; definitio enim, etsi hoc modo *in mente definientis* sit notitia rei posterior, ducit tamen alios *audientes, legentesve* in rei notitiam, facitque,

que, ut proposita quæstio solidis argumentis demonstrari queat.

SECTIO X.

DE

DIVISIONE, SEU ALTERO
CONFUSIONIS CIRCA
IDEAS, ET TERMINOS
REMEDIUM.

CXIV. **D**efinitioni *Señ. præc.* explicatæ subjungenda est *Divisio*. Quid sit divisio?

visio, quæ ab illa *quoad rem significatam* non differt, sed solum *quoad modum tendendi*, est enim *divisio* novarum quasi *definitionum* acervatio, quibus *Ideæ*, seu nominis cujusdam *totalis* notæ *speciales* dilucidantur, ac proinde ipsius *Ideæ* *totalis confusio* tollatur. Proprie autem *divisio* dicitur *resolutio totius in partes suas*. *Idea* porro seu *res*, quæ dividitur, appellatur *divisum*, ipsæ vero *partes*, in quas dividitur, dicuntur *membra dividenda*, & membra *dividentia*, quæ si fuerint duo tantum, *divisio* vocatur *bimembris*, si plura, *trimembris*, aut *quadrimebris* &c. Ac si partes sive membra in *novas* denuo partes resolvantur, dicitur *subdivisio*.

CXV.

Divisio
nominis
& rei.

CXV. *Divisio* æque ac *definitio* (CV.) alia est *NOMINIS*, alia *REI*: 1ma explicat multifariam *vocis* seu *TERMINI* significationem, e. g. *Camelus* jam indicat *animal*, jam *funem nauticum*, in quo sensu accipi debet illud *Matth. 19. v. 24.* Item *CANIS* modo significat *animal latrabile*, modo *piscem*, modo *stellam*. 2da exponit seu distribuit *REM* aut significatum in suas partes. e. g. cum *Spiritus* dividitur in *creatum*, & *increatum*. Hæc iterum duplex est, pro diversitate scilicet *totius*, sive *rei*, quæ dividitur, nam aliud est totum *potentiale*, aliud totum *actuale*, atque ideo alia quoque est *divisio potentialis*, alia *divisio actualis*.

Quid totum
actuale,
& potentiale?

CXVI. *TOTUM* dicitur omne id, quod vel in se, vel *sub se*, alias res quaslibet complectitur. 1mum est totum *actuale*, (XLVI. 2.) 2dum *potentiale* (n. c.) *Divisio* ergo *potentialis* est distributio prædicati *universalis* in *differentias*, vel *species*, aut *individua*. Sic *totum animal* dividitur in *rationale*, & *irrationale*, in *hominem* & *brutum*, in *Petrum Paulum* &c. quæ vocantur *partes potentiales*, aut *subjectivæ* (XLI) di-

divisio *actualis* est distributio rei in partes, ex quibus *actu* componitur. Hæc rursus triplex est, quia triplex etiam datur totum *actuale*, scilicet 1. *essentiale*, 2. *integrale*, 3. *accidentale*.

CXVII. TOTUM ESSENTIALE dicitur, quod ex partibus *essentialibus* (XLVI. 3.) coalescit, vel *physicis*, vel *metaphysicis* (CVIII.) unde quoque divisio ESSENTIALIS est distributio rei in suas partes *essentiales*, quæ si fuerint partes *physicæ*, divisio *essentialis physica*; si *metaphysicæ*, divisio *essentialis metaphysica* denominatur. TOTUM INTEGRALE est, cujus partes magis ad integritatem, quam ad *essentiam* spectant, &, si sint *ejusdem rationis*, ut v. g. plures aquæ guttæ, vocantur *homogeneæ*, si vero *diversæ rationis*, ut *tabulata*, *tectum*, *janua* &c. respectu domûs, *heterogeneæ* appellantur. Aliud item est totum *integrale physicum*, quod constat partibus *integrantibus physicis*. Sic homo constat *capite*, *collo*, *pectore*, *brachiis*, *pedibus* &c. aliud est *integrale morale*, cujus partes tantum ex *institutione*, aut *communi hominum estimatione*, ad se invicem ordinantur, ut *respublica*, *exercitus* &c. aliud *instan-*

Essentialis.

Integra-
lis.

taneum, cujus partes integrantes simul existunt, ut *corpus*, *domus* &c. aliud denique est *successivum*, ut supra de *quantitate* dictum est (LVI. 6.) DIVISIO igitur INTEGRALIS est distributio totius in partes suas integrantes. Totum per accidens est, quod ex aliquo subiecto & accidente (XLVIII.) confurgit, ut *τὸ album*, aut *doctum*, quæ in recto important subiectum, cui inhæret forma accidentalis albedo, aut doctrina, nec differunt à concretis accidentalibus (LXXXIV.)

Acciden-
talis.

DIVISIO ergo ACCIDENTALIS est partitio totius accidentalis in subiectum, & accidens. Hæc divisio denuo triplex est, vel enim 1. dividitur totum accidentale PER SUBJECTA, quibus inest illa forma, ut v. g. *albedo* alia est *muri*, alia *lactis*, aut *nivis*. Vel 2. subiectum dividitur PER ACCIDENTIA. e. g. *Corpus* per figuram *quadratam*, aut *rotundam*. 3. Vel denique ipsum totum accidentale dispescitur IN ACCIDENTIA, ut *τὸ album* in *dulce*, & *amarum*.

Connota-
ta quid
sint?

CXVIII. Præter partes, quæ constituunt *essentiam* rei, sive totius, dantur etiam varia, quæ ad *existentiam* rei concurrunt, vel ut *causa*, vel ut *conditio*,

ditio, aut modus &c. & connotata extrinseca totius nominantur. Sic se habet v. g. DEUS, respectu rerum in mundo existentium; licet enim hæ ab illo essentialiter, tanquam a Creatore, & Conservatore dependeant, non tamen ipse est pars illarum intrinseca, sed causa tantum, atque connotatum extrinsecum; differunt ergo connotata a partibus in hoc, quod sine illis totum perfecte de reliquis, quæ intrinsece includit, simul sumptis prædicari valeat, non autem sine istis, hinc & divisio proprie in partes, non in connotata fieri debet, ut sit vera divisio (CXIV.)

CXIX. Regulæ bonæ divisionis sunt: Regulæ
 I. *Divisio fiat in membra proxima, & dividenda immediata. Sic EUROPAM v. g. divisurus male inciperet ab Urbibus, aut provinciis particularibus, BAVARIÆ v. g. aut SUEVIÆ, sed melius divideret primo TERRAM in Regna. Provincias, ac Territoria &c. Dein vero etiam AQUAS in Oceanos, maria, lacus, & fluvios &c. Juxta ordinem membrorum VIRGINIS SEDENTIS, quam Geographi EUROPÆ attribuunt, singula recensendo. Sic etiam substantia male divideretur in hominem, &*

brutum, quia præcedunt alia membra proxima, immediate *substantiam* dividendia, ut videre est in arbore Porphyrii, aut Cartesii (Fig. I. & II.) II. *Divisio sit adequata*. Hoc est, membra dividendia nec plus, nec minus complectantur, quam ipsum divisum, ita in præc. exemplo *Europa* male divideretur in *Germaniam*, *Helvetiam*, & *Galliam*, ac *Perfiam*. Vel homo in *sensitivum*, & *rationalem*. III. *Membra dividendia inter se pugnent*: nec unum eorum debet alterum continere, sic falso dividerentur *homines*, in *pios*, & *doctos*, vel *animal* in *rationale*, *irrationale*, & *rugibile*. IV. *Nullum membrum dividens se solo adequet totum*, alias enim non divisio totius in partes, sed repetita tantum ejusdem totius positio erit. V. *Divisio, ordinarie loquendo, fiat in membra non nimis multa*, nam ut præclare SENECA ait Epist. LXXXIX. *idem vitii habet nimia, quod nulla divisio, simile confuso est, quidquid usque in pulverem sectum est*. Sæpe tamen *Analysis* (XXXII. 8.) per multos veluti gradus continuanda est, ope *subdivisionum* (CXIV.) quæ & ipsæ citra necessitatem multiplicandæ non sunt. Superstitiosa vero, ac plane ridicula vide-

detur illa RAMISTARUM (seu affeclarum PETRI RAMI.) regula, qua omnem divisionem *Διχοτομίαν* hoc est, *bi-membrem* esse voluit; etenim non omne totum (quod juxta dicta *perfecte* distribui debet) *duabus* tantum partibus constat. VI. *Divisio fiat in membra positiva*, si totum sit *positivum*; sic male divideretur *homo*, in *musicū*, & non *musicum*, ratio est eadem, quæ supra data est (CXI. 4.) VII. *Ordo in divisione servari debet*. Id sequitur ex Reg. I. Hinc in toto *potentia* (XLVI. 2.) ita dividantur partes *subjectivæ* (XLI.) ut in prosecutione divisionis membra *dividentia* semper *arctius* & *arctius* cocant, donec tandem ad *individua*, solo numero distincta, in unoquoque divisionis membro perveniatur; pariter in divisione totius *integralis* inchoandum a *majoribus* partibus, tum majores in *minores* resolvantur, e. g. *Corpus* primo in partes *solidas*, & *fluidas*, dein iterum partes *solidas* in *ossa*, *nerves* &c. dividantur.

CXX. *Scholion*. Quandoque *divisio* præmittenda est *definitioni*, & quidem tunc, si occurrit terminus *equivocus*, qui prius rite dividendus est per divi-

Utilitas
divisionis.

tionem *nominis* (CXV.) antequam definiatur, *qualis* sit re ipsa. UTILITAS porro *divisionis* est maxima, nam 1. inde juvatur MEMORIA, utpote quæ ad *singularium* distinctam noticiam facilius pervenit, nec ob rerum *multitudinem* confusione involvitur. 2. INTELLECTUS quoque res tot ac tantas, quas *conjunctas* obscure tantum cognosceret, ut *sejunctas* clarius percipit. 3. Etiam *legentes* atque *discentes* ex bona *divisione* magis proficiunt, unde habetur illud: QVI BENE DISTINGUIT, BENE DOCET. Id quod præprimis elucet in omnibus scriptis, tum *Asceticis*, tum *Polemicis* Cl. P. FRANCISCI NEUMAYR, S. J. qui jure propterea *Doctor Clarissimus*, ac *Solidissimus* appellari meretur: nec *dividendi* solum, sed & *definiendi* artificium, ex eruditissimis ipsius opusculis tyro quivis, præsertim *Religionis*, *solideque pietatis* amans, abunde haurire poterit.



DIS-

DISSERTATIO II.

DE JUDICIO, ET PROPOSITIONIBUS, EARUMQUE PROPRIETATIBUS.

SECTIO I.

QVID SIT JUDICIUM, ET PROPOSITIO IN GENERE?

CXXI. *Judicium*, ut est secunda mentis operatio, dici potest *actus intellectus*, immediate unum de alio enuntians, habetque se processus *judicii mentalis* vix non eodem modo, sicut *judicium forense* instituitur; nam 1. *presentantur* menti duæ saltem *ideæ*. 2. *Comparantur* invicem hæ ipsæ *ideæ*. 3. Mens percipit quamdam *habitudinem* convenientiæ, aut disconvenientiæ in illarum objectis. 4. Mens tandem *decidit*, & quasi *sententiam* pronuntiat, *annuendo*, vel *abnuendo* perceptæ *habitudini*, quod est ipsum *affirmare*, aut *negare*, & consequenter JUDICIUM INTERNUM nil aliud est, quam *sententia*, atque *decisio mentis*, super *habitudine*, quam in *idearum suarum objectis* agnoscit, in quantum vero istud *judicium*

Judiciū.

Propositi- in mente factum, per voces exterius
o. manifestatur, *Judicium verbis expres-*
sum, sive PROPOSITIO in scholis no-
 minari consuevit, vel ut vulgo defi-
 nitur: *oratio* (LXXVIII.) *in qua unum*
de alio affirmando, vel negando immedia-
te enuntiatur, includitque in se subje-
 ctum, *prædicatum*, & *copulam* (LXXIX.)

Judicium CXXII. *Corollaria.* I. *Judicium non*
est sola animi PASSIO (LX.) qua mens
 subjecti & prædicati, eorumque con-
 nexionis species *passive* in se recipit,
 nihil omnino agendo, sed est vera
est actio. *ACTIO* (n. c.) nam *conjungere* ideas
 convenientes, ac *sejungere* dissentien-
 tes, ut fit per *judicium affirmativum* &
negativum, est vere *agere*, adeoque
 etiam intellectus, ut *judicantis*, ope-
 ratio est vera *actio*. II. *Judicium non*
Et qui- *est mere actus VOLUNTATIS approban-*
dem in- *tis, vel improbantis*, ut vult Cl. PUR-
tellectus *CHOTIUS*; sicut enim duas actiones
non vo- *voluntati* tribuimus, nempe *amare*, &
luntatis. *odisse*, ita & duplicem actionem intel-
 lectui communiter assignamus, *affirmatio-*
nem nimirum & *negationem*: & sane qui
judicat v. g. *bonum esse amandum*, pro-
 pterea non semper per *voluntatem* il-
 lud prosequitur amore, neque etiam
 im-

immediate *aversatur*, adeoque alia est actio *intellectus*, ideas *conjungentis* per annutum, & alia est actio *voluntatis* *approbantis*, aut *amantis*; & consequenter ex eo, quod voluntas *imperet* assensum vel dissensum, male infertur, quod *judicium sit actus voluntatis*, cum solum inferri deberet: *ergo IMPERIUM assensus, vel judicii est actus voluntatis*, non autem *ipsum JUDICIUM*, quia mens, ut *volens*, inflectit se ipsam ut *intelligentem*, ad affirmationem & negationem propter con- vel disconvenientiam idearum. Dein si *intellectus* non est per se formaliter *activus*, sed ejus actio potius *voluntati* attribuenda est, ut docet idem Cl. PURCHOTIUS, quomodo in sensu, a Theologis recepto, salvabitur, quod *processionum* in divinis principium *formale* quo, ut ajunt, *proximum, sit intellectus & voluntas*? Nam si intellectus *activus* non est, quomodo principium *formale FILIATIONIS* esse poterit? Certe si *intellectus* ad *voluntatem* refunditur, tunc *idem* erit principium *filiationis*, & *spirationis passive*, sicque filius, ut VERBUM PATRIS, non procedet per *intellectum*, quod est contra omnes Theologos. III. *Essentia judicii physica,*

Judicium *sive* *judicium formaliter sumptum*, ideas est *simp* quidem *subjecti & prædicati*, tanquam *plex mē-* duas apprehensiones requirit, non *tis actus.* tamen ex iis *COMPONITUR*, sed est *SIMPLEX* mentis *ACTUS*, qui formaliter est ipsa *AFFIRMATIO*, & *NEGATIO*, *subjectum* autem & *prædicatum* tantum sunt id, quod affirmatur aut negatur, *sive* tantum in *esse materiali* considerantur illæ ideæ præsuppositæ, quas *formaliter* mens *unico actu* afirmando inter se jungit, vel negando separat. Indeque patet, quod revera in *intellectu* possint esse ideæ *subjecti*, & *prædicati*, *quin intellectus judicet*, seu *annuendo*, seu *abnuendo*, ita dum v. g. aliquis ex *DAVIDIS* psalterio profert hanc impii propositionem, dicentis, in corde suo: *non est DEUS*, certe *in mente* habet terminos hujus propositionis blasphemæ, nec tamen ipsis *assensum* præbet, *judicium* ferendo, alias toties blasphemaret, quoties voce proferret.

Subjectū & prædicatum
Formale
ac ob-
jectivum.

CXXIII. *Scholia. I.* In *propositione* aliud est *subjectum & prædicatum formale*, aliud *objectivum*. Per *primum* designantur *termini*, per *secundum res ipsæ*. Sic etiam

etiam *copula* alia est *principalis*, quæ *Copula* stat in propositione *simplici*, *unum* tan- *principa-*
tum *subjectum*, & *prædicatum* habent- *lis*.
te. e. g. *DEus est justus*. Alia est se- *Secunda-*
cundaria, quæ stat in propositione *ria*.
composita. e. g. *DEum esse justum*, de
fide est. Vel, si *DEus est justus*, tunc
scelerum vindex est. Tò *DEum esse ju-*
stum, & Tò si *DEus est justus*, *copulam*
continent *secundariam*: unde etiam alii
copulam principalem vocant eam, quæ
totum subjectum connectit cum *totopre-*
dicato, *secundariam* vero, quæ *vel so-*
lum partes *subjecti*, vel *solum partes*
prædicati inter se connectit. II. *Sub-*
jectum, *prædicatum*, & *copula* non
semper in propositione ponuntur *ex-*
plicite, sive expressis terminis; nam
quandoque omittitur, & subintelli-
tur *prædicatum*, ut si dico: *ego sum*,
quod facit implicite hunc sensum:
ego sum existens, quandoque *subjectum*
simul & prædicatum, in verbo contenta,
intelliguntur, ut in illis JULII CÆSA-
RIS verbis: *veni, vidi, vici!* non-
nunquam etiam *integra verba* reticen-
tur, ut in hoc TERENCEII loco:
egone illam? quæ me? quæ non? vel in
illo

Propositi- illo VIRGILII : *quos ego?* propositiones
tio deter- ergo illæ, in quibus uterque termi-
tio adja- nus una cum copula aperte ponitur,
cente. dicuntur de TERTIO ADJACENTE, quia

De secū-
do adja-
cente.

scilicet *tribus* constant vocabulis, quo-
rum *tertium*, nempe prædicatum, duo-
bus prioribus *adjacet*, illa vero, qua-
rum *subiectum*, vel *prædicatum latet*, de
SECUNDO ADJACENTE, denique
si tam *subiectum* quam *prædicatum* per
solum verbum exprimitur, propositio

De primo
adjacen-
te.

de PRIMO ADJACENTE dicitur,
ut *amo*, *scribo*, *ambulo*. Facitque hunc
sensum: *ego sum amans, scribens, am-*

Verbum

bulans. III. Verbum SUM, quod in

sum du-
pliciter
in propo-
sitione
accipitur,
in vi co-
pulæ, &
in vi ver-
bi tantū.

scholis passim vocatur *verbum substan-*
tivum, eoquod *solam affirmationem*
perfecte enuntiet, absque eo, ut
alium insuper quemdam *sensum* super-
addat (prout tamen fit per alia verba,
quæ propterea *adjectiva* vocantur)
interdum sumitur tantum in VI CO-

PULÆ, & *substantive*, quando scilicet
duntaxat *nexum* inter subiectum, & præ-
dicatum significat, ut fit in propositio-
nibus de *materia necessaria* v. g. *Homo*
est animal rationale, vel *homo non est*
equus, quæ veræ sunt, licet nullus
homo *existeret*; prima enim facit hunc
sensum, *quandocunque existit, existit,*

aut

aut erit homo, fuit, est, & erit animal rationale, adeoque per ampliati-
nem (XCIII.) accipitur: interdum au-
tem sumitur solum in VI VERBI,
& adjective, seu ut *prædicatum* (sal-
tem *partiale*) nimirum in proposi-
tionibus *de materia contingenti*, ubi præ-
ter illum *nexum*, significat etiam *tem-
pus*, & *existentiam* subjecti, & prædi-
cati, pro tempore per copulam indi-
cato, e. g. In hac propositione: *Pe-
trus currit*. Ubi sensus est: *Petrus
existit, & currit*. Sive *Petrus est existens,
& currens*. IV. Etiam in proposi-
tione *negativa* datur copula; licet enim
una res *negetur* de altera, atque ideo
negetur nexus inter subjectum, & præ-
dicatum *obiectivum*, datur tamen (si
de propositione *mentali* loquimur)
nexus prædicati *formalis* cum subjecto
formali, seu nexus utriusque termini,
qui per verbum SUM in *unum iudicium*
quodammodo conjungitur. V. Quem-
admodum *ideæ* per *nomina* (LXXVI.)
Sic iudicia per *verba*, tanquam per
signa exprimuntur (LXXVII.) nam
verba significant *affirmationem*, & ad-
ditâ particulâ NON, continent *nega-
tionem*.

Copula
datur etiã
in propo-
sitione
negativa.

SECTIO II.

RECENSENTUR VARIÆ
PROPOSITIONUM SPE-
CIES.

CXXIV. **I**N qualibet propositione spectanda sunt 4. nempe
1. *Materia.* 2. *Forma.* 3. *Quantitas.*
4. *Qualitas.* Et ex hisce 4. tota propositionum divisio petitur.

Propositionum
materia
duplex.

MATERIA porro propositionis duplex est, *una, circa quam fit, & sunt RES. ALTERA, ex qua fit, seu componitur, & sunt termini.*

Forma.

FORMA vero est debita terminorum in propositione connexio per verbum EST, sive est ipsa copula principalis (CXXIII.) aliquid affirmans, vel negans. Et vocatur etiam *Qualitas* propositionum essentialis.

Quantitas.

QUANTITAS est *extensio, vel restrictio subjecti*, sive est id, quod respondetur ad quæstionem, *quanta sit propositio?* verbo, est *universalitas & particularitas.*

QUA-

QUALITAS est *veritas aut falsitas propositionis*, quæ sequitur ejus *affirmationem*, aut *negationem*, & respondetur ad quæstionem, *qualis sit?* & dicitur *qualitas accidentalis*. Qualitas.

CXXV. Propositio **RATIONE** Propositio necessaria.
MATERIÆ *circa quam* I. **alia est NECESSARIA**, seu in *materia necessaria*, faria.
 cujus prædicatum *essentialiter*, hoc est, *ex natura sua* inest subiecto, vel ut **CL. Purchotius** inquit, *cujus attributum in idea clara, & distincta subiecti continetur*, ut *homo est animal rationale*, vel *circulus est rotundus*. II. **CONTINGENS**, Contingens.
 seu in *materia contingente* est, cujus prædicatum subiecto ita convenit, ut posset ab eo etiam *abesse*, sive, cujus termini possent non esse conjuncti, ut *aliquis homo est mathematicus*. III. **POSSIBILIS**, seu in **MATERIA POSSIBILI** est, Possibilis.
 cujus prædicatum subiecto *nec convenit actu*, *nec actu repugnat*, e. g. *Petrus cras morietur*, vel: *hic puer erit cum tempore Philosophus*. IV. **IMPOSSIBILIS**, sive in *materia impossibili* Impossibilis.
 est, cujus prædicatum necessario *repugnat* subiecto, adeo ut ejus termini nunquam conjungi queant, e. g. *Creatura est infinita*, vel *circulus est qua-*

quadratus : ejusmodi propositio dicitur quoque *incomprehensibilis*, si ejus *repugnantia* sit *manifesta*.

CXXVI. Scholia. I. Aliud est in *rigore*, propositionem esse **NECESSARIAM**, & aliud est **Esse in MATERIA NECESSARIA**; nam v. g. Hæc propositio : *homo non est Leo*, est *necessaria*, id est, *necessario vera*, attamen non est in *materia necessaria*, sed in *materia impossibili* : econtra hæc propositio : *homo non est rationalis*, est *impossibilis*, sed in *materia necessaria*. **II.** In Theologia datur etiam propositio *necessaria*, **NECESSITATE** tantum **ACTUS**, & est ea, quæ *necessario est vera*, non tamen in *materia necessaria*, quales sunt omnes fere propositiones, & *actus fidei*. e. g. *Christus passus, & sepultus est*; *necessario enim verum est*, quod Christus sit passus, non tamen hæc ipsius passio ita ipsi *necessaria* fuit, ut non potuerit non pati, sed potius **OBLATUS EST**, **QUIA IPSE VOLUIT**. *Is. 53. V. 7.* **III.** Si in propositione aliquis ex præfatis terminis : *necesse*, *contingens*, *possibile*, *impossibile*, *aperte* ponitur, & aliquo ex his *modis prædicatum affirmatur*, vel *negatur*.

Propositio necessaria necessitate actus.

gatur de subiecto, illa propositio vocatur MODALIS, si vero non exprimitur MODUS, quo attributum convenit subiecto, dicitur ABSOLUTA. v. g. Si dico præcise: *homo est animal*, aut: *Petrus est doctus*, est propositio ABSOLUTA, si autem assero: *homo* NECESSARIO *est animal*, aut *Petrus* CONTINGENTER *est doctus*, MODALIS est. IV. Quatuor illis modis, quoad sensum æquivalent isti quatuor modi TEMPORIS: *semper*, *nunquam*, *aliquando*, *Aliquando non*. Nec non quatuor isti modi LOCI: *ubique*, *Nullibi*, *Alicubi*, *Alicubi non*. e. g. Huic propositioni: *homo est animal rationale*, substitui possunt istæ: *homo SEMPER est animal rationale*, vel: *NECESSARIO*, & *UBIQUE est animal rationale*, & hæc: *Petrus currit*, æquivalet his: *CONTINGENS est, Petrum currere*, vel *Petrus ALIQUANDO*, aut *ALICUBI currit* &c. V. In propositione modali aliud est MODUS, & aliud est DICTUM. *Modus* est unus de mox dictis; *dictum* vero vocantur reliqua in propositione posita. e. g. in hac propositione: *ne- cesse est, hominem esse animal*. τὸ NE- CESSE, est MODUS, reliqua verba constituunt DICTUM.

- Propositi- CXXVII. Propositio ratione MA-**
o. **TERIÆ ex qua**, seu terminorum I.
Identica, est **IDENTICA**, seu *nugatoria*, aut *Syn-*
nonymica, ut v. g. *homo est homo*; *ensis*
Legiti- *est gladius*. II. **LEGITIMA**, seu *forma-*
ma. *lis*, in qua prædicatum aliud signifi-
cat, quam subjectum; ut: *homo est sen-*
Mediata. *sitivus*. III. **MEDIATA**, in qua prius
 debet in subjecto aliquid concipi, eo-
 quod illi prædicatum *per se* non com-
 petat, ut si dico: *Plato est Philosophus*.
 Plato prius concipi debet ut *homo*,
 antequam concipiatur ut *Philosophus*.
Immediata. IV. **IMMEDIATA**. ubi prædicatum
essentialiter convenit subjecto: e. g.
Plato est rationalis.

- Affirma- CXXVIII. Ratione FORMÆ pro-**
tiva. **positio est I. AFFIRMATIVA**, quæ
Negati- aliquid affirmat, aut **NEGATIVA**, seu
va. habens annexam copulæ principali
 particulam **NON**, quæ dicitur *ma-*
lignantis nature, quia omnia, quæ
 post se invenit, *negat*. e. g. *vera fides*
est necessaria ad salutem, est affirmativa.
Commoditas vivendi non est vera hominis
in hac vita felicitas. Est negativa. Af-
Duplex firmativam quoque facit duplex ne-
negatio gatio; eandem copulam respiciens.
affirmat. e. g. *non possum non amare bonum*. Vel:
 nul-

*nulla virtus non subiacet tentationi. Sensus est: debeo amare bonum. Omnis virtus tentationi obnoxia est. Ubi vero adest copula principalis, unacum secundaria incidente, solummodo ad illam, non ad hanc attendi debet, ita hæc propositio: homo, qui in bono non perseveraverit usque in finem, damnabitur, affirmativa est, licet copula secundaria sit negativa. Propositio autem modalis (CXXVI. 3.) potest esse affirmativa quoad dictum, & simul negativa quoad modum, vel econtra. e. g. *Hominem sua voluntate à vera fide alienum salvari, non est possibile, vel, vix est possibile, mendacem non esse perjurum.* II. **PROPOSITIO ORDINATA** dicitur, in qua prædicatur, quod ex natura prædicari debet, ut *canis est animal latrabile* INORDINATA, seu indirecta est, in qua prædicatur, quod ex natura subijci debet. e. g. *Animal latrabile est canis.* (L. 3.) III. **SIMPLEX**, aut *Categorica* Simplex, est, quæ constat una tantum copula principali, & uno tantum subiecto, & prædicato. e. g. *DEUS est misericors.* IV. **COMPOSITA**, aut *complexa*, quæ plures habet copulas principales, illa vero propositio *intermedia*, quæ ex subiecto propositionis complexo na-*

Propositi-
o ordi-
nata.

Inordi-
nata.

Simplex,
sive Cate-
gorica.

Composi-
ta, sive
comple-
xa.

Incidens. scitur, & per *qui*, *quæ*, *quod*, exprimitur, vocatur propositio **INCIDENS**, quæ vel **EXPLICAT** tantum subjectum propositionis *principalis*, ut; *homo, qui est animal rationale, capax est beatitudinis*, vel illud etiam **DETERMINAT**, ut: *homines, qui pie volunt vivere, persecutionem pati debent*. Propositio *composita*, est vel *explicite*, vel **Exponibilis.** *implicite* composita, seu **EXPONIBILIS**, hoc est, quæ *exponi*, atque explicari debet per *duas* propositiones, licet *in se* grammaticaliter *una* esse videatur. Sic v. g. Si dico: *soli iusti salvantur*, est propositio *implicite* composita, quæ, ut evadat in propositionem *explicite* compositam, sic exponi debet: *Iusti salvantur, & nemo alius salvatur*. Hæc secunda *exponens*, prior *exponibilis* dicitur. Propositio **EXPLICITE COMPOSITA** iterum dividitur in *copulativam*, *disjunctivam*, *causalem*, *conditionalem*. **IMPLICITE COMPOSITA** in *exclusivam*, *exceptivam*, *reduplicativam*, & *comparativam*

CXXIX. Inter **EXPLICITE** *compositas* I. **COPULATIVA** est, in qua **Copulativa.** subjecti & prædicati partes per particu-

culam: ET, vel NEC, conjunguntur.
e. g. *Scientia, & divitiæ non faciunt beatum. Nec Lutherus, nec Calvinus Ecclesiam reformare potuerunt.* Ad hanc etiam pertinent propositiones contingentes. e. g. *Petrus currit* (CXXIII. 3.)

II. *Disjunctiva*, constat particula VEL. Disjunctiva.
e. g. *Vel terra circa solem fertur, vel sol circa terram.* Amicitia pares invenit, aut facit.

III. CAUSALIS; in qua Causalis.
partes ligantur particula QUIA, vel, UT. e. g. *Otium est fugiendum, QUIA est pulvinar diaboli. Tolluntur in altum, UT lapsu graviore ruant.*

IV. *CONDITIONALIS*, in qua prædicatum tribuitur subiecto sub addita aliqua conditione, ut: *si homo bene vixerit, bene morietur.* Vel: *si, quidquid DEUS immittit ad nostri probationem, nobis debet esse charum, tunc morbi nobis debent esse chari,* prima propositio vocatur semper ANTECEDENS, aut *hypothesis*, altera CONSEQUENS. ubi nota, quod conditio, seu *hypothesis*, in ea nihil expresse affirmet, aut ponat in esse, non enim assevero. e. g. *hominem vere esse bene victurum, aut bene moriturum.* Si tamen conditio fuerit *impossibilis*, tunc habet vim negandi, ut si dico: *si cælum digito attigeris,*

*Rex eris ; facit enim hunc sensum ,
tu nunquam Rex evades.*

CXXX. Inter IMPLICITE compositas

Exclusi- I. EXCLUSIVA est , quæ ita prædicatum
va. subiecto convenire designat , ut illi
soli conveniat , & nulli alteri , enun-
tiaturque adjectivo SOLUS, vel alio si-
mili, ut : *sola perseverantia coronatur*,
quæ propositio resolvitur hoc modo :
perseverantia coronatur, & *nulla alia*
virtus coronatur, id est, nec *prudencia*;
nec *fortitudo* &c. quarum propositio-
num semper una est *affirmans*, & alte-

Excepti- ra *negans*. II. EXCEPTIVA, in qua ali-
va. quid *de toto* subiecto affirmatur, *exce-*
pto aliquo inferiorum ejusdem subje-
cti, id quod indicatur per exceptio-
nis particulam PRÆTER, aut NISI. e.
g. *Nulla secta VV. Philosophorum ; præ-*
ter Platonicos, agnovit DEUM esse incor-
poreum, sicque exponi debet : *omnes*
VV. Philosophi crediderunt, DEUM es-
se corporeum, & *Platonici soli contra-*
rium docuere. Item : *nemo leditur nisi*
a se ipso, hoc est : *nemo leditur a quo-*
quam, aut *si leditur*, *a se solo leditur*.

Redupli- III. REDUPLICATIVA implicite idem
cativa. significat , quod *causalis* explicite
(CXXIX. 3.) & indicatur particulis

QUA-

QUATENUS, IN QUANTUM, & simili-
bus, ut: *homines*, QUATENUS *homi-
nes*, sunt *rationales*. *Reges*, IN QUAN-
TUM *reges*, soli DEO *subiunguntur*. *Livius*,
QUA *orator*, *identidem* *errat*, non autem
QUA *historicus*. Exponunturque vel
per propositionem *causalem* (n. c.)
vel per *copulativam* (CXXIX.) quan-
doque tamen illæ *particulæ* *meram* *con-
ditionem*, aut *non repugnantiam* indi-
cant (LXXXIV.) IV. COMPARATIVA,
in qua *comparatio* instituitur per *par-
ticulas* MAGIS, MINUS, PLUS &c. nem-
pe aliud est dicere, hanc rem *talem*
esse, aliud *asserere*; eam esse MAGIS,
vel minus *talem* respectu *alterius*. e. g.
*Meliora sunt vulnera amici, quam frau-
dulenta oscula inimici. Melior est sa-
pientia, quam vires, & vir prudens, quam
fortis. Item: melius est mori, quam
sædari. Melius est habitare cum draco-
ne, quam cum muliere litigiosa. Me-
lior est humilis rusticus, quam superbus
philosophus &c. quæ sic exponuntur:*
*Bona est humilitas, & bona est scientia,
sed melior est humilitas, absque scientia
philosophica, quam ista sine illa. Item:
& malum est habitare cum dracone, &
malum est habitare cum muliere rixosa,*

Compa-
rativa.

sed minus malum est habitare cum dracone, quam cum muliere &c.

Univer-
salis.

CXXXII. Ratione QUANTITATIS propositio I. est UNIVERSALIS, quæ a Wolfio dicitur illa, in qua subiectum est terminus communis, genus nempe, vel species (XLI. & XLV.) prædicatum autem convenit singulis speciebus individuis, vel singulis generis speciebus, earumque individuis. Sive ut Cl. PURCHOTHUS inquit, est ea, cuius subiectum *universaliter* sumitur, hoc est secundum totam suam *extensionem* (XXXVII. 3.) vel denique ut alii RR. passim loquuntur, propositio *universalis* habetur tunc, quando causa, cur prædicatum subiecto tribuitur, in ipsa subiecti natura, & indole repertenda est. Ordinarie indicatur per signa *universalia*: OMNIS, NULLUS, sumiturque ejus subiectum semper *distributive complete* (XCIX. 4.) ut: *omne animal est sensitivum*. Hinc si dico: *omnis homo est doctus*, non est propositio *universalis*, licet præfixum habeat signum *universale*, quia *doctrina* homini non competit *ex natura sua*, neque *distributive complete* de eo prædicari potest. Econtra hæc propositio: *homo est mortalis*, licet careat signo *universali*, ta-
men

men est *universalis*, ex data ratione, diciturque in scholis alio nomine IN-
 DEFINITA. II. *Particularis* tunc est, si causa, cur predicatum conveniat sub-
 jecto, in alia quapiam re extra essentiam
 subjecti deprehendatur. e. g. *Aliquis ho-*
mo est Astrologus. Vel: *quedam perio-*
du constat 4 membris. Non enim de
 essentia hominis est, esse *Astrologum*, nec
 de essentia *periodi*, ut habeat 4 mem-
 bra. Huic præfigi solent particule:
 QUIDAM, ALIQUIS, QUIDAM NON &c.
 III. *SINGULARIS* est, in qua de aliquo
 singulari, seu individuo quidquam enun-
 tiatur. Ut *Alexander erat fortis.* *Chri-*
stus est verus Messias. Vel, *hic homo est*
doctus. Cæterum ex quantitate proposi-
 tionum, cum affirmatione & negatione
 conjuncta, quadruplex nascitur propo-
 sitionum genus 1. *universalis affirmans*,
 quæ in scholis exprimitur littera A.
 2. *Universalis negans*, quæ denotatur
 littera E. 3. *Particularis affirmans*, quam
 exhibet littera I. 4. *Particularis negans*,
 quam littera O. indicat, juxta antiquos
 hos versus:

Afferit A, negat E. verum genera-
 liter ambæ;

Afferit I, negat O. sed particulari-
 ter ambo.

L 5

Huc

Signa pro-
 positio-
 num uni-
 versaliū,
 & parti-

culariū,
tam affir-
mantiū,
quam ne-
gantium,
& moda-
lium.

Huc reducuntur quoque proposi-
tiones *modales* (CXXVI. 3.) quarum
modi singuli (n. c.) quadruplici huic
propositionum generi accurate æqui-
valent; nam 1. $\tau\omicron$ NECESSE correspon-
det propositioni universali *affirmative*.
2. $\tau\omicron$ IMPOSSIBILE universali *negative*,
3. $\tau\omicron$ POSSIBILE particulari *affirmanti*,
4. $\tau\omicron$ POSSIBILE NON particulari *negan-*
ti, ut rursus ostendunt obsoleti hi
versus:

Omne NECESSE valet, valet IMPOSSI-
BILE nullus,
POSSIBILE quidam, quidam non POS-
SIBILE non.

E. g. *Necesse est, circulum esse rotun-*
dum, facit hunc sensum: *Omnis circu-*
lus est rotundus. 2. *Impossibile est, crea-*
turam esse infinitam, sic exponitur: *nul-*
la creatura est infinita. 3. *Possibile est,*
hominem fieri doctum, idem dicit, ac:
quidam homo sit doctus. 4. *Possibile est,*
ut doctus non sit prudens, in vero sen-
su sic sonat: *quidem doctus non est pru-*
dens.

CXXXII. Ratione QUALITATIS pro-
positio I. est VERA, *que dicit quidpiam*
esse,

esse, quod est, aut negat esse, quod non est. Sive, cujus objectum ita est re ipsa, prout enuntiatur. e. g. DEUS est summum bonum. Papa non est Anti-Christus. Veritas nempe est conformitas actus judicativi cum objecto, ita se habente, ut actus enuntiat, & duo dicit 1. talem expressionem ex parte ipsius actus, & 2. talem habitudinem ex parte objecti, ut scilicet actus sic exprimat objectum, uti illud se habet, & ut objectum tale sit, quale ab ipso actu exprimitur. Hinc duplex assignatur verificativum actus, intrinsecum, & extrinsecum.

II. FALSA est, quæ dicit aliquid esse, quod non est, vel negat esse, quod est, sive cujus objectum non ita est re ipsa, prout enuntiatur, e. g. Ignis est frigidus.

Veritas duplex.

Falsa.

CXXXIII. Scholia. I. *Propositio alia est necessario vera, quæ ita est vera, ut falsa est nullatenus possit, ut: totum est majus sua parte, hæc dicitur etiam necessario vera METAPHYSICE: alia est necessario vera PHYSICE, quæ licet absolute loquendo, & supernaturaliter falsa esse possit, nunquam tamen fallit naturaliter, & secundum ordinarium naturæ cursum. e. g. Omne grave ablato impedimento ruit deor-*

Necessario vera, metaphysice.

Physice.

Moraliter. *deorsum.* Denique alia est **MORALITER** necessario vera, quæ fallere potest etiam *naturaliter*, quin aliqua in terminis sequatur *contradictio*, interim tamen plerumqua non fallit. Sic verum est v. g. *Quod Romulus, & Remus prima Romæ fundamenta jecerint*; cum enim VV. Scriptores omnes hac de re mutuo sibi consentiant, de illa dubitare non possumus. II. Nulla propositio **SIMUL** vera, & falsa esse potest, *nam* alias objectum simul ita se haberet, & simul se ita non haberet, sicut actus enunciat, quod est contra illud principium: *idem non potest simul esse, & non esse*, quare propositio pro aliquo instanti reali, vel erit vera, vel falsa, an non autem *successive* propositio vera abire possit in falsam &c. in *Log. disputatrice* discutietur. III. Potest tamen eadem propositio in aliquo sensu esse vera, in alio falsa, si sumatur in suppositione *distributiva incompleta*, vel *accomoda* (XCIX. 4.) Ita hæc propositio: *omnis homo peccavit in Adam*, vera est, si de Adæ posteris, falsa autem, si de CHRISTO, ejusque **VIRGINEA MATRE** accipiat. IV. Licet veritas in se sit incapax omnis intentionis, & remissionis, habeat.

beatque se velut *æqualitas duorum*, quæ non capit *magis*, aut *minus* (LVIII.) Attamen diverso modo a vero affici solet *intellectus humanus*, & ad diversissima *judicia* inflecti, ita ut huic veritati *magis*, illi *minus* *adhereat*, & jam *confidenter*, jam *timide* subscribat; inde veritas alia in propositione appellatur *evidens*, alia *certa*, *probabilis*, aut *dubia*.

CXXXIV. I. **PROPOSITIO EVIDENS**, Propositio seu *evidenter vera* est, quæ, ut ait CL. P. FORT. a BRIX. Ita vera nobis relucet, ut *habitus ipsa prædicati ad subiectum mentem vivide percellat*, ac veluti feriat, ut est hæc propositio: *neceſſe est, ut corrumpatur tandem*, quod ex contrariis *intrinsecus constat*. Si veritas in ejusmodi propositione ex ipsis terminis pateat, vocatur *evidens immediate*, & **PER SE NOTA**: Sin autem solummodo ex per se nota (manifeste tamen) deducatur, dicitur *evidens tantum mediate*. II. Quando habitudo prædicati ad subiectum *luculenter* quidem non apparet, at nihilominus mens *judicio suo inconcusse*, *firmiterque* alicui propositioni *adheret*, ita ut nihil prorsus falsi illi subesse arbitre-

- Certa. bitretur, ea propositio CERTA vo-
 Subjecti- catur, & quidem SUBJECTIVE CER-
 ve, & ob- TA, seu ex parte INTELLECTUS
 jective. firmiter *adherentis*, OBJECTIVE
 CERTA autem vocatur ea, cujus
 OBJECTUM, est immutabile, estque ipsa
 propositio *necessario vera* (n. præc. 1.)
 Porro sicuti propositio potest *triplici*
 modo esse *necessario vera* (n. c.) ita &
triplici modo potest esse *subjective cer-*
 Meta- ta. I. *Metaphysice*, quæ ita vera esse
 physice, menti apparet, ut *prorsus repugnare*
 videatur, in ea admittenda, nos fal-
 li. Sic certum est, quidquid DEO
 revelante cognoscimus, etsi de cæte-
 ro illud minime sit *evidens*, imo potius
obscurum, prout in fide contingit. II.
 Physice, *Physice*, quæ ita apparet vera, ut *sal-*
vis naturæ legibus falsa esse non possit;
 sic certi sumus de *combustione stuppæ*,
 posita illius approximatione ad ignem.
 Et mora- 3. *Moraliter*, quæ, etsi possit esse fal-
 liter. sa, *intellectui* tamen prudenti non appa-
 ret, quod fallere possit. e. g. Quod Ro-
 mulus, & Remus sint *primi edificatores ur-*
 bis Romanae. III. Propositio PROBA-
 Probabi- BILIS est, cui *intellectus adhaeret*, motivo
 lis. *incerto quidem*, gravi tamen, & quod
 de se potest virum prudentem move-
 re ad assensum, habetque probabilitas
 suos

suos gradus, ut alibi dicetur. IV. **DUBIA** est, quæ neque vera menti apparet, neque falsa, si tam *pro ea*, quam *contra* eam stant motiva *æque valida*, dicitur *dubia* **POSITIVE**, si vero *pro* ea *nulla* stet ratio, neque etiam *contra* illam aliqua ratio pugnet, **NEGATIVE** *dubia* appellatur. v. g. *An stelle sint pares? vel an luna sit pleno lumine creata?* Positive.
Negative.

SECTIO III.

EXPLICANTUR ALIÆ ADHUC
PROPOSITIONES, MATHE-
MATICIS, ET CRITICIS
USITATÆ.

CXXXV. **M**ATHEMATICI suas propositiones dividunt I. in **THEORETICAS**, in quibus de sub-
jecto vel affirmatur, vel negatur prædicatum. e. g. *Logica est scientia, DEUS est æternus &c.* II. In **PRACTICAS**, in quibus aliquid fieri posse, vel debere demonstratur, ut, *qui Logicam vult addiscere, debet actus scientificos sibi familiares reddere. Vel: DEUS est amandus.* III. In **DEMONSTRABILES**, quando subjecti, & prædicati nexus per se non

Propos-
itio theo-
retica.
Practica.
Demon-
strabilis.

non patet, sed probari, seu *demonstrari* debet, ut *Logica est practica, non datur idea falsa* &c. IV. In **INDEMONSTRABILIS**, ubi prædicatorum nexus sine ulla demonstratione cuivis patet, ut: *totum est majus sua parte*. Ex his fluunt omnia diversarum propositionum nomina, quæ in suis libris passim uti solent Mathematici. Nempe

Axioma.

CXXXVI. I. AXIOMA est propositio *Theoretica* (CXXXV. 1.) *indemonstrabilis* (n. c. 4.) ut: *idem non potest simul esse, & non esse*. Hucque pertinent omnes propositiones, quæ *unica* nituntur *definitione*. v. g. Ex hac definitione: *Philosophia est scientia rationis sufficientis*. (IV.) Ista proveniunt axiomata. 1. *Qui Philosophia gaudet, gaudet scientia rationis sufficientis*. 2. *Sine scientia rationis sufficientis nulla potest esse Philosophia*. 3. *Quo quis expeditius rationem reddere potest eorum, quæ sunt, vel esse possunt, eo perfectior Philosophus est*. &c. II.

Postulatum.

POSTULATUM est propositio *practica* (CXXXV. 2.) *indemonstrabilis* (n. c. 4.) Ex *unica* definitione deducta. e. g. Ex eadem definitione *Philosophie* fluunt hæc postulata. 1. *Qui Phi-*

Philosophus evadere cupit, debet id agere, ut scientiam rationis sufficientis impigre addiscat. 3. Qui alteri Philosophiam tradere vult, debet illum in scientia rationis sufficientis gnaviter instruere.

§c. III. THEOREMA (græce *θεώρημα*) est propositio *Theoretica* (CXXXV. 1.) *demonstrabilis* (n. c. 3.) & ex duabus, vel pluribus definit onibus, inter se collatis, eruitur; ita hæ propositiones: *Philosophus debet nōsse id, unde intelligatur, cur aliquid sit. Item: Philosophus debet certo cognoscere, ac demonstrare posse ea, quæ in rerum natura sunt, fiunt, aut esse possunt* §c probantur ex definitione rationis sufficientis, & scientiæ.

Theorema.

IV. PROBLEMA (græce *πρόβλημα*) est propositio *practica* (CXXXV. 2.) *demonstrabilis* (n. c. 3.) seu quæ docet aliquid facere, probatque structuram recte esse factam. e. g. Si quærat, *an a methodo sit philosophia studendum? & solutio* dein fiat, *esse hoc, aut illo modo, studendum.* V. COROLLARIA, five *confectaria*, dicuntur illæ propositiones, quæ ex aliis necessario inferuntur. e. g. *Philosophia omnium rerum naturalium rationem sufficientem scire debet: ergo etiam caloris, frigoris, la-*

Problema.

Scholia. *minis, fulminis, Iridis &c.* VI. SCHOLIA (græce τὰ σχόλια) vocantur *animadversiones* illæ, sive *explicationes*, quæ propositionibus adjungi solent, ad illustranda ea, quæ adhuc *obscura* videri poterant. e. g. Si de *Philosophiæ definitione*, ac *divisione* dictum fuerit, possunt nonnullæ subnecti *animadversiones*, *originem* hujus vocis, aut *diversas philosophorum se-*

Lemma. *Æas* exponentes. VII. LEMMA (græce Λέμμα) est *propositio*, ex *aliena* disciplina, aut *facultate* desumpta, ad *demonstrandam* aliquam *propositionem*, in *facultate*, quam tractamus, applicata. e. g. Ad *demonstrandam animæ immortalitatem*, ex *Theologia naturali*, in *Psychologia* supponitur, *Deum esse remuneratorem bonorum*. Ejusmodi *propositio mutuata*, in quantum est *prævia demonstratio*, ad *facilius* aut *brevius demonstrandum* illustre aliquod *Theorema* vel *problema*, præmis-

Porisma. *sa*, vocari quoque solet PORISMA
Hypothesis. (græce τὸ πόρισμα) VIII. HYPOTHE-
 sis (græce ὑπόθεσις) a Wolfio di-
 citur illa *propositio*, in qua *aliquid*
asseritur, *tanquam revera sit*, *quamvis*
nondum demonstrari queat, attamen ad

rationem reddendam alicujus rei, Philosophis æque ac Mathematicis inservit. Sic v. g. ab omnibus assumitur, quod centrum gravium sit in medio terræ: indeque explicatur gravitatio corporum, sive eorum tendentia ad superficiem terræ. Famosa quoque est HYPOTHESIS COPERNICANA in Astrologia, quæ, posito terræ motu, solisque statione, systema univerſi explicare nititur.

CXXXVII CRITICIS *usitate* vocari solent propositiones illæ, quæ designare solent Theologi doctrinam, quam ut *noxiā* notat, & reprobatur Ecclesia, quæque diversa esse potest, pro diverso cum fide oppositionis gradu. Propositiones ejusmodi accurate explicat Cl. P. GAUTIER in *prodromo ad Theologiam*, Dissert. II. C. II. nec non Cl. P. ANNATUS in *apparatu ad Theologiam positivam*. Lib. I. Art. V. Ex quibus scitu magis necessaria hic appono.

HÆRETICA propositio dicitur illa, quæ *formaliter, directe, & aperte* Catholicæ cuidam dogmati, seu doctrinæ a DEO revelatæ, & per Ecclesiam definitæ adversatur. Talis v. g. Erat illa Arii: *Christus DEI Filius non est Pa-*

Propositio hæretica.

tri consubstantialis. Ut autem ejusmodi propositionem docens sit *hæreticus*, requiritur, ut *sciat*, eam fidei adversari, simulque ipsam *corde & ore* pertinaciter teneat.

Erronea, **ERRONEA, & HÆRESI PROXI-**
authære- **MA** dicitur ea, quæ contraria est do-
si proxi- **ctrinæ**, juxta unanimem SS. Patrum,
ma. vel Ecclesiæ Doctorem sensum, revelata, sed nondum per Ecclesiam definita, seu quæ opponitur doctrinæ, quæ, licet non sit per Ecclesiam definita, nec formaliter, & expresse revelata, infertur tamen communiter a Theologis, per discursum ex revelatis, unde & **CONCLUSIO THEOLOGICA** dicitur; sicque est *virtualiter* revelata, & *proxime* accedens ad fidem, quia *proximum* est, ut per Ecclesiam definiatur. Talis propositio est ista: *Christus non est risibilis*; deducitur enim virtualiter ex illa revelata: *Christus est homo*: atqui *omnis homo est risibilis*: ergo. Huc etiam pertinet ejusmodi propositio, quæ in sensu proprio hæretica est, & solum in sensu improprio, seu *metaphorico*, vera est, atque Catholica, uti illa: *Christus quotidie peccat*, & *ex quo fuit Christus, quotidie peccavit*,

vit, damnata enim hæc fuit tanquam *erronea* in Conc. Basileensi Sess. XXII. licet auctor eam intellexerit in sensu *metaphorico*, de *membris Christi* seu *fidelibus*.

SAPIENS HÆRESIN, AUT ERROREM illa est, quæ licet in *aliquo* sensu tolerari possit, tamen ex *circumstantia personæ, loci, vel temporis*, adjunctam habet gravem aliquam *suspicionem, apparentiam, vel saporem hæresis, aut erroris*; sic *hæresin* sapit ista ab ARIANO prolata: *Christus est creatura*, quia gravis est *suspicio*, ne intelligatur de Christi *supposito*, in ore tamen CATHOLICI, Catholica est, quia solum de *humana Christi natura* intelligitur. *Error* quoque saperet aliqua propositio, qua asserta videretur ista *erronea* affirmari: *Christus non est risibilis*.

Sapiens
hæresin,
aut erro-
rem.

SCHISMATICA dicitur propositio, quæ fideles retrahit ab unitate Ecclesiæ, & ab obedientia, Ecclesiasticis Superioribus debita; σχίσμα enim græce, latine idem sonat, ac *divisio* aut *disfidium*. Talis fuit HENRICI VIII. Angliæ Regis, infausta & fatalis declaratio illa, qua se tanquam *Anglicane*

Schisma-
tica.

Ecclesie caput agnoscere jussit; hæc enim, ut loquitur Cl. P. ANNATUS, *loc. cit.* fuit prima mali labes, & diri schismatis origo, in quo, & ex quo in hæresin lapsos, obstinatos, adhuc extra veram Ecclesiam errare cernimus *Anglos; Hibernos, & iis adhærentes alios.*

Injurio-
sa.

INJURIOSA vocatur illa, quæ personam aliquam, vel statum, contumelia afficit, e. g. Si quis dictis, seu scriptis, *fratres Minores Conventuales, juxta CONSTITUTIONES URBANAS viventes, non esse VEROS REGULÆ S. FRANCISCI OBSERVATORES*, auderet quoquo modo asserere, ille *injuriosam* enuntiaret propositionem, & Apostolicæ quoque Sedis *excommunicationem*, ab Urbano VIII. P. M. latam, propterea incurreret. Ita URBANUS VIII. Constituit. 88. MILITANTIS ECCLESIE REGIMINI, MERITIS LICET &c. *in C. 1. Reg. tit. 2. n. 2.* APUD CHERUBINUM. Si quis *injuriam* facit DEO, vel DEIPARÆ, aut SANCTIS, illis nimirum denegando debitas perfectiones, vel indebitos defectus tribuendo, IMPIA dicitur, & BLASPHEMA propositio. Sic si quis videns bonos

Impia, &
Blasphe-
ma.

ma.

malis opprimi, & malos bonis affluere omnibus, *DEum injustum vocaret, Blasphemus esset.* Pariter juxta Conc. Trid. sess. 25. *Illi impie sentiunt, qui Sanctos, in cœlo cum Christo regnantes, invocandos esse negant.*

SCANDALOSA censetur propositio, Scandalosa.
quæ fidelibus occasionem præbet ruinæ spiritualis, illos scilicet a virtutibus, bonisque operibus retrahendo, atque ad vitia deducendo, ut si quis data opera diceret, *plura sequi incommoda ex jejniis Ecclesiasticis, ex votis, ex confessione Sacramentali &c.* Unde homines redderentur segniores ad jejunandum, ad vivendum, & consistendum &c.

PIARUM AURIUM OFFENSIVUM Piarum
VA ea est, quæ licet nihil falsi con- aurium
tineat, *verbis tamen minus decentibus* offensiva.
constat, ut si quis actiones humanas Christi, cæteris communes hominibus, vel ejus membra, turpibus & obscænis explicaret vocibus; vel si quis v. g. diceret: *Magdalena meretrix! Petre perjure! Orate pro me!* ejusmodi enim propositiones pias aures offendunt, & timoratas lædunt conscientias.

Male sonans.

MALE SONANS vocatur illa, quæ sensum habet fidei congruum, verba autem incongrua, vel, ut alii explicant, quæ duos habet sensus, unum fidei congruum, alterum cum fide pugnantem, & sæpe sumitur ab audientibus in malam partem, talis est ista propositio: *indivinis pater est causa Filii*. Quia sensum habet fidei congruum, si CAUSA late sumatur pro PRINCIPIO, a quo aliquid procedit, quomocunque procedat; incongruum vero, si causa stricte sumatur pro eo, de cuius ratione est, ut producat aliud a se diversum. Apud GRÆCOS tamen hæc propositio non male sonat, quia Græci nomine CAUSÆ intelligunt idem, quod Latini nomine PRINCIPII, ut ait S. Thomas Opusc. I. contra Græcorum errores C. I. Sic pariter apud Latinos, si quis diceret, *quod Pater, Filius, & Spiritus S. sint tres substantiæ*, hæc propositio esset male sonans, quæ tamen apud Græcos est Catholica, quia apud istos idem sonat, ac tres persone. Ita cit. S. THOM.

Simpli-
cium se-
ductiva.

PROPOSITIO SIMPLICIUM SE-
DUCTIVA est, quæ sub specie pie-
ta-

tatis, bonique prætextu, errorem tegens, apta est ad simplices fidelium mentes seducendas, qualis fuit celebris illa, qua Ariani in Concilio Ariminensi, Catholicos induxerunt ad subscribendum suæ fidei formulæ, sub prætextu futuræ pacis Ecclesiæ, dixeruntque Filium DEI esse Patri ὁμοίῳ, id est *similem in substantia*, & non *creaturam similem aliis*; putarunt statim bona fide Catholici, Arianos fateri tandem, Filium DEI esse Patri ὁμοῦ, hoc est, *Consubstantialem*; Ariani vero sub illa voce ὁμοίῳ, suam tegentes hæresin, filium non *consubstantialem*, sed *similem in substantia*, & vere *creaturam* esse, sed non *aliis similem* creaturis, intelligebant, quo Arianorum offendiculo seducti sunt orthodoxi Ariminensis Concilii Patres, & cum illis deceptus totus Orbis, se Arianum esse miratus est; ast cognita quamprimum fraude, Catholici Patres voci illi æquivocæ ὁμοίῳ, opposuere hanc orthodoxam ὁμοῦ, *Consubstantialis*. Hujus generis plures damnatæ sunt propositiones MIGHÆLIS de MOLINOS, & ejus asseclarum,

rum, QUIETISTARUM, DULCISTARUM &c. Plura Theologi.

Id adhuc notandum, quod una sæpe eademque propositio *multiplici* censura notari queat, prout nempe diverso ac multiplici oppositionis modo *fidei* est nociva. Sic enim si quis fidelis diceret hodie, quod olim de Christo Pharisei dicebant: *Matth. 12. v. 24. Hic non ejicit Dæmones nisi in Beelzebub principe Dæmoniorum*, hac propositio foret simul *falsa, scandalosa, Schismatica, impia, blasphemica, & heretica*, ut examinanti patet.

SECTIO IV.

DE HERMENIA, SEU INTERPRETATIONE PROPOSITIONUM.

Quid spectet ad Hermeniam propositio-
num?

CXXXVIII. **V**OX ἐρμηνεία, latine INTERPRETATIO seu EXPLICATIO, nil aliud est, quam accurata *inquisitio, distinctio, & judicatio sensus*, per unamquamque propositionem expressi, ideoque tria ad *hermeniam* requiruntur. i. Ut *inqui-*
ra-

ratur, ac bene apprehendatur, quem sensum quælibet propositio faciat?

2. Ut sensus unus ab alio rite *distinguatur*. 3. Ut exacte *dijudicetur*, quo sensu vera, & quo sensu falsa sit propositio? in quem finem præprimis *subiectum*, & *prædicatum* propositionis inquirendum, tum utriusque *significatio* expendenda, ac denique *particulæ* determinantes, aut limitantes diligenter perscrutandæ. De propositionum ergo sensu tum ex iis, quæ de *terminis* (dissert. I. Sect. VII.) horumque *proprietatibus* (Sect. VIII.) supra dicta sunt, tum ex sequentibus *Regulis Hermenevticis* judicandum, tum etiam ex iis, quæ (Sect. duabus subsequen-
tibus) *de oppositione*, & *conversione* propositionum dicentur, tum denique ex *Logica Practica* vel maxime patebit.

CXXXIX. *Regulæ Hermenevticæ* *Regulæ propositionum CATEGORICARUM*, seu *Simplicium* (CXXVIII. 3.) sunt pro propositionibus simplicibus. 1. *Propositio affirmativa* in materia *NECESSARIA* semper *vera* est, & *negativa* semper *falsa*; hæc enim negat, altera affirmat *identitatem prædicati cum subiecto*, quæ *necessario*, ac *essentialiter* datur (CXXV.)

In

In materia necessaria, ac supponit semper distributive (CI.) vel complete (XCIX. 4.) ut est hæc propositio: *homo est mortalis*, quæ non requirit *existentiam subjecti*, pro tempore per copulam importato, sed sic exponitur: *quandoque fuit, est, aut erit homo, semper fuit, est, & erit mortalis* (CXXIII. 3.) vel saltem *incomplete* (XCIX. 4.) ut si in Scriptura dicitur: *omnis caro corrumperat viam suam. Omnes declinaverunt, &c.* quæ exponi debent in sensu *accommodo* (n.c.) hoc modo: *quicumque tunc existit, corrumpit viam suam*, quia hæc non est proprie in materia *necessaria*, cum non sit *universalis*, etsi præfixum habeat signum *universale* (CXXXI.) II. In materia IMPOSSIBILI, propositio *affirmativa falsa* est, *negativa autem vera*, eo quod hæc neget *identitatem* attributi cum subjecto, altera eandem affirmet, quæ in materia *impossibili* nunquam datur. Sic *falsa* est hæc: *Leo est rationalis. Vera autem: Leo non est rationalis.* III. In materia CONTINGENTI, tum *affirmativa* tum *negativa falsa* esse potest, cum ipsa *convenientia* inter subjectum & prædicatum *contingens* sit. e. g. *Petrus est doctus. Petrus non est doctus*, nec tamen utraque propositio falsa esse potest

Impossi-
bili,

Contin-
genti,

test simul & semel, seu conjunctim (CXXXIII. 2.) sed divisim, id est alterutra, nec una magis, quam altera.

IV. Ad veritatem propositionis affirmativæ in materia contingente requiritur
 1. identitas inter rectum attributi, & subjecti. 2. Existentia absoluta pro
 tempore per copulam importato
 (CXXXIII. 3.) 3. item obliquorum unio,
 eo modo & tempore, quo affirman-
 tur; talis namque propositio hæc omnia
 affirmat: ergo vera est, si ita sint, aut
 falsa, si vel unum ex his requisitis deest.

In propo-
 sitione
 affirmati-
 va.

v. g. Si dico: Plato fuit doctus. Habet hunc sensum: Plato existit, & fuit ens, sive suppositum habens doctrinam. Hic
 1. Plato, & ens, sive subjectum, tanquam duo recti, identificantur. 2. Affirma-
 tur existentia Platonis, & ejus doctrinæ,
 pro tempore præterito, quod per copu-
 lam (FUIT) importatur. 3. Casus obliquus (DOCTRINAM) hoc est, Pla-
 tonis doctrina, unitur cum ipso, modo
 contingenti, & pro tempore jam elapso,
 adeoque ista propositio vera est: at
 hæc est falsa: Anti-Christus persequitur
 Ecclesiam, quia deest ejus existentia,
 quæ tamen affirmatur. V. Ad verita-
 tem propositionis negativæ in materia
 necessaria, & impossibili, de 3tio adjacen-
 te

Negati-
 va.

te

te (CXXIII. 2.) non requiritur absoluta *existentia* (n. c. 3.) aut distinctio *actualis* subjecti & prædicati, sed sufficit eorum repugnantia *objectiva*, sicut & distinctio necessaria sub *conditione*, hoc est, ita, ut si existant subjectum & prædicatum, non identificentur. Et ratio est, quia talis propositio istud expresse enuntiat: *fundamentum* autem negandi identitatem v. g. inter *hominem*, & *arborem* est ipsa distinctio hominis ab arbore, posito, quod existant.

Limitatio.

CXL. *Scholion*. Regula IV. locum non habet 1. in iis propositionibus, in quibus, prædicatum est solum per *intellectum contingens*. e. g. *Anti-Christus a me cognoscitur*. Nam denominationes ejusmodi *intentionales* existentiam nonnisi *objectivam* & *intentionalem* exigunt. 2. In iis, ubi prædicatum est *negativum*, seu *destructivum* subjecti, vel cum ejus existentia actuali componi nequit: uti fit in seqq. *Alexander est mortuus, vita ejus per ebrietatem destructa est, Anti-Christus est futurus* &c. 3. Si propositio sumitur *ampliative* (XCIII.) ut si dico: *mortui resurgunt. Claudii ambulant*, &c. quippe

pe hic solum requiritur *existentia* sub-
jecti, *pro tempore*, ad quod *ampliatur*.

CXLI. Regulæ propositionum Ex- Regulæ
PLICITATE COMPOSITARUM (CXXVIII. explicite
4. & seq.) sunt I. Ut propositio C o- composi-
PULATIVA. (CXXIX.) sit *vera*, aut tarum.
necessaria, requiritur, ut *singulæ* ejus Pro Pro-
partes sint veræ, aut necessariæ, nam positio-
sicut hæc propositio universalis: *ani- ne co-
mal est sensitivum*, falsa esset, si vel pulativa.
unum ex animalibus non haberet po-
tentiam sentiendi, quia illa propositio
æquivalet pluribus Judiciis inter se
copulatis, atque in *universali* propo-
sitione (quæ semper *distributive com-
plete* accipitur (CXXXI.) inclusis,
ita & *copulativa* (quæ conjungit, &
continet plures propositiones *simpli-
ces*) requirit, quamcunque in ipsa
contentam propositionem esse *veram*,
aut *necessariam*: inde cum hæc propo-
sition, Joan. 14. *Qui habet mandata mea,*
& *servat ea, ille est, qui diligit me,*
ex parte *subjecti* enuntiet *copulative*,
ut vera sit, requiritur, ut *subjectum*
ex *utraque* parte ita se habeat; quare
si vel una propositio simplex *impossibi-
lis*, aut *contingens* fuerit, tota copula-
tiva talis erit. e. g. *Petrus est rationa-
lis,*

lis, & Leo. Item Leo est rugibilis, & currit. Sin autem duæ contingentes, in copulativa comprehensæ, inter se pugnarent, tota pariter copulativa propositio diceretur impossibilis, ut si quis diceret: Petrus currit, & in lecto jacet immotus. Hac regula etiam diriguntur propositiones implicite copulativæ e. g. Illa Apostoli Pauli 1. Cor. 15. v. 10. Laboravit gratia DEI mecum, quæ sic accipi debet, ego laboravi, & gratia DEI mecum, adeoque & vera in homine laborandi potentia activa, quam CALVINUS negavit, & gratiæ simul divinæ necessaria cooperatio, quam Pelagiani negabant, ab Apostolo adstruitur. Cæterum hic

NON DICANT Protestantes, quod etiam illa propositio Joan. 6. v. 53. *Nisi manducaveritis carnem filii hominis, & biberitis ejus sanguinem, non habebitis vitam in vobis, sit copulativa, & consequenter sumptio Dominici corporis sub utraque specie sit præcepta; æque ac ad veram DEI dilectionem necesse est, & habere, & servare ejus mandata; Nam*

CONTRA EST I. Patet ex variis Scriptu-

pturæ locis, τὸ ET interdum sumi in sensu *disjunctivo*, non *copulativo*. Ita *Levit. XX. v. IX.* habetur: *qui maledixerit patri suo AUT matri; morte moriatur; Patri matriQUE qui maledixerit, sanguis ejus sit super eum.* Hic sensus posterior per τὸ QUE aperte idem enuntiat, quod in præcedenti per τὸ AUT indicatum fuit, nempe *disjunctive*: Sic & ipse Apostolus *1. Cor. XI. v. XXVII.* clarissime in sensu *disjunctivo* ait: *Quicumque manducaverit panem hunc VEL biberit calicem Domini indigne &c.*

CONTRA EST 2do. τὸ NISI MAN-
DUCaveritis &c. idem significat ac:
SINON *manducaveritis carnem filii homi-
nis, NEQUE (vel SI NON) biberitis ejus
sanguinem*, hoc est, si NEUTRUM fece-
ritis, non habebitis vitam in vobis, ut
sonat etiam *Pf. I. v. I.* illique propo-
sitioni *Joan. VI. v. LIII.* expressæ, op-
ponenda est hæc contradictoria: *si vel
manducaveritis, vel biberitis, habebitis
vitam in vobis*: igitur unum ex utro-
que *disjunctive* exposito tantum est præ-
ceptum, nam ad propositionis *disjuncti-
væ* veritatem sufficit, unum saltem dis-
junctionis membrum ita se habere
(CXLII.) quid quod ille idem Apo-
stolus & Evangelista JOANNES eodem
N capi-

capite 6to manifeste referat, hanc nostram explicationem, ore Christi æternæ Veritatis, esse factam; nam v. LIV. SALVATOR dixit: *Qui manducat meam carnem, & bibit meum sanguinem, habet vitam æternam*: at v. LVIII. immediate subjunxit: *qui manducat hunc panem, vivet in æternum*, absque ulla prorsus mentione calicis, aut sanguinis, cujus tamen, si utrumque omnibus sine discrimine præcepisset, iterum meminisse debuisset. Sic pariter cit. Cap. vv. L. & LI. de sola PANIS manducatione mentio fit.

Pro dis-
junctiva-

CXLII. REG. II. In propositione DISJUNCTIVA (CXXIX.) si particula *VEL exclusive* accipiat (CXXX.) hoc est, si particulam TANTUM tacite adjunctam habeat, non nisi unum illius membrum verum esse potest. v. g. *Anti-Christus vel salvabitur, vel damnabitur*. Si vero particula *VEL* accipiat *præcisive*, hoc est, si tacite subintelligatur particula SALTEM, potest illa propositio vel in uno, vel in pluribus etiam membris verificari, pro ratione materie, ac circumstantiarum, ut in hac propositione: *Vel Petrus Christum negavit, vel Andreas, vel Judas, in ultimo tantum verificatur*. At si dico:

co: vel *Titius domi studet, vel Sempromius, vel Cajus, vel Franciscus,* potest hoc in pluribus verificari. Cavendum tamen, ne in ejusmodi propositionibus detur aliquod membrum intermedium, ex quo fieri posset, nullam partem veram esse; hinc falsa est hæc: *Andreas studet Philosophiæ, vel Geometriæ,* quia potest *Theologiæ,* aut *Poesi* studere.

CXLIII. REG. III. Veritas propositionis conditionalis dependet ex connexionione antecedentis cum consequente (CXXIX. 4.) siue partes illæ seorsim spectatæ veræ sint, siue falsæ; si enim illa connexio inter Antecedens, & consequens legitima sit, propositio erit vera; si non, erit falsa, & ratio est, quia propositio conditionalis solummodo affirmat connexionem conditionis cum conditionato; sic vera est hæc: *si vis consequi finem, debes adhibere media,* quia datur connexio inter finem & media: econtra falsa est ista: *si vis doctus fieri, debes te vestibus ornare,* nulla enim inter doctrinam, & vestes connexio intercedit.

CXLIV. REG. IV. Ut propositio CAUSALIS vera sit, oportet, ut non tantum utraque pars (antecedens & consequens) sit vera. Pro cau-
fali.

consequens) vera sit, sed etiam, ut pars, *causali* particula affecta, sit ratio, cur altera pars vera sit? nam se habet eodem modo sicut *conditionalis*, cum æque affirmet *connexionem* causæ cum effectu, sicut illa *connexionem conditionis* cum conditionato (CXLIII.) Ideo vera est hæc enuntiatio: *Impii damnantur, quia DEI mandata non servant*; falsa autem hæc: *Aristoteles erat bonus Philosophus, quia frequenter ambulabat.*

Pro modalibus.

CXLV. REG. V. In propositionibus *Modalibus* (CXXVI. 3.) potior habenda est ratio *modi*, quam dicti (in c. 5.) *modus* enim determinat *quantitatem*, & *qualitatem* (CXXIV.) ejusmodi propositionum: unde hæc propositio; *possibile est, me cras mori*, vera est, etsi non essem mortuus, sequens vero: *hominem esse mortalem contingens est*, falsa est, etsi revera homo sit *mortalis*. Pariformiter loquendum de illis propositionibus, quæ exprimunt *certitudinem*, *evidentiam*, aut *probabilitatem* e.g. *certum est, solem esse terræ majorem* &c. Revocantur enim ad *modales*, ut ex terminis liquet.

CLXVI.

CXLVI. Præter supra recensitas propositiones *explicite compositas* (CXXIX.) Pro propositione referuntur adhuc duæ aliæ, non adeo Discretiva
magni momenti, nempe 1. *Discretiva* Discretiva
sive *discreta*, cujus partes per particulas *sed*, *verum*, *tamen* &c. conjunguntur. e. g. *Innocentia premi, sed non opprimi potest.* 2. *Relativa* aut *relata*, Et Relativa
cujus una pars ad alteram ordinatur. va.
e. g. *Qualem diligentiam adhibueris, talem fructum referes.* Pro his igitur statuitur

REG. VI. Veritas propositionis discretivæ dependet tum a veritate singularum partium, tum etiam a veritate adhibitæ discretionis: veritas autem propositionis *relativæ* a veritate relationis, sive respectus unius ad aliud.

CXLVII. Regula propositionum Regula
implicite compositarum, seu EXPONIBILIVM, (CXXVIII. 4.) Generales pro exponibilibus, seu
sunt duæ. 1. Omnis propositio *expnibilis affirmativa* æquivaleret *copulativa* (CXXIX.) e. g. 1. Hæc *exclusiva* (CXXX.) Nobilitas sola est, atque unica virtus, ita exponenda est: *Virtus est nobilitas, & nihil aliud quam*

virtus est nobilitas. 2. Hæc *exceptiva* (n. c.) *Omnis homo in Adam peccavit præter B. Virginem*, ita sonat: *omnis homo in Adam peccavit, & B. Virgo in eo non peccavit.* 3. Hæc *reduplicativa* (n. c.) *Petrus qua Logicus disputat*, facit hunc sensum: *Petrus disputat, & ratio disputandi est habitus Logicæ &c.* II. *Omnis exponibilis negativa æquivaleret disjunctiva* (CXXIX. 2.) e. g. *non solus Plato est sapiens*, sic resolvitur: *Vel Plato non est sapiens, vel etiam alius quis est sapiens.* Item: *Nullus est miser, præter peccatorem*; sic exponitur: *vel peccator est miser, vel nullus alius est miser &c.*

Doctrina
Protestan-
tium, ne-
dū fidei,
sed & Lo-
gicæ con-
traria.

CXLVIII. Corollaria. I. Quoniam *propositio exclusivæ æquivaleret copulativa* (CXLVII.) hinc ille textus Pauli *Rom. III. v. XXVIII. Arbitramur hominem justificari per fidem*, cui LUTHERUS addidit, *SO LAM*, sic juxta Logicam esset exponenda a Protestantibus; *Fides justificat, & nihil aliud, a fide distinctum, justificat*, at hoc falsum est, cum sic *bona opera* essent prorsus inutilia, nec requireretur ulla *pœnitentia*, aut *præceptorum divinorum observatio*, imo ne quidem *Baptismus*, quæ sunt seque-

la

læ, ipsi Evangelio contrariæ. II. Licet in S. Scriptura passim dicatur: *Soli DEO servies, soli DEO honor & gloria &c.* male tamen exinde deducere laborant Heterodoxi, cultum, servitium, & honorem, qui *Sanctis* exhibetur, esse prohibitum; nam etiam sequeretur. 1. (Contra præceptum IV. Decalogi) sic etiam *parentibus, Principibus, & Magistratui* cultum & servitia deneganda esse, eoquod allatæ propositiones *contra OMNES præter DEUM EXCLUSIVE* enuntient. 2. Etiam *Job. XIV. v. IV.* dicitur, *Tu, qui solus es*, nec tamen adversarii concedere possunt, nullum ens aliud præter DEUM esse, aut existere. Sicut & ex eo *Luc. XVIII. v. XIX.* *Nemo bonus nisi solus DEUS*, non sequitur fallere oraculum divinum, cum de creaturis, *Gen. I.* sæpius inquit: *Viditque DEUS cuncta, quæ fecerat, & erant valde bona;* Sed nempe sicut *sub alia* ratione existit DEUS, & *sub multo imperfectiore* existunt alia *entia* creata, & sicut *sub alia* ratione DEUS dicitur *bonus*, & *sub alia* iterum *creature*; sic etiam *alius* honor & cultus DEO a nobis, *alius*, scilicet longe inferior *SANCTIS*, *alius* item *PARENTIBUS*, ac *SUPERIORIBUS*

exhibetur. Unde III. Ut propositio ad prædictas leges perfecte *exclusiva* sit, requiritur, ut *sub eadem ratione*, qua de uno solo affirmatur prædicatum, de aliis, quæ excluduntur, *invariate* negetur.

Regulæ
particu-
lares,
Pro pro-
positione
excepti-
va.

CXLIX. Regulæ *particulares* pro propositionibus IMPLICITÉ COMPOSITIS. I. In propositione EXCEPTIVA (CXXX. 2.) subjectum, a quo fit exceptio, sit *universale*, contineatque id, quod a participatione prædicati excipitur. Sic falsa est hæc propositio *exceptiva*: *Omne animal fuit in Arca Noë, præter Bucephalum*, quia subjectum tantum supponit distributive incomplete. (XCIX. 4.) Sicut & hæc falsa est: *Omnis homo, præter Bucephalum, est rationalis*, quia Bucephalus non continetur sub termino, a quo fit exceptio.

Pro Ex-
clusiva,

II. In propositione EXCLUSIVA, si illæ particulæ SOLUS, TANTUM &c. se teneant ex parte prædicati, tunc de subjecto negantur omnia alia prædicata ejusdem generis, non vero *diversi generis*. e. g. Si dico. *Petrus est tantum Mustus*, sensum facit: *Petrus callet ar-*

artem musicam, & nullam aliam artem callet, interim tamen potest esse pius, prudens, bonus civis &c. Propositio porro *exclusiva* semper resolvitur in duas propositiones præcipuas, unam *affirmantem*, alteram *negantem*, ut ex dictis liquet.

III. Ad veritatem propositionis COM- PARATIVE (CXXX. 4.) in rigore lo- parativa.
gico requiritur, ut, *utrique* extremo comparato illud prædicatum, in quo ambo comparantur, conveniat, aut saltem hujus oppositum. Hic autem rigor Logicus in S. Scriptura quoad comparationes faciendas non semper attenditur (n. c.) e. g. *Melior est patiens arrogante.* Eccles. VII. v. IX. Nam in hac propositione prædicatum τὸ MELIOR non convenit arroganti, ne simpliciter quidem, quia verum non est: *arrogans bonus est, & eo melior patiens.* Nec etiam prædicatum oppositum, scilicet τὸ MALUS, aut MINUS MALUS, utrique competit, quia iterum falsum est: *uterque malus, sed patiens minus malus.*

SECTIO V.

DE QUIBUSDAM PROPRIETATIBUS, SEU AFFECTIONIBUS PROPOSITIONUM, ET PRIMO QUIDEM DE EARUNDEM OPPOSITIONE.

Proprie- CL. PROPRIETATES enuntiatio-
tates pro- nis vel sunt *simplices* vel *com-*
positionū. *positæ*. *Imi* generis sunt illæ, quæ
uni Enuntiationi seu propositioni
seorsim sumptæ conveniunt, suntque
ejus *quantitas*, & *qualitas*, de quibus
supra (CXXIV.) *2di* autem generis
sunt eæ, quæ non *uni* soli enuntiationi,
sed *pluribus* simul sumptis, & in-
ter se collatis propositionibus compe-
runt, tales sunt *oppositio*, *equipollen-*
tia, & *conversio*, de quibus in hac &
sequenti *Sectione* agendum. Igitur

Oppositio
quadru-
plex.

CLI. OPPOSITIO propositionum
proprie accepta, est *affirmatio* & *ne-*
gatio ejusdem de eodem. In sensu ta-
men *latiore* passim dicitur: *duarum*
propositionum, *idem subjectum* & *predi-*
catum habentium pugna quoad verita-
tem,

tem, ob diversam aut quantitatem (CXXIV) aut qualitatem (n. c.) aut utramque simul. In priori sensu accepta tantummodo duplex est, contradictoria nimirum, & contraria; in posteriori vero quadruplex. 1. Contradictoria. 2. Contraria. 3. Subcontraria. 4. Subalterna.

CLII. PROPOSITIO CONTRADICTORIA dicitur illa, *que pugnat in quantitate, & qualitate essentiali simul*, sive quæ idem prædicatum de eodem subiecto affirmat & negat. e. g. *Omnis homo est animal rationale, aliquis homo non est animal rationale.* Gemina hæc propositio dicitur contradictoria tam de lege, quam de modo enuntiandi, datur autem & aliud contradictionis genus, quod solum de lege vocatur, estque propositio singularis, simul affirmata, ac negata, e. g. *Petrus est velox, Petrus non est velox.* Reducitur enim in Scholis ejusmodi propositio singularis pariter ad universalem, quia sumitur secundum totam suam extensionem (XXXVII.) Ita ut sensus sit, *omne id, quod est Petrus, est velox. Aliquod ejus, quod est Petrus, non est velox.* Nec ista expositio male sonat

Contradictoria.

Contradictoria de modo enuntiandi, & de lege.

capite 6to manifeste referat, hanc nostram explicationem, ore Christi æternæ Veritatis, esse factam; nam v. LIV. SALVATOR dixit: *Qui manducat meam carnem, & bibit meum sanguinem, habet vitam æternam*: at v. LVIII. immediate subjunxit: *qui manducat hunc panem, vivet in æternum*, absque ulla prorsus mentione calicis, aut sanguinis, cujus tamen, si utrumque omnibus sine discrimine præcepisset, iterum meminisse debuisset. Sic pariter cit. Cap. vv. L. & LI. de sola PANIS manducatione mentio fit.

Pro dis-
junctiva-

CXLII. REG. II. In propositione DISJUNCTIVA (CXXIX.) si particula **VEL** *exclusive* accipiat (CXXX.) hoc est, si particulam **TANTUM** tacite adjunctam habeat, non nisi *unum* illius membrum verum esse potest. v. g. *Anti-Christus vel salvabitur, vel damnabitur*. Si vero particula **VEL** accipiat *præcise*, hoc est, si tacite subintelligatur particula **SALTEM**, potest illa propositio vel in *uno*, vel in *pluribus* etiam membris verificari, pro ratione *materiæ*, ac *circumstantiarum*, ut in hac propositione: *Vel Petrus Christum negavit, vel Andreas, vel Judas, in ultimo tantum verificatur*. At si di-

co:

co: vel Titius domi studet, vel Sempromius, vel Cajus, vel Franciscus, potest hoc in pluribus verificari. Cavendum tamen, ne in ejusmodi propositionibus detur aliquod membrum intermedium, ex quo fieri posset, nullam partem veram esse; hinc falsa est hæc: *Andreas studet Philosophia, vel Geometria*, quia potest *Theologia*, aut *Poesis* studere.

CXLIII. REG. III. Veritas propositionis conditionalis dependet ex connexionione antecedentis cum consequente (CXXIX. 4.) siue partes illæ seorsim spectatæ veræ sint, siue falsæ; si enim illa connexio inter Antecedens, & consequens legitima sit, propositio erit vera; si non, erit falsa, & ratio est, quia propositio conditionalis solummodo affirmat connexionem conditionis cum conditionato; sic vera est hæc: *si vis consequi finem, debes adhibere media*, quia datur connexio inter finem & media: econtra falsa est ista: *si vis doctus fieri, debes te vestibus ornare*, nulla enim inter doctrinam, & vestes connexio intercedit.

CXLIV. REG. IV. Ut propositio causalis vera sit, oportet, ut non tantum utraque pars (antecedens & consequens) sit vera. Pro cau-
fali.

consequens) vera sit , sed etiam , ut *pars* , *causali* particula affecta , sit *ratio* , cur altera pars vera sit ? nam se habet eodem modo sicut *conditionalis* , cum æque affirmet *connexionem* causæ cum effectu , sicut illa *connexionem conditionis* cum conditionato (CXLIII.) Ideo vera est hæc enuntiatio : *Impii damnantur , quia DEI mandata non servant ; falsa autem hæc : Aristoteles erat bonus Philosophus , quia frequenter ambulabat.*

Pro modalibus.

CXLV. REG. V. In propositionibus *Modalibus* (CXXVI. 3.) potior habenda est ratio *modi* , quam *dicti* (m. c. 5.) *modus* enim determinat *quantitatem* , & *qualitatem* (CXXIV.) ejusmodi propositionum : unde hæc propositio ; *possibile est , me cras mori* , vera est , etsi non essem moriturus , sequens vero : *hominem esse mortalem contingens est* , falsa est , etsi revera homo sit *mortalis* . Pariformiter loquendum de illis propositionibus , quæ exprimunt *certitudinem* , *evidentiam* , aut *probabilitatem* e. g. *certum est , solem esse terra majorem* &c. . Revocantur enim ad *modales* , ut ex terminis liquet.

CLXVI.

CXLVI. Præter supra recensitas propositiones *explicite compositas* (CXXIX.) Pro propositione referuntur adhuc duæ aliæ, non adeo Discretiva Discretiva, magni momenti, nempe 1. *Discretiva* sive *discreta*, cujus partes per particulas *sed*, *verum*, *tamen* &c. conjunguntur. e. g. *Innocentia premi, sed non opprimi potest.* 2. *Relativa* aut *relata*, Et Relativa, cujus una pars ad alteram ordinatur. va. e. g. *Qualem diligentiam adhibueris, talem fructum referes.* Pro his igitur statuitur

REG. VI. Veritas propositionis discretivæ dependet tum a veritate singularum partium, tum etiam a veritate adhibitæ discretionis: veritas autem propositionis *relative* a veritate relationis, sive respectus unius ad aliud.

CXLVII. Regula propositionum Regula generales pro exponibilibus, seu *implicite compositarum*, seu EXPONIBILUM, (CXXVIII. 4.) *Generates* sunt duæ, 1. Omnis propositio exponibilis *affirmativa* æquivaleret *copulativa* (CXXIX.) e. g. 1. *Hæc exclusiva* (CXXX.) *Nobilitas sola est, atque unica virtus*, ita exponenda est: *Virtus est nobilitas, & nihil aliud quam*

virtus est nobilitas. 2. Hæc *exceptiva* (n. c.) *Omnis homo in Adam peccavit præter B. Virginem*, ita sonat: *omnis homo in Adam peccavit, & B. Virgo in eo non peccavit.* 3. Hæc *reduplicativa* (n. c.) *Petrus qua Logicus disputat*, facit hunc sensum: *Petrus disputat, & ratio disputandi est, habitus Logicæ &c.* II. *Omnis exponibilis negativa æquivalet disjunctiva* (CXXIX. 2.) e. g. *non solus Plato est sapiens*, sic resolvitur: *Vel Plato non est sapiens, vel etiam alius quis est sapiens.* Item: *Nullus est miser, præter peccatorem*; sic exponitur: *vel peccator est miser, vel nullus alius est miser &c.*

Doctrina
Protestan-
tium, ne-
dū fidei,
sed & Lo-
gicæ con-
traria.

CXLVIII. Corollaria. I. Quoniam propositio *exclusiva* æquivalet *copulativa* (CXLVII.) hinc ille textus Pauli Rom. III. v. XXVIII. *Arbitramur hominem justificari per fidem*, cui LUTHERUS addidit; *SO LAM*, sic juxta Logicam esset exponenda a Protestantibus; *Fides justificat, & nihil aliud, a fide distinctum, justificat*, at hoc falsum est, cum sic *bona opera* essent prorsus inutilia, nec requireretur ulla *pœnitentia*, aut *præceptorum divinorum observatio*, imo ne quidem *Baptismus*, quæ sunt seque-

læ

læ, ipsi Evangelio contrariæ. II. Licet in S. Scriptura passim dicatur: *Soli DEO servies, soli DEO honor & gloria &c.* male tamen exinde deducere laborant Heterodoxi, cultum, servitium, & honorem, qui *Sanctis* exhibetur, esse prohibitum; nam etiam sequeretur. 1. (Contra præceptum IV. Decalogi) sic etiam *parentibus, Principibus, & Magistratui* cultum & servitia deneganda esse, eoquod allatæ propositiones contra OMNES præter DEUM EXCLUSIVE enuntient. 2. Etiam *Job. XIV. v. IV.* dicitur, *Tu, qui solus es*, nec tamen adversarii concedere possunt, nullum ens aliud præter DEUM esse, aut existere. Sicut & ex eo *Luc. XVIII. v. XIX.* *Nemo bonus nisi solus DEUS*, non sequitur fallere oraculum divinum, cum de creaturis, *Gen. I.* sæpius inquit: *Viditque DEUS cuncta, quæ fecerat, & erant valde bona*; Sed nempe sicut *sub alia* ratione existit DEUS, & *sub multo imperfectiore* existunt alia entia creata, & sicut *sub alia* ratione DEUS dicitur bonus, & *sub alia* iterum creatura; sic etiam alius honor & cultus DEO a nobis, alius, scilicet longe inferior SANCTIS, alius item PARENTIBUS, ac SUPERIORIBUS

exhibetur. Unde III. Ut propositio ad prædictas leges *perfecte exclusiva* sit, requiritur, ut *sub eadem ratione*, qua de uno solo affirmatur prædicatum, de aliis, quæ excluduntur, *invariate* negetur.

Regulæ
particu-
lares,
Pro pro-
positione
excepti-
va.

CXLIX. Regulæ *particulares* pro propositionibus IMPLICITIS COMPOSITIS. I. In propositione EXCEPTIVA (CXXX. 2.) subjectum, a quo fit exceptio, sit *universale*, contineatque id, quod a participatione prædicati excipitur. Sic *falsa* est hæc propositio *exceptiva*: *Omne animal fuit in Arca Noë, præter Bucephalum*, quia subjectum tantum supponit distributive incomplete. (XCIX. 4.) Sicut & hæc *falsa* est: *Omnis homo, præter Bucephalum, est rationalis*, quia Bucephalus non continetur sub termino, a quo fit exceptio.

Pro Ex-
clusiva,

II. In propositione EXCLUSIVA, si illæ particulæ SOLUS, TANTUM &c. se teneant ex parte prædicati, tunc de subjecto negantur omnia alia prædicata ejusdem generis, non vero *diversi generis*. e. g. Si dico. *Petrus est tantum Muscus*, sensum facit: *Petrus callet*
ar-

artem musicam, & nullam aliam artem callet, interim tamen potest esse pius, prudens, bonus civis &c. Propositio porro *exclusiva* semper resolvitur in duas propositiones præcipuas, unam *affirmantem*, alteram *negantem*, ut ex dictis liquet.

III. Ad veritatem propositionis **COMPARATIVE** (CXXX. 4.) in rigore **logico** requiritur, ut *utrique* extremo comparato illud prædicatum, in quo ambo comparantur, conveniat, aut saltem hujus oppositum. Hic autem rigor Logicus in S. Scriptura quoad comparationes faciendas non semper attenditur (n. c.) e. g. *Melior est patiens arrogante.* Eccles. VII. v. IX. Nam in hac propositione prædicatum **MELIOR** non convenit *arroganti*, ne simpliciter quidem, quia verum non est: *arrogans bonus est, & eo melior patiens.* Nec etiam prædicatum oppositum, scilicet **MALUS**, aut **MINUS MALUS**, utrique competit, quia iterum falsum est: *uterque malus, sed patiens minus malus.*

tem, ob diversam aut quantitatem (CXXIV) aut qualitatem (n. c.) aut utramque simul. In priori sensu accepta tantummodo duplex est, contradictoria nimirum, & contraria; in posteriori vero quadruplex. 1. Contradictoria. 2. Contraria. 3. Subcontraria. 4. Subalterna.

CLII. Propositio CONTRADI-
CTORIA dicitur illa, *quæ pugnat in quan-
titate, & qualitate essentiali simul*, sive
quæ idem prædicatum de eodem sub-
jecto affirmat & negat. e. g. *Omnis ho-
mo est animal rationale, aliquis homo
non est animal rationale.* Gemina hæc
propositio dicitur contradictoria tam
de lege, quam de modo enuntiandi, da-
tur autem & aliud contradictionis ge-
nus, quod solum de lege vocatur,
estque propositio singularis, simul af-
firmata, ac negata, e. g. *Petrus est
velox, Petrus non est velox.* Reduci-
turenim in Scholis ejusmodi propo-
sitio singularis pariter ad universalem,
quia sumitur secundum totam suam
extensionem (XXXVII.) Ita ut sensus
sit, *omne id, quod est Petrus, est ve-
lox. Aliquod ejus, quod est Petrus, non
est velox.* Nec ista expositio male so-
nat

Contradi-
ctoria.

Contra-
dictoria
de modo
enunian-
di, & de
lege.

nat in auribus nostris ; nam si dico v. g. *Petrus est mortalis*, sensus non est : *omne id, quod est Petrus, est mortale* (intelligendo tam quoad corpus, quàm quoad animam) sed exponi debet in eo sensu tantum ; in quo de Petro enuntiatur in priori propositione, quod sit *MORTALIS*, nempe solum secundum corpus, hoc modo : *omne id, quod est Petrus, secundum corpus consideratus, est mortale. Aliquod ejus, quod est Petrus, secundum corpus consideratus, non est mortale.*

Regulæ
generales
oppositi-
onis
contradi-
ctoriæ.

CLIII. Regulæ oppositionis contradictoriæ generales sunt sequentes. I. In vera propositione contradictoria debet idem subjectum, & idem prædicatum perfecte semel affirmari, & semel perfecte negari, quod si fiat, semper una illarum propositionum erit necessario vera, & altera falsa, idque vi illius principii primi : *IDEM NEQUIT SIMUL ESSE, & NON ESSE.* Contradictiones autem apparentes, congrua explicatione adhibita possunt esse simul veræ, quia contradictoriæ propositiones in rigore non sunt. Ejusmodi antilogiæ, seu contradictiones apparentes non paucae reperiuntur in S. Scriptura,

ra, non solum quoad *Chronologiam*, verum etiam quoad ipsum *sensum*. Videantur desuper *Prolegomena Script. S. ad usum Cleri Augustani*, a CL. D. Eusebio AMORT edita. P. III. Q. V. Itemque CL. P. ANNATI *apparatus ad positiv. Theol. Lib. II. Art. XIII. II.* Ad oppositionem vere contradictoriam ulterius requiritur, ut non *varietur suppositio* (XCVIII.) in propositione alterutra, excepta *distributiva* (XCIX. 4.) quæ mutari potest in *disjunctivam* (n. c.) cum hæc in illa contineatur (n. c.) Imo debet quoque in istam mutari, ut oriatur pugna in *quantitate* (CXXIV.) III. Cuilibet propositioni contradicatur, si illi particula NON præfigatur in eo sensu, ut *omne illud* neget, quod prius fuit affirmatum. e. g. Huic propositioni: *aliquis oculus* (ex supposito, quod adsint duo æqualiter apti) est *necessarius ad videndum*, ista contradicit: *non aliquis* (seu falsum est, quod aliquis oculus indeterminate sumptus requiratur) est *necessarius ad videndum*. Jam ex hisce tribus regulis *generalioribus* sequuntur istæ magis *particulares*.

CLIV. REG. I. Propositioni *COPULATIVÆ* contradicatur per *disjunctivam*, & vicissim, ac singulis quidem partibus copulativis debent opponi *totidem*

Regulæ
speciales
pro pro-
positione
copulati-
va, &

- disjunctiva. *tidem disjunctivæ, vel econtra. e. g. Et Petrus, & Paulus est doctus, vel Petrus non est doctus, vel Paulus non est doctus. Item, vel Petrus est Philosophus, vel Paulus est Philosophus: & Petrus non est Philosophus, & Paulus non est Philosophus. (CXLI.)*
- Pro conditionali. *CONDITIONALI* contradicitur, si negatur *connexio* inter conditionem & conditionatum. e. g. *Si Sol lucet, dies est, etiamsi sol luceat, non tamen dies est.* III. Sic etiam *CAUSALI* contradicitur, si negetur *causa*. e. g. *Homo est rationalis, quia est substantia, non ideo homo est rationalis, quia est substantia.* IV. Propositiones *MODALES* debent pugnare in *modo*, non in *dicto* (CXXVI. 3. & 5.) e. g. *Necesse est hominem currere. Non necesse est hominem currere, sive quod idem est: possibile aut contingens est, hominem currere, nam necesse valet idem ac omnis, & possibile sive contingens, idem ac quidam* (CXXXI.) V. Propositioni denique *EXPONIBILI* cuicunque (CXXVIII.) contradicitur per *disjunctiones* (CXLVII. 2.) e. g. *Omnis purus homo in Adam peccavit, præter unum. vel iste non peccavit in Adamo, vel ille non peccavit in Adamo &c.*

CLV. Oppositio CONTRARIA, est Oppositio quando duæ propositiones *universales* contraria. pugnant in sola *qualitate essentiali* (CXXIV.) sive quando una universaliter *negat*, quod altera universaliter *affirmat*. e. g. *Omnis circulus est rotundus. Nullus circulus est rotundus.* Ejusmodi propositiones duæ non possunt simul esse *veræ*; alias enim *idem simul esset, & non esset.* Possunt tamen simul esse *false*, non autem in materia *necessaria*, aut *impossibili*, in quibus *particularis* æquivaleret *universali* (CXXXI.) sed in materia *contingenti*, ubi altera *plus negat*, quam requiritur ad falsificandam priorem. e. g. *Omnis homo est justus: nullus homo est justus.* Utraque enim est falsa, si *unus tantum homo est justus*, quod possibile est, quia *contingens* est, quanquam *proprie* loquendo, & conformiter definitioni supra datæ (CXXXI) hæc propositio: *omnis homo est justus*, omnino non sit *universalis*, adeoque etiam dici potest, quod in propositionibus *contrariis* eadem lex valeat, quæ *contradictoriis* competit, nempe quod *una sit necessario vera, altera falsa* (CLIII.) e. g. si dico: *omnis homo est rationalis, nullus homo est rationalis.*

Regulæ.

CLVI.

Subcontraria. CLVI. **Oppositio SUBCONTRARIA** est, si duæ propositiones *particulares* pugnent in sola *qualitate* (CXXIV.) e. g. *aliquis homo ambulat, aliquis homo non ambulat.* Hæ in nulla materia possunt simul esse *false*, in materia tamen *contingente* (ad quam proprie ac unice spectant ambæ propositiones *particulares*) possunt simul esse *veræ*, quia attributum contingens potest *uni* subiecto convenire, non *alteri*. Sic v. g. *scientia aliqua* (nempe *profana*) *inflat*, & *aliqua scientia* (*Ascetica*) *non inflat*. Ast si utraque propositio *particularis* sit in materia *necessaria*, aut *impossibili*, una erit *vera*, & altera *falsa*, quia tunc ambæ sunt *universales*, & non *particulares* (CXXXI.)

Subalterna CLVII. **Oppositio SUBALTERNA** est, si duæ propositiones pugnent in sola *quantitate* (CXXIV.) hoc est, si una fuerit *universalis*, altera *particularis*, seu potius: si una præfixum habeat *signum universale*: OMNIS, aut NULLUS, & altera *signum particulare*; ALIQUIS, aut QUIDAM NON &c. e. g. *Omne bonum est communicativum sui: aliquod bonum est communicativum sui.* Ima in scholis dicitur *subalternans*, altera *subalter-*

ternata. Porro si *ima* est vera, etiam altera *in omni* materia est vera; in materia tamen *contingente* 2da potest esse vera, quin prima sit vera. Sic enim v. g. Potest *ALIVIS Logicus esse diligens*, quin *OMNIS Logicus sit diligens*, non tamen econtra. In materia autem *necessaria*, 2da semper sequitur conditionem *primæ*, quia tunc *universalis* continet *particularem*, & hæc æque potest distributive complete (XCIX. 4.) enuatiari, sicut *universalis*, e. g. in hac propositione: *aliquis Spiritus est indivisibilis*, possum æqualiter dicere: & *hic Spiritus est indivisibilis*, & *iste*, & *ille* &c. Sicut *universalis* propositio: *Omnis Spiritus est indivisibilis*, distribui potest secundum suam *extensionem* (XXXVII.)

CLVIII. Præter hanc quadruplicem oppositionum speciem datur insuper alia, non quidem ratione *formæ* (CXXIV.) sed ratione *materiæ*, unde & *materialis*, atque *communis* dicitur, nec levis in argumentando momenti est. Ea tunc habetur, quando in duabus propositionibus occurrunt termini aut *particulæ*, *privative*, *relative*, *negative*, *disparate*, aut etiam *contra-*

Opposi-
tio commu-
nis seu
materialis.

trarie oppositæ. e. g. In illis Christi Domini verbis : *Ibunt BONI in VITAM eternam, MALI autem in SUPPLICIUM eternum. Arbor BONA BONOS fructus facit; arbor MALA MALOS fructus facit. Item si dico : scientia laudem gignit, inscitia contemptum parit. Hominum alii HONESTATE ducuntur, alii UTILITATE, alii VOLUPTATE trahuntur &c.*

SECTIO VI.

DE ÆQUIPOLLENTIA, ET CON- VERSIONE PROPOSI- TIONUM.

Equipol- CLIX. **Æ**quipollentia est duarum
lencia propositionum, prius oppo-
sitarum, reductio ad eundem sensum, per
additionem particule NON: totum ejus
artificium. VV. Dialectici hoc Disti-
cho sunt complexi.

Regulæ. *Præ contradict. post contrar. præ post-
que subaltern.
In subcontrariis verba locanda
aliter.*

Nempe 1. Si sint duæ propositiones
contradictoriae, una propositio ad sen-
sum

sum alteri propositioni æquipollen-
tem reducitur, si alterutrius subjecto
præponatur particula NON. 2. Si autem
sint duæ propositiones contrariæ, am-
bæ æquipollebunt, si τὸ NON postpona-
tur. 3. In subalternis ut fiat idem sen-
sus utriusque propositionis, τὸ NON
debet subjecto tum præponi, tum post-
poni. 4. Denique in subcontrariis ver-
ba tantum aliter collocari debent, ita,
ut ex subjecto fiat prædicatum, & ex
prædicato subjectum. Vide exempla!

Omnis homo est rationalis.

Non aliquis homo non est rationalis.) *Æquipollent.*

Aliquis homo non est rationalis.) *Præ Contradict.*

Non omnis homo est rationalis.) *Æquipollent.*

*

Omnis homo est mortalis.

Nullus non homo, seu hominum, est mortalis.) *Æquipollent.*

Nullus homo est mortalis.) *Post. Contrar.*

Omnis homo non est mortalis.) *Æquipollent.*

*

Omnis creatura est finita.

Non aliqua creatura non est finita.) *Æquipollent.*

Aliqua creatura est finita.) *Præ postque Subalternæ,*

Non omnis creatura non est finita.) *Æquipollent.*

*

*Aliquis Logicus disputat.**Aliquis disputans est Logicus.**Aliquis Logicus non disputat.**Aliquis non disputans est Logicus.**Æquipollent.*

In subcontrariis &c.

*Æquipollent.*CLX. *Scholia.* I. Ratio horumomnium *ex natura particule negative* petenda est, quæ destruit, & mutat omne id, quod afficit & post se invenit, facitque adeo ex propositione*affirmativa negativam, ex particulari universalem, & vicissim.* II. In *Modalibus* censetur negatio præponi, si addatur modo, & postponi, si addatur dicto.III. *Sub-Contrariæ* per particulam NON reddi nequeunt *æquipollentes*; si enim hæc præponatur unius subjecto, æquivalet suæ *contradictoriæ*, si præfigatur *copule*, una ab altera non differt: si vero præponatur simul & subjecto & *copule* propositionis affirmativæ, propositio fiet *universalis affirmativa*, ut singula patent examinanti.

Æquipol-
lere quid
significet
apud Re-
centio-
res?

IV. *Æquipol-
lere* apud RECENTIORES dicuntur omnes illæ propositiones, *quæ verbis quidem discrepant, sed sensum eundem habent* (sive dein particula NON adhibeatur, sive non) e. g. huic propositioni; *Nemo nisi græce doctus ad interiorem*

lin-

lingue latine notitiam perveniet: ÆQUIPOLLENTEM statuunt hanc: quidvis potius, quam latine vel scribendi vel dicendi facultatem, sibi polliceri poterit, qui litterarum græcarum expertus est.

CLXI. CONVERSIO est unius propositionis ad alteram per extremorum transpositionem necessaria consequentia, vel, ut alii eam definiunt: est subjecti in prædicatum, & vicissim, in una propositione facta mutatio, remanente semper QUALITATE (CXXIV..) sed mutata non nunquam ejus QUANTITATE (n. c.) propositio, quæ mutatur, dicitur *conversa*, illa vero, in quam mutatur, dicitur *converrens*.

CLXII. Triplex in scholis assignatur Triplex Conversio. 1. SIMPLEX, quando simpliciter subjectum in prædicatum, & nihil prorsus aliud in propositione mutatur. 2. Per accidens, si præter istud etiam mutatur *quantitas*. 3. Per contrapositionem, ubi omnia manent omnino, ac solum ex terminis finitis (LXXXVIII.) fiunt infiniti, (n. c.) Quænam porro propositiones ad triplex hoc conversionis genus determinate referantur, sequentibus versibus,

bus, in quibus majores litteræ sumi debent 2dum dicta (CXXXI.) indicatur. En rursus in exemplis!

Conver-

sionis ar. E. *ℱ.* simpliciter convertitur, E. A. per Accid.
tificium A. O. per contrap. sic fit conversio tota.

Nullus homo est lapis:)	E.	Simpliciter.
Nullus lapis est homo.			
Aliquis homo est doctus:)	ℱ.	
Aliquod doctum est homo.			
Nullus homo est lapis:)	E.	Per Accid.
Aliquis lapis non est homo.			
Omnis homo est animal:)	A.	
Aliquod animal est homo.			
Omnis homo est rationalis:)	A.	Per Contrap.
Aliquod non animal est non homo.			
Aliquis homo non est doctus:)	O.	
Aliquis non doctus non est homo.			

CLXIII. Corollaria. I. Conversio nititur Regulis suppositionum (CI. & CII.) cum enim *prædicatum* propositionis *affirmative*, etiam *universalis* (ratione signi præfixi tantum) supponat *particulariter* (CI.) Hinc ejusmodi propositio nonnisi per *accidens* converti potest. Quare ex ista propositione: *omnis Sacerdos est Christianus*, male inferunt Lutherani: ergo *omnis Christianus*

nus est Sacerdos. Item si dico: omnis Episcopus est Sacerdos: non licet uti conversione simplici: ergo omnis Sacerdos est Episcopus: secus etiam valeret ista consequentia: omnis Christianus est homo: ergo omnis homo est Christianus.

II. Si tamen in propositione affirmativa de subiecto affirmetur definitio essentialis, vel proprietas metaphysica (adeoque si sit vere ac proprie Universalis) etiam adhiberi potest conversio simplex. e. g. *Omnis homo est animal rationale: ergo omne animal rationale est homo.* III. Ita quoque propositio universalis negativa potest non tantum per accidens, sed etiam simpliciter converti. e. g. *Nullus homo est lapis: ergo aliquis lapis non est homo, vel ergo nullus lapis est homo.* Pariter: *nullus peccator est justus: ergo nullus justus est peccator,* ex quo bene contra Protestantes ulterius infertur: *sed homo baptizatus est justus, quia est ABLUTUS ET SANCTIFICATUS. I. Cor. 8. Ergo nullus baptizatus est peccator, per peccati maculam animæ inherentem.* IV. Quia hæc propositio: *Omnis sanctus est amicus DEI,* per contrapositionem ita convertitur: *ergo omnis non amicus DEI est non sanctus, id est: ergo*

quidquid repugnat amico DEI, repugnat etiam sancto: inde optime quoque arguunt Catholici: at repugnat amicis DEI talis status, quem per innumeras fere Blasphemias, & scommata eis attribuerunt primi sic dicti REFORMATORES. e. g. Quod sint surdi ad preces nostras, quod omni cultu, & bonore sint indigni &c. Ergo ejusmodi status repugnat Sanctis. Insigne denique legitimæ conversionis specimen edidit EXCELL. D. DE BANDEL, in suo judicio Danielis, DE IMAC. B. M. V. CONCEPTIONE in hunc modum scribens: PAULUS inquit: per peccatum Mors: ergo in qua mors non est, sive quæ potius ut Mater viventium vitam peperit, in ea mors peccati nec originalis, nec actualis esse potest. VI. Si spectemus implicitum copulæ sensum, quæ, dum negat identitatem, saltem implicite affirmat distinctionem inter subjectum, & prædicatum, etiam propositio particularis negativa simpliciter converti potest. e. g. Si dico: aliquod lucrum non est usura, legitime infero invertendo: ergo aliquid distinctum ab usura est lucrum, ideoque etiam illa conversio per contrapositionem, cum per eam sensus propositionum

num aliquo modo reddatur *obscurus*,
 à multis omnino omittitur.

CLXIV. REGULÆ legitimæ conver- Et Regu-
 sionis in scholis recensentur sequen- læ.
 tes. I. Ut *totum* subjectum, & *totum*
 prædicatum transmutetur. II. Ut
 sumantur ambæ propositiones in *eadem*
 suppositione (XCVIII. &c.) III. Si
 sit propositio de 2do adjacente (n. c.)
 e. g. hæc : *aliquis homo currit*, prius
 resolvi debet; e. g. *aliquis homo est cur-*
rens, & tunc primum converti po-
test: ergo *aliquod currens est homo*.
 IV. Si sit casus *obliquus*, pariter fieri
 debet expositio. v. g. *Mus est in for-*
nace: ergo *aliquod existens in fornace*
est mus. V. Tempus præteritum expo-
 nitur per relativum *qui, quæ, quod*, e. g.
Omnis senex fuit juvenis: ergo *aliquis,*
qui fuit juvenis, est senex. Tempus
 futurum, ita convertitur: *aliquis ju-*
venis erit senex: ergo *aliquis futurus*
senex est juvenis. *Homo revertetur in*
pulverem: ergo *aliquid, quod reverte-*
tur in pulverem, est homo. Item *nullus*
verus Cliens Marianus peribit: ergo
nullus periturus est verus cliens Maria-
nus. Sed de his fatis, nam ipse CL.
 P. ARIAGA fatetur, tot propositio-
 num

num conversionibus caput inverti, & tot vocalium ac consonantium mysteriis memoriam vix non penitus opprimi. Cl. Vero ANT. GENUENSIS ait, Conversionis & Æquipollentie doctrinam nunc totam fere inanem esse, olim tamen, cum Sophistarum disputationes valerent, eorum concertationibus aut alendis aut finiendis percommodam fuisse. Wolfius autem nonnihil pluris æstimare videtur, dum ipsemet hoc conversionis exemplum profert: lapis fuit calidus: lapis est is, qui fuit calidus: ergo id, quod fuit calidum, est lapis.

Philos. Ration. §. 203.



DIS-

DISSERTATIO III.

DE DISCURSU, ET SYL-
LOGISMIS.

SECTIO I.

QUID, ET QUOTUPLEX
SIT DISCURSUS IN
GENERE?

CLXV. **D**ISCURSUS (Analogia Discursus.
sumpta a progressu phy-
sico ab uno termino ad alium) est
motus vel progressio nostri intellectus,
a cognitione unius, ad cognitionem alte-
rius, sive ab una veritate nota ad aliam
ignotam. Dubito e. g. Sitne anima im-
mortalis? vel an hæc proposito: ani-
ma est immortalis, vera sit? examino
mox ideam subiecti, quid est anima?
reperio in ea contineri ideam entis
simplicis: annuo, & dico: anima est
ens simplex. Dein ideam entis simpli-
cis comparo cum idea immortalis: hanc
iterum in illa comprehensam video,
& dico, ens simplex est immortale, &
est 2dum iudicium; denique cum in-
tellexerim, ideam entis simplicis con-
tine-

tineri in idea *animæ*, & ideam $\tau\bar{\epsilon}$ *immortalis*, in idea *entis simplicis*, infero etiam ideam $\tau\bar{\epsilon}$ *immortalis* contineri in idea *animæ*, & dico: *ergo anima est immortalis*. En 3^{ti}um iudicium! hic denuo intellectus iudicem agit; nam *præmissa* duo iudicia sunt quasi sententiæ *præviæ*, seu ut vocant *interlocutoria*, ipsam causam principalem tangentes, has deinde *conclusio* tanquam iudicium *decisivum*, seu ut definitiva sententia, consequitur, estque propterea discursus inter cæteros sciendi modos omnium nobilissimus, cum non tantum (ut *definitio* & *divisio*) veritatem rei proponat, sed eam insuper demonstret, & per artificium syllogisticum (de quo mox) intellectum, vel invitum, ad assensum rapiat.

Ad discursum
requisita.

CLXVI. *Corollaria*. I. Ad omnem discursum tria concurrunt. 1. *Antecedens*, ex quo aliquid inferitur, scilicet *primum iudicium*, seu prima propositio: quod si plures fuerint, dicuntur *præmissæ*. 2. *Consequens* seu *conclusio*, quod inferitur ab antecedente ob aliquam rationis paritatem. 3. *Consequentia*, *sequela*, seu *connexio*
con-

consequentis cum antecedente, *vi* cuius unum ex alio infertur, & indicatur per notam illativam ERGO. e. g. *Omne ens simplex est indivisibile: at Angelus est ens simplex: ergo est indivisibilis.* Hic duæ primæ propositiones sunt duo judicia *Antecedentis*, seu *premissæ*, tertia propositio est *judicium consequentis*: ista vero *vis*, ut tale *g*tium *judicium* deducatur, est *consequentia*, quæ non adesset, si diceret: *ergo Angelus est intelligens*; nam etsi id verum esset, & *consequens*, non tamen esset *consequentia*, ex vi talis *judicii* profluens. II. Inde *consequens* *Differen-* dicitur *falsum*, aut *verum*; *consequen-* tia vero *bona* vel *mala*, nam hæc so- *confe-* la potest peccare contra *Regulas Syl-* *gens &* *logismorum*: at *consequens* considera- *confe-* tur tantum, prout est *conforme*, vel *quantia.* *difforme obiecto*: quare dum negatur, *hoc vel illud bene inferri*, non negatur *consequens*, sed *consequentia*. Ideoque *consequens* potest distingui, *consequentia* vero semper concedi vel negari debet; vel enim inter *ante-* *dens & consequens* datur *connexio*? & tunc *consequentia* simpliciter est concedenda: vel non datur? & tunc simpliciter neganda est?

Argumē-
tatio.

Formali-
ter bona.

Materia-
liter bo-
na.

CLXVII. *Argumentatio* solet distin-
gui a *discursu*, fere sicut *propositio* a
judicio, (CXXI) nempe definitur,
quod sit *discursus*, seu *ratiocinium ver-
bis expressum*. Et alia quidem argu-
mentatio est *formaliter bona*, cui sci-
licet similis alia dari non potest ante-
cedente vero, & consequente falso,
hoc est, quando manente eadem dis-
positione terminorum ac propositio-
num, ex vero antecedente nunquam
falsa conclusio inferri potest. Alia
est *materialiter tantum bona*, cui vi-
delicet similis alia dari potest antecede-
nte vero, & consequente falso.
e. g. Si dico: *aliquod vivens est intel-
lectuale*; atqui *Angelus est vivens*: ergo
Angelus est intellectualis. Non enim lé-
gitima est consequentia, angelum esse
intellectualem ex eo præcise, quia est
vivens (posset enim argumentatio etiam
sic fieri: atqui *lepus est vivens*, ergo *le-
pus est intellectualis*, quæ fallit) adeo-
que verum quidem est *consequens*
ratione *materiæ*, mala autem conse-
quentia, ratione *formæ*, ut dicitur
(CLXXVI. & seq.) Denique *mate-
rialiter & formaliter bona* est argumen-
tatio, ubi *consequens* non fallit, &
consequentia est bona.

CLXVIII.

CLXVIII. Argumentationis usitationes species sex numerantur, nempe Argumentationis species,

I. **EXEMPLUM** five *illatio ab uno* Exemplū.
singulari ad alterum ob paritatem rationis. Ita S. Augustinus assiduo secum discurrebat. *potuerunt isti & iste (caste vivere) quidni ergo & tu poteris?* Item 2. Petr. 2. v. 4. *Si DEUS Angelis peccantibus non pepercit, si originali mundo non pepercit: ergo nec nobis parcat in peccato obduratis.* Huc etiam pertinent **PARABOLÆ**, quibus Christus Dominus in S. Evangelio fere continuo usus est.

II. **INDUCTIO** est argumentatio, Inductio.
quando a particularibus sufficienter enumeratis fit conclusio per propositionem universalem, quod idem est, ac *argumentum ab hypothese ad thesin revocare*, ut Rhetores bene norunt. Sic contra heterodoxos argumentantur Doctores Catholici: S. PETRO in Romana Cathedra successit S. LINUS, Lino CLETUS, Cleto CLEMENS, & ita porro, usque ad modernum felicissime regnantem CLEMENTEM XIII. P. M. ergo in Ecclesia Romana, a tempore Apostolorum usque ad nostra

stra tempora, fuit *continua* successio Pontificum, & consequenter Ecclesia Romana est APOSTOLICA: sic etiam valet: *DEUS, Angeli, & animæ rationales sunt immortales: ergo omnis spiritus est immortalis.* Hæc argumentatio *Physicis* perquam familiaris est, utpote qui enumerare solent *plura* experimenta particularia, quæ si pluribus locis, temporibus, & circumstantiis diversis instituta equaliter se habuere, propositionem physicam manifeste evincunt.

Dilemma. III. DILEMMA, græce Δίλημμα, latine idem sonat, ac *Syllogismus utrinque vinciens*, estque talis argumentandi modus, cujus antecedens propositio duo continet membra, quorum alterutrum concedere debet adversarius, quodcunque tamen concedat, ex eo impugnari potest; unde & *syllogismus cornutus*, aut CROCODILUS dicitur. Sic argumentatus est CHRISTUS, a ministro alapa percussus, *Joan. XVIII. v. XXIII. Si male locutus sum, testimonium perbibe de malo, si autem bene, quid me cædis?* Pariter contra Novatores in fide multum stringit istud Dilemma: *vel a morte Christi, usque ad*

ad tempora LUTHERI & CALVINI, defecit Ecclesia a fide; & doctrina CHRISTI, ejusque EVANGELII, vel non defecit? si defecit: ergo vel per impotentiam, vel per infidelitatem Christus deseruit sponsam suam Ecclesiam, nec fidem servavit datam, Math. XVI. v. XVIII. Super hanc petram edificabo Ecclesiam meam, & porte inferi non prevaalebunt adversus eam. Si vero non defecit? ad quid prætenſa REFORMATIONE opus erat? Si Dilemma plura membra quam duo habeat, alia quoque sortitur nomina, ſcilicet trilemma, ſi tria, tetralemma, ſi quatuor membra habeat &c.

IV. SORITES, græce *σορίτης*, hoc Sorites, est, *acervalis syllogismus*, est argumentatio, in qua per continuam propositionum seriem predicatum præcedentis semper assumitur in subiectum propositionis subsequæ, donec tandem per legitimam conclusionem (si omnes succedentes sibi propositiones *veræ* sint) predicatum ultimæ propositionis de subiecto primæ inferatur. e. g. *Omnis anima humana est ens simplex, omne ens simplex est indivisibile, omne ens indivisibile est indestructibile, omne ens indestructibile perpetuo durat: ergo anima hu-*

mana perpetuo durat. Item: Homo est animal, animal est sensitivum, sensitivum est vivens, vivens est substantia: ergo homo est substantia. Sed attendi debet
 1. ne omnes propositiones sint negantes. 2. Ne equivoca propositio immisceatur, aut falsa: Sic non quadrat: *Qui bene bibit, bene dormit, qui bene dormit, non peccat* &c. confunditur enim status *physicus* cum *moralis*.

Enthymema.

V. ENTHYMEMA, est argumentatio, in qua ex antecedente, vel una præmissa (CLXVI.) inferitur conclusio, seu consequens (n. c.) nomen habet a græco verbo *Ενθυμέομαι*, cogito, eo quod semper una ex duabus præmissis (quæ in syllogismo *explicite* ponuntur) in mente retineatur, ut in *Arithmetica* contingit. e. g. *Homo est animal; ergo est vivens*; subintelligitur enim hæc propositio: *omne animal est vivens* (unde natum est illud: *Enthymema in ore, est syllogismus in mente*) sic etiam ex illo Enthymemate *Rom. VII. v. XXV. & VIII. v. I.* ubi dicitur: *Gratia DEI per Jesum Christum est: nihil ergo damnationis est iis, qui sunt in Christo JESU*, recte sequitur, *nec gratiam cum damnatione*, aut ejus

cau-

causa, scilicet *peccato*, in baptizato, aut per *pœnitentiam* reconciliato, simul consistere posse, adeoque *peccati maculam* non tantum *TEGI* (ut *LUTHERANI* docent) sed penitus *TOLLI*.

VI. SYLLOGISMUS denique, tanquam **Syllogismus.**
nobilissima argumentationis species, est oratio, constans tribus terminis, in qua ex duabus præmissis infertur conclusio. Hæc perfectissima ratiocinii species tota quanta in acceptis referenda est **ARISTOTELI**; **PLATO** enim, & priores Philosophi fere omnes tantum per *dialogos* philosophabantur, ut eorum scripta, quæ supersunt, testantur. Vocabula autem *συλλογίζειν*, & *συλλογίζεσθαι*, latine *computo*, *cogito*, *concludo*, ex scholis pariter *Arithmeticis* ad *Logicos* transiere; quemadmodum enim *Arithmeticus* ex datis duabus quantitativibus cognitis tertiam incognitam elicit, ita intellectus, quoties ratiocinatur, ex comparatione duarum idearum cum tertia colligit, an illæ sint coniungendæ, nec ne? de **SYLLOGISMO** specialius & pluribus nunc agendum.

SECTIO II.

DE

SYLLOGISMO IN SPECIE, EJUSQUE PRINCIPIIS, ET MATERIA.

Syllogi-
smi idea
ex ædifi-
cio.

CLXIX. **U**T totum Syllogismi artifi-
cium facilius capiatur,
potest sibi Logices tyro illum imagi-
nari, sub *ÆDIFICII* cujusdam imagine;
nam quidquid ad *ædificii* constructio-
nem concurrit, id omne ad *syllogismum*
quodammodo confluit. Ad *ædificium*
nempe requiritur. 1. *Fundamentum*.
2. *Materia*, ex qua *ædificium* confur-
git. 3. *Forma*, sive apta *materiæ* di-
spositio. 4. *Regule*, ad quas *ædificium*
construitur. Hæc omnia pariter in
suo genere, ad *syllogismum* legitime
conficiendum, necessaria sunt. Et in
hac quidem sectione, de primis duobus
requisitis, in sequentibus autem dua-
bus sectionibus, de reliquis agemus.

Funda-
mentum
syllogi-
smorum.

CLXX. **FUNDAMENTUM** Syllogismi
voco illa *principia*, quibus tanquam
fundamentis tota *syllogismi structura* in-
nititur. Sunt autem duplicis generis
1. *Logica*, & 2. *Metaphysica*, quæ am-
bo

bo ultimate in hoc contradictionis principio fundantur: IDEM NEQUIT SIMUL ESSE, ET NON ESSE. PRINCIPIA LOGICA sunt 1. DICTUM DE OMNI, VI Cujus, quidquid affirmatur de idea universalis (XXXVI.) sumpta secundum integram suam extensionem (XXXVII.) affirmari etiam potest de quovis contento sub illa; & 2. DICTUM DE Nullo, quod fundat syllogismos negativos, facitque e diverso, ut quidquid negatur de idea universalis, sumpta secundum totam suam extensionem, negetur de omni eo, quod in extensione (n.c.) ipsius ideæ continetur. Exemplum primi habetur in isto syllogismo: Omnis bellua sentit: atqui Leo est bellua: ergo Leo sentit. Quia hic de OMNI bellua affirmatur TO SENTIRE, id ipsum quoque de LEONE, qui CONTINETUR sub natura belluina, similiter affirmari potest. Exemplum secundi est hic syllogismus: Nulla bellua ratiocinatur: atqui Leo est bellua: ergo Leo non ratiocinatur. Quia negatur de OMNI bellua, quod RATIOCINETUR, etiam de LEONE, qui CONTINETUR sub BELLUA, id iuste negatur. PRINCIPIA METAPHYSICA pariter sunt duo. 1. Affirmativum, quod

Principia
Logica :
Dictum
de omni.

Dictum
de nullo.

Principia
Metaphy-
sica.

sic habet: QUÆCUNQUE SUNT EADEM
 UNI TERTIO, SUNT EADEM INTER SE.
 In eo fundantur syllogismi *affirmativi*,
 habetque hunc sensum: *quando duo*
identificantur cum aliquo (quod tertium
 hic dicitur) *adequate, secundum rem,*
& rationem sumpto, etiam identificantur
inter se, & ratio est, quia in omnibus
affirmativis syllogismis, debet esse con-
nexio extremorum cum termino medio, ut
inferri queat in conclusione connexio
extremorum inter se. Sic v. g. si duo,
 nempe A & B, adæquate identifi-
 cantur cum C, identificantur quoque A
 & B inter se. 2. **NEGATIVUM**, pro
 syllogismis *negativis*, ita sonat: QUÆ-
 CUNQUE DISTINGUUNTUR IN EODEM
 TERTIO, DISTINGUUNTUR ETIAM IN-
 TER SE. Et sensus est: *quando unum*
identificatur cum aliquo, & ab hoc alterum
distinguitur, tunc illud unum, & hoc al-
terum etiam distinguuntur inter se. Nam
 in *negativis* debet esse *distinctio unius*
extremi a termino medio, & conne-
xio alterius cum termino medio, ut ex-
trema legitime distingui possint in con-
clusionem inter se. v. g. In hoc syllo-
 gismo: *nullus Leo est rationalis: sed Ca-*
jus est rationalis: Ergo Cajus non est Leo.
 Cajus identificatur cum RATIONALI,
 tan-

tanquam *tertio*, cui eidem *Leo* non identificatur. Ergo *Leo* & *Cajus* inter se distinguuntur. *NOTA* tamen, aliud esse *distingui* IN *3tio*, & aliud *distingui* A *tertio*; *rationale* enim v. gr. & *risibile* non distinguuntur INTER se realiter, licet A *lapide*, aut *Leone* &c. sic distinguantur, quia non distinguuntur IN eodem *tertio*, sed potius *realiter* *identificantur*. e. g. In hoc syllogismo: *Nullus lapis est rationalis: atqui risibile est rationale: ergo nullum risibile est lapis.*

CLXXI. *Scholion.* Principia duo priora ideo vocantur *LOGICA*, quia considerantur tantum secundum *predicari*, sive *DICI*, ut de *universali Logica* pariformiter dictum est (XXXVII.) *posteriora* dicuntur *METAPHYSICA*, quia ad hanc scientiam rerum *IDENTITAS* atque *DISTINCTIO* pertinet. Cæterum volunt nonnulli, quod principia duo *metaphysica* a *Logicis* re non differant, sed *verbis* tantum; nam (inquiunt) quæ per *affirmationem* sive *prædicationem* (vi dicti de omni) conjunguntur, hoc ipso etiam *identificantur*, & econtra (vi dicti de nullo) *distinguuntur*.

Principia, cur vocentur *Logica*, cur *Metaphysica*?

Materia Syllogismorum. CLXXII. MATERIA Syllogismorum, ex qua coalescunt, alia est REMOTA, alia PROXIMA. Primam efficiunt TERMINI, qui tres numerantur, nempe *Majus extremum*, *Minus extremum*, & *terminus medius*. Secundam constituunt tres PROPOSITIONES, quæ vocantur *Major*, *Minor*, & *Conclusio*. Et ex terminis quidem Syllogismus *MEDIATE*, ex propositionibus vero *IMMEDIATE* componitur.

Majus extremum. CLXXIII. *Majus EXTREMUM* ille terminus vocatur, qui in prima figura de medio termino predicatur in præmissis; alter vero, de quo prædicatur *medius terminus*, dicitur *MINUS EXTREMUM*. In secunda autem & tertia figura ille terminus est *MAJUS EXTREMUM*, qui in conclusione est *predicatum*, & qui in eadem est *subjectum*.

Medius terminus. erit *MINUS EXTREMUM*. TERMINUS MEDIUS appellatur, qui bis ponitur in præmissis, sive, in quo ratio sufficiens continetur, cur prædicatum conclusionis cum subjecto connectatur. e. g. In hoc syllogismo: *quæcunque lingua scripturæ sacre interpretandæ inservit illa est utilis; atqui græca lingua Scripturæ sacre interpretandæ inservit: ergo Græca*

ca lingua est utilis. τὸ UTILIS est Majus extremum, τὸ GRÆCA LINGUA est minus extremum, τὸ quia sacre Scripturæ interpretandæ inservit, est medius terminus, sive ratio sufficiens, CUR Græca lingua sit utilis? Prædicatum de cætero ideo denominatur majus extremum, quia est majoris extensionis, & potest ad plura applicari, quam subiectum.

CLXXIV. Ex tribus propositionibus Syllogismi (CLXXII.) 1. MAJOR vocatur illa, in qua est *majus extremum*. e. g. In allato Syllogismo propositio prima est *Major*, quæ a CICE-
 RONE quoque dicitur κατέξοχὴν. quasi per *Excellentiam*. 2. MINOR est illa propositio, in qua *minus extremum* continetur, ab aliis etiam *Assumptio* nominatur. 3. CONCLUSIO denique est ea syllogismi propositio, quæ ex *Majore*, & *minore extremo* coalescit.

Major.

Minor.

Conclusio.

CLXXV. Scholion. Si in Syllogismo aliquo uni ex his tribus propositionibus, vel utrique præmissæ, compendii causa, addatur probatio, tunc ille syllogismus EPICHEREMA dicitur, græ-

Epiche-
rema
quid sit?

ce *Επιχειρημα*, id est *aggressio*, vel *rationatio*. e. g. Si dico; *omne bonum est amandum* (Major) *voluntas enim non nisi in bonum fertur* (probatio Majoris) *sed DEUS est bonus* (minor) *cum ab illo, veluti fonte, singula bona profluant* (probatio minoris) *ergo DEUS est amandus* (conclusio) Hac argumentatio *Rhetoribus* maxime in usu est. At sumitur *Epicherema* etiam in alio sensu, nempe pro tali argumentatione, in qua per *unicam propositionem* enunciatur totum argumentum, e. g. in hac *TULLII* propositione; *Servus Dominum accuset?* quæ facit hunc sensum: *Servus non debet accusare Dominum: sed iste est Servus ergo non debet accusare Dominum.*

SECTIO III.

DE FORMA, ET REGULIS SYLLOGISMORUM.

Forma
Syllogi-
smi.

CLXXVI. **P**ER FORMAM Syllogismorum intelligitur *apta dispositio materiae Syllogismi*, quæ itidem duplex est, scilicet vel *materia remota* (CLXXII.) & dicitur *FIGURA*, vel *materia proxima*, & *MODUS* nominatur, de quo in sect. seq.

CLXXVII.

CLXXVII. FIGURA est apta medii *Figura*
 cum extremis ad concludendum dispositio, est trip-
 quæ juxta communio^{rem} Logicorum *lex.*
 sententiam triplex esse potest, nam 1.
Medius terminus semel in præmissis po-
 test esse *subjectum*, & semel *prædicatum*,
 atque tunc erit *prima* figura. 2. Vel in
utraque præmissa est *prædicatum*, est-
 que *secunda* figura. 3. Vel denique in
utraque præmissa *medius terminus* est
subjectum, & inde oritur *tertia* figura,
 conformiter his versibus memora-
 libus:

Prædicat, & subicit medium sibi prima figura,
Prædicat altera bis, tertia bis subicit.

Vel brevius.

Sub præ ima, sed altera bis præ: tertia bis sub. E. g.

In I. Fig.

Omne animal est mortale, sub
Omnis Leo est animal: præ, prima.
Ergo omnis Leo est mortalis.

In II. Fig.

Nullus lapis est animal, bis
Omnis homo est animal: præ, altera.
Ergo nullus homo est lapis.

In III. Fig.

Omnis homo est animal, bis
Omnis homo est substantia: sub, tertia.
Ergo aliqua substantia est animal.

Figura
Galenica
non dif-
fert à pri-
ma essen-
tialiter.

CLXXVIII. Tribus hisce figuris addidit GALENUS Medicus *quartam*, quæ ab ipso, tanquam inventore, dici solet GALENICA, & consistit in hoc, quod in *prima figura* MAJOR ponatur loco MINORIS, & MINOR loco MAJORIS; seu quod terminus *Medius* fiat *predicatum* in maiore, & *subjectum* in minore. e. g. *Omnis Angelus est spiritus, omnis spiritus est substantia: ergo aliqua substantia est Angelus*, loco quod poni deberet: *omnis spiritus est substantia: omnis Angelus est spiritus* &c. Reijcitur autem hæc figura, quia à prima *accidentaliter* tantum, & non *essentialiter* differt; nam cum in ista figura adhuc 2da propositio contineat *majus extremum* (CLXXIII.) Illaque ideo sit *major* (CLXXIV.) Vere *Medius terminus* subijcitur in maiori, & predicatur in minore, prout ad figuram *primam* requiritur (CLXXVII.) & consequenter figura hæc *Galenica* habet tantum *aliam dispositionem propositionum*, non autem *medii termini*, quæ sola figuram novam constituit (CLXXVII.)

Figura
prima est
omnium
nobilissi-
ma.

CLXXIX. Corollar. Harum figurarum *primam* esse *præstantissimam*, ma-
xi.

ximeque naturæ consentaneam, patet primo, quia in *secunda* figura (ut ex (MODIS) *sect. seq.* apponendis patebit) conclusio semper est *negativa*, & in *tertia* semper *particularis*: at in *prima* figura, propositiones *cujusvis generis* collocantur, nempe *universalis affirmativa*, *universalis negativa*, itemque *particularis affirmativa*, & *particularis negativa*. Secundo, quia in ea servatur enunciatio *directa* (L.) nam *majus extremum* de termino *medio* enunciat in *maiore*, & *medius terminus* de *minori extremo* prædicatur in *minore*. Tertio, quia in ea *medius terminus* suo proprio loco collocatur, nempe *inter utrumque extremum*, ut examinanti innotescet, quia de causa etiam sola ista *prima figura* nonnullis ad legitime ratiocinandum *sufficiens* esse videtur.

CLXXX. REGULÆ Syllogismo-
 rum vocantur illæ *Leges*, quæ *ter-* Regula
Syllogi-
 minos ac *propositiones* in Syllogismo *Syllogi-*
 dirigunt, & aliæ quidem ad Syllo- *simus*
 gismum *simplicem*, sive *categoricum*, *plex*,
 qui meris constat propositionibus
simplicibus (CXXVIII. 3.) aliæ ad
 syllogismum *compositum*, qui *compo-* Composi-
 sitis *tus*.

Exposito-
rius,

fitis propositionibus (n. c. 4.) constat, dirigendum spectant. De Regulis syllogismi *simplicis* (ad quem etiam spectat syllogismus *expositorius*, qui constat medio *singulari*) nunc agemus, sed Regulas ad syllogismum *compositum* spectantes, *Sect. V.* declarabimus. Sunt autem ex istis Regulis aliquæ, quæ TERMINOS IN COMMUNI, aliæ, quæ TERMINUM MEDIUM, item aliæ, quæ duas *propositiones priores*, seu PRÆMISSAS, aliæ denique, quæ ipsam CONCLUSIONEM attinent. Agamus de singulis.

Regulæ Generales Syllogismi Categorici.

I.

PRO TERMINIS IN COMMUNI.

CLXXXI. REGULA UNICA.
TUM RE, TUM SENSU TRIPLEX MODO
TERMINUS ESTO.

Non ad-
sint in
Syllogi-
smo 4.
termini.

Id est: *in omni syllogismo categorico non sint plures, nec pauciores termini, quam tres.* Fundatur hæc Regula *in principiis me-*

metaphysicis (CLXX) quia in omni Syllogismo ex identitate duorum cum tertio, aut distinctione duorum in tertio, colligitur illorum identitas, aut distinctio inter se. Contra hanc Regulam error committitur, quotiescunque vel medius terminus, vel unum extremorum sumitur in diverso sensu, ita scilicet, ut aut fiat *equivocatio* (LXXXIIII.) aut mutetur *suppositio* (CXVIII. & seq.) *restrictio* (XCIV.) *ampliatio* (XCIII.) *appellatio* (XCVI.) *status* (XCIII.) *significatio*, aut *casus*, scilicet *rectus in obliquum*, vel *econtra* &c. 1. Hinc fallunt sequentes syllogismi: *Omnis spiritus est intellectu & voluntate præditus atqui spiritus vini est spiritus: ergo est intellectu & voluntate præditus.* 2. *Qui laborat dentibus, indiget Chirurgo, sed qui strenue vorat, laborat dentibus: ergo, qui strenue vorat, indiget Chirurgo.* Sumitur enim utrobique medius terminus *equivoce*. 3. *Cæci vident (juxta Evangelium) sed qui carent visu, sunt cæci: ergo qui carent visu, vident.* Tò Cæci in M. per *ampliationem*, & in conclusione per *statum* sumitur. 4. *Duo & tria sunt par & impar: sed duo & tria sunt quinque: ergo quinque sunt par & impar.* In M. duo & tria sumun-

muntur distributive, in. m. collective.
*s. Anima non est corpus: sed Petrus
 habet animam: ergo Petrus non habet
 corpus. In M. corpus sumitur in casu
 recto, in conclusione a obliquo &c.*

II.

Medius
 terminus
 debet in
 præmissis
 perfectes
 distribui.

PRO MEDIO TERMINO.

CLXXXII. REG. PRIMA. AUT SEMEL AUT
 ITERUM MEDIUM GENERALITER ESTO.

Sensus est, quod Terminus medius
 (CLXXXIII.) vel in *utraque*, vel in
alterutra præmissa sumi debeat *universaliter*
 (vel *formaliter*, vel saltem *equiva-*
lenter) nam si medius terminus cum *neu-*
tro extremo jungeretur *universaliter*,
 tunc posset cum *uno* jungi secundum
unam partem, & cum *altero* secundum
alteram partem, & consequenter duo ex-
 trema in conclusione non possent inter
 se *identificari*, aut *separari*, quia non *una*
eademque pars, sed *due* potius utrique
 conclusionis termino unirentur, aut se-
 pararentur. Sic fit in hoc syllogismo:
aliquis homo est pius: sed aliquis homo est la-
tro: ergo aliquis latro est pius; nam vox
Homo, cum pro diversis hominum parti-
bus sumatur, unire non potest latronem &
pium,

pium, quia unus idemque homo non est pius, & latro. Fallunt quoque sequentes. 1. Pater est natura divina: filius est natura divina: ergo filius est Pater: quia NATURA non sumitur adæquate pro omni eo, quod dicit in Patre, scilicet una cum adjuncta illi personalitate. 2. Omnis contradictionis pars altera est vera: atqui Pars altera est falsa: ergo Pars falsa est vera. 3. Omnis homo primum bonum vinum ponit (Joan. II. v. X.) sed noster caupo non ponit primum bonum vinum: ergo non est homo. In hoc ultimo terminus medius nec in M distribuitur, cum ibi sit predicatum, quod particulariter tantum supponit in propositione affirmativa (Cl.) neque in m, ut de se patet. Nempe ut medius terminus distribueretur, deberet syllogismus ita formari: omnis, qui non ponit vinum bonum, non est homo, sed noster caupo &c. Tunc autem M. esset aperte falsa, & nullibi in S. Evangelio scripta. &c.

CLXXXIII. REG. II. NUNQUAM COMPLECTI MEDIUM CONCLUSIO DEBET.

Hoc est: *Medius terminus non debet ingredi conclusionem.* Ratio est, quia

Nec debet ingredi conclusionē.

Q

terminus *Medius* solum assumitur ad probandam identitatem extremorum inter se, non vero ad probandam identitatem unius extremi cum ipso medio, alias idem probaretur per idem, & eadem tantum propositio in conclusione repeteretur. e. g. *Omnis arbor perdit folia in hyeme: sed quercus est arbor: ergo aliqua arbor perdit folia.* Vel: *omne animal est vivens, omne vivens est substantia: ergo aliquod animal est vivens.* Licet enim consequens hoc verum sit, non tamen ex præmissis sequitur, sed est simplex consequentia respectu majoris, respectu cujus est subalternata. (CLVII.)

III.

PRO PRÆMISSIS.

CLXXXIV REG. I. NIL SEQUITUR
PURIS EX PARTICULARIBUS UNQUAM.

Ex meris
particu-
laribus
nil sequi-
tur vi
formæ.

Sensus est, quod vi formæ (CLXVII.)
ex præmissis mere particularibus in
conclusionem nihil legitime inferri queat.
Nam tunc nihil sumitur sub subiecto di-
stributo; vel enim ambæ præmissæ par-
ticu-

ticulares sunt *affirmative*, & tunc *medium non distribuitur* (CLXXXII.) vel una est *negativa*, & tunc in *conclusionē plus infertur*, & *prædicatur, à non distributo ad distributum* (CLXXXVI.) exemplum primi est hic syllogismus: *aliquod animal est brutum, aliquod animal est homo: ergo aliquis homo est brutum.* Exemplum 2di est iste: *aliquod rotundum est circulus: aliqua figura non est rotunda: ergo aliquis circulus non est figura.* Adeoque in syllogismo *constante meris particularibus nec servantur principia Logica, nec Metaphysica* (CLXX.)

CLXXXV. REG. II. UTRAQUE SI PRÆMISSA NEGET, NIHIL INDE SEQUETUR.

Sive, *ex puris negativis nihil sequitur* Neque ex
vi formæ. In his enim nec *identitas* puris ne-
affirmari, nec etiam *negari* potest. *gativis.*
Affirmari non potest, quia in præmissis
duo nunquam fuerunt identificata uni
tertio, nec etiam negari, quia in uno
tertio nunquam fuerunt distincta, ut in
hoc syllogismo: nullus equus potest ser-
vare mandata DEI: sed nullus Lutheranus
est equus: ergo nullus Lutheranus

potest servare mandata DEI. Si vero particula NON esset mere *infinitans* (LXXXVIII.) propositio una foret *affirmativa*, ex qua dein aliquid legitime inferri posset.

IV.

PRO CONCLUSIONE.

CLXXXVI. REG. I. QUANTUM PRÆMISSÆ, REFERAT CONCLUSIO SOLUM.

Nil debet
distribui
in con-
clusionē.

Sensus est, *nil debere distribui in conclusionē, quod non fuit distributum in præmissis*, sive non licere distribuere, vel *sumere universaliter* terminum in consequente, qui non fuit distributus, vel *universaliter sumptus* in præmissis; nam terminus non distributus est *particularis*, à *particulari* autem ad *Universale* consequentia non valet (CLXXXVII.) eoquod extrema eadē sint eadem *inter se*, quatenus sunt eadem *uni tertio* (CLXX) hinc non valent sequentes Syllogismi. 1. *Omne animal rationale sentit: omne animal rationale est substantia: ergo omnis substantia sentit.* 2. *DEUS est invocandus,*

us; sed nullus Sanctus est DEUS: ergo nullus Sanctus est invocandus. 3. *Omnis Civitas est in mundo: sed nullus pagus est civitas: ergo nullus pagus est in mundo.* In his omnibus majus extremum in præmissis NON DISTRIBUITUR, distribuitur tamen in conclusione: nam in primo syllogismo minor sic sonat: *omne animal rationale est ALIQUA substantia, & conclusio dicit: OMNIS substantia.* In secundo autem Syllogismo major ita exponitur: *DEUS est ALIQUIS, qui est invocandus: in conclusione autem inferitur: ergo NULLUS Sanctus est ALIQUIS, seu nullus est, qui sit invocandus* &c.

CLXXXVII. REG. II. PEJOREM SEMPER SEQUITUR CONCLUSIO PARTEM.

Sive Conclusio sequi debet partem debiliorem: id est, si una præmissa fuerit particularis, aut negativa, tunc etiam conclusio talis esse debet; alias, quippe effectus esset nobilior sua causa; nam connexio duorum inter se in conclusione esset amplior, & fortior, quam fuisset in præmissis cum tertio. e. g. *Omnis, qui bene dicit, bene cogitat: atqui aliquis homo bene dicit: ergo omnis homo*

Conclusio sequitur partem debiliorem.

potest servare mandata DEI. Si vero particula NON esset mere infinitans (LXXXVIII.) propositio una foret affirmativa , ex qua dein aliquid legitime inferri posset.

IV.

PRO CONCLUSIONE.

CLXXXVI. REG. I. QUANTUM PRÆMISSÆ , REFERAT CONCLUSIO SOLUM.

Nil debet
distribui
in con-
clusionē.

Sensus est, *nil debere distribui in conclusionē , quod non fuit distributum in præmissis , sive non licere distribuere, vel sumere universaliter terminum in consequente, qui non fuit distributus, vel universaliter sumptus in præmissis; nam terminus non distributus est particularis, à particulari autem ad Universale consequentia non valet (CLXXXVII.) eoquod extrema eadē sint eadem inter se , quatenus sunt eadem uni tertio (CLXX) hinc non valent sequentes Syllogismi. 1. Omne animal rationale sentit: omne animal rationale est substantia : ergo omnis substantia sentit. 2. DEUS est invocandus,*

us; sed nullus Sanctus est DEUS: ergo nullus Sanctus est invocandus. 3. *Omnis Civitas est in mundo: sed nullus pagus est civitas: ergo nullus pagus est in mundo.* In his omnibus majus extremum in præmissis NON DISTRIBUTUR, distribuitur tamen in conclusione: nam in primo syllogismo minor sic sonat: *omne animal rationale est ALIQUA substantia, & conclusio dicit: OMNIS substantia.* In secundo autem Syllogismo major ita exponitur: *DEUS est ALIQUIS, qui est invocandus: in conclusione autem infertur: ergo NULLUS Sanctus est ALIQUIS, seu nullus est; qui sit invocandus &c.*

CLXXXVII. REG. II. PEJOREM SEMPER SEQUITUR CONCLUSIO PARTEM.

Sive Conclusio sequi debet partem debiliorem: id est, si una præmissa fuerit particularis, aut negativa, tunc etiam conclusio talis esse debet; alias, quippe effectus esset nobilior sua causa, nam connexio duorum inter se in conclusione esset amplior, & fortior, quam fuisset in præmissis cum tertio. e. g. Omnis, qui bene dicit, bene cogitat: atqui aliquis homo bene dicit: ergo omnis homo

Conclusio
sequitur
partem
debiliorem.

Q 3

homo bene cogitat. Vel: nulla planta est animal: atqui quercus est planta: ergo quercus est animal. Nempe DICTUM DE NULO requirit 1. Propositionem, qua B. negatur de A. (quæ est *major propositio*, adeoque *negativa*) 2. Requirit propositionem, qua ostenditur, seu affirmatur, C contineri sub A (quæ est *minor propositio*, adeoque *affirmativa*) 3. petit propositionem, qua negatur C de A. (quæ est *conclusio*, adeoque *negativa*)

CLXXXVIII. Corollar. Ex hac Regula deducitur etiam ista altera, ut, *si utraque præmissa fuerit affirmativa, conclusio non sit negativa* (AFFIRMANS PRIMAS, RELIQUAS ABSISTE NEGARE) quippe non potest inferri in conclusione *disconvenientia*, si fuerit in præmissis *prædicata convenientia*. Inde non valet: *omnis homo est animal rationale: omne animal rationale est substantia: ergo aliquis homo non est substantia*. Sic econtra, si *ambæ præmissæ fuerint negativæ*, conclusio *affirmativa* esse prorsus nequit. Atque hæ sunt regulæ Syllogismorum *generales*, sequuntur jam

V.

REGULÆ SYLLOGISMORUM
SPECIALES PRO SINGULIS
FIGURIS (CLXXVII.)

CLXXXIX. REGULA PRO PRIMA FI-
GURA hæc est: SIT MINOR AFFIRMAN-
NEC MAJOR SIT SPECIALLIS.

Regulæ
speciales
pro pri-
ma Fi-
gura.

Ratio primi est, quia si minor ef-
set negativa, etiam conclusio talis
syllogismi deberet esse negativa.
(CLXXXVII.) ergo illius predicatum
distribueretur, juxta regulas suppositio-
num (CL): quod tamen non fuisset di-
tributum in majore, quia illa debe-
ret esse affirmativa. (CLXXXV.)
adeoque syllogismus peccaret contra
(CLXXXVI.) Ratio secundæ est, quia
si Major foret particularis, etiam ter-
minus medius, qui est illius subje-
ctum (CLXXXVII.) esset particularis
(CXXXI. 2.) cumque sit predicatum
minoris (n. c.) quæ debet esse affir-
mans (juxta Modos primæ figure)
in ea iterum esset particularis, quod
est contra (CLXXXIV.)

Pro tertia
Figura

Pro se-
cunda
Figura.

CXC. REG. PRO SECUNDA FIGURA est sequens: UNA NEGANS PRÆEAT, NEC MAJOR SIT SPECIALIS.

Ratio primi est, quia alias medium, utpote bis prædicatum (CLXXVII.) non distribueretur, prædicatum enim affirmativum non distribuitur (CI.) ut in hoc syllogismo videre est: omnis homo est vivens: omne brutum est vivens, ergo omne brutum est homo. Adeoque peccat contra (CLXXXII.) Ratio secundi est, quia si Major esset particularis, procederetur a non distributo ad distributum: cum conclusio debeat esse negativa (juxta Modos secundæ figuræ) & sic majus extremum distribui (CI.) quod tamen non distributum esset in Majore., utpote particulari. Consequenter syllogismus erraret contra. (CLXXXVI.)

Pro tertia
Figura.

CXCI. REG. PRO TERTIA FIGURA est ista: SIT MINOR AFFIRMANS, CONCLUSIO SIT SPECIALIS.

Ratio primi est eadem, ac in primæ figuræ. (CLXXXIX.) Ratio secundi est, quia, cum MINOR sit affirmans (juxta Modos tertiæ figuræ) minus extremum, quod est prædicatum in minore

minore (CLXXVII.) sumitur *particulariter* (Cl.) ergo ut *pariter particulariter* sumatur in conclusione, in qua est *subiectum*. (CLXXIII.) Conclusio debet esse *particularis*, alias ageretur contra (CLXXXVI.)

REGULA UNIVERSALIS PRO OMNIBUS SYLLOGISMIS. Regula
universalis.

CXCII. **Q** Voniam (ut inquit Cl. P. FORT. A BRIX. *Log. Part. III. Sect. VI.*) syllogismorum simplicium regulæ, modo enarratæ, eo *levioris* in *praxi* solent esse momenti, quo *subtiliores* existunt, ac ferme nunquam contingit, ut argumentando ad eas animum reflectamus, hinc ipse cum multis aliis omnes syllogismorum leges ad hoc *unicum* generale principium revocat, quod ita sonat: UNA PRÆMISSARUM SYLLOGISMI CONCLUSIONEM CONTINEAT, ALTERA VERO PALAM OSTENDAT, CONCLUSIONEM IN ILLA CONTINERI. Quam regulam sic probat; cum enim (inquit *loc. cit.*) conclusio ex præmissis sequatur veluti *effectus* a sua *causa* (CLXXIV.) debet necessario una præmissarum conclusio-

nem ipsam *continere*, & quidem ob illud principium: **dictum de omni** (CLXX.) quoniam porro ejusmodi *continentia* nequit esse *ex ipsis terminis nota* (alioquin conclusio non esset *diversa* a præmissis) debet altera præmissarum continentiam ipsam *manifestare*, ac veluti ante oculos ponere: ideoque una ex præmissis dici potest **CONTINENS**, altera **EXPONENS**. e. g. Hæc propositio: *omnis virtus DEO placet*, **CONTINET** istam: *humilitas DEO placet*, hæc autem: *humilitas est virtus*, ostendit, sive, **EXPONIT**, inter *virtutes humilitatem* **CONTINERI**.

Ufus
hujus
Regulæ
in Syllogismo
affirmativo.

(XCIII. Servit hæc regula pro syllogismo tam *affirmativo*, quam *negativo*. Nam 1 in syllogismo *affirmativo* illa propositio, quæ *latius* patet, haberi debet pro **CONTINENTE**, & *particularis* **EXPONENTE**. Hinc fallit iste syllogismus: *Evangelium salutem spondet Christianis: quidam impii sunt Christiani: ergo Evangelium salutem spondet quibusdam impiis*. Nam conclusio in majore non continetur, quia non *omnibus* omnino *Christianis* salus promittitur, sed iis tantum, qui *servant omnia mandata DEI usque in finem*, quod in *impios* non cadit. 2 In

& Negativo.

syllogismo autem *negativo* propositio

CON-

CONTINENS est præmissa *negativa* quæ-
 liscunque (nam quia conclusio est pro-
 positio *negans*, non potest *negatio* in
affirmatione contineri) EXPONENS vero
 est præmissa *affirmativa*. Sic fallit iste
 syllogismus: *omnis homo est animal:*
equus non est homo: ergo equus non est
animal. Quia conclusio in præmissa
negante non continetur. Quotiescun-
 que ergo conclusio in alterutra præ-
 missarum non *adequate*, secundum
 omnem *suppositionem*, *extensionem* &c
 continetur, syllogismus peccat, dum
 vel *plus* in conclusione infertur, vel
aliud certe, quam in præmissis fuerat.

SECTIO IV.

DE SYLLOGISMORUM MODIS.

CXCIV. Sicut varia *dispositio medii ter-* Modus
mini cum extremis FIGURA Syllogis-
 (CLXXVII.) sic varia *dispositio propo-* morum?
sitionum secundum has 4 differentias, quid sit.
 A. E. I. O. (CXXXI.) modus appella-
 tur. Istæ autem 4 litteræ juxta re-
 gulas artis combinatoriæ 64 vicibus
 aliter disponi valent, nempe ut inde
 pro-

Modi
possibi-
les. proveniat numerus cubicus radicis 4.
en sequens schediasma I

AAA.	EAA. 7.	IAA. 7.	OAA. 7.
AAE. 8.	EAE.	IAE. 8.	OAE. 7.
AAI.	EAI. 7.	IAI.	OAI. 7.
AAO. 8.	EAO.	IAO. 8.	OAO.
AEA. 7.	EEA. 5.	IEA. 7.	OFA. 5.
AEE.	EEE. 5.	IEE. 7.	OEE. 5.
AEI. 7.	E EI. 5.	IEI. 7.	O EI. 5.
AEO. 2.	EEO. 5.	IEO. 3.	OEO. 5.
AIA. 7.	EIA. 7.	IIA. 4.	OIA. 4.
AIE. 8.	EIE. 7.	II E. 4.	O IE. 4.
AII.	EII. 7.	III. 4.	O II. 4.
AIO. 8.	EIO.	II O. 4.	OIO. 4.
AOA. 7.	EOA. 5.	IOA. 4.	OOA. 5.
AOE. 7.	EOE. 5.	IOE. 4.	OOE. 5.
AOI. 7.	EOI. 5.	IOI. 4.	OOI. 5.
AOO.	EOO. 5.	IOO. 4.	OOO. 5.

In his litteris juxta se positis semper ternis & ternis, prima littera MAJOREM, 2da MINOREM, 3tia CONCLUSIONEM indicat: porro si cui collibitum erit hos modos singillatim considerare, deprehendet, ex illis Modos 28, numeris 4 & 5 notatos, excludi per regulas (CLXXXIV. & CLXXXV.), 18, quibus subjectus est numerus 7, contradicere Regulæ (CLXXXVII.).

6. In-

6 indicatos per numerum 8, peccare contra regulam (CLXXXVIII.) modum signatum numero 3, esse contrarium Regulæ (CLXXXVI.) denique modum AEO, signatum numero 2, contineri in modo AEE, eoquod non possit in MINORE universaliter sumi *minus extremum*, quin etiam ita sumatur in conclusione, in qua est subjectum. Igitur cum exclusorum numerus sit 54, manent ex omnibus hisce modis tantummodo 10 legitimi, scilicet 4 affirmativi, & 6 negativi, suntque sequentes:

Decem
tantum
sunt le-
gitimi

4. Affirmativi.	[AAA.	}	EAE.	6. Negativi.
		AII.		AEE.	
		AAI.		EAO.	
		IAI.		AOO.	
				OAO.	
				EIO.	

CXCV. *Scholion.* Hinc tamen non sequitur, *decem* tantum esse *syllogismorum genera*, quia ex *unico modo* plures fieri queunt *syllogismi*, in *diversis figuris*: possunt item in *prima figura* etiam *plures* dari *syllogismi*, *indirecte* tantum concludentes (in quibus nempe *maius extremum* in conclusione non est *pre-*
di-

dicatum, sed *subiectum*) quos nunc aliqui ex numero verorum syllogismorum expungunt, alii vero relinquunt: unde in scholis vulgo 19 Modi, sequentibus vocabulis, ut tyronum memoriæ consuleretur, metrice inclusi traduntur.

- Modi *Barbara, Celarent, Darii, ferio*, * *Baralipson*, 4. Div.
 1. Fig. *Celantes, Dabitis, Fapesmo, Frisefomorum** 5. Indir.
 2. Fig. *Cesare, Camestres, Festino, Baroco** *Darapti*, 4. Mod.
 3. Fig. *Felapton, Disamis, Datifi, Bocardo, Ferison** 6. Mod.

Logici Neoterici, qui modos *indirectos* primæ figuræ omittunt, cum Cl. P. FORT. à BRIXIA, & aliis, illas voces ita scribunt.

- Barbara, Celarent, Darii, Ferioque præbunt.*) Modi 1^{ma} Fig.
Cesare, Camestres, Festino, Baroco, sequentur.) 2^{da} Fig.
Tertia postveniet rationum turba, Darapti
Felapton, Disamis, Datifi, Bocardo Ferison.) 3^{ia} Fig.

CXCVI. Corollarium. Quoniam in prioribus illis versiculis, *Baralip*, & *Dabitis*, ad DARI. *Celantes* ad CELARENT, *Fapesmo* ad CAMESTRES, & *Frisefom*, ad FERIO reduci queunt; item quoniam *Cesare* sub CELARENT, & *Festino* sub FERIO, quoad litteras continetur, denique quia etiam *Datifi* ad DARI, ac *Ferison* ad FERIO referri pos-

possunt, manifeste sequitur, dari tantum DECEM MODOS, seu dispositiones propositionum secundum quantitatem & qualitatem (CXCIV.) quamvis in diversis figuris secundum aliam medii termini cum extremis positionem iidem modi sæpius(nempe E A E, & A I I bis, ac E I O ter) recurrere valeant. En Exempla!

Modorū
Exempla.

Pro Fig. I.

BAr. Omne vivens est substantia,
b A. Omnis homo est vivens:
r A. Ergo omnis homo est substantia.

CE. Nullas malæ fidei possessor potest præscribere:
l A. Omnis fur est malæ fidei possessor:
r Ent. Ergo nullus fur potest præscribere.

*

DA. Quidquid prodest ad salutem, bonum est:
r I. Sunt quædam afflictiones, quæ prosunt ad salutem:
I. Ergo quædam afflictiones sunt bonæ.

*

fE. Id, cujus postea oportet nos pænitere, omnino non est desiderabile:
r I. Sunt quædā voluptates, quarū postea oportet nos pænitere:
O. Ergo sunt quædam voluptates, quæ omnino non sunt desiderabiles.

Pro

Pro II. Fig.

cF. Nullus, qui potest testari, est minorennis:

fA. Omnis infans est minorennis:

rE. Ergo nullus infans potest testari.

*

cA. Omnes, qui sunt JESU CHRISTI, crucifigunt suam
carnem:

mEs. Omnes, qui agunt vitam mollem ac voluptuariam, non
crucifigunt suam carnem:

trEs. Ergo nullus eorum est JESU CHRISTI.

*

fEs. Nulla virtus est contraria amoris veritatis:

tI. Est quidam amor pacis, qui est contrarius amoris veritatis:

nO. Ergo est quidam amor pacis, qui non est virtus.

*

bA. Omnis virtus prudentiam comitem habeat:

rO. Est quidam Zelus, non habens prudentiam comitem:

cO. Ergo quidam Zelus non est virtus.

Pro III. Fig.

dA. Omne testamentum requirit septem testes:

rAp. Omne testamentum est ultima voluntas:

tI. Ergo aliqua ultima voluntas requirit septem testes.

*

El. Nullum vitium animi tranquillitatem promovet:

Ap. Omne vitium inest homini:

rOn. Ergo quoddam, quod inest homini, animi tranquillita-
tem non promovet.

dl.

d I- Quidam impii divitiis affluunt:

f A- Omnes impii sunt miseri:

m Is- Ergo sunt aliqui miseri, qui divitiis affluunt.

*

d A- Omnes DEI amici sunt Reges:

t I- Quidam DEI amici sunt egeni:

s I- Ergo quidam egeni sunt Reges.

*

b Oc- Quidam affectus non est bonus:

Ar- Omnis affectus est appetitus:

d O- Ergo quidam appetitus non est bonus.

*

F Er- Nullæ ineptiæ sunt elegantes:

I- Sunt quædam ineptiæ figuratæ:

f On- Ergo sunt quædam figuratæ, quæ non sunt elegantiæ.

SECTIO V.

DE SYLLOGISMIS COMPOSITIS, EORUMQUE REGULIS.

CXCVII. **T**Otuplicis generis dantur
SYLLOGISMI COMPOSITI,
quotuplicis generis fieri possunt *proposi-*
tiones COMPOSITÆ (CXXVIII.) ex qui-
bus coalescunt. (CLXXX.) Unde non
est opus longam hic eorundem seriem

R

per

per exempla texere, quæ ex supra dictis (CXXVIII.) facile intelligi possunt, sed hoc loco tantummodo Regulas, quibus diriguntur, *magis necessarias*, ac *utiliores* recensebo: Est autem hæc

**Regula
Generalis
pro Syllo-
gismis
composi-
tis.**

CXCVIII. REGULA GENERALIS PRO OMNIBUS SYLLOGISMIS COMPOSITIS. *Syllogismi compositi, qui resolvi possunt in SIMPLICES, legibus SIMPLICIUM diriguntur; unde si valent simplices, etiam valent compositi. Sic v. g. hujus syllogismi vitium facile deprehendes: Qui dicit te esse hominem, verum dicit: sed qui te dicit esse latronem, dicit te esse hominem, ergo qui te dicit esse latronem, verum dicit, si illum ad simplicem reducas hoc modo: Tu es homo, sed latro est homo: ergo tu es latro: nempe per suppositionis mutationem in voce homo irrepunt 4. termini contra Reg. I. (CLXXXI.) quare syllogismorum compositorum infallibilitas nititur Regulis, & principiis, tum generalibus, tum particularibus syllogismorum simplicium, seu categoricorum. Attamen cum sæpe syllogismi compositi vix aut ne vix quidem ad Syllogismos simplices reduci queant, sequentes adhuc CANONES notentur.*

CXCIX.

CXCIX. REGULA PRO SYLLOGISMO Regulæ
COPULATIVO est hæc: *Partes, quibus particula-
constat copulativa propositio, ita opposi- res pro
ta esse debent, ut una affirmari non Syllo-
possit, quin negetur altera. Sive NUL- gismo co-
LUM INTER PARTES DEBET DARIMEDIUM. pulativo.*
Sic legitime concludunt isti syllogismi:
NEMO POTEST DEO SERVIRE ET MAM-
MONÆ. *Math. IV. v. XXIV. atqui Avarus
servit Mammonæ: ergo non servit DEO
Vel: atqui PAULUS APOSTOLUS servie-
bat DEO: ergo non servivit Mammonæ.*
Item: *Nemo potest esse capax adeundæ
mox gloriæ cœlestis, & simul esse debitor
saltem NOVISSIMI QUADRANTIS. Ex
Math. V. v. XXVII. sed iustus decedens
ex hac vita nondum soluto penarum tem-
poralium debito, est debitor hujus novis-
simi quadrantis: ergo non est capax ade-
undæ mox gloriæ cœlestis, & conse-
quenter adhuc in loco tertio, quem
PURGATORIUM vocant, ei expectandum
esse, bene inferunt CATHOLICI. Econ-
tra fallunt isti syllogismi: Nemo potest
esse Ratisbonæ, & Vienna: sed Cajus non
est Ratisbonæ: ergo est Vienna. Item:
furiosus, vel gulosus non servit Mammo-
næ: ergo servit DEO. Datur enim me-
dium inter hæc repugnantia, nam Ca-
jus non necessario debet esse Ratisbonæ,*

aut *Viennæ*, sed potest esse *alibi*: Sicut *furiosus* & *gulosus*, licet non servant *MAMMONÆ*, possunt servire *aliqui* *3tio*, v. g. *IRÆ*, aut *GULÆ*.

Pro dis-
junctivo.

CC. REGULA PRO SYLLOGISMO DISJUNCTIVO servit eadem, quæ mox data est (n. præc.) sic vere concludunt isti syllogismi: *vel anima est materialis, vel spiritualis: atqui materialis non est: ergo est spiritualis* Vel *PETRUS vel PAULUS fuit caput Ecclesiæ: sed Paulus non fuit: ergo Petrus fuit.* E contra non tenent isti: *Vel Petrus, vel Paulus fuit Apostolus: sed Paulus fuit Apostolus: ergo Petrus non fuit.* Item: *Vel Sempronius, vel Cajus est rationalis: sed Sempronius est rationalis: ergo Cajus non est rationalis.* Et ratio est, quia in prioribus exemplis *TÒ VEL* sumitur *exclusivè* (ita scilicet ut excludatur omne *MEDIUM*) at in posterioribus *TÒ VEL* sumitur tantum *precisive*, in quo casu utrumque membrum potest esse verum (CXLII.) quia datur *MEDIUM*.

Pro Ex-
clusivo.

CCI. REGULA PRO SYLLOGISMO EXCLUSIVO statuitur hæc: *iste syllogismus legitime concludit, si illius conclusio SECUNDUM TOTAM SUAM LATITUDINEM*
latuit

latuit in præmissis, ita ut non plus dicatur in conclusione, quam dictum est in præmissis. Vitiosus autem est hic Syllogismus: nullum Sacramentum mortuorum est institutum ab hominibus: sed solus Baptismus, & pœnitentia sunt Sacramenta mortuorum: ergo solus Baptismus & Pœnitentia non sunt instituta ab hominibus; Conclusio enim ita exponi debet: Baptismus, & Pœnitentia non sunt instituta ab hominibus, & omne aliud Sacramentum est institutum ab hominibus (CXXX.) sed hujus conclusionis ultima Pars non latebat in præmissis: adeoque peccat contra (CLXXXVI.)

CCII. REGULÆ PRO SYLLOGISMO Pro conditionali. I. Affirmato antecedenti, Conditionalis in MINORE, bene affirmatur illius consequens in conclusione, non tamen e contra. Sic valet iste Syllogismus: si DEUS est justus, punientur impii: sed DEUS est justus, ergo punientur impii. Non autem hic: Si omnes homines sunt docti, tunc etiam Petrus est doctus: atqui Petrus est doctus: ergo omnes homines sunt docti. II. Negato consequente propositionis conditionalis in MINORE, bene rejicitur

illius ANTECEDENS in conclusione, nam falsum non nisi ex falso legitime sequitur. e. g. Si quispiam electorum perit, tunc fallitur DEUS: atqui DEUS non fallitur: ergo nullus electorum perit. Non vero negato antecedente in minore bene negatur consequens in conclusione. e. g. Si hoc vivens est homo, tunc est animal: atqui hoc vivens non est homo: ergo non est animal. Nam ratio hominis non est causa præcise, cur attributum animalis possit viventi competere, adeoque potest aliquod vivens esse animal, quin sit homo: econtra ex ratione opposita bene inferitur, saltem materialiter (CLXVII.) Si hoc vivens est homo, tunc est animal rationale: atqui non est homo: ergo non est animal rationale, quia scilicet necessario aliquod vivens, si est animal rationale, etiam est Homo. Plura in Sect. VII. de Regulis consequentie.



SECTIO VI.

DE

PRINCIPIIS PERFECTIVIS SYLLOGISMORUM, SIVE DE REDUCTIONE.

Principia perfectiva Syllogismorum.

CCIII. **P**RINCIPIA PERFECTIVA syllogismorum sunt illa, quibussyllogismus *imperfectus* ad *perfectum* REDUCITUR. Syllogismus porro *imperfectus*vocatur ille, in quo bonitas consequentiæ clare non apparet; *perfectus* vero in quo clare apparet. *1mi generis*sunt omnes syllogismi non tantum *indirecti* in *1ma figura*, sed etiam singuli illi, qui fiunt in *2da*, & *3tia figura*. *2di generis* illi tantummodo sunt, qui*4 modis directis* fig. I. respondent.

(CXCIV.) REDUCERE ergo SYLLOGISMUM est idem, ac imperfectum ita

formare, ut legitima ejus consequentia manifeste appareat, quod triplici

modo fieri potest 1. per *ostensionem*.2. per *expositionem*. 3. per *impossibile*.

Imperfectus Syllogismus. perfectus.

Quid sit reductio Syllogismi, & quotuplex?

CCIV. REDUCTIO PER OSTENSIONEM est, qua syllogismi imperfecti præmissæ ita convertuntur, vel tran-

Reductio per ostensionem.

R 4

spo-

sponuntur, ut inde fiat syllogismus *perfectus*, & inferatur *eadem* conclusio, vel saltem ejus *conversa* (CLXI.) hoc ut fiat 1. attendi debet ad *primam litteram* illius modi, in quo est syllogismus *indirectus*, & juxta *hanc* reduci debet ad modum *directum* primæ figuræ, *ab eadem littera* incipientem. 2. Attendi debet etiam ad sequentes *consonantes*, vocalibus in eodem modo *indirecto* (in quo est syllogismus *imperfectus*) succedentes: S. P. M. C. queis indicatur, quomodo propositiones singulæ *syllogismi imperfecti* sint *convertende* (CLXII.) ut fiat syllogismus *perfectus*: proceditur autem juxta sequentes versus memoriales:

S vult SIMPLICITER verti, *P* vero PER ACCID.
M vult TRANSPONI, *C* per IMPOSSIBILE duci.

E. g. Sit hic Syllogismus in cEsArE.
cE. Nulla virtus est vituperabilis:
sA. Omne vitium est vituperabile:
rE. Ergo nullum vitium est virtus.

Hic adverte 1. quod iste modus incipiat a C, adeoque debet syllogismus reduci ad cELArEnt. 2. Consonans S significat, quod *prima propositio* debeat *converti simpliciter*. 3. Littera R denotat

notat, quod maneat 2da propositio, quia hæc littera non est ex illis quatuor: ergo reductio hujus syllogismi ad cELArEnt ita fit:

cE- Nullum vituperabile est virtus;
lA- Omne vitium est vituperabile:
rEnt. Ergo nullum vitium est virtus.

CCV. REDUCTIO PER EXPOSITIO- Per Ex-
NEM fit, si medium *commune* mutetur positio-
in *singulare* (quod etiam EXPOSITO- nem.
RIUM vocatur) & eadem rursus con-
clusio inferatur. e.g. Hic syllogismus:
*omnis homo est risibilis: omnis homo est
animal: ergo aliquod animal est risibile*,
mutato tantum medio *communi* in *sin-*
gulare, sic reduci potest: *Petrus est
risibilis: Petrus est animal: ergo aliquod
animal est risibile*. Valet hæc reductio
præcipue in Fig. III. ubi terminus
medius bis subjicitur; qui si sit *singula-*
ris, ordinata manet propositio.

CCVI. REDUCTIO PER IMPOSSIBI- Per Im-
LE fit, si ex assumpta responsione possibile.
Adversarii, is eo adigitur, ut duas
propositiones *contradictorias* concede-
re compellatur, quod est *impossibile*,

unde & nomen accepit. e. g. Si concessis præmissis negetur conclusio in hoc syllogismo: *omne bonum est amandum: DEUS est bonus: ergo est amandus*, posset ad confundendum Adversarium novus hic syllogismus fieri: *DEUS non est amandus: DEUS est bonus: ergo aliquod bonum non est amandum*. Quod tamen in *maiore* primi Syllogismi is antea jam concessit, adeoque sibi *contradicit*. Cæterum licet omnes syllogismorum modi reduci hac ratione queant (cum *universaliter* verum sit, ex *contradictorio consequentis sequi contradictorium antecedentis*, si illatio fuerit *legitima*, (ut mox dicetur) hæc tamen *reductio* proprie spectat ad *BAROCO*, & *BOCARDO*, quæ habent litteram C (CCIV.) totumque ejus artificium sequentibus versibus indicatur:

Majorem servat, mutatque BAROCO minorem.

Majorem mutat, retinetque BOCARDO minorem.

E. g. *b A- Omne animal est sensitivum:*

r O- Aliqua substantia non est sensitiva:

c O- Ergo aliqua substantia non est animal.

b Ar- Omne animal est sensitivum:

b A- Omnis substantia est animal:

r A- Ergo omnis substantia est sensitiva.

b O-

De Reductione Syllogismorum. 267

- b O- *Aliquod animal non est rationale;*
 c Ar- *Omne animal est vivens:*
 d O- *Ergo aliquod vivens non est rationale.*
- b Ar- *Omne vivens est rationale:*
 b A- *Omne animal est vivens:*
 r A- *Ergo omne animal est rationale.*

CCVII. Scholion. Ea, quæ hucus- Ad quid
 que satis superque diximus de syllo- profint
 gismorum modis, figuris, & Reductio- Regulæ
 ne, in gratiam antiquitatis dicta sunt! hactenus
 traditæ?
 Certe quidam ex modernis Logicis vix
 amplius mentionem de istis in libris
 suis faciunt. Et Cl. ANTONIUS GENU-
 ENSIS ea nullius omnino pro praxi
 utilitatis esse putat: ego certe (ipsius
 verba sunt Log. l. 5. c. 9. §. 15.) qui
 in studiis pueritiam egi, & Adolescens
 disputavi pluries, & viros scholasticarum
 rerum coriphaeos, disputantes non raro
 audiui, nec ejusmodi Legibus unquam
 sum usus, nec alios usos animadverti.
 ideoque addit: Quod si quis est, qui ea
 etiamnum amet, per me licet, tantum,
 ne sophisticæ mentem depravet, moneo,
 experimento enim plurium virorum di-
 dici, non parum in hujusmodi studiismo-
 menti inesse, ad gustum Germanæ sapien-
 tiæ retundendum. Interim (quoniam,
 ut

ut sermone tritum fert adagium, *cum vulpibus vulpinandum*) ad SOPHISTARUM fallacias detegendas, larvamque eorum argumentis detrahendam, hæc arma non modo *utilissima*, sed & *necessaria* esse, nemo est, qui negare facile possit, dummodo *usus* non degeneret in *abusum*.

SECTIO VII.

DE REGULIS CONSEQUENTIÆ.

CCVIII. Quid in Syllogismo sibi velit *consequentia*, dictum jam est (CLXVI. & CLXVII.) modo indagantur *Regule*, ut sciatur, an etiam *consequentia bona* sit, si syllogismus sit *bonus*? & quidem, cum *Regula UNIVERSALIS*, *prima*, ac cæterarum Mater, supra quoque data jam sit (CXCII.) sequuntur nunc solæ *SPECIALES*, ex illa *generali* profuentes, videlicet

Regulæ consequentiæ. CCIX. REG. I. *Ex vero antecedente non potest sequi falsum consequens, nec ex falso potest verum formaliter sequi.*
Ratio

Ratio est ipsa CONTINENTIA (CXCIII.)
 alias enim esset vera, & non esset vera,
 si tamen aliquando per accidens ex falso antecedente sequeretur verum consequens, eo ipso non esset veritas consequentiæ, sed tantum consequentis.
 (CLXVI.)

CCX. REG. II. Ex necessario nonnisi
 necessarium sequitur, nempe quia ejusmodi propositio necessario est vera
 (CXXV.) & ex vero non potest sequi falsum. (n. præc.) Potest tamen etiam ex contingenti sequi necessarium, si sint propositiones Hypotheticæ, seu conditionales. e. g. Omne currens movetur: atqui Petrus currit: ergo movetur. Hic, ex hypothese, quod Petrus CURRAT, necessario movetur. Item si ambæ præmissæ sint contingentes, pariter necessario sequitur aliquid contingens ratione formæ (CLXVII.) unde habetur illud: necessarium sequitur ex quolibet.

CCXI. REG. III. Ex impossibili sequitur quodlibet. Id est, si semel aliquid impossibile admittitur, tunc omnia possunt inferri. e. g. Si conceditur, quod circulus sit quadratus, tunc omnia

Si præmissæ sint veræ,

Si sint necessaria,

Si impossibiles.

omnia, quæ *figura quadrata* sunt propria, de *circulo* concedi debent.

CCXII. Reg. IV. *Si ex antecedente rite sequitur consequens, tunc ex opposito consequentis sequitur oppositum antecedentis.* e. g. *Cajus est rationalis: ergo est homo, vel econtra: simia non est homo: ergo non est rationalis.* Nam si non sequeretur *oppositum antecedentis*, tunc cum *opposito consequentis* staret *pristinum antecedens*: e. g. *Simia non est homo, & tamen est rationalis.* Sic autem ex vero antecedente sequeretur *falsum consequens*, quod est contra Reg. I. (CCIX.)

Ab antecedente ad consequens, & econtra.

CCXIII. REG. V. *Posito antecedente non sequitur consequens, at posito consequente ponitur antecedens.* e. g. *Non sequitur: animal est, ergo homo est.* Bene vero econtra. Nam *consequens* jam complectitur *antecedens* (CCIX.) non autem vice versa, nisi forte *necessaria* sit *connexio*, ut potius *hoc* sit, quam *aliud*; aut nisi *ratio sufficiens* sit de aliqua re, quod potius *sit*, quam *non sit*. Huc etiam pertinet sequens

CCXIV. REG. VI. *Ab actu ad po-* Ab Actu
tentiam bona est argumentatio, non vero ad poten-
vicissim. Sic, ex S. Scriptura contrariam.

LUTHERUM bene infertur: DAVID am-
 bulavit in viis & præceptis Domini.
 3. Reg. 6. 14. & Adolescens Evange-
 licus ACRO omnia mandata DEI custodi-
 vit a juventute sua Math. XIX. v. XX.
 Ergo POSSUNT servari mandata DEI.
 Non autem vicissim inferre licet:
 POSSUNT omnia mandata DEI servari,
 ergo Lutherus illa SERVAVIT, similiter
 valet illatio: Bonus Latro in cruce con-
 versus est: ergo POTUIT converti: non
 vero: Omnis peccator adhuc in morte
 converti POTEST: ergo etiam CONVER-
 TETUR.

CCXV. REG. VII. *A sensu distribu-* A Sensu
tivo ad collectivum vi formæ non valet distributi-
argumentatio (CII. 6.) sic non valet: vo ad
collecti-
possum portare vel hoc, vel illud, vel vum
aliud pondus: ergo omnia simul. Nam
 plus infertur in conclusione, quam
 fuit in præmissis distributum, quod
 est contra (CLXXXVI.) excipe tamen
 si prædicetur prædicatum aliquod es-
 sentiale, aut necessarium, tunc enim
 recte, quod de singulis asseritur, de
 tota collectione dici poterit. Unde or-
 dina.

dinata tenet illatio: *hic, & iste, & ille homo est mortalis: ergo omnis homo est mortalis &c.*

A parti-
bus ad
totum.

CCXVI. REG. VIII. *Si prædicatum aliquod sit PARTIBUS proprium, & non COMMUNE, vel si negetur TOTI, quod convenit PARTIBUS, non valet illatio. e. g. Caput est Pars, manus est pars &c. Ergo manus est caput: vel ergo totum est pars. Si vero prædicata sint æque communia toti, ac partibus, ut sunt prædicata essentialia, proprietates, aliaque prædicata universalia, tunc licet argumentari a sensu distributivo ad collectivum. e. g. Creatura A, B, C, D, est producta: ergo etiam TOTA collectio creaturarum est producta (juxta n. præc.)*

CCXVII. REG. IX. *Argumentatio a*
A Pari. *PARI non semper recte concludit: nempe in moralibus, & ubi agitur de modis loquendi; Nam Leges humanæ, & vocum significatio dependent a libera hominum institutione, usu, & consuetudine: hinc male quis inferret: Chirothece a Germanis vocantur manuum calcei: ergo etiam tegumenta brachiorum, ocreæ brachiorum dici debent. Pejus con-*
clu-

cludunt CALVINIANI : voces, PETRA, LAPIS ANGULARIS, OSTIUM, VIA, VITIS &c. tantum in sensu FIGURATO de CHRISTO accipiendæ sunt: ergo etiam, quando dicit: HOC EST CORPUS MEUM, tantum de FIGURA sui corporis intelligi debet. Nam sic vere eludi posset omnis veritas Evangelica; eoquod ex eodem Antecedente antiqui etiam HÆRETICI illa loca, in quibus CHRISTUS appellatur FILIUS DEI, uti *Math. III. v. XVII.* Item *Math. XIV. v. XXXIII.* in sensu tropico, id est, tantum de Figura, Divinum Filium, quasi in imagine referente intelligere potuissent: in prioribus ergo locis sensus figuratus est adhibendus, quia manifesta esset contradictio, eundem esse verum hominem, & simul vitem aut Petram per identitatem; verba autem institutionis Eucharistiæ in sensu proprio, ac litterali esse accipiendæ, ipsamet æterna Veritas aperte confirmat alibi; dicens: *Caro mea VERE est cibus*: & certe si figuratam solummodo præsentiam Christus eo loco voluisset, intelligi, durus hic sermo CAPHARNAÏTIS non fuisset visus. Ut valeat ergo argumentatio a PARI, oportet, ut inter unum & alterum sit eadem paritatis ratio. Sic & male

impius quondam CALIGULA a pari inferre, seque DEUM esse probare voluit, dicens : *ovium dux non est ovis, equorum dux non est equus, & asinorum dux non est asinus: ergo nec hominum dux (qualis ego sum) homo est, & consequenter DEUS. Ovis enim & equus &c. non sunt rationales: ergo repugnat, ovium, aut equorum ducem esse ovem, aut equum &c. econtra homo, & Imperator humanus, seu Dux hominum sunt ejusdem nature, adeoque illa necessitas non est in homine.*

SECTIO VIII.

DE

FALLACIIS SYLLOGISMORUM DETEGENDIS.

Sophista
quis sit?

CCXVIII. **I**lli, qui vel ad acendum ingenium, vel ad sui ostentationem, falsos Syllogismos, qui ad speciem verorum solent decipere defendentem, proponere amant, SOPHISTÆ nunc dicuntur, cum dedecore honorifici olim nominis SOPHISTARUM, sive SAPIENTUM, apud veteres usitati (III.) ejusmodi vero syllogismi *Sophismata*, aut *Paralogismi* vocantur.

Duo

Duo porro sunt *sophismatum* præcipua genera, nempe 1. in *dictione*, seu *voce*.
2. *Extra dictionem*, seu in *re*.

CCXIX. FALLACIÆ IN DICTIONE Sophis-
sunt sex, & omnes peccant contra *mata in*
(CLXXXI.) suntque sequentes. *Dictione.*

I. ÆQVIVOCATIO (LXXXIII.) e. g.
Quod aliquis facit invite, hoc facit coac-
te: sed DEUS facit uvas in vite: ergo
eas facit coacte. Item: *omnis canis est ani-*
mal latrabile: sed quedam in celo stella
est canis: ergo est animal latrabile. II.
AMPHIBOLOGIA coincidit cum priori,
& est variatio significationis ex muta-
to sensu. e. g. *Musici libenter bibunt:*
sed cheles sunt Musici (id est alicujus
musici) ergo libenter bibunt. Huc etiam
pertinet ambiguum illud oraculi re-
sponsum: *Cræsus Halyn properans magnam*
pervertet opum vim; incertum enim
fuit, an Cræsus fluvium Halyn superans,
HOSTIUM opes subversurus, an vero
suarummet opum jacturam sit facturus?
uti & illud: ibis redibis non morieris in
bello, omissio enim interpunctionum
valde dubium reddit sensum. III. FAL-
LACIA ACCENTUS, cum nempe idem
vocabulum pro diverso accentu diversa

significat: e. g. *Qui venatur LEPORES, indiget canibus: sed oratores venantur LEPORES: ergo indigent canibus.* IV. FALLACIA COMPOSITIONIS, vel DIVISIONIS. e. g. *Impossibile est, dormientem vigilare: atqui Petrus est dormiens: ergo impossibile est, Petrum vigilare.* Item; *Petrus est bonus, & Philosophus: ergo est bonus Philosophus.* V. FALLACIA DITIONIS in specie committitur ratione obliqui, aut additi alterius termini. e. g. *Omnis Elephas est major musca, nulla musca est major cane: ergo nullus Elephas est major cane.* VI. Denique fallacia FIGURÆ DITIONIS, cum scilicet sub signo, significante substantiam, infertur quantitas, aut qualitas, ut: *quidquid emisti, comedisti: sed carnem crudam emisti; ergo carnem crudam comedisti.*

Fallaciæ
extra di-
ctionem.
Fallacia
acciden-
tis.

CCXX. FALLACIÆ EXTRA DITIONEM, seu IN RE sunt sequentes. I. FALLACIA ACCIDENTIS, quæ committitur, si quid rei simpliciter tribuitur, quod ipsi per accidens tantum competit. e. g. Si quis diceret: *Scriptura servit Hæreticis* (utique per accidens tantum, & non per se) *ergo est mala.* Ita nec valet; *Philosophia Ec-
lectica*

lectica unus aut alter abusus est in Theologia: ergo est eliminanda, Id enim Philosophorum, non Philosophia vitium est. Huc pariter revocantur omnes variationes suppositionis, appellationis; itemque vitia de medio non distributo.

CCXXI. II. A DICTO SIMPLICITER, A DICTO AD DICTUM SECUNDUM QUID, AUT simpliciviciSSIM. e. g. Dum quis ex eo, quod ter. præcepta Dei sine gratia supernaturali servari nequeant; illa simpliciter & absolute servatu impossibilia enunciat. Aut si quis dicatur e. g. Bonus Musicus, præcise ex eo, quod sit bonus simpliciter, nam cum homo dicitur bonus simpliciter, prædicatum bonus cadit in subjectum homo; sed cum dicitur bonus Musicus, vox bonus non afficit subjectum homo; sed attributum Musicus. Similiter peccat hic Syllogismus: Qui tollit alteri divitias, tollit occasionem peccandi, qui tollit occasionem peccandi, non peccat; ergo qui tollit alteri divitias, non peccat. Proceditur enim a sensu restricto ad non restrictum, scilicet in minore intelligitur: qui tollit occasionem peccandi MODO LICITO & honesto: quæ restrictio in maiore non est addita.

Ignoran-
tia Elen-
chi.

CCXXII. III. IGNORANTIA ELEN-
CHI, sive ignoratio illius, quod con-
tra adversarium probandum, vel in
eo improbandum est, dum nempe So-
phista contra adversarium probat cal-
lide, quod iste non negat, aut vi-
cissim in eo improbat, quod ille nun-
quam somniavit, ut appareat inde
saltem *rudibus*, à Sophista expugna-
tum esse id, quod fuit in quæstione.
Hanc fallaciam committunt, v. g.
qui, ut rudibus persuadeant, Philo-
sophiam ECLECTICAM esse *de fide suspe-
ctam*, sesquipedalibus verborum pe-
riodis detonant in sententias, ab EPI-
CURO, GASSENDO, CARTESIO, WOLF-
FIO, & LEUBNITIO propugnatas. quas
tamen *nullus* modernorum Eclecticor-
um Catholicorum, *in sensu, vera
fidei vel minimum* contrario, amplecti-
tur; itaque idem hi faciunt, ac si quis
v. g. Neotericorum Aristotelicos ex eo
velit impugnare, quod Stagyrita *mundū
ab æterno* extitisse defenderit, quod
pariter nemo ex Peripateticis, ut ut
Philosophiæ Aristotelicæ, ex asse Se-
ctariis, amplecti audet, imo plerique
etiam *ex hypothesis* aperte rejiciunt. Sic
quoque fallunt, qui *Newtonianam
attractionem in physica* impugnant ex
eo

eo, quod hæc sit *causa æque occulta*, ac illa antiquorum *qualitas*, cum tamen Newtonus ATTRACTIONEM non sumat pro CAUSA, sed pro PHÆNOMENO, sive *eventu contingente*, ut plerique ex modernis physicis aperte probant clarissimis textibus, ex Newtoni operibus depromptis. Porro de ignorantia Elenchi Aristotelem quoque ipsum arguit CL. Auctor ARTIS COGITANDI. Cap. XIX. *Sophism. I.*

CCXXIII. IV. NON CAUSA ut CAU- Non cau-
sa est, cum pro *causa* assignatur, quod *sa ut*
causa non est: e. g. cum COMETA *causa*
(ut inquit Cl. PURCHOTIUS Log. p. 3.
c. 8.) aut aliud quodvis cæleste phæ-
nomenon *causa* dicitur subsequentis
pestilentie, sterilitatis, aut aliarum ca-
lâmitatum. Non enim sic ratiocinari
licet: *id evenire solet* POST HOC: ergo
PROPTER HOC. Hujus fallaciæ præfer-
tim in physica rei à Neotericis agun-
tur Peripatetici rigidiores, qui in ex-
plicandis *obscurioribus* naturæ *phenome-*
nis, causas assignant ex aliqua *mentis*
presumptione, quæ tamen non sunt
cause, sed *ingenii* potius *figmenta* esse
videntur, ac *neminem doctiorem red-*
dunt. e. g. dum *suspensionem Mercurii*

in *Barometro* adscribunt *METUI VACUI*, morbos diversis *PLANETARUM ASPECTIBUS*, ac mille alia, quæ nesciunt, *ANTIPATHIÆ*, *SYMPATHIÆ*, aut *ANTIPERISTASI*, vel denique alteri *QUALITATI* æque *OCCULTÆ* attribunt, quæ mera *ignorantiæ asyla* dicuntur a Recentioribus, dum isti potius, quando intima naturæ secreta penitus perscrutari nesciunt, ingenuè cum Magno D. AURELIO ad *Renat. Monach. Epist. 190. n. 2.* asserunt: *Non pudet me fateri, nescire, quod nescio*, nec dedecori sibi ducunt, a se ignorari ea, quæ Magister maximus homines docere non vult. Videatur cit. Cl. AUCTOR ARTIS COGITANDI. loc. cit. *sophism. III.*

Plurium
Inter-
rogatio.

CCXXIV. V. FALLACIA PLURIUM
INTERROGATIONUM PER MODUM UNIUS.
Si scilicet petitur, ut *una* responsione satisfiat multiplici interrogationi. e. g. Si quæritur; *an PETRUS, an tantum JUDAS ISCARIOTES ex Apostolis sit damnatus?* si *neges* hanc propositionem, tunc Sophista inferet: *ergo Judas non erit damnatus.* Si *affirmes*, reponet: *ergo Petrus Apostolus est damnatus.* Ejusmodi fallaciæ laqueis ut te
ex-

expedias, unum membrum interrogationis ab altero sejungi debet, dicendo: propositionem *falsam* esse quoad *primum membrum*, & *veram* quoad *alterum*. Hujus erroris arguitur quoque istud dilemma: *Desistine furari, vel non? si non? tunc adhuc fur es: si desisti, tunc fur fuisti.*

CCXXV. VI. IMPERFECTA ENUMERATIO, ut si quis dicat: *Cajus capite damnatus est, vel sua culpa, vel pravitate judicium*; Nam potuit id etiam ex alia ratione contingere v. g. propter *falsum*, sed *invidum improborum hominum testimonium* &c. In nullum vitium, inquit supra cit. Cl. AUCTOR ARTIS COGITANDI, docti facilius labuntur, quam in hanc imperfectam enumerationem, hinc temere concludunt, vel rem *non esse*, quia *boc modo non est*, quamvis *alio esse possit*, vel *illam boc modo esse*, cum *alio*, quem nondum considerarunt, esse queat. Hujus vitii exempla profert in cit. loco *Sophism. IV.* ex argumentis GASSENDI, quibus iste suum VACUUM DISSEMINATUM probat *dari a parte rei in rerum natura*, partibus materiae interspersum. Et generaliter loquendo in

Imperfecta enumeratio.

PHYSICA male ab aliqua experientia, in quibusdam contingente statim propositio universalis infertur. e. g. Non valet: *frigus QUÆDAM Corpora constringit, seu comprimit, & calor dilatat: ergo etiam AQUA per frigus comprimitur, cum eam dilatari manifeste probet experientia illa, qua constat, quod etiam solidissima vasa ex quacunque materia ab aquæ congelatæ vi rumpantur.*

Petitio

CCXXVI. VII. PETITIO PRINCIPII Principii. tunc contingit, quando id, quod in quæstionem venit, ac a principio seu initio quæsitum est, *petitur*, sive assumitur tanquam *certum*. v. g. Si quis probare velit, inesse lapidi principium *intrinsecum*, quo in terram feratur, ex eo, quia *nemine impellente in eam decidit*, id ipsum enim est, quod quæritur, an scilicet *impellatur ab aliquo, nec ne?* ita etiam Neoterici Peripateticos de sophismate accusant, dum isti probant dari *formam substantialem materialem*, ideo, quia hæc unacum materia facit *unum per se*, nam hoc ipsum in quæstione est, & explicare debent Aristotelici, quid sibi velint illa verba: *unum per se?* si enim dicant esse idem, ac *ens compositum ex materia & for-*

forma, est manifesta petitio principii, & argumentum talem sensum facit: *Sinon essent formæ substantiales, entia naturalia non componerentur ex MATERIA & FORMIS SUBSTANTIALIBUS: sed componuntur ex MATERIA, & FORMIS SUBSTANTIALIBUS: ergo sunt formæ substantiales.* Porro committitur etiam hæc fallacia a *respondente*, si interrogatus pro *ratione* Theseos affert ipsam *Thejin*, vel illi *Synonymum*, ut si quis ad probandum, *calum esse rotundum*; assumeret, quod sit *Sphericum*. Per hoc tamen non prohibetur, quo minus ad probandum *definitum* assumatur *definitio*. (CX. 3.)

CCXXVII. Corollar. A *petitione principii* non differt CIRCULUS, & alius quidem est *licitus*, si nempe ex una propositione, cujus veritatem *aliunde* cognosco, alioque argumento probatam scio, aliam deduco, v. g. Quando Catholici contra Heterodoxos ex *S. Scriptura*, illis *nota*, accerta, probant, infallibilem esse *Romanam Ecclesiam*, & dein ex hac *infallibilitate* Ecclesiæ *regrediuntur* (unde & Sive *Regressus* vocatur) ad probandam *Scripturæ vulgatæ* autho-

authoritatem, sensumque genuinum, imo motivum unicum *veritatis Ecclesie probande* non est *testimonium scripturæ*, cum Ecclesia immediate afficiatur MOTIVIS CREDIBILITATIS, sibi propriis, ut *Theologi probant*, ideoque sicut licitum est, ex *axiomate*, utpote aliquo *notiore*, veritatem aliam deducere: ita etiam *circulus licitus* est, si *Divinitas scripturæ* ex *testimonio Ecclesie* ostendatur; non enim antecedentis & consequentis *eadem* est *ratio*, neque *idem* prorsus *motivum*, ulterius non demonstrabile. Sic etiam ex mundo, ejus *Conditor* (per ea scilicet, *que facta sunt*, utpote *notiora*, deducendo *invisibilia*) demonstrari, & ex *causæ* deinde, sive *artificis* excellentia, *mundi*, ut *operis*, *pulchritudo* rite argui valet. Econtra alius est VITIOSUS CIRCULUS, qui committitur, si probatur *unum ignotum per alterum æque ignotum*. Ut e. g. si quærat ex *Heterodoxis*, unde sciant, *quatuor Evangelia esse verbum divinum* præ aliis libris *supposititiis*, qui olim a SS. Apostolis THOMA, BARNABA, ANDREA, & aliis conscripti dicebantur? respondent, *divinitatem scripturæ*, ejusque sensum & interpretationem esse desumendam

Circulus
vitiosus.

ex

ex interno testimonio spiritus privati, at si urgeant Catholici, unde probent infallibilem veritatem hujus testimonii interni? hoc ipsum ex scriptura, quæ se ipsam cujusvis manifestaret, repetunt. An vero hoc non est, ignotum per æque ignotum probare, & in circulo vitioso ambulare?

CCXXVIII. Scholion. Solvuntur *Modus*
 sophismata L. cum fallacia detegitur; *solvendi*
 id est. cum explicatur sermonis am- *Sophis-*
 biguitas, & sensus multiplex distingui- *mata.*
 tur. 2. Cum Sophisma irridetur, &
 contemnitur. 3. Cum questio alio detor-
 quetur, & adversarius ad novam quæ-
 stionem expendendam ex occasione
 traducitur, ita Cl. PURCHOTIUS log.
 p. 3. c. 8. addit vero, quod prima
 tantum solvendi sophismatis ratio ve-
 ro sapienti conveniat, nec posteriori-
 bus, nisi raro, & cum aliter *Sophistæ*
pervicacia vinci non potest, sit uten-
 dum. Nam ad eas quoque artes (per-
 git ille) ipsi quoque Sophistæ, ac ma-
 læ fidei homines sæpe confugiunt,
 qui, cum validis adversariorum ratio-
 nibus urgeri se undequaque sentiunt,
 quæstionem propositam declinant,
 novasque, & prorsus impertinentes
 diffi-

difficultates substituunt, aut ambages quærunt, vel contemptu tantum aliquo, seu irrisione, additis quandoque dictis, respondent, ut ipsi inter peritos triumphent, & adversarios in contemptum inducant. &c. Uti passim hodie experiantur Theologi POLEMICI Catholici. Plura ad hanc dissertationem pertinentia traduntur in *Logices parte II. PRACTICA, Dissert. III.*

DISSERTATIO IV. DE METHODO.

SECTIO I.

QUID, ET QUOTUPLEX SIT
METHODUS?

CCXXIX. **M**ETHODUS, cujus radicem constituere videntur græca vocabula *μετὰ* post, per, & *ὁδὸς* via, auxilium, definitur a TULLIO l. 2. de leg. conformiter Etymologiæ: *Via brevis, aut ratio ordinata inquirendi verum, si adhuc lateat, verumque ipsum, si inventum fuerit, ex-*
po-

Metho-
dus.

ponendi. Frustra profecto *perceptionum*, *judiciorum*, ac *rationum* leges LOGICA doceret, nisi & *ordinem* præscriberet, has omnes mentis operationes rite *disponendi*, tum ad *veritatis* adhuc latentis *cognitionem*, certius & facilius assequendam, tum etiam ad *veritatem* jam *cognitam*, aliis clarius solidiusque *communicandam*. Id vero unice fit per bonam METHODUM, non quidem, quasi per eam *rationandi* aut *capacitas*, aut *facultas*, acquiri ab aliquo possit (utpote quæ sola *exercitatione* comparatur) sed quod *rectius*, atque *ordinatius*, servatis Methodi regulis, quivis *rationetur*. Possunt hæc quidem regulæ sola lectione eorum librorum, in quibus exacte observantur, addisci, quin imo non alia re melius ac plenius discuntur, teste MALEBRANCHIO; attamen ut ad eam lectionem præparato animo accedatur, juvat sequentia præscire.

Ejus utilitas.

CCXXX. Sunt, qui acriter **CONTENDUNT**, *Methodum* esse *quartam* *mentis operationem*, a tribus cæteris *distinctam*, ipsa enim, inquiunt, neque aliquid *percipit*, neque *judicat*, neque *unum ex alio infert*; sed solummodo *per-*

An Methodus sit quarta mentis operatio?

perceptiones, judicia, & discursus antea formatos dirigit, ordinat, & inter se confert: quemadmodum igitur iudicium a perceptione, discursus a iudicio distinguitur, licet in discursu iudicium, in iudicio perceptio contineatur, ita & Methodum a cæteris tribus, cogitationum speciebus distingui oportet, quamvis illa cogitationes jam ante formatas supponat, & quodammodo complectatur. Ast NEGANT alii, ad perceptionem, iudicium, atque discursum, eandem revocantes, tanquam illarum perfectionem, atque complementum: imo ad solum iudicium, & discursum ab aliis (quorum sententiæ etiam ego accedo) refertur; per iudicium enim (asserunt isti) decernimus, partes alicujus sententiæ hoc vel illo modo esse disponendas; per discursum autem rationem afferimus, cur hoc vel illo modo illas disponamus, & sane Methodus nil aliud est, quam series iudiciorum, & illationum, per quam in debitum ordinem singula rediguntur, sive iudicando & ratiocinando cuilibet propositioni locus suus determinatur, ad hoc, ut iudicia & ratiocinia sint perfecta atque completa, quæ absque Methodo tantum imperfecta, incompleta, atque confusa existe-

sterent: sicut autem. (inquit Cl. P. HAUSER. *Phil. Ration. Tom. I. P. IV. Log. Q. I.*) *Logicus PERFECTUS* ab IMPERFECTO essentialiter differre non censetur, ita neque tractatio Methodica haberi debet pro artefacto logico, ESSENTIALITER DIVERSO, ab artefactis aliarum operationum mentis, & sicut ex arte v. g. Cytharam pulsans, *Cytharedus* est, etsi nondum *Apollo* sit, sic etiam, qui ad regulas judicat, & ratiocinatur, *logicus* est, quamquam, si *judicia* atque *ratiocinia* ORDINATE edisserat, perfectior sit.

CCXXXI. Duplex potissimum datur Methodus. I. ANALYTICA, seu resolu-
toria, a græca voce ἀνάλυσις, RE-
SOLUTIO, estque rei cuiuspiam in suas
causas, ac partes redutio, dum nempe
aliqua propositio demonstranda in
sua, ex quibus componitur, princi-
pia (*Axiomata*, ac *definitiones*) resol-
vitur, ac veluti per partes executitur,
ita, ut ab eo, quod in questione no-
tum est, ad id, quod est ignotum, sum-
pto exordio, pedetentim fiat, pro-
gressio, donec ad finem questionis
perveniat, quæsitæque veritas inve-
niatur; unde & Methodus INVENTIO-
NIS dicitur. Comparatur ea cum mo-
do,

Synthe-
tica,

Quenam
in præ-
senti Lo-
gica tra-
ctanda
adhibi-
ta sit?

do, quo quis v. g. noti cujusdam hominis Genealogiam exhibiturus, ad ejus Patrem, a patre ad Avum, ab hoc usque ad primum familiæ parentem regreditur. 2. SYNTHETICA, seu *compositionis*, a græco σύνθεσις, COMPOSITIO, est, si ex principiis *universalibus* ad *particularia* fiat descensus, a *genere* scilicet ad *speciem*, a *specie* ad *individua*, hac ratione, ut semper in *premissis* ponantur ob oculos *lumine nature* nota, sensibus obvia, aut in *bona hypothesis* fundata, *animadversio-*
nibusque illustrata, dein vero ex *eventibus* obscuriora manifestentur, atque adeo *veritas inventa congruo modo*, & *ordine aliis exponatur*, propter quod etiam Methodus DOCTRINÆ appellatur. Sic nos Methodo SYNTHETICA in Logica hucusque progressi, ab *ideis* ac *terminis*, quæ prima scientiarum *elementa*, maxime *simplicia*, captuque facillima sunt, ad *judicia* & *propositiones*, quæ ex *ideis* *terminisque* habentur, descendimus, inde ad *ratiocinationes*, quæ *ideas* & *judicia*, *terminos* & *propositiones* simul complectuntur, denique ad *Methodi tractationem* (in qua priora omnia eodem velut *communi loco congregantur*) via plana hucus-

hucusque pervenimus: Econtra Methodo ANALYTICA in tradenda logica incederet, atque ad eundem scopum, *non tamen sine multis ambagibus*, perveniret, qui a *Methodo* exorsus, illam resolveret in ea, ex quibus coalescit, ac primo quidem *secerneret ratiocinia*, ab his ad *judicia*, atque *ideas* pergeret. Cæterum

CCXXXII. Methodum SYNTHETI- Methodo-
CAM omnium optime ac rigidissime ob- dus ma-
servant MATHEMATICI, unde & metho- thema-
dus MATHEMATICA dicitur, & quidem, tica.
si per eam veritas inquiritur *a posteriori*, per *observationes* scilicet, *experimenta* certa, vel per *Hypotheses* genuinas, prout *Astronomis* in usu est, ASTRONOMICA: sin autem *a priori*, hoc est, ex *definitionibus*, *Axiomatibus*, & *principiis generalibus* positis infertur veritas, ut *Geometre* passim procedere solent, *Methodus* GEOMETRICA appellari consuevit, cujus excellentiam Mathematici ita deprædicant, ut huic uni omnem *demonstrationis* efficaciam attribuant, ita, ut nulla disciplina ad ullum certitudinis, aut *demonstrationis* Ejus pro-
gradum, in eorum sententia, pertingere stantia.
possit, nisi hac methodo pertractetur.

Astrono-
mica.Geome-
trica.

Syntheti-
ca præ-
stat Ana-
lyticæ.

Ast bona horum Authorum venia cum
Cl. P. AGNELLO MERZ, Ord. Eremit.
S. August. in suo *Schem. Phil. Eccl.*
§. XXXI. aliisque dixerim, nullam me-
thodum ex se esse demonstrativam, con-
sequenter nec GEOMETRICAM; quod
enim *Mathesis* veritates proprias adeo
solide, & vix non omnes demonstrati-
ve pertractet, non *Methodi* adhibitæ
effectus est, sed quod *hec scientia* ejus-
que veritates certis ac evidentibus prin-
cipiis nitantur: in aliis autem faculta-
tibus, quæ materias tantum probabiles
pertractare solent, *Methodus* illa,
etiam ad amussim, ac cum omni rigore
observata, ullum certitudinis, aut
demonstrationis geometricæ gradum nun-
quam inducet. Interim non negave-
rim, *Methodum Syntheticam* præ Ana-
lytica, utpote quæ multo est simplicior,
& docentibus insigni cum fructu, atque
utilitate adhiberi posse, ac debere, si
materia permittat; illa enim summam
discipulis claritatem præstat, nam
quia per *Methodum Mathematicam*
semper ponuntur 1. definitiones reales,
& nominales (CVI. & CVII.) 2. Po-
sultata, Hypotheses, & Lemmata (Dis-
sert. II. Sect. III.) 3. Axiomata, Theo-
remata, Problemata, 4. Corollaria, Scho-
lia

lia (loc. cit.) & quandoque etiam praxes, hinc discuntibus statim apparet, quid *primarium*, quidve *secundarium*, aut *confectarium* sit. sicque de proposita Thesi ideas distinctas, & adequatas hauriendo, facillime in iudiciis, & discursibus eruendis procedent. Optat proinde merito Cl. P. HAUSER, ut prefata Methodus STUDIO PRIVATO, a præclaris ingeniis adhibeatur, ad omnem rigoris vim: imo SCHOLIS quoque (inquit cit. Cl. Auctor) hæc recte commendaretur, si iste nonnisi ingenia MATHEMATICA, id est, subtilitatis capacia, & laboris patientia admitterent; ubi vero talia ingenia desunt, vult, ut methodus Mathematica, seposito tantisper rigore, & retentis præcipuis legibus suis, se accommodet materie, & discipulis.

CCXXXIII. Ex simultaneo porro Methodi *Analyticae* & *Syntheticæ* usu resultat alia mixta, quæ, quia in SCHOLIS plerumque adhibetur, SCHOLASTICA dicitur. In ea præmittuntur continuo, quæ sequentibus intelligendis, atque demonstrandis inserviunt, ita tamen ut eodem loco pertractentur omnia, ad idem subjectum, quantum fieri potest, pertinentia, nulla habita

Quid sit
Methodus scho-
lastica.

Quis
usus?

Methodus
Juristarum.

ratione, quomodo cognitio unius *de-
pendeat ab alia*. In hac Methodo er-
go non datur *continua propositionum
series*, ut fit in Methodo *Mathematico-
Synthetica*, sed per *sylogismos formales*
(cum in illa plerumque per *sorites*
res agatur) *conclusiones*, ac *theorematia*
probantur, & *objectiones* (quibus in
prima methodo locus nullus relinquitur)
accurate solvuntur, atque tyrones
utiliter *exercentur*. Ista ut plurimum
usus est ipse WOLFIUS, tum in *philo-
sophia*, tum in *Elementis Matheſeos* la-
tinis, quin in ipsa etiam *Geometria*,
ut propria confessione testatur *Log.*
§. DCCCXXXIII. Ipsissima quoque hæc
est Methodus, quam passim obser-
vant Theologi antiqui, ac Recentio-
res, ut sunt v. g. Cl. TOURNELIUS,
HABERT, GOTTI, BILLUART, &c. Si-
milli denique vix non Methodo in
omnium *tribunalium* foris JURIS CON-
SULTI procedunt; nam 1. clare expo-
nitur *facti species*, statusque contro-
versæ, additis, si quæ adsunt, *pre-
notandis*. 2. Ponitur a referente *sen-
tentia decisiva*. 3. Subjunguntur *funda-
menta*, seu *probationes*. 4. *Refutantur*,
quæ ab adversa parte possunt *objeci*,
solideque enervantur. Quamquam a
Juri-

Juristis aliter quoque in *caussis non criminalibus* agi soleat, scilicet per 4. *causarum* genera, examinando 1. *materiam*, seu subjectum v. g. *Electionis*, hoc est: *quis* eligi possit? 2. *Formam*, qua utendum sit in electione? 3. *Efficientem*, *quis* possit eligere? Sic etiam 4. de *finali causa*, & de *contrariis* proceditur, nempe per *qua cesset* aliquid? &c.

CCXXXIV. REGULÆ GENERALES Regulæ
Generales pro
Methodo.
utrique Methodo, tam *Analyticae*, quam *Syntheticæ* communes referuntur ad tres dotes, 1^{ma} est CLARITAS, quapropter *status questionis*, nisi ex *terminis* jam pateat, per *notiones claras ac distinctas definiendus*, &, si plures complectatur partes, accurata *divisione* exponendus est. 2^{da} est BREVITAS, quæ mire juvat *memoriam*, hinc *diggressiones inutiles*, hoc est, ad rem propositam non pertinentes, quæis mens ab ipsa *re principali* avocari queat, caute sunt evitandæ, nimiaque *prolixitas*, tum in *refutandis* aliorum sententiis, tum in *rationibus* pro sua sententia *stabilienda adducendis*; Ita tamen, ut ne etiam per *nimiam brevitatem* inducatur *obscuritas*. 3^{tia} denique est SOLIDITAS, sine qua veritas

nullius intellectum *convincit*. Præmit-
tendum ideo semper est solidum ali-
quod *fundamentum* ; ex *phenomenis*
certis, *ratione*, vel saltem *bona Hy-*
pothesi firmiter stabilitum ; deinceps
vero propositiones , quamdiu datur
Materiarum inter se *nexus* , ita sunt
disponendæ , ut semper *posterior* à *præ-*
cedente illustretur , simulque alteri
subsequenti demonstrandæ *inserviat*.
Ad *soliditatem* quoque facit, si *rebus*
magis studeatur , quam *verbis* , &
perspicuitatis magis ratio habeatur,
quam *eloquentiæ* , & *ornatus* , quam-
quam & hic prætermittendus non est,
ut passim modo observant Philosophi
recentiores. Regulæ porro aliæ *spe-*
ciales Methodi , ex his generalibus
facillime deduci possunt , & in *Logicæ*
Practicæ (ad quam spectant) *Dissert.*
IV. uberius dilucidabuntur. Ne ta-
men dicta hucusque de *Methodo* aliqua
ex parte *manca* aut *obscura* relinquan-
tur, juvat pro *Exemplo* Methodi ad-
huc quædam afferre.



SECTIO II.

D E

MEDITATIONE PHILOSOPHI-
CA RITE INSTITUENDA,
ET VERITATE PER EAM
INVENIENDA.

CCXXXV. **M**EDITARI in Philoso-
phia nil aliud est, quam cogitationes nostras, BONÆ ME-
THODI LEGIBUS CONVENIENTER, ita
applicare, eoque dirigere, ut veritates
ex veritatibus (notiones scilicet ex no-
tionibus, propositiones ex propositio-
nibus) eruamus. Adeoque Medita-
tio se habet ut iter, quod confici-
mus; bona vero Methodus se tenet in-
star viæ, per quam incedimus: sicut
autem per viam ignotam progredi se-
cure nemo valet, ita etiam, qui
philosophice meditari cupit, Methodi
leges probe cognitâs habere debet;
nec illas tantum, sed & plures jam ve-
ritates; secus enim quomodo verita-
tes ex veritatibus, propositiones ex pro-
positionibus eruere poterit? unde non
tam pro Tyronibus, quibus paucae ve-
ritates perspectæ sunt, quam pro Ma-

Meditari
philoso-
phice
quid sit?

T 5

gistris

gistris, plurimarum veritatum præscis, sic *meditari* quadrat; attamen, quoniam cum tempore in ætate virili ad praxin deducere haud poterunt tyrones, quod in florentibus annis nunquam didicere, in eorum gratiam elegans Meditationis exemplum, ex BAUMEISTERI *Elementis Philos. recent. Log. P. II. CV.* depromptum, hoc loco apponam, ex quo *series*, *continuatioque cogitationum* perspicui valent.

Exemplum Meditationis Philosophicæ.

CCXXXVI. Fac, te velle quid commentari (inquit cit. Auctor) DE ELOQUENTIÆ NATURA & CHARACTERIBUS, ita ut, libris tantisper sepositis, omnia propria meditatione eruas, tum secundum meditationis, boneque methodi regulas ita procedes.

§. I.

De Natura & Characteribus eloquentiæ.

Sollicitus esto de *definitione* ELOQUENTIÆ; hanc autem tibi facile formabis, si *Casus speciales*, in quibus quis *eloquentia* dicitur *instruendus*, rite fueris contemplatus, eosdemque ita *inter se contuleris*, ut ex his notionem *universalem* ELOQUENTIÆ abstrahas. Prodibit autem, si *regulis suppeditatis* *convenienter* meditatus fueris, hæc

DE-

DEFINITIO ELOQUENTIÆ: *Eloquentia est facultas pulchre loquendi.*

§. II.

Hac DEFINITIONE Eloquentiæ præmissa, attende ad *notas* & PARTES, quæ in definitione *eloquentiæ* occurrunt, eandemque constituunt; adeoque explica, quid sit *pulchre loqui*. Oratio scilicet *pulchra* est, quæ placet, & is *pulchre* loquitur, qui loquitur ita, ut placeat.

§. III.

Ex his definitionibus deducas *Axiomata*. (CXXXVI.) Fluunt autem ex definitione ELOQUENTIÆ hæc

AXIOMATA. I. Quicumque eloquentia est instructus, gaudet facultate pulchre loquendi. 2. Ab eloquentia oratio pulchra sejungi non potest. 3. Qui non facultate pulchre loquendi est præditus, non potest dici eloquens. 4. Qui ad eloquentiam pervenire vult, id agat, ut facultatem pulchre loquendi sibi acquirat.

Ex definitione T8 PULCHRE LOQUI, sive PULCHRÆ ORATIONIS hæc elicies

AXIOMATA I. Quicumque pulchre loquitur, orationem ita conformat, ut
au-

audientibus placeat. 2. Quæcunque oratio est apta ad placendum, ea est pulchra. 3. Nemo loquendo placere potest, nisi qui pulchre loquitur.

§. V.

Si interiorem eloquentiæ, & Orationis pulchræ, quæ ab Eloquentia sejungitur non potest (§. 3.) naturam penitus vis noscere, rursus definias ea, quæ notionem PULCHRI constituunt. Hic occurrit T^o PLACERE (§. 2.)

§. VI.

Illud placet, quod voluptatem in nobis producit. Rursus explices, quid sit VOLUPTAS. Voluptas est sensus perfectionis. Perfectio est Consensus variorum in uno.

§. VII.

Has definitiones ideo præmittas, ut exinde possint formari Axiomata; subservitura tibi in demonstranda orationis pulchræ, adeoque eloquentiæ naturæ.

§. VIII.

§. VIII.

AXIOMATA autem præcipua, quæ ex his definitionibus fluunt, sunt hæc fere

1. Sine voluptate τὸ placere locum habere non potest. 2. Nisi sentiantur perfectiones, nulla oritur voluptas. 3. Perfectionis sensus, adeoque voluptas esse non potest, nisi adsit perfectio. 4. Voluptas produci non potest, nisi perfectionis sensus producat. 5. Ad id, ut in requapiam insit perfectio, hæc tria requiruntur. 1. PLURA, sive varia. 2. CONSENSUS variorum. 3. FINIS, sive bonum quoddam, ad quod efficiendum, impetrandumque varia illa consentiant.

§. IX.

Has definitiones si rite inter se contuleris, ex iis, & axiomatibus sequentia emergent THEOREMATA (CXXXVI.)

THEOREMA I. Quidquid pulchrum est, illud debet esse ad voluptatem in nobis producendam aptum.

DEMONSTRATIO. Pulchrum enim est, quod placet (§. II.) id autem placet, quod voluptatem in nobis produxerit (§. VI.)

ergo

ergo quidquid pulchrum est, illud debet ad voluptatem in nobis producendam esse aptum.

THEOREMA II. *Fundamentum pulchritudinis est rei perfectio.*

DEMONSTRATIO. Pulchritudo enim debet ad voluptatem in nobis producendam esse apta. (*Theorema I.*) Voluptas produci non potest, nisi perfectionis sensus producat (§. VIII. Axioma III.) ergo fundamentum pulchritudinis est rei perfectio.

THEOREMA III. *Ut res pulchra sit, non sufficit, ut res gaudeat perfectionibus, sed requiritur, ut sentiantur perfectiones.*

DEMONSTRATIO. Nisi enim sentiantur perfectiones, nulla oritur voluptas (§. VIII. Axioma II.) Sine voluptate *TO PLACERE*, adeoque etiam *PULCHRUM* (§. II.) locum habere non potest. (§. VIII. Axioma I.) Ergo pulchritudo esse non potest, nisi sentiantur perfectiones.

§. X.
Ex quo novum hoc oritur THEOREMA. *Ut aliqua res sit pulchra, opus est,*

est, ut partes ejus amico quodam consensu ad finem aliquem obtinendum referantur. Sive quod idem est, consensus variorum in re aliqua ad finem est fundamentum pulchritudinis.

DEMONSTRATIO. Cum enim pulchritudinis fundamentum sit rei perfectio, (§. IX. Theorem. II.) perfectio autem variorum consensu ad finem aliquem obtinendum contineatur (§. VIII. Axiom. V.) manifestum est, ad rei pulchritudinem requiri, tanquam fundamentum, varietatis consensum.

§. XI.

Occasione hujus Theorematis occurrit tibi ad animum, eam partium, in re quapiam convenientiam, quæ ad totius rei finem consequendum relata est, vocari a Philosophis SYMMETRIAM, & commensurationem.

§. XII.

Vide ergo NOVUM THEOREMA. Ut res aliqua pulchra sit, requiritur partium, ex quibus res constat, Symmetria sive commensus.

DEMONSTRATIO. Cum enim ad id, ut aliqua res *pulchra* sit, requiratur *partium Consensus* amicus ad finem aliquem obtinendum (§. X.) hæc ipsa autem *partium Convenientia* dicatur *Symetria*, sive *commensus* (§. XI.) intelligitur, ad id, ut res *pulchra* sit, requiri *partium*, ex quibus res constat, *Symmetriam* sive *Commensum*.

§. XIII.

His ita constitutis, quæ notionem **PULCHRI**, generatim considerati, efficiunt, nunc nullo negotio intelliges hæc **CONSECTARIA**. (CXXXVI.)

CONSECT. I. Oratio *pulchra* debet ad sensus, mentemque hominis voluptate explendam esse accommodata (§. IX. Theorem. I.)

CONSECT. II. Omnis orationis *pulchræ* fundamentum sunt ejusdem perfectiones (§. IX. Theorem. II.)

CONSECT. III. In oratione itaque *pulchra* debent varia, quæ in oratione occurrunt, ita inter se concinere, ut id, quod dicendo assequi volumus, sive, quemadmodum Philosophi loquun-

quantur, ut orationis finem quam facillime obtineant (§. X.)

CONSECT. IV. Qui ergo perfectiones, & pulchritudinem orationis nosse, vel dijudicare vult, orationis finem, ad quem ea, quæ loquimur, referri debent, perspectum habeat.

§. XIV.

Hic succurrit tibi ex Logica AXIOMA illud: *quod ideo loquamur, ut alii nos intelligant, sive debemus esse in loquendo perspicui.*

§. XV.

Ex quo series, continuatioque cogitationum hoc tibi suppeditat THEOREMA. *Oratio pulchra debet esse perspicua.*

DEMONSTRATIO. Cum enim ad orationem pulchram requiratur, ut ea omnia, quæ in ipsa deprehenduntur, consentiant cum fine loquendi (§. XIII. Consect. III.) finis autem loquendi, isque præcipuus sit, ut ab aliis, ad quos loquimur, intelligamur (§. XIV.) sequitur, ut in oratione

U ne

ne pulchra debeat esse verborum consensio cum audientium intelligentia, siue debeat esse perspicua.

§. XVI.

Sponte se tibi nunc offerunt hæc CONSECTARIA, quæ *Theorema* præcedens partu quasi exclusit.

CONSECT. I. Ergo oratio pulchra respuit voces inanes, quibus nulla est subiecta sententia. Voces enim, mente cassæ, sunt ejusmodi, ut neque is, qui loquitur, conceptum siue cogitationem cum iis connectat, neque is, qui audit, conjungere notionem aliquam possit. Atque adeo, ut intelligantur, fieri nequit.

CONSECT. II. Ergo oratio pulchra nititur, tanquam fundamento, clara & distincta rerum enunciandarum cognitione. Quomodo enim oratio pulchra esse posset perspicua, nisi coagmentata esset ex vocibus perspicuis, claris, evidentibusque. Quomodo vero voces claræ esse queunt, nisi iis adhæreat idea clara & distincta?

CONSECT. III. Orationis ergo pulchra prædia desumi debent ex lauti-
ri

ri eruditionis apparatu, maxime ex philosophia. Hac enim adjutrice, claram distinctamque rerum utilissimarum cognitionem nobis acquirimus.

§. XVII.

Experientia teste novimus, nos, cum ad alios dicimus, id unum persæpe spectare, ut probemus aliis ea, quæ dicimus, audientiumque animos ad credendum flectamus, sive ut PERSUADEAMUS aliis.

§. XVIII.

Unde emergit in cogitationum ordine hoc.

THEOREMA. Oratio pulchra debet esse ad persuadendum accommodata.

DEMONSTRATIO. Cum, quæ pulchra est oratio, talis esse non possit, nisi varia, ex quibus conflatur oratio, cum fine loquendi consenserint (§. XIII. Consect. III.) Finis autem, ob quem ad alios loquimur, præter perspicuitatem, sit is, ut efficiamus, ut, quæ vera putamus, alii itidem habeant pro veris, & econtra, quod ipsum est persuadere (§. XVII.) Consequens est,

ut oratio pulchra debeat esse ad persuadendum accommodata.

§. XIX.

Hinc fluunt hæc CONSECTARIA.

CONSECT. I. Ergo in oratione pulchra omnia conquiri debent, quæ ad ATTENTIONEM auditorum conciliandam adferre possunt adjumenti. Quia sine attentione non obtinetur persuasio.

CONSECT. II. Ergo in oratione pulchra rationes idoneæ afferendæ sunt, quæ mentem audientium ad assensionem fleant.

§. XX.

Ea omnia, quæ orationi adjiciuntur, ut placeat, & voluptati aurium morigeretur, ejus constituunt ornatum.

§. XXI.

EN NOVUM THEOREMA: Oratio pulchra debet esse ornata.

DEMONSTRATIO. Cum enim oratio pulchra debeat placere (§. IV.); consequens est, ut varia sibi, adjecta habeat, quæ efficiunt, ut placeat. In quo

quo cum sit ejus ornatus positus (§. XX.), intelligitur, orationem pulchram debere esse ornatam.

§. XXII.

Inde hoc fluit CONSECTARIUM. *Ergo in oratione pulchra plura verba adhibeantur, quam ad veritatem nude proponendam requiruntur.*

§. XXIII.

Oratio, in qua plura verba, quam ad veritatem nude proponendam requiruntur, dicitur COPIOSA.

§. XXIV.

Novum ergo ex his efficitur THEOREMA. *Oratio pulchra debet esse copiosa.*

DEMONSTRATIO. Cum enim in oratione pulchra plura verba adhibeantur, quam ad veritatem nude proponendam requiruntur (§. XXII.), ea autem oratio dicatur copiosa (§. XXIII); consequens est, orationem ornatam debere esse copiosam.

§. XXV.

Cum ex §. XII. tibi constet, orationem pulchram requirere aptam par-

tium, ex quibus illa coagmentetur, *Symmetriam* sive *commensum*, & ex §. XVI. Confect. I. perspectum habeas, orationem pulchram respuere omnes voces inanes, facile nunc intelligis: 1. *Inanem* & *ventosam loquacitatem* ab oratione pulchra, licet sit copiosa, sejungendam esse, quia inanis loquacitas & tollit aptam partium *Symmetriam*, & multas voces, mente cassas, admiscet. 2. *Hinc vides*, orationem pulchram debere esse *concinnam*.

DEMONSTRATIO. Aptā enim membrorum congruentia, qua omnes partes in ea, qua coaluerunt, orationis compage, cum quodam justæ magnitudinis decore conveniunt inter sese, & ordine mensuraque conspirant, efficit id, quod dicimus, orationis *concinnitatem* (per definit.)

Cum vero ad id, ut oratio pulchra sit, requiratur partium, ex quibus illa coagmentatur, *Symmetria* sive *commensus* (§. XII.); intelligitur, orationem pulchram debere esse *concinnam*.

§. XXVI.

Oratio, in qua verba cum rebus consentiunt, & exæquantur, dicitur *apta*.

§. XXVII.

Oratio pulchra debet esse apta.

DEMONSTRATIO. Cum oratio pulchra esse non possit, nisi in ea insint *perfectiones* (§. XIII. Consect. II.); perfectio vero requirat *consensum* (§. VIII): sequitur, ut in oratione pulchra debeat esse *consensus* cum rebus dicendis, ita ut parva ac tenuia tenui, mediocria temperato, magna sublimi & magnifico dicendi genere exprimantur. Hæc oratio dicitur *apta*, (§. XXVI). ergo oratio pulchra debet esse *apta*.

§. XXVIII.

Ex his *Theorematibus* demonstratis plenius nunc intelligis positiones, ad ELOQUENTIÆ NATURAM, & INDOLEM satius explicandam facientes, quarum nonnullas hic videas.

I. Quandoquidem Eloquentia est facultas pulchre loquendi (§. I.) atque

adeo pulchra oratio ab ea seiungi nequit (§. III.) , vides, eloquentiam esse facultatem perspicue loquendi (§. XV.) quia oratio pulchra debet esse perspicua.

II. Eloquentia respuit voces inanes (§. XVI. Consect. I.) , atque adeo eloquentia & loquentia differunt.

III. Eloquentia nititur clara ac distincta rerum enunciandarum cognitione (§. XVI. Consect. II.)

IV. Eloquentiæ præsidia debent peti ex lautiori eruditionis apparatu, maximeque ex Philosophia (§. XVI. Consect. III.) ; ut ergo eloquentia recte dicatur *loquens sapientia*.

V. Eloquentia est facultas, ad persuadendum apposite dicendi (§. XVIII.)

VI. Eloquentia est facultas ita dicendi, ut rationes idoneæ adferantur, quæ mentem audientium ad assensionem flectant (§. XIX. Consect. II.)

VII. Eloquentia est facultas ornate & copiose dicendi. (§. XXI. & XXIII.)

VIII.

VIII. Eloquentia est facultas concinne & apte loquendi (§. XXV. & XXVII.)

Plures propositiones, si ad cogitandum te dederis, se tibi sponte offerent, ita quidem, ut altera alteram partu quasi excludat. In quo quanta insit Voluptas, ii demum norunt, qui mentis vires non hebescere patiuntur, sed ingenium, tanquam arcum, intentum habent, & nunc hanc, nunc illam propositionem meditando pertractant. Hoc uno exercitio si Juvenes, qui in scholis humanitatis ad studia incumbunt probe subiguntur, dici non potest, quantum inde utilitatis ex Logica referatur. Hucusque citatus Auctor, ex quo in gratiam Tyronum, quibus forsitan præfatus liber ad manum non est, illa descripsi, in quorum gratiam etiam Cl. ANTONIUS GENUENSIS, integram, & bene longam APPENDICEM, quæ CHRISTIANI WOLFII de Methodo Mathematica brevem, ut vocat, commentationem complectitur, Logicæ suæ inseruit. Post Libri V. Cap. VII. Cæterum in ejus- Cautela. modi Meditationibus philosophicis sollicite cavendum, ne peccetur contra dicta (XXXIII. 6. item CXII.) ne

scilicet *demonstratio philosophica* in inanem garrulitatem desinat, aut futilem *Logomachiam*. Denique an *Methodus scholastica*, seu *sylogistica* retinenda; an vero, ut quidam optant, e scholis sit eliminanda? videatur in *Logica disputatrice*.

LOGICÆ PARS II. PRACTICA.

SIVE
DE USU ARTIS
LOGICO-CRITICÆ.

PRÆFATIO.

Q Uoniam (ut *SENECA* inquit *Epist.* 18.) sic oportet discere, ut, quæ fuerunt VERBA, sint OPERA, turpissimumque est, quod nobis objici potest, VERBA philosophiæ, non OPERA nos tractare. *Epist.* 24. LOGICÆque insuper ex officio competit, ut nos doceat VERITATEM ET INVENIRE ET DIJUDICARE (XXVIII.) ideo nunc in eo totos nos esse convenit, ut doceamus, quomo-

modo & in *invenienda*, & in *dijudicanda veritate*, iis, quæ de *tribus mentis operationibus*, atque *Methodo* in Logica THEORETICA hætenus pertractavimus, recte uti debeamus; sive ut ARTEM UNIVERSÆ SAPIENTIÆ STUDIUM RITE INSTITUENDI *practice* addiscamus. Hoc igitur ut ordinate fiat, præmissis in Logica Theoretica 4. Dissertationibus Theoreticis, nunc totidem Dissertationes practicas eo ordine subjungemus, ut *primæ*, DE SIMPLICI MENTIS APPREHENSIONE, hic *prima de diversis animi morbis seu erroribus, eorumque causis atque remediis*; 2dæ, de JUDICIO, altera *de Criterio Veritatis*; & *Arte critica*. 3tæ, de MENTIS RATIOCINIO, tertia pariter de *recto usu ac mediis argumentationum*; 4tæ Denique Theoreticæ DE METHODO, 4ta pariter practica *de Methodi ad diversa applicatione*, ex æquo respondeat. Sit ergo



DIS-

DISSERTATIO I.

DE

DIVERSIS ANIMI MORBIS, SEU
ERRORIBUS, EORUMQUE
CAUSIS ATQUE RE-
MEDIIS.

Cum plurimum interfit, ac *primum*
omnis veritatis principium sit: Nosse
SE IPSUM; Hinc ante omnia vires hu-
manæ naturæ indagandæ, perscrutan-
dæque sunt, quousque se illæ exten-
dant? ne, cum **ÆDIFICIUM VERITATIS**,
& **SAPIENTIÆ** nimis altum, atque pre-
tiosum quis moliri tentaverit, necessa-
riis in decursu sumptibus, atque subsi-
diis destitutus, audire cum Sarcasmo
in fine illud Evangelicum teneatur:
**HIC HOMO CÆPIT ÆDIFICARE, ET NON
POTUIT CONSUMMARE. Luc. 14. v. 30.**
Fontes autem errorum, qui nos ab
inquirenda aut invenienda per Ideas
claras, distinctas & adæquatas, aqua
limpida veritatis abstrahunt, ac tan-
quam vectes & seræ prohibent, ne
tam facile possimus adire **CORYNTHUM**,
ex *triplici* scaturigine omnes profluunt
1. ex anima. 2. Ex corpore, 3. Ab
aliis

aliis causis externis, pandamus ingenii vela, & in altum navigemus, ut fontes illos nedum invenire, sed & præstruere discamus!

SECTIO I.

DE

CAUSIS ERRORUM IN ANIMA EXISTENIBUS, EORUMQUE REMEDIIS.

CCXXXVII. **E**RRARE hic dicitur Anima, quando falsum cognoscit pro vero, & licet hic error non propria ac formalis, sed materialis tantum falsitas dici debeat (cum in simplici apprehensione, sive ideis, formalis falsitas dari nequeat (juxta Logic. disputatricem) plerumque tamen cognitio, vera ac unica hujus falsitatis occasio & causa existit, quatenus scilicet Mens ex tali cognitione, non satis examinata atque ad limam deducta, Judicium suum præcipitat, indeque in errorem formalem, qui dici solet, confusio Judiciorum, prolabitur. Errores porro in anima alii sunt, qui INTELLECTUM, alii, qui VOLUNTATEM afficiunt. Pri-

Error, seu falsitas materialis.

Error formalis.

mi d

Error Theoreticus. *mi* THEORETICI, 2di PRACTICI appellantur, nam illi tantum circa rerum affectiones & proprietates versantur e.g. si quis erronee putaret, *animam hominis*

Practicus. *esse corpoream*, isti vero etiam actiones humanas, vel ponendas, vel omittendas respiciunt, ut est v. g. illud Wolfii principium: *homo tenetur commode, & jucunde vivere*. Illi tamen longe periculosiores, curatuque difficiliore sunt quam isti, quia (præterquam quod in istos proxime degenerent) intellectum tenebris involvunt, & sub specie veritatis ita fascinant, ut rationem saniora suadentem deinceps audire detrectet.

CAUSÆ ERRORUM EX PARTE INTELLECTUS, EORUMQUE REMEDIA.

Imbecillitas mentis humanæ. CCXXXVIII. CAUSA I. est IMBECILLITAS MENTIS HUMANÆ, & quidem duplex, *intelligendi una, altera recordandi*. Enim vero, quæ sciri possunt, infinita sunt, eaque nondum homines, sed nec *Angeli* ipsi plene comprehendere, ac scientia assequi valent; capacitas vero mentis nostræ non solum *finita*, sed etiam ob originalis

nalis peccati labem, ita debilis & limitata est, ut, si cum rerum sciendarum numero comparetur, eam habere proportionem reperiatur, quam habet unitas ad numerum infinitum, prout loquitur Cl. ANTON. GENUENSIS *Log. L. I. C. II. §. II.* Non pauci enim in orbe dantur, qui vix trium idearum nexum perspicere queunt; alii vero hunc quidem inspiciunt, sed plurima tamen alia minime assequuntur, ipsique in mundo perspicacissimi in res *inextricabiles* frequenter incidunt: adde, quod nihil inter homines magis inconstans, & lubricum sit, quam *memoria*, nihilque majori labore comparetur, ac iterum citius amittatur; quæ tamen, cum sit *fulcrum* atque *fundamentum* nostræ scientiæ, robusta & vivida esse, eaque *scientiarum principia*, & quasi *lumina*, quæ semel didicimus, fidelissime retinere, & opportune suppeditare deberet; Cum alias progredi ulterius non valeamus: hujus igitur defectu mens plerumque rerum aut *subtilitati*, aut *obscuritati*, aut *multitudini*, aut *novitati* cedit, atque succumbit.

Remedium.

CCXXXIX. REMEDIUM huic malo opportunum, exhibet monitum APOSTOLI Rom. XII. v. III. *Non plus sapere, sed sapere ad sobrietatem.* Nempe quilibet (memor, quid valeant humeri, quid ferre recusent) se solum impendat studiis necessariis, utilibus, ac talibus, quæ aut captum non superant, aut quorum sciendorum media, ac vias sibi suppetere novit; neque intellectum, aut memoriam obruat objectis valde disparatis, aut omnino superfluis, nam plerumque; ut SENECA ait, *necessaria ignoramus, quia superflua discimus.* Inter ea autem, quæ captum nostrum superant, recensentur 1. *Mysteria fidei*, quæ tantum credi, & non sciri queunt. 2. *Ea, ad quæ cum animi preparatione accedi oportet* Sic v. g. *Philosophie recentioris amator* disciplinas Mathematicas, *Medicinae Candidatus* præter Physicam, Anatomiam, & historiam naturalem, etiam Staticen, Hydrostaticen, aliasque disciplinas Physico-Mathematicas; *Canonista* Scripturas, Conciliorum ac SS. Pontificum sanctiones, unacum Historia Ecclesiastica &c. nōsse debent. 3. *Questiones de mere possibilibus, in quibus studiose perquirendis, mirum est, inquit Cl. ANT.*

Gr.

GENUENS. C. III. §. II. W. Philosophos per plura secula occupari potuisse, quasi id eis pens datum esset, ut in otiosa meditatione contabescerent, cum tamen nec rerum naturalium vires ipsis clare innotescerent.

CCXL. CAUSA II. est Nimius INGENIUM ^{Ingenii nimius fervor.} FERVOR, LABORISQUE IMPATIENTIA. Dantur videlicet in orbe plurimi, quæ, quæ in scientiis ardua sunt, atque profunda, aut horrent ingeniis suis delicatis attingere, aut leviter transiliunt, sicque in superficie tantum hærent, altum vero sapientiæ mare plenius industriæ velis ingredi, commoda ipsorum vivendi ratio, vel etiam ignea ingeniorum vis ipsos haud finit, umbra veri, ideis obscuris, & obvia rei verisimilitudine contenti: hi nodos cum Alexandro scindere, quam subtiliter solvere malunt, eisque sufficit ex COMPENDIO quodam aut LEXICO didicisse terminos artis, aut curiosa attigisse, ita ut in scientia peregrini rudibus haud appareant, parum solliciti de soliditate Judicii.

CCXLI. REMEDIA pro ingeniis ejus. ^{Remedia.} modi præservidis, laborisque impatientibus

bus sunt. I. Curent veri litterarum amantes, a teneris se tradere *Meditationis* labori (CCXXXV.) nec tam rerum sciendarum *copie*, quam *soliditati* assuescant inhiare. II. *Volubilitas ingenii* sistatur, tempereturque *mora*, *repetitione*, ac *reflexione* multiplici, *exercitatione*, cum *doctis* *communicatione*, brevique *annotatione*, & in *compendium* *relatione* eorum, quæ *prævio studio* distincte sunt percepta. III. Si occurrant magis *ardua*, atque *perplexa*, suadet Cl. P. HAUSER. *Log. P. II. §. CCL.* ut *characteribus*, vel *signis* in chartam conjiciantur, ibique descripta volvantur, revolvanturque, quo fiat, ut, labore inter *memoriam*, & *manum* quasi diviso, mitigetur *reminiscentiæ* intentio. Locum præcipue id habet in ARITHMETICÆ, ac GEOMETRIÆ studiis, in quibus nemo sine *calamo*, *plumbagine*, *circulo*, & *norma* proficiet, huc etiam refertur DEMONSTRATIO SYMBOLICA, de qua infra in DISSERTAT. III. hujus LOGICÆ PRACTICÆ erit sermo.

Attentio- CCXLII. CAUSA III. Est DEFECTUS ATTENTIONIS (quam ; ex WOLFIO definit BAUMEISTER. *Phil. definitiv. §. DCCXXVIII.* esse facultatem efficiendi,

sciendi, ut unius rei magis nobis finis
 conscii, quam alterius, cujus aequae no-
 bis poteramus eodem tempore esse conscii)
 dum scilicet nulla adhibetur circum-
 spectio, tum circa cognoscenda ea,
 ex quibus res dijudicari, aut veritas
 investigari debet, tum circa illas ra-
 tiones, quæ mentem ad hoc judi-
 cium ferendum inducere, ac permove-
 re solent, an videlicet objectis suis
 datæque materiæ congruant? *Attentio-* Unde
nem porro omnium maxime minuunt, *oriatur?*
 atque evertunt AFFECTUS QUICUN-
 QUE PRÆDOMINANTES, de quibus mox
 in specie (CCLIII. & CCLV.) ab il-
 lis enim variæ oriri solent perceptio-
 nes boni vel mali; istas sequuntur
 variæ Commotiones corporis, præcipue
 sanguinis & nervulorum; his denique
 succedunt voluptas, dolor, & inquietu-
 tudo quædam, in quibus ædæquata
 affectus natura consistit: & quibus,
 ob leges unionis animæ cum corpore,
 mens nostra vehementius impellitur,
 quam Veritas ipsi faciat, illiusque acu-
 men retunditur; sunt enim juxta PLA-
 TONEM affectus hujusmodi nebulae,
 quibus serena mentis regio opacatur,
 vel, ut PLUTARCHUS loquitur, Vi-
 tra colore perfusa, quibus rerum co-

lores immutantur , ita ut pro veris & probabilibus adstruantur, non quæ *RATIO*, sed quæ *affectus* dicat; adeoque *idea*, & *judicia* corrumpuntur, quia corruptus *judex*, excæcatus est *animus*, cui pro *lege*, *PASSIO*, pro *ratione* *VOLUNTAS*.

Remedia. CCLXIII. REMEDIA malo huic gravissimo ista sunt potissima. I. Ex locis propriis, & principiis datæ materiæ congruis omnia prius discutiantur, antequam de præconceptis ideis *judicium* feratur. II. *Attentio ad plura* simul non convertatur; secus enim nulla de re *claras*, *distinctas*, & *adequatas* ideas hauriet, sed *superficiariam* tantum, aut omnino *falsam* scientiam mens acquireret, juxta illud; *pluribus intentus, minor est ad singula sensus*. III. *Serio ac ordinate* studendum; nam qui *sine ordine* philosophatur, ad mentis *brevitatem* addit *confusionem*, & qui non *serio* litteris vacat, caret *Zelo sincero*, & *amore efficaci veritatis*, adeoque nunquam evadet *SAPIENS*. IV. Alte menti insculptum hæreat illud: VINCE TE IPSUM, ideoque animi *cupiditates*, & *affectus prædominantes* assiduo regat *RATIO*, quæ si
ex-

exulta ad clavum sedeat, minor est illorum impetus, minus imperium: nam *affectus ignorantia aluntur*. V. Quæ judicata sunt *præsente affectu vehementiore*, menti serenitate reddita, ad incudem revocentur. Sape *nox nocti indicat scientiam*, reditque de mane *consilium*, & *ratio*. VI. Attentioni fovendæ præprimis utile Censet Cl. P. Buffier (citatus a Cl. P. HAUSER. *Log. p. 2. §. CCLI.*) GEOMETRIÆ studium, illius enim tum *figuris*, tum evidentissimis demonstrationibus, mens tota occupatur, attentioque naturaliter excitatur. VII. Sed & vitandam quoque monet Cl. PURCHOTIUS, *Log. P. II. Sect. II. Cap. III. hominum*, negotiorumque turbam, quæ ut plurimum animum attentum turbare, & alio divertere solet: inde forsitan an- sam desumpserit Poetæ, fingendi, quod MUSÆ non in alio loco libentius, quam in altissimis montium cacuminibus, procul a turba hominum, habitare, & suis singulæ facultatibus vacare consueverint. Plura inferius (CCXXVII.)

CCXLIV. CAUSA IV. Est INORDI- Sciendi
NATUS SCIENDI, NOVAQUE INVENIEN- intempe-
X 3 DI rantia.

DI APPETITUS. Irrequieta nempe, & fastidiosa sunt hominum quorundam ingenia, putantium, tantum *sciri* posse, quantum *queri*, iisque minime sufficiunt, quæ ab aliis sunt tradita, vetera plane omnia nauseant, & *tritum cum zizaniis*, hoc est, certa & vera, cum *incertis & falsis*, promiscue evellunt, ac stirpitus eradicant; novas econtra *controverfias*, & quæ ex istis sequitur, *ignorantiam* augent, sibi solis sapientes, & per hoc eo ipso enormiter errantes, juxta illud adagium: *stulto Magistrum constituit, qui se sibi discipulum subdit.*

Remedia. CCXLV. REMEDIA sunt. I. Sanam quivis veritatis amans, sui DIFFIDENTIAM contrahat, doctorumque directionem, censuram, & contradictionem, æquo hilarique animo perferat, ac nonnisi humiliter de se, suisque sententiis; de aliis vero bene ac optime sentiat, atque præsumat. II. Si ingenium, forte nimium vivax, præter modum quis experiri velit, satius est, in iis experiri, quæ manu geri possunt, quam quæ solo intellectu; in illis enim, si res ex voto haud succedant, VIRES tantum periclitantur,

tur, inquit CL. ANT. GEN. In his vero *Veritas* quoque. III. Non omnia *Vetera* continuo abjiciantur, ex eo præcise, quia *Vetera* sunt, sed semper *modus*, & *sanum iudicium* adhibeatur, unicaque VERITAS, sive ab *antiquioribus* jam cognita, sive a *Recentioribus* inventa, assensum nostrum trahat, semper ante oculos habendo illud M. PHILAGRII LE ROY. in præfat. *Philos. Ecclæ.*

Nam neque *prisca* mihi, nec *nova*,
VERA placent.

CAUSÆ ERRORUM EX PARTE VOLUNTATIS, EORUM- QUE REMEDIA.

CCXLVI. Ab omnibus indubitan- Requisita
ter admittitur, ad hoc, ut aliquis in ad acqui-
virum *doctum*, solideque *eruditum* eva- rendam
dat, hæc quatuor potissimum requiri. solidam
1. Ut polleat *nativa* quadam *mentis* per- Doctri-
spicacia. 2. Ut robusta & vivax illi nam.
insit memoria. 3. Ut ei suppetat opti-
morum *Magistrorum*, & *librorum* co-
pia. 4. Denique ut gaudeat *seria vo-*
luntate, cum *improbo studio* conjuncta.

Horum autem omnium si priora tria tantummodo sint *mediocria*, postremum vero *perfectum*, etsi forsitan ille sero tandem, at perveniet tamen ad *scientiam*, certe non exiguam: sed si priora tria *egregia* quoque sint, ultimum vero *deficiat*, nemo vel latum unguem in litteris proficiet: caute igitur *occasiones errorum*, quæ se tenent ex parte VOLUNTATIS (cujus in *Intellectum* magnum est imperium) declinandæ, atque *Remedia*, scite medentia, applicanda sunt, si quo morbo decumbat *voluntas*.

Voluptates Corporis

Et timor vitæ abbrevianda.

CCXLVII. CAUSA I. sunt CORPORIS VOLUPTATES, atque ILLECEBRÆ, supra modum *sensibus* concedi solitæ, nimius præsertim *ciborum*, *vinique* usus, quo *voluntas*, totusque animus enervatur, *acumen* retunditur, & *attentio* (una illa *scientiarum conciliatrix atque magistra*) exulare cogitur, *sensumque voluntas* ita *mollis* redditur, ut nil amplius *arduum* atque *difficile* MENTE imperare audeat; sed & CORPORI quoque timere incipiunt hujusmodi delicatuli voluptatum amatores, adeo, ut *vitæ* spatio detrahi putent horas omnes, quas Meditationi, lectioni, aut

aut scriptioni in Musæis, pulpitis, ac
Cathedris impendunt, eoque citius
fatis concessuros sese existiment,
quo diutius atque intensius *Musis* va-
caverint.

CCXLVIII. REMEDIUM UNICUM est Reme-
FUGA VOLUPTATUM CORPOREARUM, ^{dium.}
quas merito (ut Poëta SIRENES vo-
cat) *dulce venenum, bilares mortes,*
gaudiumque crudele, appellare licet,
imo & *omnis scientiæ naufragium,* id
quod indicare forsitan voluit nonne-
mo ex priscis illis Græciæ SOPHIS, qui,
cum ex eo quærent, qua via & me-
thodo tantum doctrinæ acquisiverit,
dixisse fertur: *ideo, quia plus olei in*
lampade, quam vini in dolio consumpsi
Cæterum, quod *cibi potius, & vini,*
aliarumque rerum intemperantia, non
autem *lectio, & meditatio* &c homi-
nibus vitam adimat, lippis & tonso-
ribus nota, ac undequaque perspecta
veritas est; prostant enim in Historia
litteraria, exempla plurima virorum,
in meditatione, lectione, & exercita-
tione consumptorum, qui tamen ad de-
crepitam usque ætatem pervenere:
sic DEMOCRITUS centenarius, PLATO
81 annis natus, legens mortuus est,

S. HYERONYMUS 91, & nostris temporibus NEWTONUS circiter 85 annis vivere &c. teste Cl. ANT. GEN. Log. L. I. C. III. §. XIV. qui tamen *loc. cit.* monet, ut studia recte & temperanter instituantur; nam alioquin *studiorum quoque intemperantiam esse ait.*

Opinio.
nes quæ-
dam fri-
volæ.

CCXLIX. CAUSA II. sunt OPINIONES QUÆDAM FRIVOLÆ, quæ ad duas præcipuas reducuntur, ima est eorum, qui ex *natura* sua, quam non adeo *beneficam* nacti sunt, putant se nimium *imbecilles*, atque ad aliquid *novi* inveniendum *ineptos* existere, ideoque jam, antequam incipiant, animis cadunt: nihil omnino tentantes, at sic etiam nec quidquam proficientes. Certe *hec opinio*, inquit mox cit. Cl. Auctor §. 13. *plurimum nocuit PERIPATETICIS*, uti observat VERULAMIUS: *scilicet opinabantur, nihil se excogitare posse, quod non melius perspexerit ingenii humani finis ARISTOTELES.* Est autem ea opinio omnino falsa, quæ si omnibus Majoribus nostris insedisset animo, glandibus adhuc vesceremur, atque in arundine longa equitaremus. 2da Illorum est, qui putant, litteras pietati adversari, eo quod, teste ipsamet S. Scriptura, SCIENTIA

TIA INFLET, & consequenter a DEO, qui est VERITAS, non raro abducere soleat: hac de causa RATIONEM, qua nullum majus donum a DEO hominibus est datum, excolere non pauci negligunt, sancte dicamne superstitiosi, an vero superstitiose sancti?

CCL. REMEDIUM UNICUM suppeditat notum illud Ascetarum Axioma: VIRTUS IN MEDIO, item: *Est modus in rebus, sunt certi denique fines, quos ultra citraque nequit consistere rectum.* Nempe sedulo cavendum, ne sive per excessum (CCXLIV.) sive per defectum a virtute defleatur: oportet igitur (in quantum ad imum) ea etiam percontare, quæ Majores nostri frustra tentaverunt, modo non constat, esse supra captum humanum, probabilisque adsit spes inventionis; & certe rerum natura immensus quasi oceanus est, in quo semper aliquid novi expiscari licet, cæterum (in quantum ad secundum) quo commodo RATIONEM hominibus providentissimum simul ac benignissimum NUMEN donasset, si hæc absque pietatis jactura excoli non posset! (nam præstat esse pecudem, quam impium) bene igitur usus ab abusu discer-

Remedium.

Scientiæ non ad-
versantur
pietati.

scernendus est (CCXX) dein ipsa S. Scriptura docet, ADAMUM & SALOMONEM disciplinis intellectûs fuisse a DEO instructos: at hoc DEUS plane non fecisset, si *scientia probitati inimica* foret, nec etiam ea ipsa S. Scriptura hominem ita frequenter adhortaretur ad sapientiam, atque intellectûs culturam. Postremo Illam frivolum opinionem plane evertunt manifesta tot SS. Ecclesiæ Patrum atque Doctorum exempla, quales fuere CLEMENS ALEXANDRINUS, GREGOR. NAZ., HIERONYMUS, AUGUSTINUS, AMBROSIVS, GREGORIUS M., THOMAS, BONAVENTURA, ANTONINUS, FRANCISCUS SALSIVS &c. qui in omnibus tum VIRTUTIBUS tum LITTERIS simul exculti, in optima forma, AB ACTU AD POTENTIAM posteros concludere doceant (CCXIV.) curent itaque, qui ejusmodi sensa gerunt, ne *mentiatur iniquitas sibi, ad excusandas excusationes in peccatis ACEDIE, PIGRI- TIE. atque INVIDIE*, de quibus eos talis *loquela manifestos* plerumque apud sapientes facit.

Defectus
seriæ vo-
luntatis.

CCLI. CAUSA III. est DEFECTUS AUT
SERIÆ VOLUNTATIS, AUT APTI IN LIT-

TE-

TERARUM STUDIIS. MAGISTRI. Qui enim solo Parentum aut Superiorum Imperio, adacti potius atque compulsi, quam persuasi, litteris infundant, ex defectu debitæ attentionis, quam ejusmodi homuli fere nunquam præferunt, animis continuo alio vagantes, ideas *claras* atque *distinctas* in ea facultate, cui magis incumbunt, quam vacant, nunquam assequuntur, & sic ex illarum defectu *docti* nullatenus evadent (XXXIII. 4.) inde prò malum! tot inepti *Judices*, integrarum communitatum *Gubernatores*, quin etiam non raro artium *Professores*, vel potius *dehoneſtamenta* & *fœditates* proveniunt, in quo certe Parentes ejusmodi, aut Majores, qui puerorum ac adolescentum suorum indolem, atque capacitatem antea explorare non satagunt, haud leviter peccant, severamque rationem supremo Judici de adempta illis libertate, vitæ statû eligendi, dare olim cogentur. Nec minus est alterum malum, quod ingeniis quandoque optimis, ab *Indo-*
ctis, ineptisque *Doctõribus* evenit; seu *Inepti ar-*
 enim, quæ ejusmodi Pseudo-Magistri *tium Ma-*
 tradere solent, vel debent, ipsi non *gistri ac*
 intelligunt (verba sunt Cl. ANTON. *Profes-*
 sores.

GEN. L. I. C. III. §. 17.) seu *in*scite, *inde*-
core, & sine ulla *alliciendi* arte tradunt;
seu denique nullius momenti sunt, ac pror-
sus vilia: inde tyrones primum Magi-
stros istos odio habent, tum artes quoque
ipsas, ac disciplinas: semel autem sic ab-
sterriti discipuli, toto ferme vite tempo-
re litteras omnes abhorrebunt.

Remedia. CCLII. REMEDIA utrique malo fer-
re possunt PARENTES, ac SUPERIORES,
queis *leges* præscribere meum non est,
nec etiam hujus loci; eo quod solis ty-
ronibus ista scribam; Hi itaque pro re-
medio utantur noto illo Ascetarum
Problemate: SI NON ES VOCATUS,
FAC TE VOCATUM! & Majorum suorum
imperia pro cœli nutu habentes, toto
animi conatu, *seriaque voluntate* ad
studia se applicent, illam CHRISTI duo-
dennis sententiam frequenter animo
recolentes: IN HIS, QUÆ SUNT PATRIS
MEI (qui est in cœlis) OPORTET ME ES-
SE. Luc. 2. v. 49. *Seria voluntas* supple-
bit omnia, præsertim si accedat *altior*
finis, & *improbum studium* (CCXLVI.)
Cæterum non possum non hic appo-
nere illam QUINTILIANI L. 2. *Instit.*
Orat. doctrinam, qua vult, pueros
protinus *optimo Præceptori*, & *eminen-*
tissimo

tissimo esse tradendos, eosque vehementer reprehendit, qui putant, instituendis artibus ingenuis aptiorem existere mediocritatem Præceptoris; Nam quis ignorat, quanto sit difficilius dedocere, quæ prius male sunt accepta, quam docere? Iterato dicit sæpe cit. Cl. ANT. GEN. *Timotheus quidam, clarus in arte tiliarum, duplices idcirco ab iis, quos alius ante ipsum instituisset, exigebat mercedes, quam si rudes traderentur.*

CCLIII. CAUSA IV. est PHILAUTIA, Philautia. five INORDINATUS AMOR SUI IPSIUS. Pleraque falsa Judicia, atque discursus ex hoc vitio procedunt, ut præclare ostendit Cl. AUCTOR ARTIS COGITANDI. Log. P. III. C. XX. de rebus nimirum fere nunquam judicamus ipsis ex rebus, sed ex eo, quod respectu nostri sunt, cum tamen veritas a nostris cupiditatibus sit prorsus independens; ejusmodi vero honorifica de nobis, & ingenio nostro præconcepta opinio facit 1. ut arbitremur, omnes nostras cogitationes, omnes sententias, esse tam claras, tamque evidentes, ut illas proposuisse, ad assensum & fidem a quovis extorquendam sufficiat; eos, qui aliter sentiunt, pro ignavis, vel teme-

temerariis habentes, & nequaquam considerantes, si alii aliter sentiant, nos etiam ab aliis dissentire, immeritoque existimari, rationem a nobis stare, cum de iis convincendis agitur, qui nobiscum ideo non sentiunt, quia persuasum habent, nos rationem non esse secutos. 2. Alii sunt, qui non alia, ad quasdam opiniones evertendas, ratione utuntur, quam istâ plane lepidâ: *Si id esset verum, ego non essem vir doctus: ergo id non est verum. Ob hanc præcipue rationem* (scribit eic. Cl. Auctor.) *tamdiu neglecta sunt tot utilissima REMEDIA, & certissima EXPERIMENTA, quia scilicet, qui illa nescivere, tamdiu fuissent in erroribus versati. Cum tamen isti meminisse deberent, humanum esse errare, posseque homines aliarum rerum scientia eminere, licet illas ignorent, quæ nuper fuerunt adinventa, & detectæ.* 3. Per Philautiam nutritur spiritus contradictionis, inquit etiam Cl. P. HAUSER. Log. P. II. Q. VIII. Art. III. §. CCLIII. *dumque ingenii viribus propriam existimationem tueri deinceps desperat ambitio, sæpe alienam famam tentat suppressere, & ruderibus alienæ, inædificare suam. Hunc contradicendi spiritum foveat non raro invidia, emula-*

latio, odium, aliaque *passiones*, rationem excæcantes &c. Vah immanem LERNÆ HYDRAM, vel HERCULI formidandam, ex hoc vitio prodeuntem!

CCLIV. REMEDIUM. Quoniam *con-* Remedia
traria contrariis curantur, ut Medici *dium.*
ajunt, nihil efficacius *inordinato sui*
amori mederi valet, quam aurea virtus HUMILITAS. Hanc vel ab ipso PYTHAGORA discamus, nec unquam nos *Sophos*, idest SAPIENTES, sed solum PHILOSOPHOS, id est, SAPIENTIÆ AMATORES nominemus, & esse existimemus. Profecto hoc vitium (*Pbtlautia*) ubi semel animum occupavit, facit, ut nihil nobis sapiat, nisi *nostrum*; cæteri autem homines trunci sunt, & stipites: cum autem in re litteraria, unus ex optimis sciendi Magistris sit SENSUS DOCTORUM HOMINUM COMMUNIS (CCCIX.) *superbus homo*, ex Judicio suo tantum sapiens, communem hunc sensum non potest non insectari vehementer: inde ergo contingit, ut, dum *superbit*, non erret tantum, sed *deliret*; notum enim est, quod non alii sint in republica litteraria homines, magis *perridiculi*, quam SUPERBI.

Affectus
alii.

CCLV. CAUSA V. Sunt alii AFFECTUS animo DOMINANTES, qui statæræ, hoc est, *judicii æquilibrium* ex occasione *sinistræ phantasiæ* inclinant. Sic 1. ex ODIO male judicabant JUDÆI Joan. 19. v. 7. Contra CHRISTUM exclamantes: *Nos legem habemus, & secundum legem nostram debet mori.* 2. Ex TIMORE iidem dicebant Joan. 11. v. 48. *Si dimittimus eum sic, omnes credent in eum, & venient Romani, & tollent nostrum locum & gentem.* Timori quoque maxime debentur plurimæ narrationes SPECTRORUM, aut LEMURUM. Eadem causa vulgo persuasit, COMETAS, aut alia *signa celestia* portendere aliquid mali, quamquam Scripturæ Divinæ clament: a SIGNIS CÆLI NOLITE METUERE. Jer. 10. v. 2. III. Ex nimio *proprie nationis, patriæve studio* venit, ut non raro, quæ alicubi *dubia*, (vel etiam falsa creduntur, alibi pro certissimis habeantur ab integra natione, & ab omnibus hujus professionis vel instituti: sic (ut ad dictis fidem faciendam non alia quæram, quam quæ quotidiana sunt) omnium HISPANORUM ingenia, teste Cl. AUCTORE ARTIS COGITANDI, Log. P. 3. C. 20. Sect. 1. adeo sunt ab omnium

GAL.

GALLORUM ingeniiis diversa, ut, quod his omnibus, ex solius rationis præscripto judicantibus, videtur *verum*, illis ex adverso omnibus eadem Regula utentibus, *falsum* appareat. Item sæpe hæc & similia ratiocinia fiunt: *illa regione sum natus: ergo mihi firmiter credendum, hoc aut istud ibi revera contigisse, quod narro, huic ordini nomen dedi: ergo nil aliud mihi pro vero habendum, quam quod illius Ordinis scriptores docuere.* Nihil hic ponderis (præclare inquit CIT. CL. AUCTOR) nihil hic rationis apparet, cujuscunque regionis es, cujuscunque ordinis, ea tantum tibi credenda sunt, quæ *vera*, & quæ crederes, *etiamsi esses alterius nationis, ordinis, vel instituti.* IV. Ex DESIDERIO & SPE non nunquam oritur, ut pro re desiderata, aut sperata accipiatur, vel quælibet *similis*, vel *phantasma tantum*, juxta illud: QUOD VOLUMUS, FACILE CREDIMUS. Exemplum rursus habemus in infelici JUDÆORUM natione; *desiderium* enim ingens, quo MESSIAM AVIDISSIME exspectant, & SPES futuræ per eum redemptionis a statu ipforum miserando, fecerunt, ut pro tali etiam quandoque IMPOSTORES, qui se MES-

SIAM simulaverant, reciperent; sic SABBATAI SEVI Smirnæus, antecentum circiter annos, plusquam ducenta Judæorum millia, ex universa prope Asia, Africa, & Europa ad se excitavit, ut Historici referunt. Sic etiam levissimæ fæmellæ (inquit CL. ANT-GEN. loc supra citato) tam sæpe cum DEO, Angelis, & Manibus serunt colloquia, quia DESIDERIUM vires phantasiæ, qua fœminæ pollent, ad furorem usque augere potest. V. AMBITIO & AVARITIA facit, ut ejusmodi vitiis dediti frequenter decipi se sinant; & ambitiosi quidem ab *Ariolis*, & *Astrologis Judiciariis*, avari autem ab *Impostoribus Magis*, & *Chymicis*, a quibus aureos montes sperant, dum occultos thesauros indicare, & lapidem Philosophicum conficere, variasque metallorum *Metamorphoses* producere se posse præfrita fronte deblatterant, atque interim ipsorum loculos egregie emungunt, ita, ut, ne dicam aurum, sed nec argentum aut cuprum amplius possideant, juxta illud: *Alchymista nihil habet in Cista.*

CCLVI. REMEDIA defumenda sunt **Remedia.**
 ex illo HORATII monito, ubi dicit:
animum rege, qui nisi paret, imperat:
hunc frenis, hunc tu compesce catena.
 Igitur 1. *antequam* feratur iudicium,
 aut fiat *discurfus*, explorantur omnes
 animi latebræ, an non forte animal
 pro ratione thronum occupet. 2. *Præ-*
sente affectu inordinato nihil statua-
 tur, sed huc potius omnes vires in-
 tendantur, ut obvietur ejus augmen-
 to, prout recte suadet OVIDIUS, *Prin-*
cipiis obsta, sero medicina paratur, cum
mala per longas invaluerint moras. 3.
Post affectum repressum, aut quomodo-
 cunque sublatum, mens rationabili-
 ter se reflectat, ac, si opus est, no-
 vo iudicio, si erroneum repertum
 fuerit, illud prævium ac nimis præ-
 cipitatum corrigat (CCXLIII. 4.
 & 5.)



SECTIO II.

DE

ERRORIBUS, QUI EX
CORPORE ORIGINEM
DUCUNT.

Pigritia. CCLVII. CAUSA I. Est PIGRITIA, seu VIS INERTIÆ, corpori connaturalis. Inde venit 1. Ut *pauca* discamus. 2. Ut paulo *difficiliora* leviter transmittamus, atque 3. Ideis magna ex parte *obscuris, confusis, & inadequatis* (XXXII.) contenti, vere *scientes, solideque docti* nunquam evadamus. Id quod illis usuvenit maxime, qui malunt aliis *credere*, eorumque sententias quascunque obvias memoriter discere, quam rei *veritatem* ipsi *inquirere*, longoque & laborioso *ratiociniorum* nexu operose eruere (CCXL.)

Remedia. CCLVIII. REMEDIA I. Servetur monitum S. AMBROSSII, L. de Joseph. dicentis: *Vince naturam diligentia, exclude corporis somnum. Naturam nobis formare non possumus, possumus diligentiam. Nihil est,* inquit SENECA de ira L. 2. C. 12.
tam

tam difficile & arduum, quod non humana mens vincat, & in familiaritatem perducatur assidua meditatio. Quodcumque sibi imperavit animus, obtinuit: Conemur igitur CONTINUATA attentione ac meditatione studiorum habitum paulatim contrahere, etiamsi sub initium cum pondere corporis, tædio, & fastidio colluctari debeamus, ne cessemus; hæc enim impedimenta continuato exercitio fient leviora. 2. Fugiamus ea, quæ corpus a sapientiæ studio possunt impedire, ut sunt lauta Convivia, intempestivus somnus (etenim non jacet in molli veneranda scientia lecto) inanis & vana cum furibus temporis, id est amicis, aut sociis Jovialibus protracta confabulatio, nimia locorum amenitas, ludi, aliæque vitæ mollioris illecebræ, dicamusque singuli cum SENECA Epist. 33. *Malo mihi esse malè, quam molliter*: VIROS nos esse meminerimus, quorum est ad ardua eniti! 3. Novum indies, non qualiscunque, sed vere Germanæque sapientiæ desiderium in nobis excitemus, memores illius Apophtegmatitis, quod teste DIOGENE LAERTIO protulit ARISTIPPUS, Ethnicus Philosophus, cum ex eo nonnemo quæ-

reret, quid profit filio suo, si in litteris instrueretur? respondit enim: *Hoc ei prodest, ut in Amphitheatro lapideo Comediam spectans non sedeat* LAPIS SUPER LAPIDEM. 4. *Doctorum familiari consuetudine* utamur, eos colamus, & frequenter cum illis conversemur, fieri enim non potest, quin animus eorum imaginibus excitetur. 5. *Studiorum habitum* semel contractum *retinere* anxie satagamus, nec unquam *desuetudine* languescere sinamus, amittitur enim facilius, quam acquiritur. Itaque *ÆQUABILE vite genus*, in quantum *vires, viteque conditio* permittit, sectemur. 6. Denique *corporis valetudinem*, quæ ad studii fervorem continuandum plurimum valet, perquam caute custodiamus, idque *aurea vitæ mediocritate*, *exercitio Corporis* aliquo, sive *motu, & curarum*, quoad fieri potest, *vacuitate*.

Tempe-
ramen-
torum vi-
tium.

CCLIX. CAUSA II. Venit a VITI-
TOSIS CORPORUM TEMPERAMENTIS;
est autem TEMPRAMENTUM *habitus*
diversa partium solidarum, & fluidarum
in corpore, totaque dependet tum ab
organorum structura, tum a *natura hu-*
morum, sanguinis præcipue, tum ab
aliis

aliis causis extrinsecis, *aere, cibo, potu &c*: ubi ergo male temperati *humores*, corrupta *organa &c*, ibi sequitur *phantasie* corruptio, *sensuumque imagines*, quæ in illam tanquam in *commune receptaculum* confluunt, mire augentur, minuuntur, turbantur, & copulantur, ideoque etiam ab illis, si sint *vividiores & clariores*, multo vehementius animus agitari solet, quam ab *imaginationibus spiritualibus*: Illi ergo, qui *phantasiam* pro *ratione* habent, & *rationem* puram aspernantur, quam minus intelligunt, errores sane plurimos committunt ex eo, quod, quæ INTELLIGI debebant, conentur sibi IMAGINARI, Et quidem pro vario corporum temperamento.

I. SANGUINEI, quæ fibræ non sunt Sanguinimis laxæ, nec justo strictiores, va. nei. fa mediocria, pulsus arteriarum non vehemens, at sufficiens tamen, & saline particulæ copiosissimæ sanguini innatare dicuntur, bilarem habent *phantasiam*, ut *somnia* eorum indicant, quæ nil nisi elegantia, amœna, & læta repræsentant, ideoque etiam, quidquid cognoscunt, colore *phantasie* pingunt, mala non augent, sed ex-

Melan-
cholici.

tenuant, nec multum *suspiciosi*, sed *faciles & humani* in vita sociali existerent solent. II. Econtra MELANCHOLICI, quibus fibræ sunt duriores, pulsus arteriarum magnus, sed tardior, & sanguis materia *terrestri* copiosiore præditus (unde in iis etiam digestio non ordinate procedit, nec bene fluida secernuntur) *phantasiam* habent *tristem* atque *confusam*; eorum *somnia* incendia, ruinas, naufragia, inundationes &c. repræsentant; his minima mala videntur esse ingentia, omnia tutamini, ideoque *suspiciosi*, *truces*, & *crudeles*, societatique graviores ac difficiliore accidere solent. III. PHLE-

Phlegma-
tici.

GMATICI, quibus fibræ sunt spongiosæ & laxæ, vasa tenuiora, pulsus parum vehemens, & sanguis multo *phlegmate* præditus, *tardi* esse conspiciuntur, & *dubii*, *somno* & *pigritie* dediti, sublimibusque contemplationibus impares; prout videre est in *pueris*, qui, cum plerumque temperamento *sint sanguineo*, aut *phlegmatico*, ludis delectantur amœnis, laborem nauseant, *pigritie* vacant, & ut parum valent *judicio*, ita subtilia vix unquam speculari amant. IV. CHOLERICI, quibus fibræ sunt tenuiores, & tensæ, angusta

Chole-
rici.

ita vasa, pulsus celerior, & materia sulphurea copiosior, plane ingeniosi esse deprehenduntur, & acris ac solidi iudicii, laboris patientes, ingentium animorum, acuti, circumspecti, ferii, & magnis rebus nati.

Jam ex his patet, malam corporum temperiem, quæ cum annis augetur vel minuitur, errorum multiplicium causam, atque parentem fecundissimam existere, cum ex illa dependeat ingenii acumen, tarditas, aut idearum confusio, his si addantur corporis morbi, & necessitates variæ, quibus partim a meditatione & studio litterario avocamur, partim ingenium, solertiam, ac memoriam deperdimus, cumque ætas insuper nostra, qua vivimus, vix pertingat ad 80 annos, peream, si ex his decem solidi anni in studium sapientiæ impendantur, id est, tres solidæ quotidie horæ, nullo unquam die excepto. Igitur quid mirum est, nos omnes esse ignorantissimos, & infinitis erroribus circumseptos? Ita denuo Cl. ANT. GEN. Log. L. 1. C. 5. §. XII.

CCLX. REMEDIA GENERALIA pro Remedia
temperamentorum vitio curando et Genera-
deni lia.

dem servire possunt, quæ data sunt supra (CCXLI. CCXLIII. CCLVI. & CCLVIII.) queis sequentia addo.

I. Quoniam *omne datum optimum & omne donum perfectum a Patre luminum venit* Jac. 1. v. 17. preces inprimis & vota cælo nuncupanda sunt, atque cum SALOMONE ardentem supplicandum est pro SEDIUM DIVINARUM ASSISTRICE SAPIENTIA, ejusque vox, in *humili solitudine* omnium maxime insonans, cum gaudio auscultanda. Remedii hujus efficaciam experti sunt præter citatum SALOMONEM adhuc alii, numero pene infiniti, ut S. THOMAS AQUIN. B. ALBERTUS M. SUAREZ &c, & ex SERAPHICO ordine S. BONAVENTURA, qui interroganti quondam intimo familiari atque amico suo S. THOMÆ ANGELICO Doctore, unde ipse tantam scientiam hausisset? Christi e Cruce pendentis effigiem ostendisse dicitur, his verbis eum alloquens: *Ecce tibi! hic mea Bibliotheca est.* SCOTUS quoque PRINCEPS SUBTILIIUM, & Doctor Marianus, temperamenti sui tarditatem primo quidem precibus, ad DEUM ac DEIPARAM fusis deperdidisse, deinceps vero, in summis difficultatibus continuo ad preces confugisse legi-

legitur (XVI.) *pietas nempe ad omnia est utilis.* 2. Corporis sui temperamentum quilibet attente secum perpendat, & si se *phantasiam* nimis vividam, & *inconstantem* habere perspiciat, ei constanter invigilet, curetque, ne de rerum *naturis* ex *phantasia* judicet, neve rem, non qualis est, sed qualis videtur æstimet. *RATIO phantasiam* ubique dirigat. Ast insuper

CCLXI. REMEDIA SPECIALIA pro
 TEMPERAMENTO TARDO, & MELANCHOLICO præter supra tradita (CCLVIII.)
 sunt. 1. Contentur ejusmodi homines stimulos sibi addere, seseque ad laborem excitare *æmulatione* æqualium, *lectione librorum criticorum*, conversatione virorum perspicacium, criticorum, & eloquentium, caveant vero a commercio cum *tardis*, & *te- tris*; transmeant enim conversatione mores, & *phantasia* ex eorum plerumque fingitur genio, quibuscum sæpe, & familiariter agimus. 2. Fugiant loca humida & *crassa*, *crassioresque* cibos: inde enim sanguis procreatur pariter *crassus*, qui in temperamentum influit plurimum, hinc utilem tardis ac melancholicis esse ait Cl. AN-

Specialia
 pro Me-
 lanchol-
 icis.

TON.

TON. GEN. quamcunque *purgationem*, ea enim, quasi a *fuligine & nebula* cerebrum eluitur: lacrymæ quoque ob eandem rationem *Melancholicis* profunt. 3. Declinent a spectandis exemplis *tragicis*, eorumque lectione, quibus animus aut incalcescit, aut nimium tristatur. 4. Quoniam mentis sunt *confusæ* MELANCHOLICI, hinc non alios legant libros, nisi *perspicuos*, & *Methodo* præclara scriptos, maxime *geometricos*, sic discent vitare, *notiones confusas, & obscuras*. 5. Caveant denique a ferendis *judiciis* nimium *præcipitatis*, hujusmodi enim temperamenti homines ad omnem *stultitiam*, quin & *furorem* proni sunt: quare communis *politicorum* mens est, eos Republicæ gerendæ habiles, atque idoneos non existere, quia omnia turbant. SANGUINEI quoque temperamenti homines a *judiciis præcipitatis* cavere debent; in pueriles enim ineptias proni sunt isti, utpote quibus plus est *ingenii*, quam *judicii*. 6. Postremo TARDI in studiis animum non despondeant, sed meminerint illius adagii:

Pro Sanguineis.

Pro tardis.

Gutta

Gutta cavat lapidem, non vi, sed
sæpe cadendo,

Sic homo fit doctus, non vi, sed
sæpe studendo!

CCLXII. CAUSA III. Est SENSUUM Sensuum
fallacia.
NOSTRORUM FALLACIA. Certum enim
est, quod ob sensuum *paucitatem*, &
imperfectionem plurima ignoremus, ea
scilicet, quæ tum propter *exilitatem*
ac *parvitatem* suam, tum etiam ob *di-*
stantiam nec sub sensus cadunt, nec
cum rebus sensibilibus *connexionem* ul-
lam habent, ut sunt objecta, tam vi-
ventia, quam etiam vitæ expertia,
numero infinita, genere & natura
varia, quæ v.g. in tot planetis & stel-
lis fixis, in totaque aeris, & pene in-
finita extensione reperiuntur, ac tot
insuper palustria, & inertia animan-
tia, quæ vix Microscopio observari
queunt. Quid quod & sensus nostri,
etiamsi fuerint naturaliter perfecti,
sæpissime nos fallant, si secundum il-
los judicemus, ut *per omnes sensus* pro-
bat P. Malebranche.

Sic (ut de solo Oculo, tanquam Deceptio
oculi
præcipuo organo sensorio aliquid tan-
gam) *Oculus* in visione nos decipit Multi-
plex.
1. dum

1. dum putamus, objectum visibile a nobis *extra nos* videri, ut est in se secundum suam substantiam, cum tamen solummodo ejus *imago*, per luminis radios, ex illo corpore undequaque in modum sphaerae reflexos, in oculi nostri retina depicta videatur, haud secus, ac in *speculo rei species & imago* apparet. Nec 2. per istas rerum externarum imagines exhibetur nobis vera *magnitudo corporum*. Nam si v. g. arenae minimae granulum oculo, Microscopio armato intueamur, videbimus illud plus, quam millies, majus, ac nunc videmus, maxime si Microscopium fuerit simile illi, quod a Cl. P. de Lanis manu elaboratum, teste Cl. P. HAUSER. *Phys. Gen. P. 2. Q. 2. A. 1. §. CCXLVI.* corpus *solidum* 27000000 amplificare noverat. Idem efficiunt optima *telescopia* cum rebus *distantibus*; sunt autem oculi respectu *animae*, quod sunt *Microscopium* aut *Telescopium* respectu oculorum, 3. per *oculum* decipimur circa corporum *figuras*, nam v. g. arenae granula sine Microscopio nobis *rotunda*, aut quasi rotunda esse videntur; applicato autem Microscopio ea *variarum*, & *ir-*

regularium figurarum esse deprehendimus: turres quoque *quadratae*, a nobis distantes, apparent ut *rotundae*. 4. Fallimur ab oculo circa *colores*, quia ab illo tanquam *qualitates* reales, corporibus inhærentes referuntur, cum tamen, ut moderni Philosophi communiter tenent, nil aliud sint, quam ipsæ formales *sensationes nostræ*, a variis refractionibus, & reflexionibus *materiæ luminosæ*, ex corporum superficiebus provenientes, ita, ut *extra nos* nec *lumen* proprie, nec *colores* sint, sed tantum *vires* quædam & *textura corporum*, quibus dein ita afficimur, ut *lumen* & *colores* percipiamus &c.

CCLXIII. REMEDIA. I. De rebus **Remedia.**
 externis solo *sensuum* internuntio non est judicandum; non enim illi *rerum naturæ* sunt aptati, sed *vite humane* *usibus*, neque ad hoc facti sunt, ut rerum *essentiam* deferant, sed *existentiam*, & *relationes*. 2. Curandum est, ut *sensus* habeantur, quoad fieri potest, *perfectissimi*, *armandique* propterea sunt *instrumentis optimis*. 3. Idem objectum pluribus sensibus, si fieri potest, *subjiciatur*, *mutata distantia*, *situ*, *medio* &c. 4. Si *ratio*, & *experientia*,
 Z ex

exhibitionem sensuum *suspectam* aut *dubiam* facit, affirmare quidem licet, rem sic *apparere*, neutiquam, vero *sic esse*. Plura de sensibus in Dissert. II. Log. Pract. Sect. III.

SECTIO III.

DE

CAUSIS ERRORUM EXTERNIS.

Educatio
mala.

CCLXIV. CAUSA I. est MALA EDUCATIO. Equidem communi adagio dicitur, *homines, quanti sunt, educationi, & aliorum consuetudini deberi*, at pro dolor! quam multi dantur parentes (si tamen parentes nominandi sunt) qui infantibus & pueris educandis vix ullam navant operam, aut iis *humiles & sordidas inclinationes*, & *vitia* etiam sua, vel *exemplis*, vel *verbis* instillant! *vitia* vero educantium alia a *defectu*, alia ab *excessu*, (*virtus enim consistit in medio*) originem suam habent; nam i. alii *nimum* liberis suis *indulgent*, atque *connivent*, eosque propterea *molles*, *somnolentos*, *arrogantes* & *immorigeros*, aliorumque *vitiorum paternorum sequa-*

Educantium
vicia.

ces faciunt. 2. Alii ad alterum extremum declinantes, nimia severitate, continuis præcipue *verberibus* igneam puerorum indolem retundunt, & aut *stupidos*, aut certe a liberalibus studiis *abhorrentes*, & de ingenuis servos pro-gignunt, cum tamen *pudore*, & *liberalitate* liberi plerumque *efficacius* ac utilius corrigantur, quam *metu*, ut quotidiana experientia demonstrat. Certe QUINTILIANUS inurbanum putat, *verberibus pueros ad officia adigere*; LOCKIUS vero tunc solum ad verbera confugiendum esse ait, *cum alia omnia frustra fuerimus experti*. Accedit quoque, quod pueris diutissime plerumque soleant inhærere, quæ teneris annis percepere, quæque ipsis velut tabulæ rasæ, aut ceræ molli a parentibus ac præceptoribus fuerunt impressa. Inde venit 1. ut videamus MORES quosdam esse in familiis hæreditarios, & varias OPINIONES, aut falsas, aut ridiculas, aut *superstitiosas*. 2. Quoad RELIGIONEM, maximum obstaculum hæreticorum conversionis existere passim deprehendimus *exempla Majorum*; liberi enim & discipuli parentum, & *Magistrorum* Religionem mordicus defendunt, eisque pro omni ratione,

aut revelatione stat imitatio Majorum, nec attendunt, quod & ipsi ab avita Religione, quam eorum Avi, Proavique tenuere, desciverint. 3. Quoad DISCIPLINAS, & SCIENTIAS, Majores nostri (inquit Cl. ANT. GEN. Log. L. I. C. 5. § IV.) Si paulo urbaniores sint, litterisque operam dederint, inutiles eas reputant disciplinas, quas ipsi non didicerunt, easque tantum commendant, quas didicerunt, hinc videre est, senes dissuadere juvenibus studium MATHEMATICARUM SCIENTIARUM, LINGUARUM, NOVÆQUE PHILOSOPHIÆ, exhortarique illos ad scholasticarum disciplinarum eruditionem; putant enim adhuc nec disputari recte sine SCHOLASTICORUM LOGICA posse, nec esse THEOLOGUM sine PERIPATETICA PHILOSOPHIA. Præterea opiniones quasdam, manifesto falsas in THEOLOGIA, PHYSICA, ETHICA, HISTORICA &c. quas ipsi imberbes didicere, quasque senes turpe putant dedoceri, dum magna severitate defendunt, minoribus propinant, atque communicant. Hæc ille.

Remedia. CCLXV. REMEDIA. I. PARENTUM, & PRÆCEPTORUM est, genium atque indolem infantium ac puerorum quam diligentissime explorare; prima enim
vitæ

vitæ aurora reliquæ vitæ splendorem; Educant
aut nebulas, vel caliginem plerumque tium of-
præfigire solet, juxta illud: quod Ju-
venis suescit, senex dimittere nescit.
Item: Urit mature, quod vult urtica
manere. Sic quondam ex ligni fasci-
culo, quod puer PROTAGORAS hume-
ris suis ingeniose aptavit, conjecit
DEMOCRITUS, magnum in illo existe-
re acumen ingenii, ac reflexionum ca-
pacitatem. Pariter ex famuli TOXI-
QUIRI sagacitate mira, qua ligna non
tantum ordinate humeris suis impone-
re, sed & in fornace titiones adornare
consueverat, herus ipse, etsi lit-
teris incultus, altiora illi vaticinans,
arma tractandi artem ut addisceret,
Auctor ei fuit, qua brevi temporis
spatio exacte apprehensa, militiam
secutus, mox inter suos ita inclaruit:
ut summus JAPONIÆ Monarcha sub
TAICOSAMÆ nomine evaserit. Deni-
que de SIXTO V. P. M. quid con-
tingerit, omnibus notum est, nempe
a quodam SERAPH. ORD. nostri Ss.
Theologiæ Magistro, cui diversa in-
terroganti promptissime respondit Ju-
venis ille (FELIX PERRETI antea di-
ctus) porcos pascens, in conventum
adductus, templi & culinæ servitiis,

una & litteris, quibus applicabatur, ita vacavit, ut post aliquot annos Seraphico Ordini inter CLERICOS adscriptus, ac postea suo tempore etiam DOCTORATUS laurea in S. Ordine insignitus, eidemque ut VICARIUS APOSTOLICUS a summa Sede præpositus, tandem S. Purpuram, ac ipsam denique Tiaram Pontificiam sit consecutus. 2. Idem illis, in tenera adhuc ætate constitutis, *vultu, gestu, verbis, & actionibus*, nil nisi *magnum, nobile, honestum, justum, generosum*, uno verbo VIRTUTEM inspirare debent, & quidquid virtutem efficit, quia teste HORATIO: *quo semel est imbuta recens, servabit odorem testa diu.*

Quo ordine instruendi sint pueri?

3. Quoniam in pueris non RATIO, sed SENSUS, & PHANTASIA vigent, hinc censet mox cit. Cl. ANT. GEN. in iis rebus primum exercendos esse pueros, quæ objecta *sensuum*, & *phantasie* esse possunt, nempe in GEOGRAPHIA, & HISTORIA NATURALI, tum ad *inveniendum* quoque aptos esse reddendos, quod præstant partim studia GEOMETRICA, partim PHILOSOPHICA, ac demum ad PURA INTELIGIBILIA paulatim manuducendos, omnium vero postremo in POLITICA,

in

in qua acre JUDICIUM requiritur, esse instruendos, nihil autem tam pueris nocere, ait quam præsentem usum, eos in LINGUIS PEREGRINIS, & exoticis instruendi; sic enim (rationem affert) eorum sola excolitur MEMORIA tanta vocabulorum farragine; INGENIUM vero, & JUDICIUM negligitur. Ideoque factum semper putavi, quam ob rem in GRÆCIA plures olim fuerint uno seculo Philosophi, quam pluribus in tota EUROPA; GRÆCI enim, cum linguas externas discere non cogerentur, ab ipsa statim INFANTIA philosophabantur, nec ingenium, & perspicacitatem usu MEMORIÆ conterebant. Vult igitur, ut linguarum peregrinarum studium tunc solum suscipiatur, ubi post excultos sensus, & phantasiæ vires paulo majores ingenium, & judicium acceperit. 3. Illi, qui in pueritia sua se non bene educatos, aut institutos fuisse, dolenter agnoscunt, sedulo curent Male se ipsos adjuvare, atque ita vitam educatorum officium. litterariam vivere incipiant, tanquam si heri, aut nudius tertius nati, atque in lucem progeniti essent, diligentiam geminent memores illius: VENDUNT Dî CUNCTA LABORE, præprimis autem utantur amicis perspicacioribus,

& sinceris, atque ab illis reprehensiones læto, hilarique vultu excipiant, libros quoque, quorum sunt plures egregii, *de Juvenum educatione* legant, ac imitentur.

Authori-
tatis abu-
sus.

CCLXVI. CAUSA II. est AUTHORITY-
TIS ABUSUS, sequitur hic error ex
mala *educatione*, ut mox dictum est
(CCLXIV. 3.) ex *nimia* nempe in Præ-
ceptores, quondam in prima juven-
tute habitos, *reverentia*, multa nas-
cuntur PRÆJUDICIA (seu nimis *præci-
pitante* concepta *judicia*) quæ non
facile eradicari ex animo queunt, &
quæ nobiscum quodammodo nata,
sensim quoque incrementa in animo
capiunt; nam ut ait POETA TRAGICUS
in TROADE: *Dedidit animus sero, quod
didicit diu.* Atque id in causa est (in-
quit Cl. PURCHOTIUS Log. P. 2. Sect.
I. c. III.) cur SENES pertinacius *præ-
judicia* sua tueantur, nec a JUNIORI-
BUS erudiri se facile, aut libenter
patiantur.

Præjudi-
ciorum
origo.

Vel quia nil rectum, nisi quod pla-
cuit sibi, ducunt;

Vel

Vel quia turpe putant parere minoribus, & quæ
Imberbes didicere, senes perdenda fateri.

Ut egregie canit HORATIUS, *Epist.*
1. l. 2. Hac de causa (ut de *Philosophia peripatetica* taceam) PHILOSOPHIA PLATONICA vel in ipsa Christiana Religione hæreses plurimas peperit, quod PLATO tanquam Philosophorum DEUS ALIQUIS coleretur. Porro de MAGISTRIS & PRÆCEPTORIBUS quod dictum est, etiam de LIBRIS dictum esse volo, quia hi sunt velut MORTUI quidam MAGISTRI.

CCLXVII. REMEDIUM UNICUM est, *Remedium.*
ut quis de *rerum veritate*, humana-
rumque *mentium cogitatis* non ex ullo
PRÆJUDICIO, sed ex sana RATIONE
(excipe semper: in casu, ubi FIDES,
veræque ECCLESIAE definitio obstat)
judicium ferat, juxta monitum S. AUG.
L. 2. de Musica. C. 1. ita dicentis: *Primo ita queramus, quasi omnino rudes harum rerum simus, ut ad omnia nos RATIO potius perducatur, quam inveterata CONSUETUDO, quam PRÆJUDICATA AUCTORITAS.* Neque enim, ut idem ille

S. Ecclesiæ Doctor loquitur *Epist. 148.*
quorumlibet disputationes, quamvis Ca-
tholicorum, & laudatorum hominum, ve-
lut scripturas Canonicas habere debemus,
ut nobis non liceat, salva honorificentia,
que illis debetur hominibus, aliquid in
eorum scriptis improbare, atque respuere,
si forte invenerimus, quod aliter sense-
rint, quam veritas habet, Divino adju-
torio vel ab aliis intellecta, vel a nobis.
Talis ego in scriptis aliorum; tales volo
esse intellectores meorum: & vere; nam
mundi senium, & integra ætas pro ve-
ra antiquitate sunt habenda; sicut er-
go maturius iudicium, & maiorem re-
rum humanarum notitiam ab homine
sene, quam a juvene exspectamus, sic
& a nostra ætate senescente plura &
majora, quam a priscis temporibus, in
scientia tunc quasi adhuc juvenescen-
tibus, sperari convenit. Hinc si fides
est adhibenda LACTANTIO L. 2. Div.
Inst. C. 8. Cum sapere, id est, verita-
tem querere omnibus sit innatum, sapien-
tiam sibi adimunt, qui SINE ULLO JUDI-
CIO inventa MAJORUM probant, & ab
aliis PECUDUM MORE ducuntur: Sed
hoc eos fallit, quod majorum nomine po-
sito, non putent fieri posse, ut aut ipsi
plus sapiant, quia MINORES vocantur,
aut

aut illi desipuerint, quia MAJORES nominantur. Id vero in rebus præsertim mere ad PHILOSOPHIAM pertinentibus ferendum non est, eoquod ista facultas non sit STUDIUM eorum, quæ sapientes dixerunt, sed ipsius SAPIENTIÆ (III.) quæ tanquam vera scientia, non dictis antiquorum, sed principiis certissimis, definitionibus, Axiomatibus, experiētiis, &c. innititur: Igitur a studioso veritatis sedulo cavendum, ne clausis oculis, & voluntarie cæcus ducem sequatur quemcunque, sed ad propriam quoque lucem, a DEO sibi accensam, viam, qua ducitur, examinet, ut non, qua itur, sed qua eundum sit, clare perspiciat; aliorum enim doctrinas, & dogmata inquirere, iisque serviliter inhærere, non est, scire, sed credere, non Philosophum, sed philosophi servum esse. Ea de causa sentiendum est cum PLINIO Juniore L. 6. Epist. 15. dicente: sum ex iis, qui mirer antiquos, non tamen, ut quidam, temporum nostrorum ingenia despicio; neque enim quasi lassa, & effœta natura nihil jam laudabile parit.

Attamen hic bene notat Cl. P. Do. Limitatio
 NAT. a Transfig. Domini, discrimen est pro Ty-
 se ronibus.

se faciendum inter TYRONES, & PRO-
VECTIORES. *Tyrones*, inquit, in ver-
ba Magistri jurare initio debere vix
est dubium, cum omnes adeo disci-
plinæ, agnoscente etiam ARISTOTELE,
a *fide Magistris habita* initium ducant:
sed neque tyronum *imperitia* admittit,
ut, quæ e singulis Philosophorum se-
ctis *precipua* sunt, prudenter *eligere*,
& in rem suam conferre possint. At
vero *provehentioribus* profuerit, si Py-
thagoricum illud, *αὐτὸς ἔφα*, ipse
dixit, penitus negligant, neque quis?
sed *quid?* & *qua ratione?* pronuntiâ-
rit, expendant, tum vero postea li-
bertate illa *mentis suæ* utantur, quam
optimo Creatori acceptam referunt,
id semper studiosissime curantes, ne
nimium sibi fidentes in SS. *Fidei My-*
steria, aut *rectam ipsam rationem* of-
fendant.

Consue-
tudo cum
populo,
& rudi-
bus.

CCLXVIII. CAUSA III. est CONSUE-
TUDO CUM POPULO, ET RUDIBUS. Quot
præjudiciis plebs agatur, vix dici po-
test! passim & ubique videre in popu-
lo licet errores infinitos, *fabellas ani-*
les, *illusiones sensuum*, & *phantasia*
(qua rudes ob robustiorem cerebri
massam, & sanguinis abundantiam
præ-

præprimis pollent) pro veritatibus haberi conspiciamus : & quidem pro diversitate *climatum, temperamentorum, ac morum*, apud diversas nationes diversæ quoque falsæ opiniones sunt (unde & *nationum odia, & bella æterna*, teste JUVENALI Satyra 15) quodque omnium dolendum maxime, vulgus, cum *phantasiæ* mancipatum, & parum capax *rationis* existat, errores suos, quos ipsum animadvertere nequit, etiam a nullo dedoceri potest, nec ullus *ob populi dominantem auctoritatem* id præstare audet: adeo nempe non pauca in vita hac perpetrantur, quæ cordati viri *querantur* potius, quam *emendent*! Mens porro nostra, quæ omnium rerum ignara, corpus ingressa est, sola *sensatione*, & *phantasia* ducibus, in infantia a populo, & rudibus discit, quæ dein per totam nos vitam perturbant, omnesque *cogitationes*, & *actiones* nostras atro quasi colore inficiunt, & obscurant.

Præjudi-
ciorum
infantiæ
altera
origo.

CCLXIX. REMEDIA. I. Ea vocabu-
la, quæ pueri didicimus, horumque
vocabulorum *potestas*, postquam ado-
levimus, ad examen revocari debet,
maxime si a simplicibus tantum *mulier-*
culis,

Remedia.

culis, nostris olim *nutricibus*, aliisque litterarum plane rudibus, menti nostræ advenerint. 2. Caute imposte-
rum cum ignaro *vulgo* de rebus ad *litteraturam* pertinentibus conversan-
dum, assiduo autem cum *doctis*, jun-
ctam cum *doctrina prudentiam*, morum-
que *probitatem* habentibus. 3. Depu-
retur mens ab *affectibus nationalibus*,
ac imprudenti *Patriæ amore*. Cæterum

CCLXX. SCHOLION. Quoniam re-
gulæ hucusque datæ, curtam tyro-
num *memoriam* obruere, ideoque *con-*
fusionem idearum in eorum intellectu
progenerare queunt, hinc in illorum
gratiam dicta hætenus omnia in *prima*
hac *dissertatione* LOGICÆ PRACTICÆ, in
compendium contrahō, cunctaque
REMEDIA, pro tollendis errorum cau-
sis allata, ad sequentia duo reduco.



RE-

REMEDIA GENERALIA AD TOLLENDOS ER- RORES.

I.

Dubitatio sana.

CCLXXI. **E**quidem hic non intel-
ligo, nec approbo in Dubita-
tio sana.
*sanam illam, sterilem, ac plane ridi-
culam ACADEMICORUM, & PYRRHONI-
CORUM dubitationem, qui de rebus
omnino omnibus dubitabant; nec ullo
alio fine, aut commodo ad dubitan-
dum movebantur, quam ut perpetuo
dubitarent, & assensum circa res omnes
cohiberent: imo etiam, ut de CAR-
TESIO dicitur, res omnes pro falsis ha-
bebant; sed aliam suadeo dubitationem,
sanam, & utilem, per quam tamdiu
inhibetur assensus, donec id, de quo
judicandum est, æqua lance fuerit
examinatum, longaue, & attenta
meditatione perpensum, ut iudicium,
quod deinde fit, prudenter, & secun-
dum RECTÆ RATIONIS dicta-
men ferri, sicque ab omni erro-
re, quantum per humanam diligen-
tiam caveri potest, vindicari queat.*

Ca-

Non est
adhiben-
da in re-
bus fidei.

Quid in
rebus fa-
cti?

In Physi-
cis? aut
Metaphy-
sics, vel
Geome-
tricis?

Denique
in nego-
tiis ge-
rendis?

Cæterum, cum diversi sint *certitudinis*, & *evidentiæ gradus*, pro diversa rerum, de quibus judicandum est, conditione (CXXXIV.) semper habenda est ratio MATERIÆ, quæ tractatur; sic enim v. g. in rebus FIDEI DIVINÆ sub-
jectis *evidentia*, aut *demonstratio* per argumenta *naturalia* minime quærenda est; in talibus enim rebus, ut loquitur S. AUG. *Epist. 137. N. 8.* quæ nostram intelligendi vim longe superant, tota ratio facti est potentia facientis. Simili-
ter in *questionibus FACTI*, siue iis, quæ ad *Historiam* pertinent, etiam sola *cer- titudo moralis* sufficit (n. c.) In PHY-
SICA quoque bene nobiscum actum putamus, si *probabilem* cuique effectui *causam* assignare possimus, sed in re-
bus METAPHYSICIS, aut GEOMETRICIS, accuratæ, evidentesque DEMONSTRATIONES requiruntur, ut mentis no-
stræ assensus extorqueatur, summeque cavendum, ne forte nobis rei SPE-
CIES, & UMBRA pro VERITATE obre-
pat atque illudat, porro etiam bene monet Cl. PURCHOTIUS. *Log. P. 2. Sect. 1. C. 3.* hanc *regulam* non esse ad
praxin rerum, quæ *celeritatem* postu-
lant, adhibendam, sed in iis, quæ *ad
vitæ usum*, aut *negotia gerenda* spe-
ctant,

stant, sola VERISIMILITUDINE contentos nos esse debere, nec rationes *ad amussim* semper esse exigendas, nisi ubi *in materia, vel speculationi Philosophica subjecta*, vel *dilationis patiente* versari nos contigerit, in aliis vero multa esse in omnem eventum permittenda, dummodo TEMERITATI & PRÆCIPITATIONI nihil concedamus. Igitur CARTESIANUM illud Axioma: DE REBUS OMNIBUS EST DUBITANDUM, suas patitur *exceptiones, ac limitationes.*

II.

Attentio debita.

CCLXXII. Quemadmodum ad obiecta *sensibilia* videnda satis haud est, debita. ea esse a sole undique *illuminata*, sed habere oportet *oculos apertos*, atque in illorum aspectu defixos, sæpeque contingit, ut *præsentia* non videamus, si oculos *alio* convertamus: ita pariter, si in *intellectu* desit ATTENTIO, neque ille ideis contemplandis sic applicetur, ut *immutus* persistet, earum *relationes, & connexionem*, ac *veritatem* nullo pacto cognoscet. Id unusquisque experitur, dum animo *parum attento*, ac varias in partes distracto ad aliquid

A a

con-

Attentionis conciliandæ remedia.

contemplandum se tradit: nam & *revocare* illum assiduo cogitur, ac plerumque, illo refractario, omnem *contemplationem* intermittere. Igitur ut res quælibet *attento*, ut decet, *animo* considerari possit, præter superius dicta (CCXLIII.) sequentia plurimum conducunt. 1. MEDITATIONE (CCXXXV.) assuefaciendus est animus, longoque usu, & studio efficiendum, ut se ipse colligere queat. 2. Locus etiam idoneus requiritur, a turba, & strepitu hominum remotus. 3. TEMPUS quoddam, meditationi aptum eligendum, nempe illud, quo mens nec nimio labore defatigata, nec multiplici rerum consideratione distracta, liberius meditationi vacare potest, quale est tempus matutinum, juxta illud CÆLESTIS SAPIENTIÆ effatum Prov. C. 8. v. 17. *Ego diligentes me diligo: & qui MANE vigilant ad me, invenient me.* Plura media attentionis conciliandæ adhuc videri possunt apud Cl. ANT. GEN. Log. L. 5. C. 3. §. 7. & seq. Inter alia autem media, quæ torpentem animum concutiunt, & ingenium accendunt, numerat quoque agitationem sanguinis, spirituum, & cerebri: nam, ut inquit loc. cit. §. 13. qui

qui copiosiori sanguine, & calidiorē sunt, mente etiam sunt alacriori: ergo, quæcunque remedia calorem quemdam in nobis progignunt, ingenium quoque, & attentionem acuunt. Sæpius expertus sum (ipsius verba sunt) me corpore juxta, & animo torpentem, disputatione paulo agitatiori, scriptione, voce elatiore, frictione frontis, atque similibus adminiculis, vehementer ad inquirendum fuisse concitatum. At SCRIPTIO (mox addit) arcanum illud est maximum mentis & excitandæ, & augendæ. Nullum aliud illi æquale sum expertus, id ego paucis præcipio, ne pluribus explicatum, quasi vulgare contemnatur. SCIANT TYRONES, HOC UNUM TOT HOMINES EFFECISSE PRÆSTANTISSIMOS. Et alibi Tyronem sic alloquitur: Stylo utere quodsi nondum aptus es commentando; saltem optimum librum seligito, & describito. Ita Judicium tuum in optimi auctoris Judicio formabis, gustumque optimi indues.

Postremo etiam puerorum educatoribus, ac PROFESSORIBUS aliquod medium suppeditat, quo puerorum, ac Juvenum acumen, & attentionem alant, nempe: ingenium curiosum, &

versatile pueris (inquit) natura dedit , ut in omnibus passim illis videre licet , quos prava educatio nondum corrumpit . Si hanc igitur CURIOSITATEM sequi , & non extinguere , sed incendere sciamus , aut vebementer fallor , aut ea sola ad sapientiam pueros , & adolescentes perducet . Naturam humanam ignorant ii educatores , & Magistri , qui aut metu , aut ferocia quadam , aut verberibus nobilissimum hoc in pueris ad sapientiam calcar extinguunt . SOCRATES in eo erat excellentissimus , ut CURIOSITATE hac uteretur ad abstrusissima quæque pueros docenda : eam fovebat , excitabat , sequebatur . Hæc doctissimus ille Philosophus Neapolitanus , simulque acutissimus Criseos Magister . Loc. cit. §. 14.

DISSERTATIO II.

DE

CRITERIO VERITATIS, ET
ARTE CRITICA.

Bene habet ! quæ mentem aut ab investiganda Veritate abstergere, aut in errores quotidianos atque

que gravissimos præcipitare queunt,
enarrata nunc, explicataque sunt:
ea ergo si probe fuerint *perspecta*,
exercitioque ipso mentis in succum
conversa, & sanguinem, satis ha-
biles; & ad iter UNIVERSÆ SAPIEN-
TIÆ STUDIUM RITE INSTITUENDI
(XXV.) ingrediendum accincti eri-
mus! nunc ad ulteriora gradum fa-
ciamus.

SECTIO I.

DE

CRITERIO, AC FONTIBUS
VERITATIS IN GENERE.

CCLXXIII. QUoniam *falsitas* non
raro Veritatis lar-
vam induit, ideo quædam Regula,
sive *Criterium*, seu, ut CICERO lo-
quitur. L. 1. de Finib. *Judicium veri-*
tatis inquiri debet, ad quod tan-
quam certum ac *infallibile*, omne ju-
diciū nostrum, atque cognitio,
veluti ad *lydium lapidem* examinetur,
atque intellectus noster *constanter* ac
infallibiliter, se quidpiam cognoscere
certa sciat, hoc vero ARS CRITICA NO-

Ars cri-
tica.

A a 3

bis

bis (XXVIII.) suppledit a græco vocabulo κριτικός, latine *judicans*, derivata; estque *ars illa cujus ope ac regulis in re litteraria vera a falsis judicamus*, non autem ea, quæ cum *Satyra* atque *obtrectationibus* confusa, nostris temporibus adeo male audit apud ignarum vulgus: paucis per **CRITERIUM VERITATIS** hic intelligo regulam, per quam examinantur *ideæ, ac judicia & discursus*, ut reflexe haberi pro veris possint. Sive, ut alii definiunt: *Criterion veritatis est nota quedam, nobis intime præsens, ex qua omnino convincamur, nos in hac aliqua rei alicujus cognitione non falli.*

**Crite-
rium ve-
ritatis.**

**Veritas
Ethica
quid sit?**

CCLXXIV. Loquor autem præcise de veritate **LOGICA**, (**CXXXII.**) non de veritate **ETHICA** seu *moralis*, aut de veritate, quam vocant **METAPHISICAM**; *Veritas enim Ethica est concordia sententiarum animi cum signis, quibus illæ exprimi solent, vel, ut S. AUG. L. de Mend. N. 4. ait: Est enuntiatio, cum volitione verum enuntiandi; Ideoque qui sic loquuntur, ut sentiunt, VERIDICI appellantur, e contra MENDACIUM, huic veritati oppositum, dicitur disconvenientia verborum, aut actionum cum ani-*
mo,

**Menda-
cium.**

mo : unde & fieri potest, ut quis *fallum* dicens, non *mentiat*ur, si nempe verum *putet*, quod dicit, sed habere tunc dicitur solam *ignorantiam* : sicut e diverso etiam fieri potest, ut quis *verum* enuntiet, & tamen **MENDAX** sit; si nimirum *INTUS pro falso* habeat, quod *ORE verum* esse proloquitur. **Mendax.**

Veritas METAPHYSICA, sive *essentialis* est, *per quam res est id, quod esse in natura debet.* Huic veritati nihil est contrarium; nequit enim res non esse, quod est. Sed, ut dixi, de his veritatibus hic non loquor; *prima* enim ad *Ethicam*, *2da* ad *Metaphysicam* spectat: sola autem illa *3tia* seu *Logica*, **Veritas Logica.** sic dicta, quia in *λόγους*, hoc est, mentis nostræ *conceptibus* spectatur, hujus fori nunc est, daturque in omnibus tribus animæ operationibus, in *Logica THEORETICA* explicatis, scilicet tum in *IDEIS*, quando istæ conveniunt cum *re cognita* (XXXVI.) tum in *judiciis*, & *propositionibus*, cū affirmanda affirmantur, & neganda negantur (CXXXII) tum denique in *rationibus*, & *SYLLOGISMIS*, si nempe & *premissæ* fuerint *veræ*, ex quibus conclusio fluit, & *regula* ratiocinandi, nexusque legitime

observetur. Jam circa hujus *veritatis criterium*

I.

RECENSENTUR VV. PHILOSOPHORUM SENTENTIÆ DE VERITATIS CRITERIO.

Quale
veritatis
Crite-
rium sta-
tuerit
Pyta-
goras?

CCLXXV. I. PYTHAGORAS cum suis, haud ullius per SENSUS nos veritatis conscios fieri posse contendens, pro legitimo veritatis criterio statuebat *solam MENTEM*, seu *animam hominis*, purgatam tamen, ut sic eo facilius cum MENTE COMMUNI uniatur, sive cum ANIMA UNIVERSE, quam mundo inesse fingeat, & a qua quasi decerptas *particulas* esse dicebat omnium *hominum animas*: inde & HERACLITUS, PYTHAGORÆ in hac ridicula *fabula* sectator, dicere solebat, quod, dum somnum caperent homines, ad tempus fiat *separatio mentis communis & particularis*; cum vero vigilarent, per ipsas quasi portas fiat *attentio hujus ad illam &c.* Ast valeant hæc commenta, veræ fidei

con-

contraria ! II. PLATO *solas ideas* sciri Plato posse dicebat: per IDEAS vero probabilius intellexisse creditur *communes quasdam formas, ex quibus hæc; quæ nos sentimus, singularia, fluant, & propagentur, tanquam umbre a suis corporibus*: sicut igitur, qui *umbras* cognoscere vult, *corpora* contemplatur, ex quibus *umbre* proveniunt; ita, qui *sensibilia* hæc cognoscere vult, *ideas* juxta PLATONEM contemplari debet, quæ *solæ existant, & eodem semper modo existant*: igitur non homo est, inquit PLATO, qui cognoscitur, sed *idea hominis*, sive HUMANITAS, quia, ut scribit SENECA *Epist. 65. HOMINES quidem pereunt, ipsa autem HUMANITAS, ad quam homo effingitur, permanet*. Ideoque etiam PLATO nullam de *sensibilibus* SCIENTIAM, sed solam haberi posse OPINIONEM contendit. III. EPICUREI e contra SENSIBUS plus, quam *Menti* tribuebant, sensusque nec fallere unquam, nec falli posse putabant: hinc *visa omnia vera esse pronuntiabant, & opiniones tantum, quæ visorum judicia continerent, alias esse veras, alias falsas dicebant, sive ideas sensibus perceptas solum falsas fieri asser-* bant per superveniens mentis præ-

Epicu-
rei.

Aristoteles.

Et Peripatetici.

Acataleptici.

pitatum judicium, uti nos quoque de *idea falsa* in *Log. disputatrice* dicimus.

IV. ARISTOTELES cum aliis quibusdam, quos inter præcipui SPEUSIPPUS, & ISOCRATES, Platonis sectatores, duo distinguens rerum genera, 1. earum, quæ sub *sensus* tantum, 2. & earum, quæ sub *intellectum* cadunt, pro criterio *sensibilium* SENSUS, pro *intelligibilium* vero, INTELLECTUM statuit: *intellectum* tamen docuit esse PRINCIPALE criterium, *sensus* vero non nisi minus PRINCIPALE, atque intellectui inserviens. V. PERIPATETICI in hoc sequuntur suum parentem, ideoque INTELLECTUM REGULIS LOGICALIBUS, de triplici MODO SCIENDI (scilicet de *definitione*, *divisione*, & *argumentatione*) IMBUTUM, pro *principali* veritatis investigandæ criterio habent, *sensus* autem nominant criterium minus *principale*, *secundarium*, ac *instrumentale*.

VI. Denique ACATALEPTICI, PYRRHONICI, ac SCEPTICI (XII.) nullam omnino esse *rationem veri a falso discernendi* contenderunt, atque contendunt, uti videre est in *Hypothypothesis Pyrrhonicis Sexti Empirici*. De postremis ejusmodi hominum monstris vere inquit Cl. ANT. GEN. *Log. L. 3.*

C. 3. §. 2. eos non monitoris, nec doctoris, sed tutoris a iudice dati indigere.

II.

RECENTIORUM PHILOSOPHORUM SENTENTIÆ, DE VERITATIS CRITERIO.

CCLXXVI. I. **C**ARTESIUS unicum ^{Carter} ^{sus.} veritatis criterium

statuit CLARAM, ET DISTINCTAM PERCEPTIONEM, sive hanc propositionem complexam: quidquid in idea clara, atque distincta alicujus rei comprehenditur, illud de ea re certissime potest affirmari; & vicissim: illud eodem modo negari potest, quod, perceptis propositionis terminis, idea rei repugnare clare ac distincte constiterit.

II. Cl. P. MALEBRANCHE ^{Male-} ^{bran-} ^{chius.} criterium veri posuit in ÆTERNA COACTIONE ANIMI, qua fieri asserit, ut

nequeamus EVIDENTIBUS non assentiri. Sic enim inquit L. 1. de inquir. ver. C. 2. §. 4. Ne assensum plenum unquam prabeas, nisi propositionibus, adeo evidenter veris, ut illum sine interno quodam cruciatu, tacitoque rationis murmure non possis denegare, id est, si clare intel-

telligas, te libertate tua perperam usum, si assensum tuum denegares. III.

Neque huic quoad rem dissentire videtur Cl. P. BUFFIER, qui, ut refert

P. Puffier. Cl. P. HAUSER. Log. P. 2. Art. 3.

§. 175. criterium veritatis posuit in INTIMA SUBJECTI ET PRÆDICATI CONVENIENTIA, per quam fieret, ut in prædicato involvatur subjectum, nec possit intelligi perfecte notio attributi, sive prædicati, quin in ea contineatur subjectum, vel in se, vel saltem in adjunctis spectatum. IV. Ejusdem forsitan sententiæ fuit quoque Cl. TSCHIRN-

Tschirnhausen.

HAUSEN, qui in sua Philosophia, quam vocat MEDICINAM MENTIS P. 2. Sect. 1. ait, *verum esse id omne, quod concipi, falsum quod non concipi potest.* Per *concipi posse* autem intelligit illud, quod SOLIS VERBIS in mente alterius, qui id ignorat, EANDEM, & æque perfectam, ac ipsi ea de re habemus, notitiam excitare valet. V. Cl. HUETIUS nullum in

Huetius.

humana RATIONE veritatis criterium agnoscens, solam DEI AUTHORITYTEM certam esse docuit. Verum, ut præclare inquit Cl. ANT. GEN. hæc sententia, dum nimium *Rationem* propter Religionem deprimit, eo ipso *primum Religionis fulcrum* evertit, nosque in fœdissimum

fimum dejicit PYRRHONISMUM; nam
 si *ratio* nihil certi nec de DEO, nec
 de MUNDI ORIGINE docet, tunc il-
 le, qui ad REVELATIONEM appellat,
 aut ad judicem appellat, quem omni-
 no ignorat, aut ad *privatum* cujus-
 que *spiritum* confugit, sicque eo ipso
 FANATISMUM inducit: Nempe Cl. hic
 AUCTOR voluit omnino declinare sen-
 tentiam illam pessimam nefarii SPINO-
 ZÆ, qui (*per excessum*) humanam RA- Spinoza
 TIONEM pro adæquato *veritatis crite-*
rio statuebat, impie de illa affirmans,
 quod sit ipsissima DEI RATIO, sive
 aliqua *particula Divine Mentis*, qui er-
 ror in *Metaphysica de origine Mentis*
humane sic refutatur. 1. DEI ratio,
 totaque adeo ejus *substantia* est *simpli-*
cissima; ergo in partes dividi nequit.
 2. Est *infinita*; & consequenter si *ra-*
tio nostra ipsa esset DEI ratio, nihil
 prorsus *ignorare* possemus, eoquod
infinitæ rationi omnia aperta sint. Quis
 autem adeo existit *amens*, ut sibi per-
 suadeat, se nihil ignorare? VI. LEUB- Leubni-
 NITIUS tandem tria veritatis agnoscen- tius,
 dæ Criteria statuit. 1. INTELLI-
 CTUM, 2. SENSUS, 3. & AUTHORITY-
 TEM, ex quibus, per modum *criterii*
 MATERIALIS consideratis, oriri vo-
 luit

luit EVIDENTIAM MENTIS, in qua FORMALE, & ADÆQUATUM, AC ULTIMATUM veritatis criterium collocat, & quidem in rebus mere intelligibilibus, abstractis, ac immaterialibus, EVIDENTIAM INTELLECTUS; in rebus vero sensibilibus EVIDENTIAM SENSUUM; denique in rebus facti, factisve Historicis EVIDENTIAM AUTHORITYS requirit in *Theodicea Tom 2. pag. 327.* Huic sententiæ etiam subscribit Cl. ANT. GENUENSIS. *Log. L. 3. C. 3. §. 8. & seq.*

Quomodo hæc dissensionis hisce Auctorum sententiis, quæ unusquisque in suo sensu abundat, mihi horum plerique in re convenire videntur, & de vocibus disputare nec libet, nec vacat, puto equidem, si accurata distinctio adhibeatur inter FONTES VERITATIS, & inter ipsum CRITERIUM VERITATIS, sententias vix non omnes Philosophorum christianæ sententiarum conciliari posse. Per FONTES autem VERITATIS intelligo vias & media, ad veritatem eruendam, acquirendamque sapientiam non modo utilia, sed & necessaria, suntque communi omnium Judicio hæc qua-

quatuor. 1. AUCTORITAS. 2. EXPERIMENTA SENSUUM externorum, 3. Fontes INTIMA CONSCIENTIA, 4. INTELE-Veritatis. CTUS, seu RATIOCINIUM.

Nempe quæcunque scire possumus, sunt aut *externa*, aut *interna*. 1. EXTERNA: si sint *sensibilia*, *solis sensuum experimentis* innotescunt. Sin autem *insensibilia* sint, ut *spiritus, vires activæ, phænomenorum Cause &c.* Per *Ratiocinium* indagantur. 2. INTERNA, ut sunt *actus, & passionēs animæ rationalis intima conscientia* (ad quam etiam *communis omnium persuasio* referri potest) cognoscuntur. 3. Tandem quæ *captum mentis nostræ* excedunt, & per *ratiocinium* inveniri non possunt, sola *auctoritate*, vel *Divina*, si res *fidei supernaturalis* existant, vel *humana*, si ad *questionem facti* pertineant, pervestiganda sunt. Ex hisce ergo quatuor *fontibus* hauriri potest ac debet omnis omnino *veritas* tam in rebus mere *intelligibilibus*, quam in *sensibilibus*, ac etiam in *credibilibus*, omneque adeo JUDICIUM, ac RATIOCINIUM, ut *veritati* consonet, inde accurate deducendum firmiterque demonstrandum est.

Porro

Crite-
rium Ve-
ritatis.

Porro cum nemo in *judicando*, vel *ratiocinando* absque nœvo, errorisque periculo procedere queat, nisi omnia insuper ejus *judicia* ac *ratiocinia* præscriptam a Logica *formam* servant, hoc est, nisi cunctæ propositiones sint *regulis* in *Logica Theoretica* traditis conformes, & argumentationes concludant *vi forme* (CLXXVI.) Hinc eadem *REGULÆ communes LOGICÆ* pro *CRITERIO* saltem *materiali* eruendæ ex prædictis 4. fontibus *VERITATIS* haud inepte statui possunt, sive pro *norma*, *secundum quam examinentur ideæ*, ac *Judicia*, & *discursus*, ut *reflexe haberi pro veris possint* (CCLXXIII.) Et ex his denique regulis ipsa *MENTIS EVIDENTIA* oritur, tanquam *nota*, nobis *intime præsens*, ex qua omnino convincamur, nos in hac aliqua rei alicujus cognitione non falli (n. c.) quæ *formale adequatum* ac *ultimatum* omnis *Veritatis criterium* constituit, enunciationesque, vel a nobis, vel ab aliis factas ut *evidentes* (CXXXIV.) proponit. Per hanc igitur distinctionem puto utrique scholæ, tam *PERIPATETICÆ*, quam *NEOTERICÆ* posse satisfieri. Et quidem de *REGULIS LOGICÆ*, *mentis evidentiam* parere valentibus, satis in

Lo-

LOGICA THEORETICA dictum est, de Criterio autem veritatis plura in Logica disputatrice pertractantur, nunc quatuor illos veritatis fontes, ad ARTEM CRITICAM præprimis spectantes, quantum satis est elucidabo. Igitur

SECTIO II.

DE

FONTIBUS VERITATIS IN SPECIE.

ARTICULUS I.

DE VALORE, ET USU AUTHORITYTIS, ET PRIMO QUIDEM DE AUTHORITYTATE DIVINA.

CCLXXVIII. **A**UTHORITYTAS in genere est excellen-
 tia Personæ, ac dignitas, ob quam in di-
 cendo verax (CCLXXIV.) seu ejus dictum
 ac testimonium verum censetur, & di-
 gnus, cui assensus prudens præstetur.

Assensus, quem propositioni aut facto præbemus ob solam loquentis authoritytatem, FIDES dicitur, & alia quidem est FIDES DIVINA, cum assenti-
 tas.
 Fides Divina,

B b

mur

Humana. Etiam, alia HUMANA (de qua in Art. seq. sunt nempe quam plurima, quæ non sciri, sed *credi* tantum possunt, ea scilicet omnia, quæ ad *fidem* & *Religionis arcana* spectant, de quibus præclare inquit S. AMBROS. *de Trinitate: Aufer ARGUMENTA, ubi FIDES queritur; in ipsis Gymnasiis suis jam Dialectica tacet: PISCATORIBUS creditur non DIALECTICIS: autoritas ergo Divina, quia consistit in dignitate infinita, seu in sapientia, & veracitate DEI revelantis, fallereque pariter, & falli nescia, est primus ac principalis omnis veritatis FONS, ac prima regula.*

**Authori-
tas Di-
vina.**

CCELXXIX. Ut quis vero hac auctoritate niti queat, tria requiruntur
 1. constare debet, *DEUM* revera esse locutum. 2. Quænam sint genuina *DEI* loquentis *verba*? & 3. quis proprius illorum verborum *sensus*? Hæc porro omnia non per solum *verbum DEI scriptum*, seu S. SCRIPTURAM, sed etiam per *verbum DEI traditum*, hoc est, per Divinas & Apostolicas
 Unde nobis innotescat? *TRADITIONES*, item per *Ecclesie universæ consensum*, per *Conciliorum œcumenicorum Canones*, & per *S. Pontificis, Chri-*

Christi in terris VICARII, *definitiones*,
 decisionesque nobis innotescere mul-
 tis probant THEOLOGI POSITIVI CATHO-
 LICI contra HETERODOXOS, ex quibus
 si quis quærat: unde ipsis evidenter
 constet, hanc aliquam veritatem a
 DEO esse revelatam? Respondent, **A**catholi-
 id erui ex *sola* Scriptura S. five ex Li-
 bris V. & N. Testamenti. Ast si eos
 urgeant Catholici, unde ipsis denuo
 constet, 1. Libros hosce esse *divinos*,
 2. eos hodie dum *sinceros & integros* ex-
 stare, nec esse corruptos, 3. aut *in*
proprio ac genuino *sensu*, circa singu-
 la fidei divinæ Mysteria, a se, vel a
 suis sic dictis *Pastoribus* intelligi? &c.
 Hic enim vero aqua illis hæreere debet;
 cum nos econtra, *Ecclesiæ* Catholicæ
 certis ac evidentibus *notis*, atque cæ-
 tûs a DEO constituti *judiciis* præful-
 gentis, autoritate moti, prudentis-
 simeque nixi, & libros hosce divinos,
 & multa alia divinitus revelata esse
 credamus, dicente veraciter S. AUGU-
 STINO: *Ego Evangelio non crederem,*
nisi Ecclesiæ me commoveret autoritas!
 Acatholici autem in circulo ambulant
 (CCXXVII.)

Acatholi-
ci com-
mittunt
circulum
vitiosum.

Regulæ
pro co-
gnoscen-
do libro
Cano-
nico.

CCLXXX. REGULÆ ad cognoscendum, quod revera in aliquo libro contineantur VERBA DIVINA, a Criticis hæ assignantur. 1. Attendendum, *quinam fuerint illi*, a quibus scriptus fuisse dicitur ille liber? 2. An liber sit *genuinus*, id est, ab eo scriptus, cui tribuitur, vel *eo tempore* scriptus, quo palam enuntiatur? 3. An sit *integer*? 4. Quid de illo *virī cœvi* senserint, aut proxime sequentes? 5. An *potuerit* aliqua *fraus* subesse, & an *cujusquam interfuerit*, librum depravare, ac corrumpere? 6. An, quæ in illo libro continentur, sint *falsa*, aut *impia*, aut saltem *frivola* ac *futilia*? An constet, libri illius Auctores, miraculis doctrinam illam confirmasse? 7. An *prophetiæ* in eo libro scriptæ, opere completæ fuerint, nec ne? &c. Sane ad has regulas si examinentur tam Judæorum THALMUD, quam Turcarum ALCORANUS, liquido apparebit, ejusmodi libros nec ore *divino dictatos*, nec *digito DEI scriptos esse*. Quid quod etiam BIBLIA, a Martino LUTHERO edita, partum esse *spurium*, atque *corruptum* exinde facile probetur? nil dicam de aliis ejusdem voluminibus, maxime quæ lingua vernacula ab eodem

dem edita DISCURSUS MENSALES audiunt, qui pias honestiorum Lutheranorum aures ita jam dudum offendere, ut æternis, si potuissent, jam pridem damnassent tenebris!

CCLXXXI. REGULÆ aliæ post cognitam Regulæ revelationem & quidem generales circa post co-

authoritatem divinam sunt sequentes. ^{gnitam} ^{revela-}
I. Ea omnia assensu firmissimo credenda ^{tionem.}

sunt, quæ DEUS revelavit, & per Ecclesiam suam credenda proposuit; hæc enim omnia metaphysice certa nobis esse debent (CXXXIV.) quia DEUS potest plura efficere, quam limitatus noster intellectus capere, & quidem non solum de iis, quæ ad DOCTRINAM, sed etiam quæ ad HISTORIAM spectant, id intelligendum est, quia in QUACUNQUE materia DEUM falli aut fallere posse prorsus repugnat. II. In rebus FIDEI intrinseca ratio, aut demonstratio petenda non est; alias enim jam non *authoritas* dicentis (ut fides exigit) sed *rationis vis*, & *evidentia* ad assensum nos moveret, adeoque nullus tunc *fidei* locus foret, quæ enim apparent, inquit S. GREGOR. Pap. Hom. 26. jam FIDEM non habent, sed AGNITIONEM. Hinc III. Licet ad Philosophum non

spectet, *fidei & Theologiae revelatae* principia seu fundamenta expendere, non licet tamen illi eas sequi opiniones, aut eas statuere naturæ leges, quæ *fidei principiis* adversantur. IV. In iis rebus, quæ ad *fidem* vel *immediate* pertinent, vel saltem cum *fide connexæ* sunt, attamen *ratione naturali* demonstrari satis nequeunt, Philosophi Christiani officium est, momenta *ex divina autoritate* petita, ad illarum veritatem demonstrandam adducere, nequis forte, *sola ratione naturali* minus efficaci suffultus, eas in dubium vocare præsumat. V. Quæ DEUS revelat, etsi *supra rationem* sint, *contra rationem* tamen, aut *falsa* esse nullatenus possunt; absolute enim implicat, ut infinita sapientia ob illimitatam rerum omnium *scientiam* possit falli, infinitave *bonitas* nos fallat, sicut & implicat, ut veritas veritati contraria sit: hinc bene in CONCILIO LATERANENSI sub LEONE X. in Bulla: *Apostolici Regiminis*, damnati sunt asserentes, *animam rationalem PHILOSOPHICE mortalem, & solum THEOLOGICE immortalem* existere; nec minus temeraria est illa nonnullorum Philosophorum replica, qui, dum sententiam

Quod
Theologice
verum
est, Philo-
sophice fal-
sum esse
non po-
test.

tiam suam ex *fidei* argumentis solide impugnari audiunt, aliud non reponunt, quam quod illam *secundum falsius Philosophiæ*, seu *naturæ placita* defendant: quasi vero licitum esset Philosopho, in *veritate* inquirenda unice occupato, sententiam ejusmodi propugnare, quæ cum *infallibili veritate* nequeat conciliari! VI. Sententia Philosophica in *litterali sensu S. Scripturæ fundata*, etsi neque ad *fidem*, neque ad *mores* pertineat, temere mutanda non est: præsertim si pro *litterali sensu communior stet SS. Patrum*, & *Ecclesiæ autoritas*; nempe conformiter regulæ a S. AUG. traditæ, & ab omnibus Theologis receptæ, quæ sic sonat: *Verba S. Scripturæ accipi debent in sensu proprio, & litterali, nisi, ut ab eo recedamus, aut evidens ratio cogat, aut alius scripturæ textus, aut traditio, aut communissima Patrum autoritas alium sensum adstruat.* VII. Quemadmodum falsum est, in philosophicis controversiis *nullam* unquam S. Scripturæ auctoritatem adhiberi oportere, ita etiam *reverentiæ* parum consulitur, si S. Scriptus S. Scripturæ, vel SS. Patrum, aut Conciliorum sententiæ & Canones, *ad* *dum non* *est.*

Regula
circa SS.
Ecclesiæ
Patres,
in mate-
ria Re-
ligionis,

ad res mere philosophicas *leviter*, & *sine gravi ratione* transferantur, aut *temere detorqueantur*; nam S. Scripturæ ubique propositum non fuit, neque Ecclesiæ *finis* aut *intentio* esse censetur, nos erudire *in profanis*, cum *fide*, & *moribus* neutiquam connexis: S. Scriptura, ut rursus ait S. AUG. *Christianos nos facere volebat, non Mathematicos*: adde: *nec Philosophos*. VIII. Illud denique firmissime tenendum est, quod *in materia Religionis* OMNES SS. Patres docent, cum enim isti fuerint a DEO inspirati, atque ad homines in iis, quæ *ad Religionem* spectant, erudiendos missi, omnes errasse fieri non potuit; quanquam eorum *quilibet* in particulari adeo infallibilis non fuerit, ut non quandoque pro more humano in aliquo erraverit, ut *Theologi positivi* atque *Dogmatici* declarant.

In scien-
tiis natu-
ralibus.

CCLXXXII. Scholion. I. Regula ultima solum valet pro materiis *ad Religionem spectantibus*; nam in disciplinis *naturalibus*, *humanisque artibus* *authoritatem* SS. Patrum majoris non esse ponderis, quam sit *authoritas* illorum *Philosophorum*, quos ipsi Patres secuti sunt, cum

cum aliis docet Cl. Ludov. Anton. MURATORIUS. L. I. de *Moderamine Ingeniorum*. C. 31. & quidem ex hac ratione, quia in hisce artibus humanis ac scientiis non CHRISTUM, sed PLATONEM, sed ARISTOTELEM, sed AVICENNAM, homines scilicet impios, aut cæcos habuere Magistros, aut suum intellectum fallacem, aut alios homines, erroribus obnoxios secuti sunt. Similem in modum etiam loquitur Cl. MELCHIOR CANUS. L. 7. de *Loc. Theolog.* & S. HIERON. *Epist.* 152. ad Minerium sic ait: Hoc dictavi, quod eruditi viri de utroque sentiunt loco, & quibus suas vellent probare sententias, vestræ prudentiæ exponens; neque enim tanta est meæ pusillitatis authoritas, qui nihil sum, & invidorum morsibus pateo, quanta eorum, qui nos præcesserunt: nec juxta Pythagoræ discipulos, præjudicata DOCTORIS OPINIO, sed doctrinæ RATIO ponderanda est. Si quis contrariæ factionis immurmuret, sciat, me illud Apostoli libenter audire: OMNIA PROBATE, QUOD BONUM EST, TENETE! S. vero ALBERTUS M. in *Commentar. Arist.* circa finem inquit: In his nihil dixi secundum opinionem meam propriam, sed juxta ratio-

nes Peripateticorum ; & ideo illos laudet, vel reprehendat, non me.

Doctores
primæ
Classis
reverendi
sunt.

CCLXXXIII. Scholion II. Nihilominus tamen etiam in hac parte SS. PATRIBUS, sicuti & DOCTORIBUS PRIMÆ CLASSIS multum semper deferendum est, adeo, ut nisi *evidens ratio*, vel *manifesta experientia* ab eorum doctrina in scientiis *naturalibus* nos cogat recedere, id non aliter fiat, nisi SALVA, quæ illis Jure debetur, REVERENTIA; quamvis enim decipi, atque in errorem induci etiam illi potuerint, ac re ipsa quoque subinde erraverint, æquum est tamen, ut nos potius, quam illa summa ingenia falli arbitremur. Videatur ANNATUS in *Apparatu* &c. L. 4. Art. 4.

ARTICULUS II.

DE AUTHORITATE HUMANA.

CCLXXXIV. Authoritas hominis loquentis vel fidem facit circa DOGMATA; & *Author* DOGMATICUS, vel circa FACTA, & HISTORICUS audit. **AUTHOR NEMPE**
Do-

Author
Dogmaticus.

DOGMATICUS est, qui dogmata, seu veritates universales proponit, & probat, vel qui aliorum sententias, ut suas, affirmative tenet, ac docendo aliis persuadere nititur. Ad hanc classem spectant omnes libri *Theologici*, *Juridici*, *Medici*, ac *Philosophici*. **AUTHOR HISTORICUS** est, qui aliquid, Histori- suo, vel præterito tempore, a po- cus. pularibus, aut extraneis *dictum*, aut factum *narrando* exponit, & ejusmodi *narratio* **HISTORIA** dicitur, daturque triplex Historiarum genus. 1. *Historia Politica*, 2. *Naturalis*, 3. *Et litteraria*.

CCLXXXV. HISTORIA POLITICA est, Historia quæ enarrat res, quæ **HOMINIBUS** Politica. accidunt, & alia rursus 1. *Divi* Divina. **NA** dicitur, quæ complectitur res, a Deo propter homines, vel apud homines unquam gestas, sive est ipsa *S. Scriptura V. & N. Testamenti*. 2. *Religiosa*, seu **ECCLESIASTICA**, quæ re- Ecclesia- fert res ab hominibus propter **DEUM**, ftica. & erga **DEUM** factas, ut est v. g. *Historia Ecclesiastica Clariss. PP. AMAT. DE GRAVESON, Utriusque Nostri PAGII, FLEURY, HAZART &c.* 3. **PROFA** Profana. **NA**, in qua res hominum nec divinæ nec

nec sacrae recensentur, estque iterum aut *Historia Generalis*, qua res totius, humani generis, aut *particularis*, qua *unius* tantum populi vel nationis gesta exponuntur, huc etiam pertinent *vite*, quibus alicujus hominis aut herois acta continentur, ut sunt *vite illustrium Imperatorum Plutarchi*, & alia, quae in omnium manibus videntur. *Historiae* porro *Ecclesiasticae* Scopus est, facta & vicissitudines *Ecclesiae* in medium proferre, *errores* item, errorumque remedia in omnibus saeculis, ante oculos ponere, *providentiamque* Divini Numinis, ludentis in orbe terrarum, hominum animis tenaciter imprimere. *Historiae* autem *profanae* finis est, ejusmodi exempla recensere, quibus *Politices* praecipua firmentur, ad hoc, ut Rerum publicarum incrementa & decrementa explicentur, additis ubique *causis*, ut posterii caveant, ne sero cum Phrygibus sapiant.

CCLXXXVI. HISTORIA NATURALIS

Historia affert ea, quae ad *physicam* rerum *naturalis* *turam* spectant, & plurimas sub se continet partes: describit nempe phae-
me-

mena quæcunque, in rebus corporeis unquam observata e. g. circa homines, bruta, plantas, aquas, mineralia, fontes, montes, aërem, ventos, planetas &c. Est hæc studiorum omnium sane pulcherrima, vitæque etiam, & hominum societati utilissima. HISTORIA denique LITTERARIA Virorum litteratorum vitas, opiniones, & scripta enarrat, itemque initia & progressus artium, atque facultatum, ut sunt Novellæ Litterariæ, Acta eruditorum, Bibliotheca selectæ. Hæc Historiæ pars a moderno sæculo, quod jure per Antonomasiæ SÆCULUM DOCTUM nuncupatur, ut plurimum exulta, & fere in immensum aucta est. Ejus maxime finis est, ut cognitio veritatum ab aliis inventarum alios quoque ad similia ausa animet, & quasi facem præferat, subsidiaque suppeditet, quibus ARS HEURISTICA, sive INVENIENDI, nova semper novaque incrementa accipiat, quod nil utilius.

Histoiæ
Litteraria.

Ars Heu-
ristica.

CCLXXXVII. Circa Auctorem Dogmaticum, infallibilitatis dono non donatum GENERALIS REGULA hæc est: Authoritas cujusvis in ferendis dogmatibus tanti est valoris, quanti ponderis est RATIO.

Regula
generalis
pro Au-
thore
dogma-
tico.

TIO,

Dotes
ejus par-
ticulares.

*trio, quam assert. Particulares autem dotes sequentes habeat. I. Ut ejusmodi Auctor aliquam sententiam sua autoritate probabilem reddat, debet asserere, quæ sibi videntur, non quæ aliis tantum, hoc enim etiam rudes & imperiti possunt. II. Debet esse liber a præjudiciis, & nulli addictus nisi quatenus pro illo stat ratio. III. Bene calleat artem Logicam, & Criticam; harum enim artium adminiculo veritas detegitur, & ad sanum de rebus omnibus ferendum judicium mens dirigitur. IV. Bonæ Methodi leges (CCXXXIV.) accurate observet, sine his enim res clare, distincte, & ordinate non explicantur. V. Caveat, ne textus, quos citat, truncet, aut documenta malitiose supprimat, quæ illius sententiæ præjudicare videntur, neve eorum sensum in alienum detorqueat; atque ideo textus fere omnes (nisi de Auctoris sinceritate aperte ac evidenter constet) in fonte inquirendi sunt: si quis hujus culpæ reus inveniatur, hoc ipso animum fallendi habere prudenter censendus est, & sic aut nullam meretur fidem, aut saltem de suæ doctrinæ veritate ipsemet incertus esse argui potest, putans scilicet, iis mo-
men-*

mentis, quæ ob id malitiose silet, eam posse convelli. VI. Ad veritatem suæ sententiæ conciliandam non sufficit (nisi altera sententia sit *contradictorie* opposita) ut contraria opinio *falsa* esse ostendatur, sed debet quoque positivis rationibus eam confirmare; secus enim posset contingere ut earum sententiarum nulla sit vera. Sic teste LACTANTIO L. *de ira DEI*. C. II. TULLIUS in *l. de Nat. Deor.* egregie refutavit *publicas Religiones* tunc usitatas, attamen *veram*, quam ignorabat nec invenit, nec induxit. Si tamen altera sententia sit *contradictorie* opposita, illa debet *certo* esse *vera*, si ista *falsa* sit demonstrata (CLIII.) VII. Nihil denique asserere, scriptisque suis immiscere debet, quod in contrariam sententiam, ejusque Patronos *odium* excitare queat; hoc enim animi pessime affecti, ac inordinatis passionibus occupati indicium est, ac proinde fundatæ suspicioni, ne Author ejusmodi *iniquus* sit *Judex*, ansam præbet; opinari enim tunc licet, non *amorem veritatis*, ut decet, sed *livorem* atque *invidiam*, illud esse totum, quod Authorem impulit ad hanc sententiam tenendam præ altera.

Histori-
corum
dotes.

CCLXXXVIII. Ut fides secure HISTORICO tribui queat, duæ in ipso quam maxime dotes inesse debent.

1. SCIENTIA, scilicet, ut ampla mentis vi, *ingenii* acumine, atque acri limatoque *judicio* polleat, ne facile decipiat ipse, & ut fraudibus aliorum detegendis sit aptus, falsaque a veris, res gestas a fabulis distinguendi peritus. Debet insuper ad manus habuisse vias ac rationes & *media*, quæ in *rei notitiam* venire potuerit. Hac de causa si v. g. quidam scriptores *externi* describant mores, genium & consuetudines *Germanorum*, quibuscum nunquam conversati sunt, neque etiam ab aliis viris *expertis*, & fide dignis res istas se accepisse probent, nullam plane fidem merentur, idem dicendum est de illis, qui talium disciplinarum, quas ipsi omnino *ignorant*, Historiam compilant, ut est v. g. LAERTIUS cum aliis quibusdam Philosophiæ Historicis, sicut & parum attendenda sunt *experimenta naturalia* ex authoribus, *Physicæ* ignavis, desumpta.

2. Requiritur PROBITAS, ut nullo scilicet *partium studio* trahatur, nullaque *amoris, odii, spei* vel *timoris* affectione sit præoccupatus; attendendum est

est ideo ad illius *vitam, mores, Religionem*, item an non fuerit pronus ad *nova, ac inaudita tradenda*? An non nimium *credulus, simplex*, aut omnino *mendax*? ob partium studium *domestici* Historici plerumque suspecti sunt, quales censentur *Græci* omnes, & de *LIVIO, & CÆSARE* id non pauci tenent. Ex his adhuc fluunt sequentes

CCLXXXIX. REGULÆ PRO AUTHORE HISTORICO DIJUDICANDO. I. *Quæ omnes, vel plures historici COEVI, & OCULARES narrant, NEMINE CONTRADICENTE, hæc omnia recipienda, certaque habenda sunt.* Sic fidem plane meretur *COCHLÆUS* in iis, quæ de *LUTHERO* scripsit, utpote cui *Coævus* fuit, plurimique Protestantes *Lutheri* tempore viventes, eadem de parente suo commemorant. Nam testes *COEVI, & OCULARES* rem scire potuerunt: & maxime, si sint natione diversi, & Religionē discordes, ad mendacium stabilendum simul omnes conspirasse minime præsumendi sunt. II. *Etiam VERIS PROXIMA censenda sunt ea, quæ PAUCI coevi (habentes dotes veri Historici) referunt, aliis non contradicentibus; testes enim coevi, etsi oculares non*

Regulæ
quoad
testium
authori-
tatem.

fuerint, æquiparantur *ocularibus*, quia licet ipsi rem non viderunt, eam saltem a Viris fide dignis, & *oculatis* accepisse censentur. III. *Testimonium* TESTIS, OMNI EXCEPTIONE MAJORIS MORALITER *certum haberi debet*. Tale est v. g. Testimonium S. AUG. L. 22. de Civ. DEI. *narrantis mira* quædam, nempe illuminationem cæci Mediolani factam suo tempore per attactum Reliquiarum SS. GERVASII, ET PROTASII MM. IV. *Si quidam Historici asserunt factum, alii vero negant, eorum examinanda sunt dotes, iisque, qui excellunt, fides adhibenda est.* Ad hanc regulam Noster PAGIUS critice expendit factum MARCELLINI P. & M. inter scriptores autem *equales* in hoc casu nullum plane iudicium est ferendum. V. *Si Cocævi omnes taceant, etiam magnus Recentiorum consensus est suspectus.* Posteriores enim scriptores rebus *Vetustis* nihil addere authoritatis possunt, sed tempus plurimum detrahere potuit. Unde HERODOTUS, populares rumores passim secutus, dubiam meretur fidem, eademque ex causa plurima, quæ A catholicis de ROMANORUM PONTIFICUM rebus male gestis, & erroribus prætensis referunt, ad
fa-

fabulas & detractiones pertinent, maxime illud putidum figmentum de Papissa JOANNA. VI. Testis semel malitiose mendax in nulla sua assertione dignus est fide. Sic TULLIUS in Orat. pro C. RABIRIO præclare inquit: Ubi semel quis pejeraverit, ei credi postea, etiamsi per plures DEOS juret, non oportet. Nam in tali scriptore adest hoc ipso sufficiens præsumptio interne malitiæ. VII. Quæ Historici narrant Coevi, in dubium vocanda non sunt, ea solum de causa, quod alius, aut alii etiam coevi TACEANT. Nam qui aliquid tacet, id per hoc non negat, sed vel negligentie, aut ad summum malitiæ accusari potest; secus foret, si exponerentur facta quædam a testibus non coevis, neque ocularibus, quæ tamen nemo Coevorum aut ocularium Historicorum narrat, etiam cum narrare POTUISSENT, & DEBUISSENT: (juxta Reg. V. præc.) VIII. In iis Historiis, quæ plusculum ATTENTIONIS requirunt, sive quæ ad DOCTRINAM pertinent, magis Viro DOCTO, quam BONO credendum est: Sin autem facta enarrantur, quæ nonnisi USU SENSUUM, nec magna adeo attentione indigent, Viro BONO equaliter credendum est, ac Viro DOCTO,

imo quandoque MAGIS , si scilicet PARTIUM STUDIUM metuitur. Sic v. g. Si *eruditus Physicus* vel *Mathematicus* quædam naturæ Phænomena insolita narret, huic magis credendum est, quam alteri utut *probo*, attamen rerum physicarum *ignaro*, ac *simplici*: econtra in rebus aperte *sensibilibus*, speculationique haud subjectis istius *sinceritas*, quam habere præsumitur, plane sufficit, ut pro idoneo teste habeatur, nam vir *probus* ægrius quam *doctus* mentiri solet, nec ita facile de studio partium suspectus est. Intellige, si ille vir *probus* sit simul *oculatus*. IX. *Nimia styli cura sæpe dubiam, aut improbabilem reddit Authoris fidem.* Veritas enim multis pigmentis, fucoque illita, atque abscondita ægre discernitur a *falso*, aut *verisimili*, & ejusmodi Historicus *styli* potius *exercendi gratia*, quam *veritatis amore* scripsisse credi potest. Sic suspectæ in multis fidei habetur CURTIUS. Calamistrato sæpe ac tumido scribendi genere usus, maxime in oratione illa, quam a Scythico Legato ad Alexandrum habitam fuisse narrat. Et hæ sunt regulæ potiores; secundum

dum quas de TESTIBUS judican-
dum, sequuntur nunc etiam

CCXC. REGULÆ CIRCA REM IPSAM Regulæ
SEU HISTORIAM DIJUDICANDAM. I. quoad
Historia haberi non debet id, quod clari rem
rationibus repugnat. Ideo omnes fa- ipsam.
cti alicujus *circumstantiæ* non solum
externæ (quæ *testem* seu *Authorem* con-
cernunt) sed etiam *internæ* attente
considerandæ sunt, hoc est, illæ, quæ
factum ipsum *antecedunt*, *comitantur*,
& *sequuntur*, an scilicet nulla earum
moraliter *ratione loci*, *personæ*, aut
temporis sit impossibilis; & an una non
pugnet cum altera? *circumstantiæ* sic
consideratæ detegent falsitatem mul-
tarum rerum. e. g. Quas affert AU-
LUS GELLIUS in suis *Noct. Attic.* præ-
fertim L. 9. C. 4. Huc etiam reducit
CL. ANT. GENUENS. ea, quæ nar-
rantur de PHÆNICE, de lapide CE-
RAUNIO, de LAURO, & sexcentis aliis.
Alii quoque ad hanc classem referunt,
quæ de *Virgula divinatoria*, uti vocant,
& de *pulvere Sympathetico* in distan-
tiam nimis longam agente &c. quidam
Physici narrant. II. *Factum Historicum*
sufficienti testimonio probatum, pro VE-
RO tenendum est, etiamsi ea, quæ in

contrarium objiciuntur, POSSIBILIBUS tantum, ac VEROSIMILIBUS CONJECTURIS *refutentur*; secus quippe dubitari posset de millenis narrationibus, quæ tamen *certissima* sunt. Exemplum affert Cl. AUCTOR ARTIS COGITANDI. P. 4. C. 13. ex libris *Regum & Paralipomenon*, de annis variorum Regum, in Judæ & Israelis regimine transactis, qui conciliari non possunt, nisi Regum aliquibus *duo* regnandi *initia* assignentur; unum *vivis*, alterum *mortuis* parentibus: nec tamen *positive* probari potest, hunc vel illum Regem cum Patre Regni societatem habuisse, sed dicendum, sufficere, id *possibile* esse, & alias sæpius accidisse, ut possit jure *supponi* tanquam necessaria circumstantia ad Historias alioquin *certas* conciliandas. Sic pariter negari non potest, S. PETRUM Romæ fuisse; id enim testantur Scriptores Ecclesiastici fere omnes, etiam antiquissimi, ut S. PAPIAS, S. DYONYSIUS, S. CAJUS, S. IRENÆUS, TERTULLIANUS &c. Nec *unus* potest produci, qui id *negaverit*: attamen quidam nostræ ætatis Heterodoxi tentabant hanc veritatem solis quibusdam *conjecturis* convellere, dicentes, quod D. PAULUS

LUS mentionem nunquam faciat S. PETRI in Epistolis Roma scriptis, & quando a Catholicis audiunt, illum potuisse tunc Roma abfuisse (non enim ita sedem ibi suam fixisse censendus est, quin sæpissime digressus, aliis in locis Evangelium disseminaverit.) Respondent, hoc *sine probatione* dici, quod plane ridiculum est, quia, cum res gesta, quam negare soli ipsi præsumunt, certissimo nitatur testimonio, hinc, si quid probare intendunt, ostendant ejus cum SS. Litteris repugnantiam! III. *Factum Historicum non ideo statim ut falsum rejiciendum est, quia moribus & opinionibus præsentibus adversatur; aut quia continet aliquid, cujus causa nobis ignota est.* Nam quoad primum, mores & opiniones hominum cum tempore mutantur, & in diversis regionibus v. g. in Sina vel Imperio Japonico longe aliæ defacto vigent consuetudines, quam in Germania, aut Gallia, sed & mores Germanorum hodie longe alii sunt, quam quos olim descripsit TACITUS vel LIVIUS, quamquam ille prior Jure a Criticis arguatur de nimio partiam studio, odio scilicet in Germanos, & amore erga suos Ro-

manos, quorum infensissimi hostes erant illi TEUTONES. Quoad 2dum dantur multæ res, quarum eventus nobis sunt certissimi e. g. concussio Urbis *Ulyssiponensis*, aliarumque per *terramotum*, *fulminis* item horrenda vis, *attractio Magnetis*, *æstus marini* constans reciprocatio, phænomena *Electrica* &c. Causæ tamen ejusmodi eventuum (saltem *adequate*) rationi nostræ ut plurimum sunt imperviæ.

SECTIO III.

DE

SENSIBUS EXTERNIS, ET EXPERIENTIA, TANQUAM
ALTERO VERITATIS
FONTE.

ARTICULUS I.

DE VALORE, ET USU SENSUUM EXTERNORUM.

Sensus. CCXCI. SENSUS pro potentia acceptus, est vis animæ nostræ a DEO insita, qua corporum extra nos existentium impressiones, in organo sensorio

rio externo factas, atque mediantibus spiritibus animalibus ad cerebrum propagatas percipiens, ad intelligendum, quamdiu in corpore humano est, determinatur, prout in *Physica*, & ex parte etiam in *Psychologia* docetur. **SENSUS** vero, ut *actus* consideratus, seu potius **SENSATIO**, est ipsa *Sensatio* actualis perceptio, seu *actio*, qua objectum externum ab anima percipitur. **ORGANUM** denique **SENSORIUM** est pars *Organum sensorium.* illa corporis, qua mediante objectorum sensibilibus impressiones ad cerebrum, indeque ad animam, ibi vel maxime residentem (ut recentiores loqui amant) deferuntur, sunt autem 5 organa sensoria 1. *oculus*, instrumentum *visus*, 2. *aures*, organa *auditus*, 3. *nares*, *olfactus* officinæ, 4. *lingua* cum *papillis suis*, instrumentum *gustus*. 5. *Fibrilla* denique *nervæ*, per totum corpus dispersæ, quibus *tactus* perficitur.

CCXCII. Ad sentiendum corpus, & *Sensatio* anima simul concurrunt, corpus nempe mutationes, a rebus externis in *quomodo* organis sensoriis productas, patitur & *fiat juxta* recipit: anima vero mutationes in organis sensoriis factas, atque ad cerebrum velocissime propagatas sibi re-

præsentat. Recentiores rem sic explicant. e. g. *Audiat* fragor explosi tormenti bellici. Tum id ita fit, ut motus aeris tremulus, qui vehementiori corporum agitatione aut conflictu efficitur (in quo sonus consistit) ad flexuosos, & labyrintheos aurium meatus (*cobleam* vocant) deferatur, continueatur, atque ibi reconditum auditus organum percellat: mox iste impetus mediantibus spiritibus animalibus, per nervos acusticos citissime discurrentibus, communicatus cerebro *similem* ibi motionem excitat, hæc ad CORPUS. Similis hic motus cerebri non quidem est ipsa *sensatio*, aut rei *perceptio*, sed tamen *conditio*, qua præsentem, ANIMA eodem temporis momento, sese determinat ad eliciendam sensationem, soni validissimi impressioni respondentem.

CCXCIII. Præter alios supra recensitos (CCLXII. CCLXXV. & CCLXXVI.) testimonio sensuum penitus diffidentes, longius progressi IDEALISTÆ realem mundi, corporumque existentiam negant, fingentes sibi mundum duntaxat idealem: sed & EGOISTÆ (sic dicti,) solam suam mentem re ipsa existere asserunt,

runt, alia vero omnia, de quibus anima cogitare potest, nil aliud esse somniant, quam suas *ideas*, aut realem saltem corporis ullius existentiam demonstrari posse negant. Ast valeant ejusmodi deliria! quod sensus possint esse veritatis fons, aperte probat S. AUGUSTINUS, contra *Academ.* L. 3. dicens: *Abfit a nobis, ut ea, quæ per sensus corporis didicimus, vera esse dubitemus; per eos enim didicimus cælum & terram, & ea, quæ in eis nota sunt, & TERTULLIANO teste, ne Apostolis quidem ludificata natura est, fidelis fuit & VISUS & AUDITUS in monte, fidelis & GUSTUS vini illius - in nuptiis Galileæ. Fidelis & TACTUS exinde creduli Thomæ. Recita Joannis testimonium: QUOD VIDIMUS, inquit, quod AUDIVIMUS &c.*

Sensus
possunt
esse ve-
ritatis
fons.

CCXCIV. Usus vero sensuum externorum locum tantummodo habet in illis scientiis, ubi *objecta sensibilia* tractantur, in quibus (servatis mox n. seq. apponendis cautelis) tanquam *principia*, & *argumentorum* atque *demonstrationum fontes* bene adhiberi possunt, non item in aliis disciplinis, imo in istis sæpe imperio rationis coerceri & corrigi debent, ne tumultuantes au-
tho-

Ufus sen-
suum.

thoritati divinæ obstant, aut *judicio falso* ansam præbeant. In prioris ergo generis facultatibus

Sensus
nun-
quam fal-
lunt per
se.

CCXCV. REGULA GENERALIS hæc est: *sensus nostri externi*, POSITIS OMNIBUS AD SENTIENDUM REQUISITIS; *nunquam nos fallunt*, si FALLERE idem est, ac FALSUM PROPONERE; nam sensus nec affirmant, nec negant, semperque objecta ita repræsentant, prout hæc in his circumstantiis *distantiæ, loci, figure, medii, &c.* afficiunt organum sensorium, quod ab objecto determinatum *necessario* agit, fere sicut *speculum debet* exhibere suum objectum eodem modo, quo istud per species immittas in illud incurrit, nec propterea unquam *fallax* dici potest: *sensus ergo immediate & formaliter* nunquam fallunt, attamen *ocasio erroris & fallaciæ* esse possunt, si JUDICIUM nimis præcipitanter ex sensibus formetur, *non attentis prius omnibus circumstantiis*, unde præclare S. Augustinus ait L. de vera Relig. N. 61. *Corporea species, quia nullam voluntatem habet, non mentitur. - - Si quis remum frangi in aqua opinatur, &c, cum inde auferitur, integrari, NON MALUM HABET*

IN.

INTERNUNTIIUM, SED MALUS EST JUDEX; nam ille pro sua natura non potuit aliter in aqua sentire, nec aliter debuit; si enim aliud est aer, aliud aqua, justum est, ut aliter in aere, aliter in aqua sentiatur: quare OCLUS RECTE VIDET, SED ANIMUS PERVERSE JUDICAT: in Mysteriis vero FIDEI (v. g. in SS. EUCHARISTIA) SENSUS per REVELATIONEM facile corriguntur.

CCXCVI. REGULÆ PARTICULARES *Requisita pro sano ex sensibus ferendo judicio* ad bene sunt sequentes I. ORGANA SENSORIA *sentiendum.* (CCXCI.) *sint sana & integra, nulloque vitio laborantia.* Nam cecus v. g. *1. Ex parte organi.* aut luscus de coloribus apte judicare non potest; & febris, aut alio morbo decumbens ad saporem diversum ciborum dignoscendum ineptus existit. II. *2. Ex parte objecti.* OBJECTA SENSIBILIA *non sint nimis ab organis sensoriis remota;* secus enim debilius ista afficient, adeoque repræsentatio rei perceptæ in anima erit obscura, ob debilem nempe motionem in cerebro excitatam (CCXCII.) & consequenter mens, secundum obscuram hanc repræsentationem judicans facillime in errorem inducetur. Sic v. g. quia immensa solis distantia absorbet com.

3. Ex par- complures radios, sive species ex
te medi. convexa illius figura oculis submissas,
ipse apparet instar *disci*, utut de se
globi figuram habeat. III. MEDIUM
(seu illud corpus, quod inter obje-
ctum & organum interiacet, e. g. *aer*,
aqua, *vitrum* &c.) *semper idem & uni-*
forme sit; nam si medium variatur,
etiam objecti impressio variabitur,
atque aliud a se apparebit. e. g. Ocu-
lus cœruleo, viridi aut flavo vitro
armatus omnia videt simili colore im-
buta. Item radii solares ex medio
densiore v. g. aqua in medium *rarius*, v.
g. aerem progredientes, a perpendi-
culo solent recedere, ut Opticis no-
tissimum est, unde & causam assignant,
cur remus in aqua videatur fractus.

Aliæ ad-
huc Re-
gulæ
Circa sen-
suum
uſum.

CCXCVII. *Corollaria*. I. Ea ergo,
quæ per sensus nobis adveniunt, *pau-*
lo attentius contemplari decet; nam
quo acrius rei perceptæ attenditur,
eo *clarior* erit perceptio, minusque
errandi periculo nos exponemus. II.
Si objectum semper *eodem modo in qui-*
buscunque circumstantiis organo senso-
rio imprimatur, prudenter illud, quod
sic apparet, eidem reipsa inesse affir-
mari poterit. e. g. *Ferrum* censetur *gra-*
ve,

ve, quia quomodocunque immutatum, habet aliquod pondus, seu gravitatem in quocunque demum hæc consistat: econtra non valet hæc illatio: *Aqua aliquando, nempe quando glacie constricta est, non habet fluiditatem: ergo non est fluida.* Mutentur enim circumstantiæ, & aquæ applicetur calor, mox incipiet diffuere. Huc etiam servit, quod supra (XXXIII. 3.) dictum est. III. Ut sensuum testimonium tanquam certum & infallibile haberi possit, regulæ datæ quandoque non sufficiunt, sed insuper attendendum est, an testimonium hoc sit sanæ rationi, fidei, & communi aliorum experientiæ conforme? nemo enim omnibus horis sapit, sed etiam quandoque bonus dormitat Homerus.

ARTICULUS II.

DE

EXPERIENTIA, ET EXPERIMENTIS PHYSICIS.

CCXCVIII. **E**XPERIENTIA est cognitio, quæ acquiritur experientia, attendendo ad res, sensibus obvias, sive, ut ait Cl. P. FORT. A BRIX. est cogni-

Interna.

Externa.

Communis, seu observatio.

Erudita, sive Experimentum.

cognitio nullo docente per usum acquisita, porro cum omnes *sensus* nostri sint vel *interni*, vel *externi*, etiam *experientia* dividitur in *internam*, qua ea tantum, quæ *intus* & in mente nostra contingunt, nobis sistimus, & in *externam*, qua res *extra nos* positas, & organa nostra sensoria moventes nobis repræsentamus, & de hac tantum *posteriore* hic nobis est sermo, de *priore* vero *Sect. seq.* dicetur. Sic v. g. per *experientiam internam* novimus, toties in anima nostra oriri *tædium*, quoties aliquid nobis repræsentatur *ut malum*. Per *experientiam autem externam* liquet, quod *Magnes* attrahat ferrum, *gravia* remoto impedimento cadant deorsum, *aqua* madefaciat &c. *Experientia externa* rursum duplex est. 1. *Communis*, seu *vulgaris*, estque circa ea, quæ adminiculo sensuum *vulgus* æque observat, ac *eruditi*, unde & OBSERVATIO dicitur. e. g. *Apparitio Iridis*, *Eclypsis Lune* &c. 2. *Erudita* sive *artificialis* habetur circa ea naturæ phænomena, quæ nonnisi ab *eruditis*, accedente hominum opera, observantur, & proprio nomine dicuntur EXPERIMENTA: e. g. *descensus Mercurii ex tubo sub recipiente*, post.

postquam aer gravitans, tanquam causa ascensus illius, mediante Antlia pneumatica fuit extractus &c. aliaque experimenta, ad *ÆROMETRIAM*, *HYDROSTATICAM*, *OPTICAM*, &c. spectantia. Si tamen corpus, eodem statu artificiali perdurante, varie mutetur, ad observationes pertinet, uti fit v. g. in *Barometris*, *Thermometris*, pro varia aeris mutatione. Porro *PHENOMENON* dicitur, quidquid consideratione dignum apparet, & sensibus subjacet, adeoque est nomen commune tum observationibus, tum experimentis. Et

Phenomenon
25112
eincisq
audiv

quoniam hæc de experimentis physicis materia moderno tempore tam frequens & usitata est, ne circa illam errare nos contingat, *Logicæ* quoque *Practicæ* officium est, idoneis regulis, saltem generalibus (nam particulares ad *Physicam experimentalem* spectant) tyroni præcavere. Sunt autem

CCXCIX. REGULÆ UNIVERSALES

AD EXPERIMENTA ET OBSERVATIONES INSTITUENDAS. I. Qui experiri aliquid per artem cupit, generalia saltem principia atque Problemata illius artis seu scientie ad quam objectum experimento subjiciendum spectat, probe calleat, simulque in instrumentis tractandis sufficienter versatus sit, secus enim aut effectus nullus,

Regulæ
pro Ex-
perimen-
tis facien-
dis.

aut *dubius* sequetur, nullamque ipsi *utilitatem commodumve* præstabit, cum facile prætermitti quædam possint, quæ erant observanda, cum ingenti *temporis, expensarumque* factura: hinc suspecta plerumque haberi debent experimenta a *vulgaribus* hominibus, *agrestibus, & simplicibus* facta. II. *Deponenda sunt experimentatori omnia* PRÆJUDICIA (CCLXIV. CCLXVI. CCLXVIII.)

Subreptionis
vitium.

maxime vero ei cavendum a vitio SUBREPTIONIS, quod tunc contingere solet, si quis *sensibus* percepisse putat, & pro *experientia* habet, quod tamen solo *discursu* atque *ratiocinio* ab experientia colligit, vel quod per *imaginationem* aliunde ipsi succurrit. e. g. per *experientiam* quidem deprehenditur, quod *magnès* attrahat ferrum: at *causa* hujus attractionis vel maxime latet: si quis autem dicere voluerit, per *EXPERIENTIAM* constare, id provenire ab *effluviis*, ex *maghete* erumpentibus, vitium *subreptionis* committit, eo quod illud, quod per *RATIOCINIUM* ex experientia concludit, pro ipsa *EXPERIENTIA* habeat: similiter errat, qui strepitum v. g. sonumque de nocte in ædibus audiens, ex *metu* mox *judicat*, hunc tumultum nonnisi a *spectro* ex-

citari posse, adeoque *ratiocinium*, ex metu conceptum, pro ipsa *sensione*, & *experientia* habet. III. *Circa res tantum SINGULARES, & EXISTENTES experimenta fieri possunt*; experientia enim *sensatione* efficitur (n. præc.) nihil autem in *sensus* cadit, nisi quod *existit*, quod enim non *existit*, organa sensoria *movere* nequit, quod tamen ad *sensationem* requiritur (CCXCII.) at omne, quod *existit*, est *singulare*; seu *omnimode determinatum* (XLV.) qui ergo propositionem quamdam in *Physica* per *experientiam* probare intendit, necessario casum quemdam *singularem* afferre debet, *universalia* enim experiri non valemus; quia non *immediate* nostris *sensibus* subijciuntur: atque ideo probe etiam distinguere debet inter *experientiam DE EFFECTU*, & inter *experientiam DE CAUSA*, cum sæpe experiamur *effectum*, cuius *causa* nedum sub *sensus*, sed nec sub *intellectum* cadit. IV. *Certum sibi FINEM in experientia quadam faciendam, aut exhibendam, Experimentator præfigat*; alias enim *curiositas*, *sensuumque libertas* nimium evagata, attentionem objecto debitam (CCLXXII.) minuet, aut omnino destruet, sicque animus

speciosa quadam circumstantia totus abreptus omittet ea inquirere, atque accuratius discutere, quæ ad præsentem controversiam decidendam quam maxime inserviunt. V. *Eadem experimenta, quæ alibi a pluribus facta, aut in Actis etiam publicis alicujus Universitatis pro VERIS vulgo sparguntur, si commode fieri potest, iterum ad lancem revocentur, & cum aliis conferantur, seduloque perspiciatur, an convenient, necne?* multa enim experimenta pro veris jactata falsa deinde fuisse reperta probat MUSCHENBROECKIUS Experimentator summus in *præfat. experiment.* Item ex accuratis ejusmodi observationibus facilius intelligitur tum CAUSA phænomeni, tum etiam VARIATIONIS experimentorum ratio. VI. *Omnes experimenti CIRCUMSTANTIÆ accuratissime sunt observandæ.* Attendendum nempe ad locum, aut regionem, ubi experimentum exhibetur, aut exhibitum fuit, ad tempus, anni tempestatem, aeris vicissitudinem &c. quibus mutatis etiam frequenter experimenta mutantur, aliique effectus prodeunt. Unde etiam a modernis Physicis instrumenta, in faciendo experimento adhibita, passim delineari, actionesque
fin-

singulæ, & cautelæ susceptæ enumerari solent. Plures, easque pro *praxi*, utilissimas regulas tradit. Cl. P. HAUSER *Log. P. 4. Q. 5. Art. 4.* inter alias vero §. 496. vult, ut, *Bonorum instrumentorum delectus habeatur*, & jure quidem; secus enim, si non sint accurate elaborata, experientiæ etiam certissimæ non poterunt illis exhiberi; attendendum vero est in instrumentis ad alterationes ac *viciissitudines* tempestatum, *calorem, frigus, humiditatem* &c. item ad *longum* eorum usum, quo facile atteri, sicque vitium contrahere possunt: nunquam autem ad extrema tentanda urgeantur, ne, si etiam firmissima fuerint, subito crepent, ac in frustra abeant. Videantur quoque regulæ supra traditæ (CCXCVI. & CCXCVII.)

CCC. *Scholion.* Cæterum *ars experimentandi*, ut idem ille cit. Cl. Author præclare probat, non est otiosorum hominum, aut fabrilis cerebri occupatio, uti quidam dicere audent ex eorum numero, qui, quæcunque ignorant, blasphemant, cum ingenium non minus summum, quam etiam dexteritatem permagnam postulet, adeo, ut illam

Atque
utilitas.

artem nemo nisi perfectus Mathematicus cum fructu pertractare valeat, eo quod *naturæ vires* ubique mensurandæ sint, id quod solius *Matheseos subsidio* fieri potest; quare non erit Philosopho indignus labor *movere Antliam* (concludit denique) *quemadmodum nec Herculi probrosus fuit tractasse clavam*: exinde nempe locupletatur *Historia naturalis*, novæ rerum vires deteguntur, cum sæpe experimenta eliciant effectum minime prævisum, ut simili modo noster P. BERTHOLDUS SCHWARZ pulveris pyrii confectionem ex insperato invenisse dicitur, & sic usum quoque aliquem EXPERIMENTA in humana Societate habent, bonoque publico, nisi mala voluntas iisdem abutatur, inserviunt, præterquam quod mentem Experimentatoris in dies capaciores reddant, peritioremque.



SE-

SECTIO IV.

DECLARATUR, QUOMODO
EXPERIENTIAE JUNGENDA
SIT RATIO?

CCCI. **R**ATIO in sensu proprio, pro-
ut hic accipitur, est ea
mentis humane facultas, per quam re-
rum ac Veritatum NEXUM distincte per-
spicere, unumque ex alio inferre valet.
Illam esse unam ex præcipuis veritatis
fontibus atque criteriis, exinde patet,
quia, si neque in RATIOCINII forma,
neque in materia nexu error commis-
sus est, summa in nobis certitudo ex-
surgit, nos in conclusionibus, per
ratiocinium inde deductis falli omnino
non posse: profecto sine ratione autho-
ritas humana nihil probat (CCLXVII.)
& sensuum quoque experientiae nisi ratio
accedat, putabimus baculum aquis
immersum esse curvum, & solem aut
stellas esse terra longeminore. Et qui-
dem circa auctoritatem quomodo ra-
tio procedere debeat, dictum est (a
N. CCLXXXVIII. usque ad N.
CCXCI. exclusive) circa experientiam
vero quomodo se gerere menti sit

Ratio
quid sit?Rationis
valor.

utile ac necessarium? nunc docebitur.
Nempe

Ratio Ex-
perientiæ
conjuncta
esse de-
bet.

CCCII. REGULA GENERALIS est:
EXPERIENTIA ET RATIO CONJUNCTÆ
ESSE DEBENT: EXPERIENTIA enim SEN-
SUUM *rationi* viam aperire debet, per
quam ignota naturæ arcana perscru-
tari & genuinam *Corporum naturam* in-
dagare queat: sicque mens prohibe-
tur, ne modos, & causas phænome-
norum *ingat*, mundumque *Idealem* in
cerebro creet, vitio SUBREPTIONIS
capta (CCXCIX. 2.) vicissim RATIO
experimenta jam *facta* comparat, vel
etiam *nova* instituit, quibus ulterius
naturæ adyta mens penetret, & quod
quærit, in apicum proferat, totumque
Systema aliquod PHILOSOPHIÆ, usi-
bus vitæ tam UTILIS, quam JUCUN-
DÆ adornet, ut libri Neotericorum
obvii testantur, quo vero hæc Ra-
tionis cum *Experientia* conjunctio sine
errandi periculo sit, observandæ sunt
sequentes

Quomo-
do ratio-
cinan-
dum ab
experien-
tiis?

CCCIII. REGULÆ PARTICULARES,
quæ serviunt ad bene Ratiocinandum
ab experientiis. I. *Experimenti aut Phæ-*
nomeni causa OMNES, quosquot haberi
pos-

possunt, indagentur. Eo magis enim vera illius causa patefiet, dum contra ii, qui in *Physicis* alteri credere, determinatoque Systemati tanquam saxo adherere malunt, ut loquitur Cl. ANT. GENUENSIS, nihil unquam investigabunt, nec ullum in scientiis acquirendis gradum facient. Sic ille NEWTONIANOS increpat, hoc est, illos Philosophos, qui ATTRACTIONIS NEWTONIANÆ (in *Physica* perquam celebris) vocabulo contenti, nihil ulterius perquirunt, attractionem vero ipsam, QUID sit, & quenam ejus causa? penitus ignorant. Idem forsan dicendum de antiquorum formis substantialibus, & qualitativis occultis.

II. Ex omnibus causis POSSIBILIBUS habenda est pro VERA, quæ SALVA RE abesse, vel auferri nequit; hoc quippe signum est, illam in RE IPSA certo contineri, & non in solo nostro ratiocinio. Sic v. g. Dum radiis solaribus, e. g. rubris, prisma refractis competit idem angulus, etiam pro diversis circumstantiis, inde probabiliter saltem concludunt NEWTONIANI, illam determinatam refrangibilitatem, COLOREMQUE ex refrangibilitate oriundum inexistere ipsis RADIIIS sola-

ribus, & non OBJECTIS, colorem referentibus, e contra pyramidalem IGNI figuram non deberi, illumque ex natura sua sursum non tendere, inde probabiliter deducunt Neoterici, quia sub Recipiente positus, exhausto per Antliam aere, eam figuram minime retinet, sed potius in ovalem decref- cens, tandem omnino extinguitur, & quasi in terram cadit, pariter quia Mercurius in Barometro, quamprimum removetur aer sub recipiente, delabitur, & quamprimum rursus in- tromittitur, ascendit, ideo ejus as- census jure prementi aeri, non autem metui vacui (qui, præterquam quod sit terminus Metaphoricus, extracto aere utique major esse deberet.) a Re- centioribus adscribitur. Denique ex hac Regula certo etiam colligitur, quod ignis sit calidus, quia salva ignis sub- stantia nunquam (saltem naturæ viri- bus) ab eo calor abesse potest. III. Si quedam ita INSIMUL in rerum natura ponuntur, ut unum sine altero nunquam observetur existere, PROBABILITER unum alterius causa dici potest, sic quia æstus maris Lunæ cursum perpetuo sequi- tur, inferri probabiliter potest, a Luna quasdam mari mutationes induci. Di-

xī probabiliter, nam potest etiam contingere, ut unum alteri sit mere per accidens conjunctum, ut v. g. æstus & paroxysmus febrilis cum certa dierum atque horarum revolutione conjunctus est, aut signa MAGICA (physice loquendo) cum effectibus maleficis &c. IV. Si clare, & distincte non pateat, quænam sit alicujus phænomeni vera causa, &, si certi non sumus, nos omnes possibiles causas in mentem revocasse; nil certi de illa statui, aut prudenter affirmari potest, sed potius probabilitas investigari debet, ita scilicet, ut pro causa Phænomeni assignetur ea, in qua major sit illius producendi ratio sufficiens, rejicianturque causæ aliæ, in quibus minor est hujusmodi sufficiens ratio. Juxta hanc regulam frequenter procedere debent MEDICI in investigandis morborum causis. Unde habetur illud: Felix, qui rerum poterit cognoscere causas. Quemadmodum ea, quæ SENSUS recte dispositi, optimeque valentes clare, distincte, & uniformiter nobis exhibent, existere in hoc universo certo affirmare valemus (CCXCVII. 2.) Ita male agunt, qui promiscue omnia rejiciunt, quæ SENSU-

BUS non apparent; nam tanta non est sensuum nostrorum vis & acumen, ut illorum ope omnia comprehendere possimus. Sic male quidam in Physica negant, internas mixti corporis subtiliores particulas continuo motu agitari, easque ex illius poris assiduo erumpere, atque in omnem partem sese diffundere: vel alii subtilem quamdam materiam, omnium corporum poros permeantem e natura tollunt, quia videri, aut tangi nequit, quæ tamen ex naturæ phænomenis vix non evidenter eruitur. Certe cæcus aut surdus male negaret sonum, aut lumen, vel colores, quia ejusmodi ipsi non sentiunt: sic a pari. VI. Si tamen certo constiterit, ea, quæ non sentiuntur, talis esse naturæ, ut nequeant esse vera, NISI SUB SENSUS CADANT; aut si ab aliarum rerum circumstantium, ac vere sensibilibus affectionibus, observationibusque certo erui potest, ea aut omnino in rerum natura dari, vel existere non posse, aut saltem esse SUPERFLUA, merito non acceptantur. Huc pertinent tot, & tam distinctæ inter se subtiles materiæ, pro explicandis rerum phænomenis a nonnullis Philosophis Experimentalibus excogitatæ, nam aliam

v. g. Dicunt esse materiam *luminosam*:
 aliam *gravitantem*, aliam *electricam*,
 aliam *calorificam* &c. Imo vix non pro
 quolibet novo *phenomeno* explicando,
 novam quoque ac distinctam assignant
 materiam, cum tamen earum aliqua
 vel nullo modo admittendae, vel sal-
 tem *superfluae* sint, eoquod una aut
 altera, vario motu aut quiete affecta,
 pro pluribus naturae effectibus atque
 phoenomenis explicandis satisfacere
 queat. Demum servari quoque
 debent dicta (CCXXV.)

CCCIV. Corollarium. Quamvis & Defini-
 notiones, & Judicia per experientiam tiones ab
 formata, sint *singularia* (CCXCIX. 3.) experien-
 notiones tamen *singulares* in *universa*-tiis quo-
 les possunt mutari, atque adeo expe- modo sint
 rientiae ope pervenire valemus ad no- formau-
 tiones *distinctas universales*, sive ad *de*- dae?
 finitiones (CIII.) Ad hoc autem obti-
 nendum BAUMEISTERUS *Elem. Phil. Re-*
cent. §. 166. tradit sequentes regulas.
 I. Tot fiant *judicia INTUITIVA*, quot cir-
 ca rem perceptam fieri possunt. Defini-
 tur autem *Judicium intuitivum* ab eo- *Judicium*
 dem *Philos. definit.* §. 64. esse id, quo *intuiti-*
 enti cuidam tribuimus, quae in ipsius no- *vum.*
 tione comprehensa intuemur. e. g. *Pluvia*
 tri-

Dianoetico,
cum, seu
discursi-
vum.

tribuimus *humiditatem*, quia *idea*, quam de *pluvia* habemus: eam *humidam* nobis repræsentat, hinc *judicium*: *pluvia est humida*, est *intuitivum*, & per hoc distinguitur a *judicio discursivo*, sive *Dianoetico*, quod per *ratiocinium* elicetur. e. g. Si *Cajum* videris *iratum*, tunc ex hoc *judicio intuitivo*: *Cajus est iratus*, & ex alio, quod ope *memoriæ* tibi occurrit: *IRATUS non est mentis compos*, tertium elicis: *Cajus non est mentis compos*, quod est *judicium discursivum*. II. Omitte *predicata*, quæ vocant, *ACCIDENTALIA*, sive quæ rei non *CONSTANTER insunt*, & elige *attributa*, *CONSTANTER inexistencia*, eaque a *PARTICULARIBUS determinationibus*, quibus *forfan involuta sunt*, libera, ac *GENERALI nomine enuntia*. III. Facilius autem succedet *negotium*, si *PLURA EXEMPLA* inter se contuleris, atque accurate perpenderis, in quo *exempla perpetuo CONVENIANT*, & in quo a se *DIFFERANT*. e. g. *Fac te velle scire*, quid notio *GULÆ universalior involvat*? I. Circumspice *casus individuales*, in quibus *gulosum observare licet*, & forma exinde *plura judicia intuitiva*. E. g. *Cajus appetit aves, pullos, carnem vitulinam, cervinam &c. poma, uvas, bellaria &c. vinum Rhenum,*

num, Mosellanicum, Austriacum, Hungaricum, Burgundicum, Hispanicum &c. nullo habito ordine, & ratione temporis, sine modo &c. 2. Similem vides Sempronium, hoc forsan cum discrimine, quod alios cibos, alio tempore &c. appetat. Jam ex his 3. deprehendes, APPETITUM INORDINATUM inesse gulæ constantem, item ESCULENTA, jure tamen determinationibus involuta, APPETI. 4. Igitur hæc particularia enuntia termino generico CIBI, & POTUS, dabiturque gulæ notio universalis, seu definitio a posteriori, sic formata: GULA EST INORDINATUS APPETITUS CIBI ET POTUS.

CCCV. Scholion. Omnibus, qui juventutem ad humanitatem erudiunt, auctor suasorque existit cit. BAUMEISTERUS. Loc. Cit. §. 165. ut eos, quos docent, in ejusmodi definitionibus conficiendis solerter exerceant, ait enim: Dici non potest, quanti intersit ad emendandam acuendamque juvenum intelligendi vim, ut perspicue ipsis tradatur via & ratio, a posteriori, sive per experientiam notiones universales distinctas, sive definitiones efformandi.



SECTIO V.

DE

SENSU INTIMO, AC COMMUNI OMNIUM PER-
SUASIONE.Sensus
intimus.

CCCVI. SENSUS INTIMUS vocatur illa mentis nostræ vis, & facultas, qua mens se ipsam intime cognoscit, ac per hoc suarum operationum, ac mutationum sibi intus conscia est. Alii illam etiam appellant TESTIMONIUM CONSCIENTIÆ, & intimam experientiam earum rerum, quæ intra animam contingunt, affectionum nempe cognitionum, & motuum interiorum, de quibus omnibus per sensum intimum, seu conscientiam METAPHYSICE CERTI reddimur. e. g. Nos existere, vivere, gaudere, tristari &c. Igitur

Est radix
primorum Re-
ligio-
num.

CCCVII. Corollaria. I. Sensus intimus est radix primorum principiorum. e. g. Idem non potest simul esse, & non esse; quippe per sensum intimum anima, si sit debite attenta, percipit idearum suarum identitatem, distinctionem, connexionem &c. Sic e. g. intime sibi conscia

conscia est, ideam *solis*, quam actu in se producit, non esse ideam *cæli*, sed esse *id*, quod est, & non aliud. II. Consequentia ex actuali cognitione tanquam suo principio, vel antecedente clare deducta plane evidens est. e. g. Illud CARTESII: COGITATO: ERGO SUM; cogitare edim. nequeo, nisi existam, & evidenter scio, me existere, si scio, me cogitare, quamquam hoc PRIMUM omnis veritatis principium dici nequeat, ut in ONTOLOGIA docetur. III.

Sensus intimus non parit certitudinem ob-
jectorum, quæ extra animam existunt. Non pa-
rit certi-
Sic e. g. in eo, qui forte somniat, se ex
tudinem
summo ædificii cujusdam fastigio in
ob-
jecto-
terram lapsum crura fregisse, judicat
rum ex-
que, se propterea vehementer dolere, terno-
rum.

circa hoc judicium, quod est de actu
animæ interno (nempe de doloris affe-
ctu) nititur testimonio conscientie suæ,
& non errat; si autem judicet, se re-
vera crura fregisse, hoc judicium est
circa objectum animæ externum, &
falsum est, ut ex somno expergefactus
mox sentiet. IV. Ut sensus intimus

non fallat, conscientia debet esse paca-
ta, & nullis affectibus inordinatis circum-
septa (CCLV.) V. Sensus intimus non
debet extendi ad res fidei, ut quidam
fanatici, spiritu privato delusi fecere

Debet
esse liber
a passioni-
bus,

Nec ad
res fidei
extendi,

somniantes, se *sensum intimum* habere etiam *Mysteriorum Divinorum*, eumque *regulam fidei*, atque *Religionis arbitrum* pessime statuētes; *Spiritus* enim *contradictionis*, quem parit ejusmodi *spiritus privatus*, plane *ex DEO*, qui est *æterna veritas*, procedere nequit; id quod utinam heterodoxi, ab *una, sancta, Catholica, & Apostolica Ecclesia* alieni tandem aliquando intelligerent, atque ad *unitatem fidei*, *extra quam nulla salus est*, *ex corde* redirent!

CCGVIII. *Scholion*. Refutari vix meretur insana IDEALISTARUM (CCXCIII) opinio, nullum aliud *veritatis criterium* admittentium, quam *SENSUM INTIMUM*, ideoque docentium, dubium esse, an existant *extra nos* re ipsa CORPORA, si-
 ve an a corporibus patiamur quas-
 dam impressiones? licet enim (argu-
 unt) nullum re ipsa corpus existe-
 ret, dummodo DEUS mentem no-
 stram afficeret eo modo, quo illa af-
 fici se nunc experitur ab igne v. g. *eadem foret conscientia intima*. Ast no-
 lunt perspicere, ejusmodi Sycophan-
 tæ, quod sic pariter inferri queat, du-
 biam esse *existentiam* proprii ipsorum
corporis, cum soli anime possit DEUS
 im-

Corpo-
 rum exi-
 stentia
 pro re
 certa ha-
 benda est.

impressiones communicare, quales nunc a corpore percipit, & sic incertum plane foret, an ipsimet in hoc mundo existerent? &c.

CCCIX. SENSUS COMMUNIS, seu Sensus COMMUNIS OMNIUM PERSUASIO est *vis* ^{commu-} *nis.* OMNIBUS hominibus, *vel longe* MAJORI PARTI naturaliter insita, qua rationis usum habentes STABILITER inclinari se sentiunt ad COMMUNE & UNIFORME iudicium circa quædam, quæ intimo sensu non percipiuntur. Persuasio hæc naturalis omnium hominum, omnium locorum ac temporum, doctorum æque ac indoctorum certitudinem metaphysicam (CXXXIV.) parit. Sic certus sumus:

Mundum hunc, & corpora in illo existentia, non a se ipsis, sed ab aliqua eum *scia-* ^{mus?} *causa prima* prodiisse, & consequenter

DEUM EXISTERE, 2. hunc DEUM esse remuneratorem bonorum, & vindicem malorum, id enim omnes ubique rationes docuere, quamvis in ratione, determinata præmi, aut pænæ ex particularibus erroribus non convenierint. 3. Inesse hominibus potentiam agendi pro libitu suo citra coactionem vel necessitatem. 4. Animam hominis esse immortalem, ut pleræque scholæ do-

Non fal-
lit.

cent, &c. Vis nempe, & instinctus
ejusmodi UNIVERSALIS falli non potest;
quia ipsi *natura rationali* ab ente su-
premo impressa est, ipso CICERONE
teste, qui *QQ. Tusc. C. 13.* vere in-
quit: *Omni in re omnium gentium consen-*
sio LEX NATURÆ putanda est: alias enim
natura rationalis ad aliquid *rationi re-*
pugnans, scilicet ad *falsum*, tanquam
ad *malum* suum homines omnes ratio-
nales induceret, nec error hic UNI-
VERSALIS deponi posset, aut actu de-
poneretur, nisi a *paucis*, a sana ra-
tione nimium quantum deflecenti-
bus SCEPTICIS, & vitiorum cœno au-
rium tenus immerfis SYBARITIS, quæ
sunt sequelæ primis principiis contra-
riæ, & in DEUM blasphemæ.

Dissert.
a sensu
particu-
lari.

CCCX. Scholia. I. A sensu communi
excludimus illam sive *rudium*, sive
etiam *doctorum* persuasionem, quæ an-
te omnem veritatis inquisitionem non
ex ipso *naturæ instinctu*, sed ex præju-
diciis hauritur, & errori obnoxia est
(CCLXVI. & CCLXVIII.) unde sol-
licite monet S. AUGUSTINUS L. 2. con-
tra Julian. C. 10. *ad aliquid invenie-*
ntendum nihil MULTITUDINEM prodesse
CORCORUM. II. *Sensus communis a sen-*

A sensu
intimo.

su intimo per hoc differt, quod veritates *sensu intimo* cognitæ sint *evidentes*, cum vivacissime mentem nostram perstringant (CXXXIV.) nullamque *obscuritatem* admittant, id quod non contingit circa veritates per *sensum communem* cognitæ, utpote quæ tantum versantur circa objecta nobis *externa*, adeoque non ita *vivide* mentem nostram afficiunt. III. Differt quoque *sensus communis nature* ab *ideis innatis* CARTESII ex duplici capite. 1. Quia Et ab *sensus communis* (*lumen nature* etiam *Ideis in-* vocatur) est tantum *potentia* ac *dispo-* *natis*. *nitio naturalis* ad certas quasdam cognitiones, *idea* vero est *cognitio actualis* (XXIX.) 2. *Idea* est *simplex objecti representatio* (n. c.) illa autem *communis* omnium *persuasio* ad *judicium* Ad Judi- spectat, eo ipso, quod sit *UNIVERSA-* *cium spe-* *LE NATURE JUDICIUM.* *ctat.*



SECTIO VI.

DE

ALIO ADHUC VERITATIS
INQUIRENDÆ ADMINICU-
LO, NEMPE DE HYPO-
THESI.

CCCXI. CUM ob intellectus
nostri *imbecillitatem*
(CCXXXVIII.) improbo etiam labo-
re complurium rerum *scientiam* obti-
nere non possimus, solaque *probabili-
tate* contenti esse debeamus, hinc in
rebus physicis quandoque aliqua Hy-
POTHESIS (CXXXVI. 8.) adhiberi ad
investigandam veritatem solet, ne
cum scientiarum damno cognitio re-
rum plurimarum omnino intermitti
debeat. Et alia quidem Hypothesis
dicitur POSSIBILIS, in qua assumuntur
ea, quæ absque implicantiâ ita se ha-
bere, & existere possunt. alia IM-
POSSIBILIS, quæ assumit *implicantiam*
aut *contradictionem* involventia. Ad
Hypothesin *possibilem* inveniendam
conducunt ouam maxime 1. ampla in-
genii facundi capacitas, 2. maturum
judicium, 3. observationes, & experi-
menta,

Hypothe-
fis possi-
bilis.

menta. 4. *Analogia*, sive *scientia proportionum*, qua ex simili effectu causa similis deducitur, omnibusque, vel saltem potioribus phænomenis adaptatur. Hinc præterea

CCCXII. Ad bonam Hypothesin requiritur, ut non solum ipsa ab omni contradictione sit immunis, neque principio alias noto adversetur, sed etiam effectus, & phænomena (CCXCVIII.) quæ ad propositam quæstionem spectant, per eandem accurate explicari queant, hoc est, faciliter, simpliciter, & uniformiter, prout natura ubique operatur.

Quid ad eam requiratur?

CCCXIII. Corollarium I. Igitur in statuenda Hypothesi non sola sufficit experientia & observatio, sed etiam accedere debet intellectus ratiocinium, sive ratio (CCCII.) eidem enim phænomeno explicando diversa quandoque sufficiunt Hypotheses, uti contingit circa Hypotheses Tychonicam & Copernicanam, teste Cl. P. FORT. ABRIX. *Physic. Partic. P. I. Sect. 5. S. 3448.* & quidem Hypothesis evadet vel magis, vel minus probabilis, prout plura, vel pauciora explicat phænomena,

&, si iis positis, quæ ponit Hypothesis, ponuntur phænomena omnia, & istis sublati ipsa quoque Hypothesis tollitur: eadem Hypothesis nedum *probabilissima*, sed etiam *certa* dici potest: at si vel UNUM, quod observatur, phænomenon ejusmodi Hypothesi CERTO repugnat, *improbabilis*, *falsa*que evadit. Sicut &

Hypothesis falsa
quæ sit?

CCCXIV. *Corollarium II.* Hypothesis spuria aut falsa censenda est. 1. Quæ non habet FACILITATEM phænomena explicandi, sed principia nimis recondita, causasque valde obscuras, & captu difficiles assignat. 2. Quæ caret SIMPLICITATE, hoc est, quæ ad explicationes suas non unam, sed plures adhibet causas, motus, aut materias diversas. 3. Cui deest UNIFORMITAS, sive quæ diversis observationibus plane non satisfacit, nisi NOTABILITER immutata substantia, sicque modum extraordinarium in operando inferens, analogiam cum similibus causis non servat. 4. Denique quæ pro causa, & quidem unica, assignat solam concomitantem, aut conditionem, vel medium &c. (CCXXIII) Particularia de ejusmodi Hypothesibus exempla in *Physica* occurrunt.

currunt, hic sufficiat habere aliquod criterium illas prudenter dijudicandi.

CCCXV. HYPOTHESIS IMPOSSIBILIS (CCCXI.) quandoque in aliis etiam Hypothesi-
scientiis (præterquam Mathematicis) sibilis,
si *iusta* subfit causa, nempe ad veritatem quando
aliquam illustrandam, aut ad falsum de-
tegendum adhibetur, ut v. g. in Theolo-
gia naturali; an admissio etiam processu
in infinitum, existentia DEI contra Atheos
adhuc demonstrari possit? item in
Theologia Dogmatica, contra Græcos, an,
si per impossibile SPIRITUS S. non pro-
cederet a FILIO, adhuc ab eo distin-
gueretur? MATHEMATICI vero hu-
jus generis Hypotheses ad eruendam,
aut clarius exhibendam suarum con-
clusionum veritatem omnium maxime
usurpant, ut est v. g. *quantitas indivi-*
sibilis in GEOMETRIA, & *varii circuli*
solidi in ASTROLOGIA, quos ad *Systema*
universi explicandum adhibent, talis
est quoque REGULA FALSI, ut vocant,
in ARITHMETICA, vel potius REGULA Regula
SUPPOSITIONIS, sic dicta, quia quan-
titas *ficta*, seu *falsa* ponitur, aut quasi
supponitur pro *vera*, ita, ut per eam
non doceatur inquirere *falsum*, sed
ut ex *positione numeri*, qui *putatur*

satisfactorius quæstioni, inveniatur numerus quæstionis *verus*, eoquod posterior eandem rationem habeat ad suum quæstionis terminum, quam prior ad suum. Collocatur nempe in illa regula 1. Numerus suppositivus. 2. Hypothesis, 3. numerus in quæstione notus. Videamus in exemplo, quod ex ARITHMETICA Cl. P. HUBERTI. C. 2. §. 49. IV. huc appono.

E. g. Tres debent 2700 aureos, ita ut secundus debeat duplum primi, & tertius duplum secundi, quantum proinde debent singuli? en PROBLEMA! (CXXXVI. 4.)

SOLUTIO, suppone primum debere unum aureum, debebit secundus duos aureos, tertius quatuor, summa omnium erit = 7. Unde dices (per regulam proportionum, vulgo *detri*) ut se habet summa 7 ad 1, ita summa 2700 ad X, id est $385\frac{1}{2}$ quod est debitum primi. Hoc inventum duplica: nempe $385 \times 2 = 770$, estque debitum secundi, hujus duplum dat debitum tertii, nempe $770 \times 2 = 1540$. Jam $1540 \times 770 \times 385\frac{1}{2} = 2700$. Q. E. F.

SECTIO VII.

DE ARTE HERMENEUTICA, SEU ALIORUM JUDICIA IN- TERPRETANDI.

POSTquam explicavimus hæcenus rationem *verum inveniendi*, & ex 4. fontibus limpidissimam *Sapientie* aquam hauriendi, restat nunc pariter, ut ostendamus, qua *attentione* & *cautela* opus sit in propositionibus & *veritatibus*, quas *alii* invenerunt, *examinandis*, atque *dijudicandis*. Cum vero inventæ ab aliis veritates in *libris* contineantur, tradere oportet Tyronibus *Regulas*, ad quas aliorum *libri*, & *scripta* queant *dijudicari*, quoniam item de *libris* ipsis multiplex, & quandoque vix solvendum oriri solet dubium, an scilicet liber, qui huic vel illi authori adscribitur, sit *genuinus* illius partus, an vero *spurius*, & a malevolis *corruptus*, falsoque illi *suppositus*? ante omnia indicandæ sunt *Regule*, quæ libris *integri* ac *genuini* a *spuriis* dignoscendi sint? Igitur

ARTICULUS. I.

ASSIGNANTUR REGULÆ HER-
MENEUTICÆ, AD LIBROS GE-
NUINOS A SPURIIIS DIGNO-
SCENDOS.

CCCXVI. **D**ici non potest, quod
fraudes ab antiquis cir-
 ca libros vel *depravatos*, vel *muti-*
latos, vel omnino *suppositos* factæ sint.
 Omnium maxime dolendum est, quod
 in primis christianismi sæculis, ut non
 sine gemitu queruntur Ecclesiæ Patres,
 ad authoritatem suis deliriis atque er-
 roribus conciliandam Heterodoxi li-
 bros quondam in vulgus sparserint
 APOCRYPHOS, id est, *fraude* falso au-
 thori *suppositos*, aut alia de causa ab
 Ecclesia *legi prohibitos*, quales GELA-
 SIUS Papa in decreto de libris Apocry-
 phis, itemque Cl. P. JOSEPHUS DE
 TURRE in suis Institutionibus Biblicis
 plurimos enumerant, uti videre est
 in PROLEGOMENIS *Scripturæ sacre, ad*
usum Cleri AUGUSTANI editis.) P. I.
 Q. 8. Sciunt igitur, qui aliorum *autho-*
ritatem sequi amant, rem plenam la-
 boris esse plerumque, *genuina* vete-
 rum scripta a *spuriis* internoscere: sed
 & post-

Quid sint
 libri Apo-
 cryphi?

& postquam ea quis internoscere potuerit, multo adhuc operosius est, ea distinguere, quæ sunt *ab ipso Authore* scripta, ab iis, quæ *aliunde* adfuta, atque infarta fuerint, quæve aut *tempus* deleverit vel addiderit? itaque pro difficultate hac, saltem aliqua ex parte, superanda præter regulas superius traditas de *Libris divinis* (CCLXXX.) à Criticis tradi solent sequentes.

CCCXVII. REGULÆ PRO LIBRIS **Suppositi**
VERIS DIGNOSCENDIS A SUPPOSITITIIS. titii libri
 I. *Suppositi libri indicium est, si in ve-* quomodo
tustis codicibus is alteri adscribatur Au- sint di-
thori, aut si nullus antiquorum mentio- gnoscen-
nem de eo faciat, quam tamen facile di.
potuisset, ac debuisset facere, maxime,
si alia ejusdem Authoris opera soler-
ter ab iis fuere recensita: nulla enim
est ratio, cur illius esse non creda-
tur, cujus nomen in antiquis manu-
scriptis præsefert, vel econtra cur
ejusdem sit, si nullus Coævorum re-
sciverit (CCLXXXIX.) II. *Si stylus*
libri, alicui Authori adscripti, penitus
differat ab eo, quem scriptor ille in aliis
suis operibus certe genuinis adhibuit,
probabile ut plurimum est, opus esse alte-
rius.

rius. Monet hic tamen Cl. MABILLO-
NIUS de stud. Monast. P. 2. C. 13. Cau-
te circa hanc Regulam procedi oport-
tere, nam unus, idemque Auctor in ali-
quo interdum opere quæ elegantior, qua-
ve neglectior apparet, ut in Patrum Ho-
miliis sepe notatur, præterea idem Au-
tor jam ætate confectus videtur sibi ipsi,
cum adhuc junior esset, plerumque dis-
similis, quin imo magna e contrario in
Auctorum stylo uniformitas sepe numero
cernitur, qui sibi Synchroni (Coævi)
existere -- denique Didascalorum styllum
Discipulos ad unguem fuisse aliquando
imitatos minime latet, ut liquet ex NI-
COLAO CLARAVALLENSI, qui illam
DOCTORIS MELLIFLUI plane est affec-
tus. Quæ omnia nemo, nisi maturo fue-
rit ingenio præditus, scripturarumque
peritissimus, facile comperiet. III. Li-
ber supposititiis censeri debet, in quo
sententiæ continentur, iis contrariæ, quas
scriptor, cujus nomen præfert, con-
stanter defendit, maxime in re alicujus
momenti, nequaquam enim verisimile
est, scriptorem prudentem, gravem
& eruditum sibi adeo adversari, quin
saltem aliquo in loco tantæ mutatio-
nis mentionem fecerit. Ad hanc Re-
gulam apud Cl. WADDINGUM non nul-

li examinant *libros Physicorum* DOCTORIS SUBTILIS, eosque ut *supposititios* rejiciunt, quia in multis aperte contradicunt ejusdem *sententiarum* libris. Nihilominus tamen hæc regula non est sine exceptione, nam potuit utique Author *doctior* factus, alia scribere, nec interim priorum recordari, quod iis, qui *plura* scribunt, facile contingere valet, aut potuit esse de sua *sententia dabilis*, adeoque in diversis locis *diversas* tueri *sententias*, ut de CICERONE & PLATONE critici affirmant. IV. Liber, in quo vel *persone* referuntur, *ævo* scriptoris, cui liber ille *vulgo* inscribitur, certo *posteriores*, vel *Vocabula*, quæ *longe* postquam Auctor scripserat, *usitata* fuere, *probabiliter* pro *supposititis* habendus est. Nam impossibile videtur, ut quis *ejusmodi personas & vocabula* commemoraret, quæ certo *posteriores* Authore sunt. Sed & hæc regula *caute* adhibenda est, potuit enim *hujuscemodi vitium ex posterorum* quoque *malitia* in *librum* illum irrepisse, ex *adnotationibus* scilicet ab aliquo alio *posteriore* in *marginem* positis. V. Liber *indoctus*, aut *inscitia refertus*, non potest (saltem *TOTUS*) viro *docto* attribui, nec liber

FABULAS continens viro sano ac prudenti, etsi in vetustis etiam codicibus ipsius nomen inscriptum gerat. Ex hac Regula tum alios libros, tum præsertim sermones ad FF. in eremo. S. AUGUSTINO quidam abjudicant, quia credere non vident, virum doctum, qualis S. AUG. erat, narrare posse, se, cum Episcopus esset Hypponenſis, in Æthiopiam profectum, ibi unoculos, centauros, & alia id genus portentosa oculis suis vidisse. VI. Liber, in quo tractantur controversiæ, longe post tempora illius scriptoris exortæ, probabiliter aut spurius est, aut interpolatus. Ex hoc argumento plerique negant, SYMBOLUM ATHANASIANUM, QUICUNQUE &c. esse a S. ATHANASIO compositum, quia in ipso præter cæteras, Nestoriana, & Eutychiana hæresis, diu post ATHANASIUM ortæ, aperte refutari videntur. VII. Interpolati libri argumentum est, si in VV. Codicibus aliquid desideretur, quod invenitur in novis: mutilati autem libri indicium est, si aliquid sit in novis, quod est expressum in vetustis. Ex hoc Canone rejiciuntur BIBLIA a Martino LUTHERO edita, itemque merito antiqui Codices præponuntur novis, & qui-

quidem ex eadem ratione, qua in *vetustis* Historiis perpendendis *antiqui* Historici & *Coevi*, reique gnari *recentioribus* præferuntur. VIII. *Liber* *genuinus* ille habendus est, qui ex MANUSCRIPTIS fide dignis, ex UNIFORMITATE STYLI atque DOCTRINÆ, ex VETERUM TESTIMONIO, & ex REBUS GESTIS, quæ in eo *narrantur*, AUTHENTICUS esse probatur. Ratio patet a contrario, nempe ex signis, quæ probatum est librum esse *supposititium*.

Liber
genuinus
quis sit
habendus?

CCCXVIII. *Schollon. Errorum*, qui *Causæ* in libros *vetustiores* irrepere, *causæ* errorum assignantur ferme sequentes 1. *VERUSTAS TEMPORIS*, quæ fecit, ut antiquissimæ membranæ & chartæ vel *laccæ* ad posteros pervenerint, vel ita situ affectæ, ut litteræ multæ penitus deletæ oculis non apparent, uti videre est in multis veterum libris v. g. *Ciceronis*, *Curtii*, & aliorum, in quibus plurimæ factæ sunt lacunæ, quæ vel nullo ingenio expleri possunt, aut, si compleantur, desiderium tamen in nobis *verorum* scriptoris *verborum* relinquunt. 2. *LIBRARI*, quorum opera & expensis libri quon-

dam omnes aliorum manu *describi* debebant, eoquod ignota antiquis fuerit *ars typographica*, utpote primum circa decimi quinti sæculi *Æræ Christianæ* medietatem a Germanis aut inventa, aut cognita: quot autem menda inter scribendum irrepere queant, nemo ignorare potest, qui unquam scripsit: *incuriæ scribentium*, eorumque *insitiæ* accedere etiam potuit *imperitia dictantium*, quia vel male *legerunt*, quæ scripta erant manu quandoque non pulchra, nec clare semper *pronunciarunt*, vel in dictando nimium *festinarunt*, vel denique cum viderent *in margine* exemplaris, quo utebantur, quoddam scriptum, leviter suspicati sunt, verba illa ad *contextum* pertinere, quæ tamen forte alius, qui libro usus est, in margine notavit. Adde, quod VV. Codices scripti fuerint antiquis litteris, *difficiliter abbreviatis*, sine punctatione, & intervallis. 3. *CRITICI*, nempe cum inventa esset typographia, viri docti pro illo ævo, qui ex Manuscriptis ejusmodi male descriptis veterum Monumenta emendate primum in lucem edere voluerunt, nimis quandoque ingenio suo indulgere *in emendandis* iis, quæ *vitiosa* pu-

tabant, adeoque hac ipsa de causa nova enata sunt menda, quæ denuo ab aliis viris eruditis, inspectis denuo codicibus *manuscriptis*, tolli potuere: sed & inter hos ipsos reperti sunt non pauci, qui vel ex defectu omnimodæ peritiæ, aut ex nimia *audacia*, qua *conjecturas* suas in veterum contextum intruserunt, eorum scripta rursus corrumpere. Silentio prætermittam ERRORES TYPI, vix evitabiles, IMPOSTORES item & FALSARIOS, qui data opera veterum scripta mutilarunt, iisque vel addiderunt, vel detraxerunt, (CCCXVI.) His præmissis nunc

ARTICULUS II.

STATUUNTUR REGULÆ GENERALES PRO AUTHORIZ LIBRIS INTELLIGENDIS.

CCCXIX.

QUædam dici possunt libro **EXTERNÆ**, ut sunt *Lector*, vel *author* ipse, qui scripsit & ejus scribendi *finis* &c. quædam vero **INTERNÆ**, & est *materia* ejusque *sensus* &c. Pro omnibus hisce sufficiunt sequentes **REGULÆ GENERALES**. I. **LECTOR** ut rite legat, & ex

Libro

quænam
sint ex-
terna?Et inter-
na?Regulæ
pro libris
cum fru-
ctu legen-
dis.

authorum lectione *fructum* hauriat, debet 1. eos legere libros, qui faciem ipsi præferunt, *viamque* ad aliorum intellectionem pandunt, sic v. g. frustra Libros *physicos* modernorum Philosophorum legeret, qui *Arithmetice & Geometrie* Elementa non ante percurrisset, 2. Liber totus *secundum ordinem*, quo scriptus est, legi debet, qui enim *sine ordine* legunt, nec *memoria* tenere queunt, quæ legerunt, nec unum cum altero conferre, deinceps causa est, ut lecta non intelligant. 3. *Tantum* singulis interruptis vicibus ex libro legendum est, *quantum memoria ferre potest*, secus enim obruetur potius, quam perficietur. 4. Omnia ea, quæ *fideli memoria* commissa sunt, de novo *ruminare* decet, tum ut *longius hæreant*, tum etiam ut *materiarum ordo & nexus* facilius observetur. 5. Denique virorum perspicacium *adnotationes, & commentarii* (si qui de illis libris habentur) consulendi, & accurate inspiciendi sunt, inde namque *judicium* Lectoris magis *solidabitur*. Cæterum II. qui librum INTELLIGERE acrite INTERPRETARI cupit, *linguam*, in qua liber ille scriptus est, perfecte quoque *calleat*; etenim raræ dantur *ver-*

versiones, quæ authoris mentem exacte ac plene exhibeant, tum ob proprios cuique linguæ *Idiotismos*, tum etiam, quia plerumque ii, qui libros vertunt, vocabula accipiunt aut ex relatione ad *objecta*, aut ex relatione ad *proprias notiones*, quod utrumque *legibus interpretandi* contrarium est.

Fines diversi Authorum.

III. Ante omnia in authore legendo attendi debet, qui sit *FINIS* ipsius in scribendo? aliud nempe *Philosophus*, aliud *Orator*, *Poëta*, aut *Historicus* scriptione sua intendit. Aliter item primi christianæ Religionis Theologi loquebantur in suis *Epistolis* & *tractatibus* ad viros eruditos Catholicos directis, & aliter in *Homiliis* ad populum, ubi scilicet quædam fidei *Mysteria* aut subdicebant, aut *obscure* explicabant, ne in corruptas & profanas gentilium, concionibus sæpe præsentium, aures abirent, & ne *Margarita Evangelica* projicerentur ante porcos, ut egregie explicat Cl. P. MARTINUS GERBERT in sua *Mantissa de arcanis Ecclesiæ Traditionibus*, annexa *Principiis Theologiæ Exegeticæ*. IV. Attendi debet ad scriptoris *etatem*, *patriam*, *Religionem*, *Professionem*, *mores* &c. ut sic facilius ejus mens in omnibus penetretur; quia vi-

delicet passim scriptores in suis libris se accommodare solent opinionibus *etatis*, *patriæ* aut *Religionis* suæ. V. Propositionum, in libro occurrentium *subiecta* omnia & *predicata* accurate examinentur (CXXXVIII. & seq.) quandoque enim *unum* vocabulum *plures*, eosque sibi *oppositos sensus* habet, sic v. g. vocabulum *Δεός* DEUS, apud Græcos significat 1. DEUM supremum, 2. *Dæmones*, 3. *Heroes* &c. etiam de vocibus *Hebraicis* Latine redditis id sæpius usuvenit, ut indicat LEXICON BIBLICUM Cl. P. WEITENAUER. VI. Denique verba alicujus authoris *in sensu literalī*, seu naturali, quamdiu *ratio gravis* in contrarium non urget, accipienda sunt. (CCLXXXI. 6.) Porro

Regulæ
pro interpretando
libri loco
obscuri.

CCCXX. Quando Liber, aut *libri locus* OBSCURUS esse videtur, isti inserviunt CANONES, I. *Nullus libri locus censendus est obscurus ex eo, quod non primo statim intuitu clare intelligatur*, maxime si Lector rei, quam liber pertractat, non satis antea gnarus sit, (XXXIII. 5.) sed tunc solum, quando viri etiam *doctiores*, & in materia, de qua agitur, *versatiores aperte* id fatentur, aut saltem, *aquivalenter*, id est,

est, quando in loci illius interpretatione in tot fere sententias abeunt, quot sunt capita. Quamquam non raro viri etiam docti difficultates in libris explicandis *faciant* magis, quam *inveniant*. II. Si constet, *revera* adeste *obscuritatem*, tunc omnes *possibiles notiones*, quas habere author potuit, diligenter indagari, & in mente conferri, ac si fieri potest, loci *obscuri* per alios *clariores* explicari debent, ad hoc autem maxime prodest, si *totum* authoris *Systema*; antequam ad ejus interpretationem accedatur, in *tabulas Synopticas* referatur, ac *Lexicon* proprium ejus libri conficiatur, ut sic *facillime sententiae cum sententiis, verba cum verbis* compareantur. Inde III. Ex omnibus *possibilibus* notionibus eligatur illa, quae authoris *fini*, *præcedenti* aut *consequenti doctrine*, & *Oeconomiae Systematis* est magis *conformis*. IV. Si *plures* fieri queant notiones *aeque probabiles*, nihil *certi* definiendum, sed potius *deferendus* est locus, tanquam *minime intelligibilis*. V. Quemadmodum *ceteris paribus* præferenda est interpretatio ejus, cui authoris *lingua* probe cognita fuit, & qui in *materia*, de qua author scripsit, *versatus* est, interpre-

tationi illius, quæ ex *versione* tantum est, aut qui ejus *materiæ ignarus* est, ita pariter interpretatio illius, qui *authoris* fuit aut *discipulus*, aut *amicus*, vel *Coævus*, præferenda est *explicationi* alicujus *recentioris*, de quo *probabilius* est, quod illi *mens authoris* non ita *perspecta* fuerit.

ARTICULUS III.

AFFERUNTUR REGULÆ SPECIALES PRO INTELLIGENDA S. SCRIPTURA.

Causæ
obscuri-
tatis S.
Scriptu-
re.

CCCXXI. Q UOD S. SCRIPTURA non ita *clare* intelligenda sit, ut Protestantes asserunt, vel ipsæ Heterodoxorum diversorum tam antiquæ, quam novæ quotidianæque *altercationes* manifeste demonstrant, *causas* vero ejusmodi obscuritatis Critici recensent sequentes potissimum. I. CAUSA est *lingue*, & *veteris Historie ignorantia*. Nempe quia *lingua Hebraica*, & cum ea tota *vetus Hebræorum Historia*, *mores* & *consuetudines* magna ex parte *interiere*, hinc plurima *defacto obscuritatis* velo tecta sunt, quæ, cum libri illi primo scriberentur, *clara* ve-

velut in meridie patebant, II. CAUSA est negligentia aut inscitia scribarum (CCCXVIII.) per quam non pauca irrepere potuisse menda observant viri docti; quin etiam revera irreplisse putant in numeris annorum, ponderum, mensurarum &c. unde ortum sumpserunt tam multæ quæstiones Chronologica, Geographica, aliæque leges politicas & ceremonias spectantes &c. III. CAUSA quoque obscuritatis sunt Prophetiæ (eo ipso quia res occultas, aut futuras spectant) per se obscuræ, & quidem inter ipsas prophetias una quandoque est altera obscurior. Sic v. g. illa JACOBI Patriarchæ prophetia de MESSIA adventu. Gen. 49. v. 10. *Non auferetur sceptrum de Juda, & dux de femore ejus, donec veniat, qui mittendus est, & ipse erit expectatio gentium*; longe est obscurior, quam illa DANIELIS C. 9. v. 24. *de septuaginta hebdomatibus*, utpote in qua solum tempus obscurum est, quo illæ hebdomadēs incepturæ sint? at in priore latet 1. quid per SCEPTRUM vel DUCEM intelligatur? 2. TEMPUS, ex quo ille dux Judæ regnaturus sit? 3. Quid per JUDAM denotetur, an scilicet tota gens Judaica, an vero sola Tribus Juda? &c. IV. Deni-

Gen. 2.
Gen. 9.
Gen. 10.
Gen. 11.
Gen. 12.

que CAUSA obscuritatis S. Scripturæ omnium præcipua est ipse modus loquendi per plurima *Enigmata*, *Parabolas*, *Catachreses*, & *Allegorias* perpetuas &c. quem scribendi morem omnes quondam *Orientalis* populi servabant; uti testantur veterum *Ægyptiorum Enigmata*, ac *Hieroglyphica*; ad res paulo sublimiores & diviniore explicandas adhibita, ac doctioribus notissima: MOYSES igitur, primorum S. S. Librorum scriptor, qui in *Ægyptiorum* sapientia per 40 annos innutritus est, non raro stylo illi conformiter scribere solitus erat, qui stylus etiam in Prophetis ISAIA, JEREMIA, EZECHIELE &c. & in *Psalterio* DAVIDIS frequentissime occurrit: sed & in Novo Testamento ipsemet SALVATOR non loquebatur turbis, nisi in PARABOLIS. *Matth. 13. v. 34.* quia nempe apprime sciebat, huic stylo Hebræos assuetos esse.

S. Scripturæ
sensus
quadruplex.

CCCXXII. SENSUS de cetero S. SCRIPTURÆ quadruplex statuitur communiter a THEOLOGIS, cum DOCTORE ANGELICO quodlib. 7. Art. 15. ubi sic scribit: Scriptura veritatem DUPLICITER manifestat: per VERBA, & per rerum FIGURAS. Manifestatio autem,
sup 2. 1 1 que

que fit per verba, facit sensum LITERALEM; - - veritas autem: quam scriptura per figuras rerum tradit, ad DUO ordinatur, scilicet ad recte CREDENDUM, & ad recte OPERANDUM. Si ad recte operandum, sic est sensus MORALIS, qui alio nomine TROPOLOGICUS dicitur; si ad recte credendum: oportet distinguere secundum ordinem credibilium, sensus illo modo figurationis, quo vetus testamentum figurat novum, sic est ALLEGORICUS sensus, vel TYPICUS, secundum quem ea, que in V. T. contigerunt, exponuntur de CHRISTO, & ECCLESIA. Illo (autem) modo figurationis, quo novum simul & vetus (testamentum) significat Ecclesiam TRIUMPHANTEM, sic est sensus ANAGOGICUS. Doctor ANGELICO consonat etiam Doctor Seraphicus in suo opusculo de reductione Art. ad Theologiam, ubi ait, dari in sacra Scriptura sensum LITERALEM seu historicum, & triplicem sensum spirituales, ALLEGORICUM scilicet, MORALEM, & ANAGOGICUM: primus (addit ex tribus ultimis) respicit FIDEM, secundus MORES, tertius FINEM UTRIUSQUE. Circa primum insudare debet studium DOCTORUM, circa secundum studium PRÆDicatorum, circa tertium studium CONTEM-

PLATIVORUM. Quadruplex hic sensus vulgo his versibus indicatur :

LITTERA gesta docet, quid credas

ALLEGORIA!

MORALIS quid agas, quid speres

ANAGOGIA,

Auctores vero, qui pro diverso hocce sensu eruendo consulendi sunt,

a SIXTO Senensi C. 13. sua *Bibliotheca sanctæ*, sic metricè denotantur:

HISTORIAM Hebræis, & Græcis fontibus haustam

HIERONYMO discas duce.

ALLEGORIAS, **ANAGOGIASQUE** recludent

ORIGENES, & **AMBROSIUS.**

Exponent sensus formandis **MORIBUS** aptos

CHRYSOSTOMUS, & **GREGORIUS.**

In dubiis, altaque locis caligine mersis

AURELIUS (AUGUSTINUS) lucem feret.

Declaratur in exemplo.

CCCXXIII. Scholion. Hunc quadruplicem sensum in hac sola voce **JERUSALEM** inveniri putat Cassianus *Collat.* 4.

C. 4. Nam **LITTERALITER** significat urbem *Palestine præcipuam*; **ALLEGORICE** *Ecclesiam*; **TROPOLOGICE** *animam justam*;

sti;

fit; ANAGOGICE patriam cœlestem, item vox illa Divina: FIAT LUX! Genes. 1. v. 3. ad litteram significat lucem corporalem, initio mundi a DEO productam; Allegorice designat CHRISTUM, qui est lux illuminans omnem hominem, venientem in hunc mundum, Tropologice vero designat GRATIAM spiritus S. qui est lumen cordium. Anagogice denique significat lumen gloriæ, de quo dicitur: Lux perpetua luceat eis.

CCCXXIV. Regulae generales pro genuino discernendo S. Scripturae sensu a Cl. P. ANNATO in suo apparatu ad positiv. Theolog. L. 2. Art. 8. assignantur istæ. I. Tandiu S. Scripturae verba proprie & in sensu litterali accipienda sunt, quamdiu ex iis ita intellectis nihil FIDEI, aut BONIS MORIBUS contrarium invenitur. (CCLXXXI. 6.) Sic econtra quia fidei veritati repugnat, Christum vere esse leonem, agnum, vitem &c. bene docet S. AUG. Tract. 80. in Joan. id per similitudinem, non per proprietatem dici. Item quando dicitur Math. 18. v. 8. Si manus tua vel pes tuus scandalizat te, abscide eum &c. quia hæc verba litteraliter accepta, morum honestati adversantur (cum nefas sit se ipsum mutilare).

Regulae generales pro interpretanda S. Scriptura.

re) hinc figurate per manum, pedem, oculum intelligendus est amicus, vel quisquis alius homini instar manus vel pedis inservit, ita ut ille ad malum seu peccatum nos aliciens, sit protinus a nostra societate abjiciendus. II. Conferri assiduo debet S. Scriptura cum LOCO, TEMPORE, & SCOPO persone scribentis. (CCCXIX. 3.) Sic v. g. si quis non capiat, cur JEREMIAS prædicens mala e Babylone super omnes habitatores terræ ventura, dicat C. I. v. 14. ea ab Aquilone ventura, cum tamen Babylon respectu Germaniæ nostræ sit potius versus Orientem, nam Propheta respectu Judææ, in qua regione prophetabat, id intellexit. III. In loco S. Scripturæ obscuro COLLATIO facienda est textus cum textu, itemque antecedentium, & consequentium S. Scripturæ locorum; sic enim, quod obscure reperitur in uno, clarius & expressius reperitur in alio, ut v. g. illud, ubi Christus ait: *Thesaurizate vobis thesauros in cælo. Math. 6. v. 12.* quod est simpliciter dictum, magis declaratur *Luc. 12. v. 33.* per hæc verba: *vendite, quæ possidetis, & date eleemosynam, facite vobis sacculos, qui non veterascunt,*
the-

thesaurum non deficientem in cœlis, &c. (CCCXX. 2.) IV. Videndum est, quid unanimes, aut saltem cōunior SS. Patrum opinio ea de re statuat (CCLXXXI. 8.) ad illam enim in suis definitionibus ut plurimum respicere solet S. MATER Ecclesia, ut constat ex illo, in Conciliis toties conclamato: HÆC EST FIDES PATRUM. V. Denique ex CONCILII TRIDENT. decreto Sess. 4. nemini, quiscunque ille sit, licet S. Scripturam interpretari contra eum sensum, quem tenuit, & tenet ipsa S. Mater Ecclesia, cujus est judicare de vero sensu, & interpretatione scripturarum sanctarum, & hæc regula est omnium tutissima, cum infallibilis sit Ecclesia, nec non firmamentum & columna veritatis. VI. In expositione textuum, quorum cognitio non dependet ab uniformi traditione Patrum, aut Ecclesie, nec a lumine fidei, sed tantum ab eruditione; & a combinatione textuum æque valet expositio interpretis recentioris, ac veteris. Hinc nimis scrupulosi, & indiscreti sunt (inquit CL. D. AMORT. in Prolegom. Script. Parte 6. Q. 6.) qui nullam recipiunt expositionem; nisi fundatam in aliquo textu Patrum, pauci enim respective sunt textus, qui

delicet passim scriptores in suis libris se accommodare solent opinionibus *etatis*, *patriæ* aut *Religionis* suæ. V. Propositionum, in libro occurrentium *subiecta* omnia & *predicata* accurate examinentur (CXXXVIII. & seq.) quandoque enim *unum* vocabulum *plures*, eosque sibi *oppositos sensus* habet, sic v. g. vocabulum *Δεός* DEUS, apud Græcos significat 1. DEUM supremum, 2. *Dæmones*, 3. *Heroes* &c. etiam de vocibus *Hebraicis* Latine redditis id sæpius usuvenit, ut indicat LEXICON BIBLICUM Cl. P. WEITENAUER. VI. Denique verba alicujus authoris *in sensu litterali*, seu naturali, quamdiu *ratio gravis* in contrarium non urget, accipienda sunt. (CCLXXXI. 6.) Porro

Regulæ
pro inter
pretando
libri loco
obsuro.

CCCXX. Quando Liber, aut *libri locus* OBSCURUS esse videtur, isti inserviunt CANONES, I. *Nullus libri locus censendus est obscurus ex eo, quod non primo statim intuitu clare intelligatur*, maxime si Lector rei, quam liber pertractat, non satis antea gnarus sit, (XXXIII. 5.) sed tunc solum, quando viri etiam *doctiores*, & in materia, de qua agitur, *versatiores aperte* id fateantur, aut saltem, *aquivalente*, id est,

est, quando in loci illius interpretatione in tot fere sententias abeunt, quot sunt capita. Quamquam non raro viri etiam docti difficultates in libris explicandis *faciant* magis, quam *inveniant*. II. Si constet, *revera* adefse *obscuritatem*, tunc omnes *possibiles* *notiones*, quas habere author potuit, diligenter indagari, & in mente conferri, ac si fieri potest, loci *obscuri* per alios *clariores* explicari debent, ad hoc autem maxime prodest, si *totum* authoris *Systema*; antequam ad ejus interpretationem accedatur, *in tabulas Synopticas* referatur, ac *Lexicon* proprium ejus libri conficiatur, ut sic *facillime* *sententiæ* cum *sententiis*, *verba* cum *verbis* comparentur. Inde III. Ex omnibus *possibilibus* *notionibus* eligatur illa, quæ authoris *fini*, præcedenti aut consequenti *doctrinæ*, & *Oeconomie Systematis* est magis conformis. IV. Si *plures* fieri queant *notiones æque probabiles*, nihil *certi* definiendum, sed potius deferendus est locus, tanquam *minime intelligibilis*. V. Quemadmodum *ceteris paribus* præferenda est interpretatio ejus, cui authoris *lingua* probe cognita fuit, & qui in *materia*, de qua author scripsit, *versatus* est, interpre-

tationi illius, quæ ex *versione* tantum est, aut qui ejus *materiae ignarus* est, ita pariter interpretatio illius, qui *authoris* fuit aut *discipulus*, aut *amicus*, vel *Coævus*, præferenda est *explicationi* alicujus *recentioris*, de quo *probabilius* est, quod illi *mens authoris* non ita *perspecta* fuerit.

ARTICULUS III.

AFFERUNTUR REGULÆ SPECIALES PRO INTELLIGENDA S. SCRIPTURA.

Causæ
obscuri-
tatis S.
Scriptu-
ræ.

CCCXXI. Q UOD S. SCRIPTURA non ita *clare* intelligenda sit, ut *Protestantes* asserunt, vel ipsæ *Heterodoxorum* diversorum tam antiquæ, quam novæ quotidianæque *altercationes* manifeste demonstrant, *causas* vero ejusmodi *obscuritatis* *Critici* recensent sequentes potissimum. I. CAUSA est *lingue*, & *veteris Historie ignorantia*. Nempe quia *lingua Hebraica*, & cum ea tota *vetus Hebræorum Historia*, *mores* & *consuetudines* magna ex parte *interiere*, hinc plurima *defacto obscuritatis* velo tecta sunt, quæ, cum *libri illi* primo *scriberentur*, *clara*

ve-

velut in meridie patebant, II. CAUSA est negligentia aut inscitia scribarum (CCCXVIII.) per quam non pauca irrepere potuisse menda observant viri docti; quin etiam revera irreplisse putant in numeris annorum, ponderum, mensurarum &c. unde ortum sumpsere tam multæ quæstiones Chronologicæ, Geographicæ, aliæque leges politicas & caeremonias spectantes &c. III. CAUSA quoque obscuritatis sunt Prophetiæ (eo ipso quia res occultas, aut futuras spectant) per se obscuræ, & quidem inter ipsas prophetias una quandoque est altera obscurior. Sic v. g. illa JACOBI Patriarchæ prophetia de MESSIÆ adventu. Gen. 49. v. 10. *Non auferetur sceptrum de Juda, & dux de femore ejus, donec veniat, qui mittendus est, & ipse erit expectatio gentium;* longe est obscurior, quam illa DANIELIS C. 9. v. 24. *de septuaginta hebdomatibus,* utpote in qua solum tempus obscurum est, quo illæ hebdomadēs incepturæ sint? at in priore latet 1. quid per SCEPTRUM vel DUCEM intelligatur? 2. TEMPUS, ex quo ille dux Judæ regnaturus sit? 3. Quid per JUDAM denotetur, an scilicet tota gens Judaica, an vero sola Tribus Jude? &c. IV. Deni-

que CAUSA obscuritatis S. Scripturæ omnium præcipua est ipse modus loquendi per plerumq. *Enigmata*, *Parabolas*, *Catachreses*, & *Allegorias* perpetuas &c. quem scribendi morem omnes quondam *Orientalis populi* servabant; uti testantur veterum *Aegyptiorum Enigmata*, ac *Hieroglyphica*; ad res paulo sublimiores & divinioresexplicandas adhibita, ac doctioribus notissima. MOYSES igitur, primorum SS. Librorum scriptor, qui in *Aegyptiorum* sapientia per 40 annos innutritus est, non raro stylo illi conformiter scribere solitus erat, qui stylus etiam in Prophetis ISAIA, JEREMIA, EZECHIELE &c. & in *Psalterio* DAVIDIS frequentissime occurrit: sed & in *Novo Testamento* ipsemet SALVATOR non loquebatur turbis, nisi IN PARABOLIS. *Math. 13. v. 34.* quia nempe apprime sciebat, huic stylo Hebræos assuetos esse.

S. Scripturæ
sensus
quadruplex.

CCCXXII. SENSUS de cetero S. SCRIPTURÆ quadruplex statuitur communiter a THEOLOGIS, cum DOCTORE ANGELICO quodlib. 7. Art. 15. ubi sic scribit: *Scriptura veritatem DUPLICITER manifestat: per VERBA, & per verum FIGURAS.* Manifestatio autem,

omn

7. 1

que

que fit per verba, facit sensum LITERALEM; - - veritas autem: quam scriptura per figuras rerum tradit, ad DUO ordinatur, scilicet ad recte CREDENDUM, & ad recte OPERANDUM. Si ad recte operandum, sic est sensus MORALIS, qui alio nomine TROPOLOGICUS dicitur; si ad recte credendum: oportet distinguere secundum ordinem credibilium, sensus illo modo figurationis, quo vetus testamentum figurat novum, sic est ALLEGORICUS sensus, vel TYPICUS, secundum quem ea, que in V. T. contigerunt, exponuntur de CHRISTO, & ECCLESIA. Illo (autem) modo figurationis, quo novum simul & vetus (testamentum) significat Ecclesiam TRIUMPHANTEM, sic est sensus ANAGOGICUS. Doctori ANGELICO consonat etiam Doctor Seraphicus in suo opusculo de reductione Art. ad Theologiam, ubi ait, dari in sacra Scriptura sensum LITERALEM seu historicum, & triplicem sensum spirituales, ALLEGORICUM scilicet, MORALEM, & ANAGOGICUM: primus (addit ex tribus ultimis) respicit FIDEM, secundus MORES, tertius FINEM UTRIUSQUE. Circa primum insudare debet studium DOCTORUM, circa secundum studium PREDICATORUM, circa tertium studium CONTEM-

PLATIVORUM. Quadruplex hic sensus vulgo his versibus indicatur :

LITTERA gesta docet, quid credas

ALLEGORIA!

MORALIS quid agas, quid speres

ANAGOGIA,

Auctores vero, qui pro diverso hocce sensu eruendo consulendi sunt,

a *SIXTO Senensi C. 13. sua Bibliotheca sanctæ*, sic metricè denotantur:

HISTORIAM Hebræis, & Græcis fontibus haustam

HIERONYMO *disces duce.*

ALLEGORIAS, **ANAGOGIASQUE** recludent

ORIGENES, & **AMBROSIUS.**

Exponent sensus formandis **MORIBUS** aptos

CHRYSOSTOMUS, & **GREGORIUS.**

In dubiis, altaque locis caligine **mersis**

AURELIUS (AUGUSTINUS) lucem feret.

Declaratur in exemplo.

CCCXXIII. Scholion. Hunc quadruplicem sensum in hac sola voce **JERUSALEM** inveniri putat *Cassianus Collat. 4.*

C. 4. Nam **LITTERALITER** significat urbem *Palestine præcipuam*;

ALLEGORICE *Ecclesiam*; **TROPOLOGICE** *animam justam*;

sti;

fit; ANAGOGICE patriam cœlestem, item vox illa Divina: FIAT LUX! Genes. 1. v. 3. ad litteram significat lucem corporalem, initio mundi a DEO productam, Allegorice designat CHRISTUM, qui est lux illuminans omnem hominem, venientem in hunc mundum, Tropologice vero designat GRATIAM spiritus S. qui est lumen cordium: Anagogice denique significat lumen gloria, de quo dicitur: Lux perpetua luceat eis.

CCCXXIV. Regulae generales pro genuino discernendo S. Scripturae sensu a Cl. P. ANNATO in suo apparatu ad positiv. Theolog. L. 2. Art. 8. assignantur istæ. I. Tandiu S. Scripturae verba proprie & in sensu litterali accipienda sunt, quamdiu ex iis ita intellectis nihil FIDEI, aut BONIS MORIBUS contrarium invenitur. (CCLXXXI. 6.) Sic econtra quia fidei veritati repugnat, Christum verè esse leonem, agnum, vitem &c. bene docet S. AUG. Tract. 80. in Joan. id per similitudinem, non per proprietatem dici. Item quando dicitur Math. 18. v. 8. Si manus tua vel pes tuus scandalizat te, abscide eum &c. quia hæc verba litteraliter accepta, morum honestati adversantur (cum nefas sit se ipsum mutilare).

Regulae generales pro interpretanda S. Scriptura.

re) hinc figurate per manum, pedem, oculum intelligendus est amicus, vel quisquis alius homini instar manus vel pedis inservit, ita ut ille ad malum seu peccatum nos aliciens, sit protinus a nostra societate abjiciendus. II. Conferri assiduo debet S. Scriptura cum LOCO, TEMPORE, & SCOPO personæ scribentis. (CCCXIX.3.) Sic v. g. si quis non capiat, cur JEREMIAS prædicens mala e. Babylone super omnes habitantes terræ ventura, dicat C. I. v. 14. ea ab Aquilone ventura, cum tamen Babylon respectu Germaniæ nostræ sit potius versus Orientem, nam Propheta respectu Judææ, in qua regione prophetabat, id intellexit. III. In loco S. Scripturæ obscuro COLLATIO facienda est textus cum textu, itemque antecedentium, & consequentium S. Scripturæ locorum; sic enim, quod obscure reperitur in uno, clarius & expressius reperitur in alio, ut v. g. illud, ubi Christus ait: *Thesaurizate vobis thesauros in cælo. Math. 6. v. 12.* quod est simpliciter dictum, magis declaratur *Luc. 12. v. 33.* per hæc verba: *vendite, quæ possidetis, & date eleemosynam, facite vobis sacculos, qui non veterascunt,*
the-

thesaurum non deficientem in cœlis, &c. (CCCXX. 2.) IV. Videndum est, quid unanimis, aut saltem cōmunior SS. Patrum opinio ea de re statuat (CCLXXXI. 8.) ad illam enim in suis definitionibus ut plurimum respicere solet S. MATER Ecclesia, ut constat ex illo, in Conciliis toties conclamato: HÆC EST FIDES PATRUM. V. Denique ex CONCILII TRIDENT. decreto Sess. 4. nemini, quiscunque ille sit, licet S. Scripturam interpretari contra eum sensum, quem tenuit, & tenet ipsa S. Mater Ecclesia, cujus est judicare de vero sensu, & interpretatione scripturarum sanctarum, & hæc regula est omnium tutissima, cum infallibilis sit Ecclesia, nec non firmamentum & columna veritatis. VI. In expositione textuum, quorum cognitio non dependet ab uniformi traditione Patrum, aut Ecclesie, nec a lumine fidei, sed tantum ab eruditione; & a combinatione textuum æque valet expositio interpretis recentioris, ac veteris. Hinc nimis scrupulosi, & indiscreti sunt (inquit CL. D. AMORT. in Prolegom. Script. Parte 6. Q. 6.) qui nullam recipiunt expositionem; nisi fundatam in aliquo textu Patrum, pauci enim respective sunt textus, qui

tra-

tractantur a Patribus, & rarissimi, qui simul a pluribus attinguntur. Nec obstat TRIDENTINUM præfatum præcipiens, ut Scriptura exponatur *juxta unanimitatem Patrum*; id enim sic intelligendum, ut ita fiat, *ubi habetur unanimis consensus Patrum circa materiam fidei vel morum ex suo genere.* VII. Quoad sensum S. Scripturæ exponendum ad genus orationis scriptorum *exacte attendi debet.* Nempe sicut scriptorum 4. Classes vulgo recenseri solent, ita ut quidam sint *Historici*, alii *Poëtæ*, *Philosophi* vel *Oratores* (CCCXIX. 3.) ita quoque S. HIERONYMUS, aliique MOYSEN & SAMUELEM ad *Historicos*, DAVIDEM & JOBUM ad *Poëtas*, SALOMONEM, & SYRACIDEM ad *Philosophos*, ISAIAM denique, EZECHIELEM aliosque PROPHETAS ad *Oratores* (salva semper *reverentia*, quæ *libris DIVINIS* jure debetur) reducant: cum ergo intra quadruplex istud Scriptorum genus elegantior plerumque, gravior & ornatior sit *Poëtarum oratorumque stylus*, & phrasæ etiam minus usitatas ubique Poëtæ adhibeant, hinc etiam magis *tropologice* interpretandi sunt *Psalmi Davidis*, *Job*, & *Propheta*, minus autem *Moyfis Pentateu-*

S. Scripturæ quadruplex Stylus.

teuchus (seu 5. primi S. Scripturæ libri) libri *Judicum*, & *Ruth* &c. Porro quinam singulos libros Canonicos scripserint ? videre est apud cit. Cl. D. AMORT. in *Proleg. script.* P. I. Q. 17. VIII. *Verba scripturæ ex persona loquentis accipienda sunt.* Nempe in Libris Divinis non semper DEUS ex sua persona loquitur, aut in persona Angeli boni, a se ad loquendum missi, sed etiam quandoque recensentur verba demonum, aut hominum etiam impiorum. Omnia porro, quæ DEUS ex sua persona profert, nedum verum est, ea dicta esse, sed veritatem etiam continent & sanctitatem, quæ vero ex persona istorum proferuntur, verum quidem est, ea dicta fuisse (quia DEUS per scriptorem S. id testatur) at possunt tamen in se esse vera vel falsa, honesta vel turpia. e. g. Dum Pharisei Christo dicebant: in *Beelzebub* - ejicis demonia, revera quidem id dictum est, ast in se summa Blasphemia erat. Item dum S. LUCAS in *Actibus Apostol.* refert orationem a B. STEPHANO ad Judæos habitam, verum pariter est, ita S. STEPHANUM esse locutum, at in ejus sermone Historici & Chronologi teste Cl. MELCHIORE CANO de *Loc. Theol.* L.

Idiotif-
mi, &
Empha-
ses S.
Scriptu-
ræ.

II. C. 18. Errores quosdam, *Historiam* antiquam populi Israelitici tangentes reperiunt. IX. EMPHASES denique ac IDIOTISMI scripturarum frequentius occurrentes probe indagentur. Ejusmodi Idiotismos Hebraicos, sicut & difficiliore phrasæ totius S. Scripturæ per singulos libros accurate recenset mox cit. Cl. D. AMORT in *Proleg. Script.* P. 6. Q. 11. § 12. Omnes vero S. Scripturæ *Emphases* Cl. ANT. GEN. Log. L. 4. C. 5. §. 19. Ad duo genera reducit. 1. Cum verba minus sonant, & plus significant. e. g. dum dicitur: *Hic est filius meus dilectus*, quod idem significat ac: *Filius unigenitus* & *consubstantialis*. 2. Cum verba plus sonant, & minus significant, ut quando res quædam insignes ex DEI nomine appellantur e. g. *Cedrus DEI*, *Mons DEI*, *tempestas DEI*, pro: *altissima cedrus*, *altissimus mons*, aut *horribilis tempestas* &c. Sic etiam dum dicitur; *universa terra*, sola quandoque PALÆSTINA intelligitur.

Alia adhuc requisita ad intelligendam S. Scripturam.

CCCXXV. *Scholion.* Utiles quidem, & eruditorum omnium usu comprobatæ sunt hæ Regulæ, sed eas omnes tyroni inutiles ex mente SS. Patrum cen-

censet Cl. P. ANNATUS *loc. supra cit.*
nisi iis accedant sequentes nedum uti-
lissima sed & *necessariae dispositiones.* 1.
FIDES, quia, *nisi credideritis, non in-*
telligetis, inquit ipsamet de se S. Script.
Jf. C. 7. v. 9. Juxta 76 interpretes.
2. HUMILITAS, nam *DEUS* *superbis*
resistit, humilibus autem dat gratiam. Jac.
C. 4. v. 5. 3. CONSCIENTIÆ PU-
RITAS, *in malevolam enim animam non*
introducitur sapientia. Sap. C. 5. v. 4.
4. ORATIO, exemplo Davidis cla-
mantis. Ps. 118. v. 34. *Da mihi intel-*
lectum, & scrutabor legem tuam. 5.
ASSIDUA denique Scripturæ Divinæ
LECTIO, juxta illud Josue C. 1. v. 8.
Non recedat volumen legis hujus ab ore
tuo, sed meditaberis in eo diebus ac no-
tibus, prout & S. PROSPER in suo
Epigramatum Libro sic metricè scribit:

Quamvis in sacris libris, quos
nosse laboras,

Plurima sint, lector, clausa &
opaca tibi,

Invigilare tamen studio ne desine
sancto;

Exercent animum dona morata
tuum.

Gratior est fructus, quem *spes pro-*
ductior edit;

Ultrò objectorum vilius est pre-
tium.

Oblestant adoperta etiam *Mysteria*
mentem;

Qui dedit ut queras, addet, ut
invenias.

DISSERTATIO III.

DE RECTO USU ARGUMEN- TATIONUM.

SECTIO I.

DE

ARGUMENTATIONE DEMON-
STRATIVA SEU APODI-
CTICA.

ARTICULUS I.

QUID, ET QUOTUPLEX SIT
DEMONSTRATIO?

CCCXXVI. **D**EMONSTRATIO, Græ-
ce ἀπόδειξις, & ab
Aristotele *Syllogismus ANALYTICUS* ap-
pellata, est *Syllogismus perfectissime figu-*

Demon-
stratio.

re, *cujus præmissæ sunt veræ, primæ, & medio carentes, notiores, priores, & causæ conclusionis, vel, ut alii loquuntur, est evidens deductio propositionis ex principiis indubiis, & talis connexio ratiociniorum, in quibus nullæ præmissæ, nisi certæ admittuntur.* Nec isti ad omnem demonstrationem necessarium esse volunt *Syllogismum*, sed præcisè concatenationem plurium judiciorum evidentium, quod etiam per inductionem (CLXVIII. 2.) *Dilemma* (n. c. 3.) vel *Soriten* (n. c. 4.) fieri potest. Cæterum varia dantur demonstrationum genera, nempe 1. demonstratio *a priori*, vel *a posteriori*. 2. *Directa* vel *indirecta*. 3. *Analytica* vel *Synthetica*. 4. Denique *Symbolica*.

CCCXXVII. DEMONSTRATIO *A PRIORI* dicitur ea, quæ desumitur a propriis rei demonstrandæ causis, tanquam prioribus, sive ex rei definitione essentiali, aut alia propositione notiore & jam demonstrata. Sic v. g. *Eclipsis Lune* demonstratur *a priori* per hoc, quia *terra* ipsam inter & solem directe posita, tanquam corpus opacum impedit, ne solis lumen ad Lunam per-

A priori.

tingat. Item quod *ens simplex* careat omni magnitudine sic *a priori* (per definitionem magnitudinis, entisque simplicis) demonstratur; *ENS SIMPLEX* est, quod caret partibus; *MAGNITUDO* vero est multitudo partium; atqui quod caret partibus, etiam caret multitudine partium; ergo *ens simplex* caret magnitudine. Econtra *A POSTERIORI* aliquid demonstrare idem est, ac rem *AB EFFECTIBUS* (per *experientiam* scilicet & *sensus*) demonstrare. Sic *DEUS* demonstratur ex *creaturis* tanquam *effectibus*, & *ignis* latens per *fumum* probatur.

A Posteriori.

CCCXXVIII. DEMONSTRATIO DIRECTA seu **OSTENSIVA** dicitur ille demonstrandi modus, ubi ex *notione subiecti* immediate deducitur *predicatum*, & hoc illi per se convenire declaratur, e. g. Si demonstro *DEUM* esse *eternum* ex eo, quia est *ens* exigens omnem perfectionem (in qua exigentia, quam vocant *INFINITATEM RADICALEM*, plerique Theologi Scotistæ *predicatum DEI* ultimo *distinctivum*, & primo *constitutivum* collocant) inter perfectiones vero est *eternitas* seu *immutabili-*

bilitas: ergo DEUS est eternus. At cum aliquam propositionem per absurdas aut impossibiles sequelas deducimus, indeque probamus, si ea ut vera non admittatur, sequi manifestas inconvenientias; demonstratio INDIRECTA, & APOGOGICA, sive *ex absurdo* seu Apogogica. Indirecta, seu Apogogica. vel *impossibili* vocatur. e. g. In priori exemplo ad demonstrandam DEI eternitatem ita procedi posset: Si DEUS non esset eternus, tunc aliquando non extitisset, si hoc? tunc ens immutabile, omnemque perfectionem exigens fuisset mutatum, quod non solum est imperfectum, sed & ABSURDUM ac IMPOSSIBILE. Pari modo, si quis vellet refutare illam WOLFII sententiam de LUTHERICIS, plurimas absurdas sequelas objicere posset, nempe 1. quod illi in Adam non peccassent, & consequenter nec a CHRISTO DOMINO redempti sint. 2. Quod ad unam CHRISTI Ecclesiam non pertinerent, 3. nec ejusdem fidem haberent &c. quæ omnia primis fidei principiis repugnant. Item si quis cum eodem WOLFIO defendere vellet, omnes hominum animas esse simul ab initio mundi conditas, & in ovario EVÆ inclusas, indeque per successivas generationes aliis etiam for-

minis communicari &c. ille per *demonstrationem Apogoticam* compelli posset ad admittendas has *absurdas sequelas* 1. quod *Polygamia* foret introducenda, 2. & quod *Virginitas* aut *celibatus* esset damnandus &c. quæ omnia aperte **EVANGELIO** adversantur.

Analytica

CCCXXIX. DEMONSTRATIO ANALYTICA tunc exsurgit, si quis a propositione *particulari* demonstranda ordiatur, eamque in sua, ex quibus componitur, principia *universalia* resolvat, unde & *Methodo Resolutoria* procedere dicitur (CCXXXI.) Econtra si quis a *principiis*, fundamenti loco positis progrediatur ad propositionem demonstrandam, ab *universalibus* scilicet ad *particularia* descendendo, ille DEMONSTRATIONE SYNTHETICA utitur. ANALYSIS nempe minuta quæque confectatur, *singularia* examinat, possibiles omnes fingit casus, paulatimque a conferta quasi rerum plurimarum sylva ad rem ipsam, ambagibus omnibus sensim extricatam pervenit: at SYNTHESIS a GENERALIBUS principijs, brevissimo, eoque artificio ordine ad propositionem demonstrandam accedit (CCXXXI. 2.) unde & duas

Synthetica

& duas has demonstrandi vias duobus viæ alicujus viatoribus comparat CL. ANT. GEN. Log. L. 5. C. 5. §. 3. Viator, inquit, recti tramitis inscius ut eo perveniat, quo intendit, per plura alia oppida, montes, planties, fluvios divagatur, eamque ob rem, dum locum unum petit, plurima tentando discit (en demonstrationis Analyticæ Symbolum!) alter autem viatorum redux per eandem, quam jam semel emensus est, viam, neutiquam per ambages, sed viâ RECTA ad metam pergit (en demonstrationis Syntheticæ figuram!) HÆC brevior est, & SIMPLICIOR; ILLA jucundior, forte etiam utilior, res clarior fiet per exempla. En igitur exempla demonstrationis Analyticæ, & Syntheticæ!

CCCXXX. Sit Analytice demonstranda hæc propositio: anima humana est immortalis, 1. a particulari animæ humanæ natura ita ordiri oportet: anime humane proprium est COGITARE; nam potest illa ceteris de rebus omnibus dubitare, attamen DUBITARE nequit, quin ipsa COGITET. 2. Examinari debet, quid sit illud COGITARE, & deprehendetur, cogitationi non competere ideam alicujus substantiæ extensæ, seu CORPO-

REÆ. Nam cogitatio nec est longa, nec lata &c. Nulla item partium varietate constat, nec figurâ, nec ullam denique divisibilitatem recipit. 3. Inde ulterius deducitur, cogitationem substantiæ extensæ, seu corporeæ modum non esse, quia essentialiter modus concipi nequit sine eo, quod substantiæ competit, cujus est modus: cogitatio autem concipi potest sine triplici illa DIMENSIONE, FIGURA, & DIVISIBILITATE, quæ omnia SUBSTANTIÆ CORPOREÆ conveniunt: ergo non est corporis modus, sed ALTERIUS substantiæ: ac proinde SUBSTANTIA COGITANS, & SUBSTANTIA EXTENSA erunt due substantiæ realiter distinctæ. 4. Ulterius progrediendo observatur, si una substantia destruat, aliam propterea non destrui, imò ipsam substantiam extensam PROPRIE non DESTRUI, quia quod in corporibus dicitur DESTRUCTIO, est tantum MUTATIO & DISSOLUTIO PARTIUM materiæ, quæ idcirco in rerum natura non desinunt esse. Sic v. g. bene dicimus, confractis confusisque horologii rotulis nihil substantiæ perire, licet ipsum horologium destruat. 5. Denique ex hac ANALYSI seu resolutione ultimo infertur atque concluditur: ergo anima humana, quia est INDIVISIBILIS, nec ex ullis PARTIBUS

TIBUS composita, perire non potest, ac proinde est IMMORTALIS. En demonstrationem Analyticam! ECONSTRA in DEMONSTRATIONE SYNTHETICA sic circa illam ipsam propositionem procedendum esset, incipiendo a generalibus. 1. Nulla substantia PROPRIE loquendo perit. 2. Per destructionem nil aliud intelligitur, quam PARTIUM dissolutio, 3. ac proinde, quod PARTIBUS caret, destrui non potest, 4. quod destrui non potest, est IMMORTALE, seu mori nequit: 5. Ergo anima humana, quia caret partibus, destrui nequit, & consequenter est immortalis &c.

Aliud Exemplum. Sit demonstranda hæc propositio: Reges & Principes ac Magistratus sunt necessarii gubernando generi humano. SYNTHETICE sic est agendum. 1. Videmus, quod genus humanum conservari nequeat in familiis separatis, nisi vis improborum, magnis sepe malis probos afficientium, ab illis propellatur, arceaturque. 2. Intelligimus, persuasum idcirco esse gentibus omnibus cultis, ad hanc vim propulsandam necessarias esse generi humano amplas, ac munitas CIVITATES ad hostes EXTERNOS excludendas. 3. Videmus

mus pariter, Civitates quoad statum suum INTERNUM sine frequentibus perturbationibus, ac continuo dissolutionis periculo, si cives omnes & singuli SUO relinquantur ARBITRIO, consistere non posse, ob diversam ipsorum indolem, diversa judicia, affectus, inclinationes, mores &c. 4. Denique concluditur: ergo necessarii sunt summi Magistratus, Reges & Principes, qui legibus Civitates, & Provincias concordēs efficiant, & suum cuique tribuant.

ANALYTICE sic est demonstrandum.

1. Summi Magistratus possunt ac solent coercere hostes tam internos, in ipsa scilicet Civitate, quam externos, istos arcendo. 2. Atqui necessarii sunt ejusmodi homines, genus humanum sic defendentes, quia 3. sine istis orirentur in Civitatibus frequentes perturbationes, 4. Et externi hostes in eas frequenter irruerent ad faciendas prædas &c. 5. Ad quod tamen prohibendum Civitates sunt necessarie. 6. Cum sine illis genus humanum per se in familiis privatis non subsisteret &c.

Tertium Exemplum ex Thesibus aliqujus antiqui Peripatetici huc appono,
in

in quibusille *Methodo Mathematica*,
feu *Geometrica* (CCXXXII.) demonstrat,
dari ens rationis chimericum in intellectu,
HIRCO-CERVUM nempe, aut *VULPAN-*
SEREM. Sic autem procedit.

Geome-
trice de-
monstra-
tur, dari
ens ra-
tionis.

Definitio I. *Intelligibile* est, quod po-
test attingi ab intellectu, eidemque
præsentari, sive sit substantia *animata*,
sive *inanimata*. e. g. *Homo*, *DEUS*,
Angelus.

Definitio II. *Termini disparati* sunt,
quorum unus infert negationem alte-
rius. e. g. *Est Leo*: ergo non est *homo*.

Definitio III. *Ens rationis* est, quod
habet esse *objectivum in intellectu tantum*,
nec aliud habere potest. Intellige, quod
habet esse *actuale in intellectu*; si enim
Chimera haberet tantum esse *potentiale*
in intellectu, *ens rationis* non esset.
Alii sic: *ens rationis* est non *ens cognitum*.

Axioma. Contradictoria non pos-
sunt simul esse, vel simul non esse.

Postulatum I. Concedatur gratis,
omne id esse *intelligibile*, quod potest
determinare intellectum objective.

Po-

Postulatum II. Concedatur, intellectum posse *plura* simul cognoscere, a quibus simul determinari potest sive *confuse*, sive *distincte*.

Hypothesis. Qui cognoscit *totum*, cognoscit *etiam partes*, & *vicissim*.

Propositio I. *Ens* est intelligibile. *Demonstratur.* *Ens* determinare potest intellectum *objective*: ergo est intelligibile (per *postulatum I.*) Præterea vel est intelligibile, vel non est intelligibile? (per *Axioma*) *secundum* dici non potest, quia evidenter cognosco, me *existere*: sed quod existit, vel potest *existere*, hoc vocatur *ens*: ergo dici non potest, quod *ens* non sit intelligibile, consequenter *ens* est intelligibile. Q. E. D.

Propositio II. *Non ens* etiam est intelligibile. *Demonstratur.* *Ens* est intelligibile (per *propositionem I.*) Jam sic: sint duo termini *disparati*, quorum quilibet *ens* sit (per *definit. II.*) Hi duo termini concipiantur *simul* (per *postulatum II.*) certe illi simul concepti facient *non ens*. Nam si *ens* facerent, non essent termini *disparati* (per

(per definit. II.) ergo *non ens* etiam est intelligibile. Q. E. D.

Propositio III. Intellectus dum cognoscit *non ens*, facit *ens rationis*.

Demonstratur. Dum cognoscit *non ens*, facit *non ens cognitum*, sed *non ens cognitum* est *ens rationis* (per definit. III.) quippe *non ens cognitum* habet tantum esse *objectivum actu*, hoc est, habet *actum purum objectivum*, nec enim alterius capax est: ergo intellectus dum cognoscit *non ens*, facit *ens rationis*. Q. E. D.

Corollarium. Ex *propositione II.* sequitur, dari prædicatum aliquod commune *enti*, & *non enti*, dum enim appello *chimæram*, nunquid illam concipio? ergo est *intelligibilis*, sed per modum *non:entis*; hoc est, si dico: *chimæra est non ens*, sensum facit: *chimæra nec existit, nec existere potest* (cum *ens* sit, quod *existit*, aut *existere potest*) sic etiam DEUS illam cognoscit, adeoque *non ens* tam est *intelligibile*, quam ipsum *ens*, illud quidem per terminos *disparatos*, hoc vero per terminos minime *disparatos*: ergo *intelligi-*
gi-

gibile est prædicatum commune tam enti, quam non enti.

Nec dicas. Aliquid est tantum intelligibile per id, quod est: sed non ens non est: ergo nihil est, per quod sit intelligibile. R. D. M. Aliquid est tantum intelligibile per id, per quod est *objective*, C. M. per quod est semper *entitative* N. M. & D. m. non ens non est *entitative* C. m. *objective*. N. m. &c.

Demon-
stratio
Symbo-
lica.

CCCXXXI. Si res, seu demonstratio per signa quædam aut litteras sensibus in compendio exhibetur, DEMONSTRATIO SYMBOLICA vocatur, eaque *Mathematicis* usitatissima est, ut obvii eorum libri exhibent, sic v. g. in superiori exemplo secundo, dum quaeritur, an Reges & Principes, summique Magistratus sint necessarii gubernando generi humano? posset illa demonstratio breviter in compendio ita fieri (vocando imperantes A, civitates B, hominum genus C) nempe demonstrando, A necessarium esse ipsi C: nam A necessarium est ipsi B, B vero ipsi C: ergo A ipsi C. Item natura demonstrationis *Analyticae & Syntheticae* Sym-

Symbolice sic exhiberi ac declarari potest, e. g. Quæritur, utrum A proveniat ab X? Jam ANALYSIS proxima scrutatur, possibiles omnes confingit Hypotheses, & causas, colligitque singula, atque ostendit, A provenire a B, B a C, C ab H, H a P, L ab R, R ab X, unde concludit, A esse ab X. Econtra SYNTHESIS longo illo possibiliū omnium examine refecato, demonstrat brevi circulo, A prodire ab X, quia X R, R P, P H, H C, C B, B A producat. Hoc litterarum computo maxime utitur ALGEBRA, indeque veritates stupendas eruit.

ARTICULUS II.

DE EFFECTU, ET LOCIS BONÆ
DEMONSTRATIONIS.

CCCXXXII. **E**ffectus demonstrationis est SCIENTIA, quæ definitur: cognitio certa & evidens rei necessaria, per demonstrationem parta. Dicitur 1. cognitio certa & evidens (CXXXIV.) 2. rei necessaria, id est, quæ se aliter habere non potest. e. g. Si quis cognoscat Eclipsin solis contingere ob interpositionem Lunæ solem

H h

inter

inter & terram, cognoscit id, quod alio modo se habere non potest; non enim fieri potest (saltem *naturaliter*) ut solem inter & terram Luna jacente sol non deficiat, adeoque habetur *necessitas* etiam in *sensibilibus*, saltem *physica* (n. c.) & per hoc distinguitur *scientia* a *prudentiali* & *arte*, quæ circa res plerumque *contingentes* versantur. Dicitur 3. per *demonstrationem* parta, per quod differt ab *INTELLIGENTIA*, quæ est *notitia primorum principiorum* sive *axiomatum*, demonstratione non egentium. e. g. *Idem nequit simul esse, & non esse &c.*

CCCXXXIII. LOCI BONÆ DEMONSTRATIONIS, seu FONTES, ex quibus potest erui aliquod argumentum ad demonstrandum, seu *medius terminus* (CLXXIII.) præcipue sunt sequentes.

Loci bonæ demonstrationis.

I. A DEFINITIONE AD DEFINITUM, nempe 1. de quo affirmatur vel negatur definitio, de eo affirmatur etiam vel negatur definitum. 2. Quod affirmatur vel negatur de definitione, id etiam de definito affirmatur, aut negatur. e. g. Si affirmatur de Petro, quod sit *animal rationale*, etiam de eo affirmatur *homo*,

mo, item si de *animali rationali* affirmantur *sensibilitas* & *risibilitas*, etiam de *homine* illæ ipsæ enunciari valent.

II. A TOTO AD PARTES UNITAS, VEL ECONTRA, e. g. adest totum: ergo etiam partes simul sumptæ. Item si integra & perfecta sit divisio, nullaque ipſus pars alicui rei conveniat: ipsi etiam totum divisum non conveniet. e. g. Ens omne vel spiritus est, vel corpus, sed spatium nec spiritus est, nec corpus: ergo non est ens. Denique: cui convenit divisum, etiam pars aliqua dividens convenire debet. v. g. Omnis substantia vel est spiritus vel corpus: Atqui mens humana est substantia: ergo vel spiritus est, vel corpus, subsumo: sed corpus non est: ergo est spiritus.

III. AB ATTRIBUTIS UNIVERSALIBUS, & quidem hoc modo: 1. Si quid de genere universo affirmatur aut negatur, id etiam de speciebus affirmari aut negari potest. e. g. Quia affirmatur de omni animali, quod sit sensitivum, id recte quoque dicitur de homine & bruto (CLXX. & CXCII.) 2. Sublato genere tollitur species. e. g. Si quid non erit substantia, nec erit corpus, 3. po-

ita specie ponitur genus: e. g. *Angelus est: ergo spiritus est.* 4. Sublatis omnibus speciebus tollitur genus. e. g. *Nec homo, nec brutum est: ergo non est animal.* 5. Quod de omnibus speciebus affirmatur vel negatur, id etiam de genere affirmandum vel negandum. e. g. de *DEO, Angelis, & anima hominis* affirmatur *incompactibilitas: ergo etiam de spiritu.* 6. De quo affirmatur vel negatur *differentia specifica & completa*, de eo *species* affirmari vel negari potest. e. g. *Petrus est rationalis: ergo est homo.* 7. De quo affirmatur vel negatur *proprium* (XLVII.) de eo *essentia* quoque affirmatur aut negatur, v. g. *Bellua non est sermocinationis capax: Ergo non est homo.*

IV. A CAUSA AD EFFECTUM VEL ECONTRA. e. g. *Ad est causa necessario agens: ergo etiam effectus.* Vel: *adest effectus, v. g. creatura: ergo etiam adesse debet causa prima, seu DEUS,* & ita quidem proceditur in rebus *physicis*; secus vero in *moralibus*, ubi non ita ad *causam efficientem* attenditur, sicut ad *finalem*, nam *eadem actio pro diverso fine* potest esse *bona* aut *mala* in genere *moris*, ipsumque *Martyrium*

ex

ex fine bonitatem suam duntaxat desumit, cum Martyrem non faciat pœna, sed causa, ut ait S. AUGUSTINUS. *Epist.* 204. *alias* 7. N. 4.

V. EX NIHILO NIHIL FIT. Sive *nihilum* non potest esse alicujus causa. Item: *nulla est ratio sufficiens*, cur hoc sit: ergo non est. Vel: causa non est in loco tempore, aut circumstantiis debitis posita: Ergo *nullus effectus* erit, neque *hæc causa* erit.

VI. EX MECHANISMO unum vel alterum necessario sequitur. Nempe in orbe purus est *Mechanismus* (LXIX.) excepta anima rationali, libere se determinante, & semper unum in altero habet rationem sui (excepto solo DEO) item genitum oritur ex corrupto, & corruptum ex genito, juxta illud: *Corruptio unius est generatio alterius.*

Ad hunc fontem etiam juxta non nullos pertinet illud Axioma: *nullum corpus*, si prius quiescat, potest se ipsum movere, sive motum sibi imprimere. Quod principium usque adeo ex se evidens esse ait Cl. AUCTOR ARTIS

COGITANDI. *Log. P. 4. C. 7.* ut formarum substantialium, & qualitatum gravitatis & levitatis introducendarum causa fuerit: cum enim Philosophi hinc viderent, impossibile esse, ut corpus immotum se ipsum moveret, illinc autem falso sibi persuaderent, nihil extra lapidem esse, quo deorsum propelleretur, necessario in lapide duo distinguenda duxerunt, materiam scilicet, motum impressum recipientem, & formam substantialem, gravitate adjutam ac motum illum imprimentem. Cum tamen non animadvertent, se neutiquam eo laqueos effugere, quos cupiebant evitare, si hæc forma materialis sit, id est, vere materia; si autem vere materia non sit, omnino necesse est ut sit substantia, a materia realiter distincta: talem autem clare concipi prorsus impossibile est, nisi ad instar mentis concipiatur, id est substantiæ spiritualis, qualis est forma hominis, non item formæ ceterorum corporum. postremo quoque ad fontes demonstrandi quam maxime spectant principia Logica & Metaphysica. (CLXX.) Itemque alia Axiomata civitate donata, de quibus Cl. P. REEB libellum utilem edidit, ex quibus illud:

lud: *Quod est causa cause, est etiam causa causati*, frequentissime recurrit; sic v. g. *Avus est causa Nepotis*, quia *Nepos* est genitus a tali patre, cujus *Avus* est parens. Illud vero Peripateticis usitatum: *propter quod unumquodque est tale, illud magis est tale*, alii omnino negant, alii autem pro illius veritate requirunt 1. ut id, propter quod unumquodque tale, sive illa perfectio, in qua comparantur causa & effectus, capax sit intensiōis & extensiōis. 2. Ut perfectio illa conveniat cause & effectui. 3. Ut per se primo causæ conveniat. 4. Ut unice propter illam causam conveniat effectui, 5. ut non consistat formaliter & immediate in exercitio immediate libero, nam voluntas libere ponit actus suos, eorumque intensiōem, prout vult. Plura in Sect. III.



SECTIO II.

DE

ARGUMENTATIONE PROBABILI.

ARTICULUS I.

QUID, ET QUOTUPLEX SIT
ARGUMENTATIO PROBABILIS?Argumentatio
probabilis.Syllogismus
dialecticus,
seu Topicus.

CCCXXXIV. ARGUMENTATIO PROBABILIS dicitur illa, cujus utraque, vel alterutra præmissarum in Syllogismo est propositio *probabilis* (CXXXIV. 3.) in scholis dicitur vel *Syllogismus DIALECTICUS*, seu *Disputatorius*, quia per eum in utramque partem differere, seu *disputare* licet; vel *TOPICUS*, quia ex *locis Topicis* desumitur, de quibus Aristoteles in *libris Topicorum* agit, & nos in *Artic. seq.* Ab aliis *probabiliter argumentari* dicitur ille, qui a quibusdam ad veritatem requisitis, sive a *nonnullis circumstantiis ad rei existentiam* concludit, egregium hujusce argumentationis specimen nobis supeditat TULLIUS in elegantissima oratione

tionē suā pro Milone, ubi probaturus, quod Clodius Miloni insidias struxerit, & iter ad cēdem faciendam apparaverit, sic arguit. 1. Clodius aperte dixerat, occidendū esse Milonem. 2. Cum iter solemne, legitimū, necessarium Miloni Lanuvium esset suscipiendum, Clodius subito pridie ipse Romā profectus est, & quidem eadem viā, qua profecturum esse Milonem jam ante noverat. 3. Servos suos cum telis ante fundum suum collocaverat. 4. Proficiscebatur Clodius expeditus in equo, nulla rheda, nullis impedimentis, nullis græcis comitibus, ut alias solebat, sine uxore, quod nunquā fere &c. Syllogismus porro probabilis a demonstrativo in materia differt, non in forma; uterque enim iisdem dirigitur regulis, a quibus forma dependet (CLXVII.)

CCCXXXV. Præter probabilitatem HISTORICAM circa auctoritatem (CCLXXXVII. & CCLXXXIX) PHYSICAM circa experimenta (CCXCVI. CCXCIX. CCCII. & CCCIII.) & HERMENEUTICAM circa interpretationem Authorum (CCCVII. CCCXIX &c.) duæ adhuc recensentur, nempe

Probabi-
litas pra-
ctica.

I. PROBABILITAS PRACTICA dicitur, ea, qua ex principiis *physicis* aut *moralibus* futurum aliquem praedicimus eventum. Hac probabilitate imprimis utuntur, qui in aulis Principum rebus civilibus administrandis operam navant; hi enim rerum publicarum conversiones sagacissime prospiciunt, futurasque vel belli vel pacis vicissitudines ex *presentibus* augurantur, & ex similibus *causis* expectant similes eventus.

Probabi-
litas po-
litica.

II. PROBABILITAS POLITICA in eo consistit, cum ex pluribus alicujus personae *notis* & *actionibus* colligimus animi ipsius *indolem*. Sic v. g. Si in Titio notantur *faciei hilaritas*, *jocandi studium*, *inconstantia*, *laborum fuga*, *prodigalitas* &c. tunc ex *his signis* probabiliter colligitur, ipsum esse *sanguinei temperamentis* (CCLIX.) Qui actiones suas juxta illam regulam ordinat: *Quidquid jucundum est, illud mihi bonum est, illudque appeto.* Et sic de aliis quoque *temperamentis* judicari valet, sed ut dixi, *probabiliter tantum*, quia voluntas humana, qualecunque *temperamentum* corpus possideat, ad similes actus

po-

ponendos vel non ponendos, *vi libertatis suæ* prorsus indifferens est.

CCCXXXVI. *Scholion. I.* Ut constet, quanta sit probabilitas, quam habet quælibet propositio, attendi debet, quoties intra certum casuum numerum illud medium, per quod propositio vera esse ostenditur, non fallat; habet enim se probabilitas propositionis ad certitudinem, sicut numerus casuum, in quibus medium non fallit, ad numerum eorundem integrum, e. g. Si autoritas alicujus scriptoris quinquies intra octo casus non fallat, probabilitas, quæ propositioni ob illius scriptoris autoritatem debetur, erit ad certitudinem ut 5. ad 8. Exprimi idcirco solet probabilitas a Mathematicis ope fractionis, cujus denominator sit numerus integer casuum assumptorum; Numerator vero sit numerus casuum, in quibus medium, cui propositio ipsa innititur, non fallit. Sic fractio v. g. $\frac{5}{8}$ probabilitatem illius propositionis bene indicat, cujus medium intra octo casus nonnisi ter fallax ostenditur. Nempe $8 - 5 = 3$. Igitur quo sepius intra certum casuum numerum medium non fallit, sive quo

Probabi-
litatis di-
judican-
dæ ratio
prima.

ma-

magis numerator dimidiam denomina-
toris partem excedit, eo probabilior erit
propositio e. g. $\frac{6}{8}$ aut $\frac{7}{8}$ maiorem ha-
bent probabilitatem, quam $\frac{5}{8}$. Si ve-
ro intra certum casuum numerum to-
ties ex æquo medium fallat, quoties
non fallit, dubia est propositio, &
exprimitur fractione $\frac{4}{8}$. Si denique
medium, cui innititur propositio in-
tra certum casuum numerum sepius
fallat, quam non fallat, tunc evadit
improbabilis e. g. in his fractionibus:
 $\frac{2}{8}$, $\frac{3}{8}$, & quidem eo improbabilior existit,
quo magis fractionis numerator a dimi-
dia denominatoris parte deficit.

2da. CCCXXXVII. Scholion. II. Si autem
fractiones, quibus absoluta duarum
propositionum oppositarum probabi-
litas denotatur, sint dissimiles, ad in-
vicem comparari nequeunt, nisi prius
ad eundem denominatorem reducantur.
e. g. Sit probabilitas absoluta propo-
sitionis A $\frac{6}{7}$, & propositionis B $\frac{4}{7}$,
defectus 3. numeratoris 4 a denomi-
natore 7 addatur numeratori 6, &
fiat 9. pariter defectus 1. Numerato-
ris 6 a suo itidem denominatore 7 ad-
datur numeratori 4, & fiat summa 5.
Denique ex his, & denominatorum

7 & 7 summa = 14 fiant fractiones $\frac{9}{14}$ & $\frac{5}{14}$ sicque altera exprimet probabilitatem, quæ comparatione facta convenit propositioni A, altera vero probabilitatem, quæ propositioni B inde competit. Nam cum momenta intra septem casus in propositione A *semel* fallant, hic casus favebit propositioni B; & *tres casus*, in quibus momenta intra eundem casuum numerum in propositione B fallunt, favebunt propositioni A: hujus igitur probabilitas *absoluta* est ita imminuta a probabilitate propositionis B, ut, quæ prius erat ad certitudinem ut 6 ad 7, facta nunc comparatione sit solum ut 9 ad 14. Quare cum summa ex Numeratoribus 9 & 5, quibus comparativa propositionum A & B probabilitas designatur, adæquet summam denominatorum 14 (quia $9 + 5 = 14$) Duæ propositiones *opposite* absolute probabiles ad se invicem comparari nequeunt, quin altera, quæ est *minus probabilis*, facta comparatione *desinat* esse *probabilis*, nam ut maneat probabilis, debet numerator *dimidiam denominatoris partem* excedere (n. præc.) quod hic plane non amplius contingit, quia,

fi

si summa ex numeratoribus est æqualis summæ ex denominatoribus, nequit unius numerator excedere *dimidiam* denominatoris partem, nisi *alterius* Numerator ab eadem deficiat, ut consideranti patet.

3tia. CCCXXXVIII. *Scholion* III. Cum duæ sibi mutuo adversantes propositiones quoad probabilitatem invicem comparantur, cavendum est, ne *diversi generis* sint momenta, ex quibus absoluta utriusque partis probabilitas derivatur, scilicet ne sint a *ratione*, & *authoritate* simul; nulla enim tunc comparatio est, ut videre licet in hoc exemplo. v. g. Absoluta probabilitas sententiæ A exprimitur fractione $\frac{5}{8}$ & altera sententia B fractione $\frac{8}{15}$ jam facta comparatione, constitutisque ut supra (n. præc.) fractionibus, comparativam probabilitatem exprimentibus erit $\frac{7}{12}$ pro sententia A, & $\frac{9}{18}$ pro sententia B, adeoque sententia A, quæ absolute spectata erat prius *magis probabilis*, quam sententia B, facta nunc comparatione *definit* esse *probabilis*: econtra sententia B, quæ prius erat *minus probabilis*, adhuc manet *probabilis*; cum numerator 7 fractionis $\frac{7}{12}$ non excedat *dimidiam* partem deno-

denominatoris 16; bene vero numerator 9 fractionis $\frac{9}{16}$, quod plane absurdum est. Quid ergo faciendum? nempe hoc est faciendum. Si fractiones, quibus *absoluta probabilitas* exprimitur, *dissimiles* fuerint, antequam inter se comparentur, debent præ omnibus juxta Arithmetices leges ad *equalem denominatorem reduci*, & postea primum procedi juxta (n. præc.) nempe I. per *reductionem*. $\frac{5}{8} \frac{8}{16} = \frac{50}{80} \frac{48}{80}$.

II. Juxta *num. præc.* $\frac{50}{80} \frac{48}{80} = \frac{62}{160} \frac{58}{160}$.

III. Per *contractionem*. $\frac{62}{160} \frac{58}{160} = \frac{31}{80} \frac{29}{80}$.

Ubi penultima fractio, quæ primæ fractioni $\frac{5}{8}$ correspondet, evadit *improbabilis* (n. præc.) ultima vero, quæ secundæ $\frac{8}{16}$ respondet, adhuc quidem manet *probabilis*, attamen uno probabilitatis gradu privatur, nam in fractione $\frac{31}{80}$ numerator dimidiam denominatoris partem unitate excedit, in fractione autem $\frac{29}{80}$ unitate ab eadem dimidia parte deficit. Cæterum Methodum hanc Mathematicam, ope fractionum vulgarium probabilitatis gradum æstimandi ingeniosam quidem: at in praxi minus utilem minusque expeditam æstimant plerique; quis enim casus omnes possibiles numerare valeat;

aut

aut cuinam tempus suppetit, ut ad abacum sedens subtilē ejusmodi probabilitatum calculum ineat? maxime, cum eventus contingentes fere nunquam uniformiter eveniant.

ARTICULUS II.

DE EFFECTU PROBABILITY- TATIS, ET LOCIS TOPICIS.

Opinio,

CCCXXXIX. **P**ROBABILITYTATIS EFFECTUS est OPINIO, quæ dicitur *Judicium determinatum ad unam contradictionis partem, cum formidine de opposito, nitens motivo fallibili, & inevidenti*, ita nempe, ut actualis quidem formido ab opinione possit abesse, semper tamen adsit formido radicalis, sive ipsa materialis fallibilitas motivi, ad quam si intellectus attenderet, posset etiam determinari ad formidinem actualem, eaque abstraheri a judicanda firmiter conclusione. Atque ad hanc opinionum, seu probabilitatum classem plurima sane hominum judicia referenda sunt, unde habetur illud: *Mundus opinionibus regitur.*

CCCXL.

CCCXL. Ad opinionem probabilem Ad Opin-
 procreandam non sufficere probabili- nionem
 tatem extrinsecam (ab auctoritate) non suffi-
 sed requiri vel maxime intrinsecam cit proba-
 (a ratione) ex supra dictis abunde li- bilitas
 quet (CCLXVII.) sic v. g. etiamsi tantum
 centum LUTHERI clament, PAPATUI extrin-
 brevi finem impositum iri, aut si cen- seca,
 tum CALVINI blasphemant, Christum
 in cruce desperasse, nulli sane rationis
 fidem unquam facient; quanquam ru-
 diiores sæpe decepti, occasionem exin-
 de sumere queant, ejusmodi assertio-
 ni assensum vere probabilem (scilicet
 probabilitate adhesionis) præstandi,
 eoquod credant, viros hos a se æsti-
 matos non ita facile falli posse, aut
 fallere velle, prout hodieum contin-
 git iste error in plebeis, qui sunt extra
 veram CHRISTI Ecclesiam: sunt igitur
 circa opinionum probabilitatem
 prædite observandæ sequentes

CCCXLI. REGULÆ. I. Illa opinio Regula
 est alterâ probabilior, quæ pluribus & pro opi-
 gravioribus nititur argumentis. II. Si nione
 vero argumenta ex utraque parte sint proba-
 æque gravia, item si nullum ex utraque bili.
 parte sit absolute grave, tunc opinio
 existit dubia, adeoque suspendendum

est omne iudicium. III. Si opinio *nullo* vel *levi* nititur argumento, oppositum vero *gravi*, vel *pluribus* rationibus fundatur, tunc opinio censenda est *improbabilis*. IV. Denique si pro *una* parte *nnum* stet argumentum *grave*, pro *opposita* autem quatuor, vel *plura* *levioris* momenti, tunc illud *unicum* motivum grave propter *clarity* *tatem*, quam affert, plus valet ad extorquendum intellectus assensum, quam *tota collectio* plurium *leviorum* motivorum; alias enim ex pluribus conge-
stis *suspicionibus* *certitudo* nasci posset, quod falsum est. Porro hæ regulæ ex dictis (CCCXXXVI. CCCXXXVII. & CCCXXXVIII.) satis demonstratæ sunt, & ex his etiam ad *futuritionem* *contingentium* æstimandam procedi potest, de qua plura *curiosa* qui scire cupit, legat *Artem conjectandi* Cl. BERNOULLII. Nobis sufficiant sequentes denique

Regulæ
judican-
di de fu-
turis con-
tingen-
tibus.

CCCXLII. REGULÆ PRO FUTURITIONE CONTINGENTIUM æstimanda. I. *Probabiliter* quidpiam eventurum iudicari prudenter valet, si tales *revera* *adjint* *circumstantiæ*, ex quibus alias plerumque rem *evenisse* scimus. Sic v. g. *fausta* vel

vel infausta de statu aegroti ominantur Medici, & de futura belli alea Imperatores pronuntiant. II. E contra quod in certis circumstantiis nunquam accidit, censendum in illis est moraliter impossibile. III. Futuritus eventus contingentis, quibusdam positis circumstantiis, ex eo non desinit esse probabilis, eo quod illius contrarium iisdem positis quandoque contingat. Nam si res semper ex voto succederet, jam non probabiliter, sed certo esset futura. IV. Eo probabilior, certis positis circumstantiis, eventus contingentis futuritus est, quo magis causa in effectum ipsum ex se est prona. Sic v. g. Pronus ad gulam valde probabiliter toties delinquet, quoties ei magna ciborum potusque copia praesto erit. Sic pariter de pronis ad iram, invidiam, aliaque scelera pronuntiari valet, secundum naturam judicando, non secundum gratiam, qua vel ipsam naturam domare ejusmodi homines queunt. V. Quando causa est aequae ex se disposita ad plures effectus, praesumptio pro illorum uno certo, ac determinato, se habet ad veritatem, ut unitas ad numerum omnium effectuum possibilium, adeoque levis est unius ejusmodi effectus probabilitas, ut mera potius possibilitas illa dicenda sit, contra-

rius vero eventus est adeo probabilis, ut *moralem* etiam *certitudinem* attingat. E. g. In ludo *decem* viri *denos* deponunt florenos, singuli singulos, quos *omnes unus* postea lucrari valet, cæteris spe frustratis; hic, uti videtur, quilibet *unius* floreni periculo ludit, cum possit *decem* acquirere. Si lucrum & jacturam *in se* solum consideremus, videri possunt *omnes* non sine spe *lucri* ludere: at, quemadmodum unusquisque *novem* florenos lucrari potest, & nonnisi *unicum* perdere, ita *novies probabilius* est, unumquemque sui floreni jacturam facturum, quam novem alios lucraturum esse, & consequenter *probabilitas perdendi* DECEM GRADUS habet, *probabilitas vero acquirendi* tantum UNICUM, siue præsumptio pro lucrandis novem erit ad probabilitatem perdendi ut 1. ad 10. hoc est $\frac{1}{10}$. Ex hac Regula probat Cl. AUCTOR ARTIS COGITANDI, *Log. P. 4. C. 16.* Illa ludorum genera, quæ *Lotteries* a Gallis dicuntur, omnino illicita esse. VI. IMPROBABILIS censenda est futuritio eventus contingentis in iis circumstantiis, quibus positus eventus ipse nonnisi RARISSIME contingit. Hæc regula est maximi momenti.

menti præcipue ad *spes*, *metusque* nostros intra rectæ *rationis* limites coer-cendos atque moderandos. Sic teste eodem cit. CL. AUCTORE, absurda sane *rationatione* usa est illa *fæmina* Princeps, quæ cum audivisset, *quosdam* laquearis casu obrutos, misere interiisse, *nullas* imposterum *ædes* ingredi voluit, nisi prius per famulos exploratas, quinimo ita sibi persuaserat, se hac in parte *ex rationis præscripto* agere, ut cæteros omnes, qui aliter agerent, *imprudenter* agere existimaret: alii eandem ob *rationem* evadunt mire *suspiciosi*, cum enim *aliquando* delusi fuerint, aliis in rebus *omnibus* se perinde delusum iri putant. Denique sunt plurimi, (inquit cit. Auctor loc. cit) qui audito tonitru misere pallent, trepidantque. Quodsi hic Celi fragor DEI mortisque meditationem inducit, bene est, neque sane in his meditando nimii esse possunt: si vero solius mortis a fulmine periculum illud sit, quod eos tanta formidine exanimat, difficile non erit ostendere, quantum illi desipiant; nam e vigesies centenis hominum millibus insolens est, ut vel unus de Cælo tactus intereat; imo affirmare possumus, inter neces violentas vix ullam fulminatione,

infrequentiore, ita ex omnibus quam minime timendam; cum insuper ille timor nihil conferat ad vitam in illo articulo sospitandam.

Loci Topici.

CCCXLIII. Loci TOPICI vocantur illi fontes, ex quibus argumenta *probabilia* desumuntur, suntque sequentes.

I. AB ETYMOLOGIA, sive a *nominis & appellationis ratione* (CVII.) Regulae hae sunt 1. *De quo affirmatur Etymologia nominis, de eo etiam affirmatur nomen, & vicissim.* e. g. *Consul est: ergo consulere debet Reipublicae. Vir est: ergo vim, seu vires impendere debet ad fortiter agendum.* 2. *De quo negatur Etymologia nominis, de eo etiam nomen negatur.* e. g. *Non consulit Reipublicae: ergo non est Consul. Vel: vim non adhibet ad fortiter agendum: ergo non est vir &c.*

II. A CONJUGATIS, id est a *vocibus, significatione & litteris convenientibus, terminatione autem discrepantibus.* e. g. *Iustus est: ergo justitiam colit, vel: non studet: ergo non est studio-*

diſus &c. Inde ab *Etymologia* vix differt.

III. A CAUSA : e. g. 1. Quo *proximior* est *causa efficiens* : eo major est *effectus* : sic *lux*, quo *vicinior*, eo *ardentior* est. 2. Cujus *causa efficiens* est *bona*, etiam *effectus* est *bonus*. 3. *Effectus* assimilatur *causæ*, etiam in *accidentalibus*. 4. *Finis* quandoque est *nobilior* quam *causa agens*, sic *sanitas* est *melior* quam *medicina*. 5. *Obtento fine* cessant *media*, ut *sanitas* est restituta : ergo non amplius sumenda est *medicina*. 6. Qui vult *finem*, etiam debet velle *media*. e. g. Si vis esse *doctus*, *studendum* est. 7. Si *finis* sit *possibilis*, etiam *media* sunt *possibilia*. e. g. *Cælum* possumus *acquirere* : ergo etiam *Dei præcepta*, quæ illuc ducunt, *servare possumus*.

IV. AB ANTECEDENTE CONTINGENTE : e. g. *Vespere rubet Cælum* : ergo de mane erit *serena tempestas*. Sic etiam CHRISTUS *Matth. 16. v. 2.* *Pharisæos* objurgat, quia nolebant suæ missionis tempus ex iis, quæ patrauerat, signis & prodigiis, velut ex CONSEQUENTIUS agnoscere, cum tamen ex *Cœli*
 li 4 facie,

facie, tanquam ex aliquo *antecedente* futuram *tempestatem* pronuntiarent.

V. A MAJORI AD MINUS, VEL ECONTRA. e. g. *Major hoc præstare non valet, ergo nec minor, adeoque valet in negativis.* Vel: *anima humana est libera: ergo multo magis DEUS, valetque etiam in affirmativis.*

VI. A SIMILI. e. g. *Potuerant isti & isti homines: ergo & tu, item A PROPORTIONE, si unum ad aliud similitudinem habet: e. g. Puer potest decem pondo portare, Ergo vir plura &c.*

VII. A REPUGNANTIBUS, OPPOSITIS &c. e. g. *Omnis virtus facit hominem beatum: ergo omne vitium infelicem, sive: contrariorum contrarie sunt cause, vel: contrariorum eadem est ratio seu causa, id est, qua cognitione aut definitione rem aliquam cognosco, per eandem etiam cognosco, & definitio (suo modo) ejus contrarium.*

VIII. AB AUTHORITY, & EXPERIENTIA, de quibus supra (CCLXXXIV.) CCXCVIII. &c.)

CCCXLIV. *Scholion.* Regulariter pars *negans* problematis probari non debet, sed pars *affirmans*, nam *L. 22. ff. tit. 3. leg. 2.* *Et incumbit probatio, qui dicit, non qui negat.* Ad si propositio quædam, quæ rei *ius vel factum* contineat, idoneis argumentis ab aliquo probetur, & ab alio negetur, *negantis* erit argumenta probantis refellere, & negationis, si quam habet, rationem reddere, *secus unus . . . plus negaret, quam centum Philosophi probarent.*

SECTIO III.

DE

MEDIO ARGUMENTATIONIS INVENIENDO.

CCCXLV. **M**EDIUM ARGUMENTATIONIS vocari solet *Medium argumentationis.* illa ratio, seu *motivum*, quo propositio, seu *thesis* quæcunque probatur, dicebaturque olim hæc *ars inveniendi medium* PONS ASINORUM, tum quia per Pons asinorum, eam ambo propositionis extrema (sub-*norum.* iectum nempe & prædicatum) inter se, quemadmodum duæ cujusdam
lis flumi-

fluminis ripæ per pontem, conjunguntur, tum etiam quia homines sub crasso aere, & invita Minerva progeniti pontem illum ægre superant, sed potius ingeniorum suorum vertigine acti passim ex illo decidere, & ignorantiae fluctibus abripi solent, nescientes scilicet vel suam sententiam alios *edocere*, vel alienam solide *impugnare*.

Ars universalis pro Medio inveniend.

CCCXLVI. ARS igitur GENERALIS INVENIENDI MEDIUM argumentationis teste experientia, quæ est optima rerum Magistra, consistit in felici promptoque *ingenio*, *studio continuo*, frequenti *usu defendendi ac respondendi*, atque in bona denique *memoria*, fideliter reddente, quæ in simili occasione ex auditis, lectis & inventis ibi sunt ordinate deposita, ut loquitur Cl. P. ARRIAGA in *præfat. ad Summulas*. Cæterum præter *Locos Analyticos* pro *demonstratione* (CCCXXXIII.) & *Topicos* pro *probabilitate* eruenda (CCCXLIII.) variæ a diversis auctoribus præscribuntur Regulæ & praxes, e quibus sequentes mihi utilissimæ videntur.

Praxes particulares.

CCCXLVII. PRAXIS I. Inveniendi medium hæc est. si Thesis aliqua *defen-*

fenditur aut oppugnatur, inquiri præ-
 primis debet CAUSA aliqua, & quidem
fundamentalis, ob quam prædicatum
 subjecto conveniat. e. g. *Sola Ecclesia*
Romano-Catholica est vera Christi Eccle-
sia. Id probabis per causam, quia il-
 li soli conveniunt *notæ & signa veræ Chri-*
sti Ecclesie. Unde sic argumentari in-
 cipies: *Sola illa est vera Christi Ecclesia,*
cui notæ & signa veræ Christi Ecclesie
competunt: atqui soli Ecclesie Romano-
Catholicæ hæc signa conveniunt: ergo ea
sola est vera Christi Ecclesia. m. iterum
 probare vales a causa. NB. Prius ta-
 men per divisionem adæquatam (CXIV.)
 notas illas enumerabis, quæ *diviso*
 magnam tibi argumentandi copiam
 suppeditabit, dicendo. v. g. sicque
 in argumentatione pergendo: *Notæ &*
signa veræ Christi Ecclesie ex Symbolo
Apostolorum & Nicæno sunt 1. *ut sit UNA.*
 2. *ut sit SANCTA.* 3. *CATHOLICA,* & 4.
APOSTOLICA Ecclesia: atqui sola Roma-
no-Catholica Ecclesia est UNA, SANCTA,
CATHOLICA, & APOSTOLICA: ergo il-
li soli signa veræ CHRISTI Ecclesie conve-
niunt. Majorem heterodoxi negare
 non solent, eo quod & ipsi illa duo
 SYMBOLA cum Catholicis recipiant:
 igitur denuo probanda erit m. quam
 per

per singulas partes probaturus ita perges: inprimis sola Romano - Catholica Ecclesia est UNA. Ergo haec pars subsistit. Antecedens negatum sic denuo proba a definitione UNITATIS: Unitas fidei (ex Analogia cum unitate entis) sive UNUM IN FIDE est illud, quod est indivisum in se, seu indivisum in dogmatibus, & divisum a quolibet alio, sive divisum ab aliis quibuscunque sectis ad Ecclesiam Christi non pertinentibus, atque sola Ecclesia Romano-Catholica est sic indivisa in se, seu in dogmatibus suis (ut nempe, quod in una orbis parte docetur & creditur, id pariter in altera tradatur, & credatur) itemque est divisa a qualibet alia secta (ita, ut ostendi nequeat, ullum omnino errorem, a primitiva Ecclesia in antiquis hæreticis improbatum, defacto ab ea doceri & credi, nec etiam cum modernis sectariis, in plurimis fidei doctrinis inter se assiduo digladiantibus aliquid erroneum ab illa admittit) ergo sola Ecclesia Romano - Catholica est UNA. m. si Theologus es, & in Historia Ecclesiastica non omnino hospes, facile denuo probabis, sicut & ab alia adhuc, & sequenti causa, quia scilicet sola Ecclesia Romano - Catholica admittit *judicem*
con-

controversiarum, videlicet eum ipsum, quem ex S. Evangelio probant Doctores Polemici esse *summum* CHRISTI in terris VICARIUM & D. PETRI SUCCESSOREM, dum econtra Acatholici ad suum *spiritum privatum*, qui facit, ut tot existant *sententie*, quot *capita*, confugiant, sicque *unitatem* inter se scindunt &c. Jam si similiter ad alia divisionis tuæ membra probanda accedas, & contra Heterodoxorum sectas a contrario (probando scilicet, quod *nullum* ex signis veræ Christi Ecclesiæ iisdem competat) insurgas, quin & divisiones factas rursus divides (faciendo subdivisiones) e. g. quod sola Romano-Catholica Ecclesia sit *sancta* 1. in doctrina sua ad omnem morum honestatem, & præceptorum Divinorum fidelem observationem inducente, 2. in membris suis, seu fidelibus; cum non alii, nisi Romano-Catholici ostendi queant, qui *vite sanctitate* & *miraculis* illustres unquam fuerint: atque etiamnum sint, quorum omnium nihil, imo potius contrarium in aliis Sectariorum cætibus reperire est &c. Mendax sim, nisi dies te citius, quam argumentandi media deficient!

A de-
finitione.

CCCLXVIII. PRAXIS II. Desumi-
tur a DEFINITIONE, quæ si non sem-
per per verum *genus & differentiam* for-
mari potest, in *praxi* facillime fit per
4 *causarum genera*, per quæ proposi-
ta thesis definiri potest. Sic e. g. in
rigore & secundum suam *essentiam me-
taphysicam* (quam *genus & differentia* con-
stituunt) *homo* dicitur *animal rationale*:
at secundum *essentiam physicam* per *cau-
sas intrinsecas* (quæ sunt *causa materialis*
& *formalis*) definitur, quod sit *aliquod*
compositum ex corpore (tanquam *materia*)
& *anima* (tanquam *forma*) vel etiam per
causas extrinsecas (quæ sunt *causa ef-
ficiens & finalis*) dici potest, quod sit
ens a DEO creatum ad hoc, ut ei *ser-
viat*, sicque *serviendo salvus fiat*. Sic
pariter per omnia hæc *causarum ge-
nera* *domus* definitur, quod sit *operi-
mentum ex lapidibus*, & *cementis ordi-
natum ab architecto ad arcendas pluvias*,
aliasque aëris intemperies &c. item *Ju-
stitia* dici potest *voluntas principis*, in-
*fluens effective in executionem vindictæ re-
probtorum*, & *præmii respectu innocuorum*,
(en *causa efficiens & materialis*!) *ad hoc*,
ut mundus politicus in esse suo conservetur
(en *causa finalis*!) & *unicuique*, quod
suum est, reddatur (en *causa formalis*!)
hic.

hicque argumentandi modus est omnium frequentissimus, atque ad probandum *utilissimus* (CVII.)

CCCXLIX. PRAXIS III. Est illa, A decem quam suppeditant 10. PRÆDICAMENTA Prædicamentis ARISTOTELIS (LIII.) itemque ARBOR mentis. PORPHYRIANA (LI.) attendendo nempe respectu PRÆDICAMENTORUM, 1. quid res ad probandum proposita sit quoad suam *substantiam* 2. quam habeat *quantitatem* (LVI.) 3. *qualitatem* (LVII.) 4. *relationem* 5. *actionem*. 6. *passionem* (LX.) 7. *ubi*, seu locum (LXII.) 8. *quando* seu tempus? 9. *Situm*, 10. *habitu* (n. cit.) respectu vero arboris Porphyrianae attendendum est ad tres terminos, 1. *antecedentem*, qui prior est, & a quo alter exoritur: e. g. *rationalis* respectu *risibilis*. 2. *Consequentem*, qui ex altero oritur, ut *risibile* respectu *rationalis*. 3. *Repugnantem*, ut *irrationale* respectu *hominis*. e. g. Ad probandum, quod *anima rationalis* sit *incorruptibilis*, ab *antecedente* sic argui debet: *anima hominis est SPIRITUS: atqui omnis spiritus est incorruptibilis, ergo* &c. minor denuo ab *antecedente* stabiliri potest hoc modo: *omnis substantia SIMPLEX est incorruptibilis: atqui anima*

est substantia simplex: ergo &c. M. a definitione sic roboratur: substantia simplex est ea, quæ caret partibus: atqui quod caret partibus, est incorruptibile: ergo omnis substantia simplex est incorruptibilis &c. ultimate autem in illud axioma resolvitur: NEMO DAT, QUOD NON HABET: atqui nec substantia simplex, nec anima HABENT partes: ergo nec eas possunt DARE (scilicet per sui resolutionem in partes.) Præter adhuc alias expedite argumentandi aut differendi etiam longissimo tempore de una re, tradit Clariss. P. KNITTEL in suo perquam ingenioso libello, iterato typis impresso, sub titulo: *Via regia ad omnes scientias & artes*, præsertim Parte 8. 9. & 10. Tyroni etiam mediocris ingenii, si EXERCITATIO sedula accesserit, hætenus dicta sufficient.

Ubi medium fit ponendum in propositione affirmativa.

CCCL. Scholia. I. In affirmativa propositione pro medio probationis assumi debet id, quod utrique extremo, id est, tam subiecto quam prædicato est commune, e. g. probaturus, *jejunium esse salubre*, considera res varias, de quibus affirmatur hoc prædicatum salubre, & quæ omnia pariter conveniunt jejunio, nempe 1. salubre est, quod sanitatem procurat, & vite terminos auget

get &c. Hinc dices : quod sanitatem procurat &c. salubre est : atqui jejunium sanitatem procurat : ergo salubre est. II. In In negativa illud pro Medio poni debet, tiva pro quod uni extremo convenit, & alte- positione. ri repugnat. e. g. Quia brutum est irrationale, non vero homo, sic argui debet : nullus homo est irrationalis. Atqui brutum est irrationale : ergo brutum non est homo, III. Quando instituitur demonstratio a priori (CCCXXVII) In demonstratione a priori. non nisi veræ Cause subjecti aut prædicati afferendæ sunt : (n. c.) at si fiat a posteriori, initio ponendæ sunt de A posteriori. finitiones, saltem nominales. (CVI.) experientie (CCXCVIII.) Axiomata (CXXXVI.) & tunc primum ad rationes fieri debet progressus, in quibus ex effectibus arguitur causa, & ex partibus totum infertur (CCCXXVII.)



SECTIO IV.

RECENSENTUR ADHUC DI-
VERSI GENERIS ARGUMEN-
TA, EORUMQUE USUS
ET VALOR DE-
CLARATUR.

Argu-
mentum
ad homi-
nem.

CCCLI. I. **A**RGUMENTUM AD
HOMINEM (græce
κατ' ἀνδρα) dicitur illud, quan-
do quis contra adversarium pugnat ea-
dem ratione (sive vera, sive falsa)
qua ipse utitur *tanquam vera*, aut quam
saltem pro vera adversarius habere
debet, si *sue doctrine conformiter* lo-
qui velit. e. g. Ad hominem argu-
mentantur CATHOLICI contra LUTHE-
RANOS hoc modo: *Nihil juxta vos cre-
di debet, nisi quod CLARE in S. SCRIP-
TURA expressum est: atqui quod fides
LUTHERANA sit vera, CLARE in
S. SCRIPTURA expressum non est: ergo
id credi non debet*, hoc argumentandi
genus in *refutando & convincendo* valde
stringit, in *confirmanda* tamen propria
sententia non multum probare videretur,
quia opinio nostra non ideo im-
mediate erit vera, ex eo, quod alte-
ra

ra sit falsa, nisi eidem contradictorie opponatur.

CCCLII. II. ARGUMENTUM AB ANALOGIA. Ab Anal.

ANALOGIA valet I. Et quidem potissimum in adstruenda aliqua Hypothesi (CCCXI. & CCCXII.) prout in Physica docetur. 2. Ad refutandos SCEPTICOS, qui omnia temere negant, item ad compescendos illos, qui, quæcunque ignorant, blasphemant. 3. Ad acuendum ingenium, & iudicium confirmandum. Attamen sedulo hic cavendum a vitio subreptionis (CCXCIX. 2.) nec PHANTASIÆ viribus nimium est tribuendum, secus enim ejusmodi Philosophus omnes affectiones suas rebus tribuet, & sic in manifestos errores incidet. Sic passim carpitur KEPLERUS, docens, tellurem musculis & fibris, ut cætera animalia instructam, pariformiter ut bruta, motum suum producere & continuare, illudque propterea phænomenon, quo cometas plerumque ingentes pluviae comitari solent, inde explicans, quasi tellus, cometas sentiens, præ timore sudare incipiat, quo certe nil absurdius; sequeretur

enim, quod terra verâ gauderet anima *sensitiva*.

Ad Ver-
ecun-
diam.

CCCLIII. III. ARGUMENTUM AD VERECUNDIAM vocatur illud, quando quis ad oppugnandum adversarium suum, ejusmodi Authorum textus adducit, quos iste revereri debet, & quibus si contradicat, aut nimis *arrogans*, aut aperte *errans* palam traducitur: Adhibetur ergo ejusmodi argumentum ab eo tantum, qui aut *ratione* destitutus, quae se tueri queat, aut ea uti nesciens, defendentem *opprimere* mavult, quam convincere. Ast in rebus naturalibus & ad *fidem* nullo modo spectantibus, nihil valere *authoritatem*, ubi *ratio intrinseca* deficit, supra jam probavimus (CCLXVII.)

Ex pro-
portione.

CCCLIV. IV. ARGUMENTUM PROPORTIONIS ET CALCULATORIUM solummodo usurpari potest in rebus *quantitatem* habentibus, non item in aliis, nisi subiectum sit *capax* talis *proportionis*, & forma denominans existat in *serie proportionata subiecto*, Non vero promiscue in aliis, alias enim etiam probari v. g. posset, *peccatum* quodcumque mortale esse *infinite malitiae* in ex-
tita-

titate sua, quod negant communiter theologi; nam quia offensa personæ dignæ ut octo cæteris paribus vincit offensam personæ dignæ ut quatuor v. g. uno gradu, per argumentum calculatorium ita a pari argui posset: si persona offensa habeat 8 gradus dignitatis, tunc offensa habet unum gradum gravitatis: ergo si in persona offensa (scilicet in DEO) dantur infiniti octonarii graduum dignitatis, etiam in ipsa offensa dabuntur infiniti gradus gravitatis: dantur autem in DEO (& quidem eminenter) infiniti simpliciter octonarii dignitatis, ergo dabuntur etiam in offensa contra DEUM infiniti gradus gravitatis, & consequenter quolibet offensa DEI esset simpliciter infinita gravis, quod falsum est, quia verum quidem est, quod, quo major sit ipsa persona offensa, eo major etiam sit ipsa offensa, sed non, quanto major est persona, tanto, (exacta proportionem) sit major quoque offensa, quia FORMA, quæ immediate per se constituit actum in esse formalis offensæ DEI, scilicet LIBERTAS HUMANA, non est simpliciter infinita, & consequenter etiam actus ab illa

procedens nequit esse *infinitus* in ratione *offense*.

Ex nomine & voce.

CCCLV. V. ARGUMENTUM EX NOMINE ET VOCE tunc potissimum valet, quando ex quaestione *nominis* dependet quaestio *realis*. v. g. Dum quaeritur, *an Logica sit simpliciter speculativa?* quaestio ista decidi nequit, nisi vel approbetur vel reprobetur definitio PRAXIS a MASTRIO proposita. Sic frequenter argumentari licet in *Theologia Morali*, atque in utroque *Jure*. De cetero in *modo loquendi*, & quaestionibus *de nomine* sentiendum est cum pluribus, ne *Babylonicae linguae confusio* oriatur; hinc videantur dicta (LXXVIII. & XCVII.)

Per distractionem.

CCCLVI. VI. ARGUMENTATIO PER DISTRACTIONEM fit, si adversarius a proposita difficultate avertitur sive *abstrahitur* ad aliam, quam cum ipse solvere aut non possit, aut non velit, concluditur, eandem rationem *penes defendentem* esse, propter quam propositum nodum solvendi *potestas* illi desit aut *voluntas*. Sic ipse CHRISTUS *Math. 21. v. 23*. Principes Sacerdotum & Seniores populi *Judaici* maligno animo interrogantes: *in qua*

qua potestate hæc facis? per distractionem alia interrogatione divertit, scilicet *super Baptismo JOANNIS*, quoniam vero respondere aut non potuerunt, aut noluerunt, nec SALVATOR divinus respondit. Adhibetur igitur argumentatio ista, si adversarii abstrusi dogmatis explicationem nimis importune urgeant. Huc etiam pertinent

CCCLVII. VII. ARGUMENTA PER INSTANTIAM, RETORSIONEM, ET INVERSIONEM, *primum* fit, si afferatur contra impugnantem aliqua particularis experientia, aut casus, per quem probatur, quod allata propositio universaliter non sit vera. *2dum* contingit, si ipsemet argumentans argumentum suum solvere cogitur; ubi tamen factæ retorsioni alia semper ratio sive solutio positiva adjicienda est, *3tium* denique fit, si assumpto adversarii argumento contra illum ipsum thesis inferitur, quæ omnia ex usu tantum & praxi disputandi addiscuntur.

Per instantiam.

Per retorsionem.

Per inversionem.

CCCLVIII. VIII. ARGUMENTUM A NECESSITATE, sub hac enuntiatione: *Entia non sunt multiplicanda sine necessitate*, si ve nulla datur necessitas hujus rei: ergo

A necessitate.

nec res ipsa admitti debet, ab OCKAMO Nominalium principe (XVII.) frequenter adhibitum, Ideoque etiam *equus OCKAMI dictum*, tunc robur habet, si sensus sit: *Nihil est admittendum sine gravi autoritate, experientia & ratione*. Vel, *quod non habet finem a natura intentum*, item: *Si omnibus bene conſideratis res poteſt fieri per PAUCIORA*, non eſt neceſſitas admittendi *plura*. Huic itidem argumento locus præcipue eſt circa *Hypotheſes* inveniendas aut ſtabiliendas (CCCXII.)

Adigno-
rantiam.

CCCLIX. IX. ARGUMENTUM AD IGNORANTIAM fit, cum quis adverſarium allatis probationibus reſiſtentem rogat, ut *meliores* ipſe pro ſua ſententia producere velit, quod ſi ille vel non *poſſit*, vel non *velit*, contra eum infertur, defendentis opinionem eſſe veram. Iſtud potius *Sophiſma* eſt, quia non idcirco quædam opinio *vera* eſt, quia alter aut argumenta ſolvere non poteſt, aut meliorem opinionem afferre nescit, perinde namque ſe habet, ac ſi v. g. Pictor vellet a quodam de picturæ ſuæ præſtantia confeſſionem extorquere ex eo, quod iſte ſimilem facere nesciat: unde
male

male *virtus magnetica* a Peripato rigido reponi videtur in *qualitate occulta*, sive *Sympathia*, ex hac causa, quod alia sententia eam satis apte non explicent.

DISSERTATIO IV.

DE METHODO.

SECTIO I.

DE METHODO ALIOS DOCENDI, ATQUE CONVINCENDI.

CCCLX. QUONIAM IN LOGICA
THEORETICA generales Methodi leges explicatae jam sunt, (CCXXXIV.) agendum nunc restat in hac Dissertatione *Logicae Practicae*, quomodo in specie illis regulis sit utendum tam in docendo, aliosque convincendo, quam etiam in discendo, ac alios refutando, nosve defendendo, denique cum aliis disputando, id quod in hac & sequentibus Sectionibus palam fiet. Igitur in quantum ad primam. DOCERE alte- Quid sit
rum docere?

rum ille dicitur, qui illum ad veritates ipsi nondum notas verbis viva voce prolatis perducit. Hic autem præter superius dicta (CCLXV.) quam maxime requiruntur sequentes

Docenti-
um do-
tes.

CCCLXI. DOTES SPECIALES DOCENTIUM. I. *Docens debet ea tantum, quæ ipsemet perfecte intelligit, tyrones docere, quomodo enim in alios effundet, quo ipse plenus non est? & quidem II. Debet prompte, expedite, & cum suavitate aliqua suam doctrinam illis proferre (CCLI.)* Hinc si quis naturalem quemdam languorem in se deprehenderit, sibi quæ & animi presentiam, & verborum copiam deesse senserit, huic Auctor suusque existit BAUMEISTERUS *Institut. phil. Rat. §. 480.* ut, si risui, ludibrioque audientium se exponere nolit, missam faciat docendi provinciam! *satius enim est non docere, quam cum aliorum fastidio & irrisione docere.* SUAVITATEM vero a docentibus adhibendam quod attinet præter idem superius allata (CCLXIV.) audiatur sententia Cl. ANTONII GENUENS. *Log. L. 5. C. 10. §. 9.* ex sua propria experientia ita Magistrum alloquentis; *quod si ille (discipulus) ob*
igno.

ignorantiam peccet, tu gravius etiam peccas, qui adversus ignorantem (intellige non ex pigritia, aut malitia ignorantem) debacharis, quem erudire potius debes. Non potest dici, quantum hujusmodi Magistros borream, ex quo *Pedagogi mei viri agrestis* recordor, qui ut ignorantis pueri errores dedoceret, alte me suspendebat, & ponderosis pugnis opprimebat: quasi vero in eo statu possem doctrinæ animum intendere, qui dolore, metu, pavore agitabar: nec intelligebat vir ille rusticus, hujusmodi argumentis FLECTI quidem VOLUNTATEM posse, ILLUSTRARI INTELLECTUM non posse.

III. Docens sit CLARUS atque PERSPICUUS in communicatione dogmatum, quod sit, si singulos terminos accurate definiat, & res abstractas, atque a sensibus remotas exemplis e communi vita petitis illustret, ordinemque Methodicum ubique observet, ea videlicet semper præmittendo, per quæ sequentia intelliguntur, itemque propositiones omnes, quæ nonnihil obscuritatis habent, in sua principia prima resolvendo, & demonstrationum ab aliis allatarum *Analysin* instituendo, ut sic discentes de veritatibus, quas docentur, CERTI reddantur, solide-
que

que docti. IV. Docens conetur se accommodare discentibus; nec plura in tyronem supponat, quam penes tyronem supponere licet. Sane non omnia omnes ferre possunt: sic etiam CHRISTUS ipse, Dominus & MAGISTER noster non omnia continuo Apostolos docuit, quia quædam erant, que ferre non poterant, sed ea distulit ad Pentecosten &c. Unde bene S. BASILIUS Hom. 29. inquit: scire debemus, & que dicenda, & que tacenda sunt. V. Industria denique est adhibenda a docentibus ad excitandam, fovendamque alacritatem discentium (CCLXXII.)


Convincere alterum quid sit?

Dotes convincentis.

CCCLXII. CONVINCERE ALTERUM dicitur, qui efficit: ut eum certum reddat de veritate vel falsitate propositionis alicujus, idque primarium Docentis munus est: debet autem id præstare per media (n. præc.) mox enarrata, nempe *distincte* imprimis *EXPLICANDO* propositionem, de qua alterum vult convincere, eamque *clare*, *breviter* ac *solide* DEMONSTRANDO, si convincere intendit *a priori* (CCCXXVII.) aut per *experientias certissimas* conclusionem inferendo, si *a posteriori* convictionem intellectus
a di-

a discente extorquere cupit. Ast etiam præterea ex parte illius, qui convinci petit, requiritur 1. Ut in demonstrationibus faciendis, aut cognoscendis non sit plane rudis ac hospes, qua de causa Rustici ac plebei difficiliter convincuntur de veritatibus abstractis, quam docti. 2. Ut sit attentus; nam sine attentione demonstrationem non capiet, neque distincte propositionum nexum percipiet. (CCXLII.) Ejus propterea, qui convincendus est, attentio nullo modo turbanda est, quod illi docentes non observant, qui turbulentis affectibus convincendi animum implent, & convitiis atque diceriis in illum invehuntur, quæ iram aut tristitiam in eo excitant, & consequenter illius attentionem minuunt vel tollunt (CCLV.)

Officia
convincendi.



SECTIO II.

DE

METHODO DISCENDI, SEU STUDENDI.

CCCLXIII. **Q**uia multi non ob-
servant *Methodum*,
sive modum ordinatum *studendi*, pas-
sim observamus, eos, quamvis plu-
rima legant, parum tamen proficere,
quin potius (si non omnino *rudes*)
saltem *semidoctos* continuo manere &
obscuros, ideo tyronibus, qui ex
sedula librorum lectione disciplinam,
quam cupiunt, proprio etiam Marte
ediscere anhelant, ex Cl. P. Fort. A
Brix. Log. P. 4. Sect. 3. præter supe-
rius traditas (XXXIII. & CCCXIX.)
sequentes inserviunt.

Regula
studendi.

Anne Le-
ctionem.

CCCLXIV. REGULÆ STUDENDI.
ANTE LECTIONEM alicujus libri, (qui
nonnisi juxta mentem & consilium
viri periti seligendus est) I. deponen-
da sunt omnia *præjudicia* (CCLXIV.
CCLXVI. & CCLXVIII.) II. In eo
auctore non *multa*, sed *multum* est le-
gen-

gendum, nec alius liber est assumendus, donec prior totus sit lectus; plurimum enim nocet tyronibus *librorum copia*, quia, sicut insitus stomacho ignis ab *immodico*, etsi de se *saluberrimo cibo* opprimitur, aut etiam extinguitur; ita etiam *ingenium* nimis multa simul, ut ita dicam, concoquere non valet, sed quasi oppressum otatur, vel cruda & ingesta in malos humores convertit, hinc jubet QUINTILIANUS L. 10. *Instit. Orat. C. 1. ut perlectus etiam liber ex integro rursus perlegatur.*

CCCLXV. IN IPSA LECTIONE I. In Le-
Curandum est, ut singulorum notio-
num *idea clara & distincta* habeatur tionem.
(XXXIII.) *memorieque* imprimatur.
II. Perceptis terminis danda est ope-
ra, ut distincte comprehendatur id,
quod auctor *demonstrat*, vel *oppugnat*.
III. *Prioribus* vero nondum intellectis
ad *posteriora* transitus non est facien-
dus; alias hæc apparebunt *obscura*, in-
de etiam *quodvis minimum* non est præ-
termittendum. IV. Si proposita ma-
teria in *uno* auctore non satis *clare* in-
telligatur, *eadem materia* inspicere quo-
que valet in *alio*, vel *pluribus* autho-
ribus, apte de illa re tractantibus;
non

non omnes enim authores *eodem ingenii acumine*, eademque dicendi *perspicacitate* pollereprehenduntur; V. Cavendum tamen, ne *contrarii authores* antea legantur, quam ista, quæ addisci debet, sententia probe percipiatur; secus iterum orietur *confusio*.

Post Le-
ctionem.

CCCLXVI. POST LECTIONEM I. Cognitiones studio haustæ cum *viris doctis* sæpe sunt *conferendæ*, ut *altius* animo hæreant, & plures aliæ *cognitiones*, ad eas pertinentes detegantur, & addiscantur. II. Quæ tyro didicit, *meditetur* (CCXXXV.) & quam sæpissime ad animum revocet, ut volunt illi decantati PYTHAGORÆ versiculi:

Nec fessa in dulcem declines lumina
somnum,
Quin ter cuncta prius repetiveris
acta diei.

Huc etiam spectat illud SENECE ad LUCILIUM: *Cum multa percurreris, unum excerpe, quod illo die concoquas*. III. In tabulas denique, seu *compendium* referri debet, quidquid studendo per diem acquisitum, pacatoque animo denuo *perpendendum* est, plurima enim

ac plane stupenda efficit SCRIPTIO (CCLXXII.) Ego ipse, inquit S. AUGUSTINUS, in Prolog. L. 2. de Trinit. multa, quæ nesciebam, scribendo me didicisse confiteor, & juxta illud vulgare: Qui parcit calamo, parcit & ingenio. Experire istud mi tyro, & fructum immensum senties. Probatum est!

SECTIO III.

DE

METHODO ALIOS REFUTAN-
DI, ET SEIPSUM DEFEN-
DENDI.

CCCLXVII. **R**EFUTARE ALIOS tum Refutare
dicimur, quando illos
de errore convincimus; ejusmodi quid sit?
vero scripta, quibus errores vera fidei
adversantes perstringuntur, Polemica Scripta
vel etiam ERISTICA vocantur: Omnia Polemi-
ergo, quæ antea de Methodo alios ca.
convincendi dicta sunt (CCCLXII.)
etiam huc quadrant. Nempe in refu-
tando sic procedendum est.

CCCLXVIII. I. Quoniam ad con- Praxis
vincendum opus est demonstratione (n. c.) refutandi
L I etiam alios.

etiam *refutans demonstrare* debet falsitatem propositionis, quam alter pro *vera* habet; & si quis ex *incertis* tantum, & *precariis* principiis probet, alterum errasse, hæc non *refutatio*, sed *impugnatio* tantum habenda est, & consequenter *vera* propositio *refutari* non potest, eo quod *demonstrari* ejus veritas legitime possit. II. Alterum *refutaturus* debet *statum controversiæ* distincte explicare, quod ipsum ad *convictionem* requiritur, ut isthoc modo evitetur *Logo-machia* (CVII.) quæ exinde oritur, dum alter alterum non intelligit. III. Ejus denique, qui *refutatur*, ATTENTIO nullo modo est turbanda, (CCCLXII.) ideoque vitandæ sunt *consequentie*, quæ animo alterum *risui* exponendi formantur, neque adhibenda sunt ejusmodi argumenta, quibus alterius *fama* labem pati queat, quod fit, si v. g. dicatur, propositionem confutandam esse *Atheismo* plenam, aut omnino eandem cum sententiis hominum jamdiu *invisorum* ac *peffimorum* &c. Qua de causa etiam sapientibus non probatur Theologorum quorundam *Polemicorum* modus cum iis differendi, qui a *vera fide* alieni sunt, quos omnibus
di-

disseriis & injuriis onerant, quasi non re & argumentis, sed vi & convitiis defendatur veritas. Id tamen intelligendum est, si proveniat ex inordinata ira, furore, & Zelo immoderato; nam secus etiam CHRISTUS DOMINUS irā, de qua dicitur Ps. 4. v. 5. *irascimini*, & nolite peccare, jure commotus, PHARISÆOS in S. Evangeliorum libro asperis quandoque verbis increpabat, illos Hypocritas, sepulchra dealbata, ducēs cecos &c. appellans, quia ipsi intrare non volebant in regnum celorum, & simul SUA AUTHORITATE oblitebant, ne alii intrarent.

CCCLXIX. DEFENDERE NOS ADVERSUS ALTERUM tunc dicimur, quando demonstramus, nos ab eo non esse confutatos. Et ejusmodi scripta defensionem continentia vocantur APOLOGETICA, sive APOLOGIÆ, pro quibus serviunt istæ

Defendere se adversus alium,
Sive Apologias scribere.

REGULÆ. I. Si propositio aliqua legitime demonstrata est, eamque alter impugnet, non opus est, ut ea multis defendatur, cum certum sit, eam refutari non posse (n. præc.) II. Si solus verborum sensus in contentionem

Praxisse defendendi.

adducatur, sufficit, *clare explicare*, in quo sensu verba sint intelligenda; & si alter declarationem istam pertinaciter acceptare nolit, aut malitiose verba in perversum sensum detorqueat, amplior defensio superflua est. III. Si quis *injuriiis* potius & *conviciis*, quam *argumentis* ad aliquam sententiam impugnandam utatur, non magis opus est defensione, quam contra *furiosum*, aut *summe ebrium*, conviciis nos lacessentem. Si tamen adversarius noster hisce armis contra nos procedens sit *multe* apud alios *authoritatis*, & *existimationis*, etiam calumniis (more tamen Christiano, limites moderaminis inculpatæ tutelæ non excedendo) occurrendum est, ne alias aut VERÆ FIDEI gloria, aut S. ORDINIS fama, vel denique propria etiam EXISTIMATIO NOSTRA in discrimen adducatur, nam, ut vere dicit S. AUGUSTINUS *de bono Viduit*, nobis necessaria est vita nostra, aliis fama nostra. Ideoque si, quorum vita in exemplo posita est imitationis, DEBENT, si possunt, detrahentium verba compescere, ne eorum predicationem non audiant, qui audire poterant, & ita in pravis moribus remanentes, bene vivere contemnant, ut loquitur

tur S. GREGOR. *Hom. 9. super Ezechiel.*
 Et teste S. HIERONYMO *Epist. 14. ad Ce-*
lant. Apostolici PRÆCEPTI, & exempli
est, ut habeamus rationem non tantum
CONSCIENTIÆ, sed etiam FAMÆ. Deni-
 que CHRISTUS ipse famam suam defen-
 dit, cum dixit: *Ego demonium non ha-*
beo. Joan. 8. v. 54. & iterum: si bene
locutus sum, cur me cedis? si male, te-
stimonium fer de malo. Joan. 18. v. 23.

SECTIO IV.

DE

METHODO DISPUTANDI.

CCCLXX. **D**ISPUTATIO vocari so- Dispu-
 let *mutua propositionis* tatio.
alicujus impugnatio, & defensio. Duo
 nempe sunt officia Magistrorum in
 scholis docentium; *primum* est, ad veri-
 tatum incognitarum notitiam tyrones
 & scholares suos perducere, quod pro-
 prie DOCERE dicitur (CCCLX.) *alterum*
est, in doctrina tradita illos aliquo usu
firmare, v. g. examinando, vel disputan-
do, quod EXERCERE vocant. Et alia qui-
 dem disputandi Methodus dicitur ERO-
 THEMATICA, aut SOCRATICA (quia So- Socratica.

Megari-
ca.

CRATI unice usitata fuit) in qua solum per *questiones & Responsiones* disputatur, adeoque *Dialogi* potius, quam *disputationis* formam habet, alia MEGARICA, in qua opponens respondentem, & vicissim respondens opponentem ad *aliquod absurdum* deducit, unde & cum demonstratione *apogogica* plane coincidit. (CC CXXVIII.) Alia denique SYLLOGISTICA, sive pressior illa & arctior, in scholis hodieum omnibus introdueta, nec unquam (ut in *Logica disputatrice* defenditur) e scholis eliminanda, cum prior illa, seu SOCRATICA doctorum congressui aptior sit, quam *discentium*, eoquod per eam facile opponens vel respondentem, vel hic illum in *fraudem* inducere valeat, sicut & *pertinacibus* plura offerat *diverticula* & elabendi vias; in *rudioribus* vero ob suam *amplitudinem* quandoque minuat *claritatem*. Cæterum

Syllogi-
stica.Natura
& leges
disputa-
tionis So-
craticæ.

CCCLXXI. METHODUS SOCRATICA teste Cl. ANTONIO GEN. Log. L. 5. C. 9. tota nititur 1. *Definitionibus*. 2. *Inductionibus*, id est singularium similium diligente enarratione, & comparatione, ex quo possit *clarius*, id, de quo agitur, intelligi, & aut demon-
stra-

strari, aut refelli, si quis ergo ejusmodi familiari disputatione alterum aut docere, aut confutare velit, oportet eum sequentibus REGULIS uti. I. Debet se rei, de qua agitur, aut omnino imperitum simulare, aut quasi vix summa quaedam Capita sciat, quod ita faciendum est, ut ironia lateat. II. Minutatim illum, quocum sic disputat, interroget, & analytice (CCXXXI.) paulatim, quasi illum minime sentientem ad veritatem reducere conetur. III. Tum vero ejus responsa humane & suaviter excipiat, indolem, capacitatem & perspicacitatem sui tyronis laudet, & magnam se de illo spem animo concepisse dicat. IV. Caveat a verbis paulo asperioribus, attentionem illius turbare valentibus (CCCLXI.) V. Postquam omnia laudaverit, ejus responsa, velut quæ minus intelligat, ad limam revocet, examinetque acute quidem, sed humanissime, sicque pergat eo usque, donec is, quocum disputat, fateatur se victum. Unde SOCRATES dicere solebat, se nihil scire, sed efficere tantum interrogando, ut adolescentes, quæ scirent, proferrent, adeoque se obstetrici similem esse, quæ non pariat, sed alias ad

parturiendum adjuvet. Et sane ad docendos Juvenes, pressæ disputationis nondum capaces, *utilissima* etiam hodiernum Methodus ista esse valet, si docens ea dextre utatur. Interim tamen

Disputa-
tionis
Syllogi-
sticæ
usus.

CCCLXXII. Omnium utilissima est DISPUTATIO SYLLOGISTICA, si rite instituat, *Hæc enim*, ut loquitur Cl. PETRUS DE CROSA citatus a Cl. P. FORT. A BRIX. *Log. P. 4. Sect. 4. §. 545. promptam tum ad cogitandum, tum ad eloquendum facultatem conciliat, acuit ingenium, & judicium in veri a falso discretionem roborat.* Sicut nihil econtra est ea perniciosius, si quis ea abutatur; disputandi namque habitu evadunt multi impudenter audaces, fastidiose superbi, moleste garruli, & pertina-ci contradicendi studio intolerabiles &c. Hoc igitur postremum ut evitetur, illud vero prius ut acquiratur, sequentes oportet sequi Regulas tam Generales, quam particulares.

Et Abusus.

Disputandi re-
gulæ ge-
nerales.

CCCLXXIII. REGULÆ DISPUTANDI GENERALES sunt istæ. I. *In omni disputatione ad VERITATEM eruendam unice*

unice incumbatur, & omnis eo solummodo dirigatur finis, ut vel ignotam detegatur, vel obscurum explicetur; hinc nec est disputandum de evidentibus, vel captum nostrum superantibus; nec etiam cum illis, qui imprudenter de rebus omnibus dubitant, sed istis satius est antiquum illum sermonem reponere: HÆC MIHI VIDENTUR, ILLA VERO TIBI. II. *Disputantes sibi vere contradicant, ne scilicet more vetularum in rixas incidant, & de lana caprina disceptent, hinc ante disputationem clare explicetur, de quo disputandum sit, inutilesque digressiones evitentur, nec disputandum de nomine, ubi constat de re: quisquis hoc facit, si ex imperitia faciat, docendus est, si ex malitia, deferendus.* III. *Disputantes sint vacui ab omnibus turbulentis affectibus, ira præsertim & invidia, nec sint amplius scholasticæ concertationes, ut illæ fuerunt, in quibus, ut se meminisse dicit Cl. ANT. GEN. Log. L. 5. C. 9. §. 3. Cum esset puer, AD PUGNOS etiam ventum est, sed potius disceptantes sint in colloquio mites, in audiendo quieti, in docendo officiosi, in respondendo blandi, ac denique ab immoderatis*

illis clamoribus quam maxime alieni, sicut enim ad excitandos inordinatos animi motus nihil aptius est, quam ejusmodi valide vociferationes, ita quoque nil magis impedit, quominus VERITAS inveniatur, quam illæ ipsæ, unde sapienter olim monebat ANTI- STENES: Contradicentem docere oportet, non contradicendo compescere; nam neque insano, si vicissim insaniat, aliquis medebitur.

Pro Ar-
gumen-
tante.

CCCLXXIV. REGULÆ PRO OPPO- NENTE itidem GENERALES a Cl. P. GAR- NIER *Organ. Phil. P. 2. Disp. 2. Sect. 2.* sequentes præscribuntur. I. Sit in eo maturum ac prudens *judicium* in thesi eligenda, II. *Subtilitas ingenii* in exco- gitando *argumento*, III. *Claritas, & brevitatis* dictionis in proponendo, IV. *præsentia mentis* in instando V. *Urbanitas & humanitas* in agendo.

REGULÆ SPECIALES sunt, I. oppo- nens *directe* probet, quod sibi a de- fendente negatum est, II. *unicum* as- sumat *medium*, vel si plura etiam assu- mere velit, statim ab initio aptam di- stributionem faciat, qui autem temere,
an-

antequam integra solutio data est, medium mutat, per hoc *fama* suæ detrahit, quia auditoribus ostendit, se leviter in eo versatum esse. III. Attendat, ne *consequens* probet pro *consequentia* (CLXVI.) aut ne petat *principium*. (CCXXVI.) IV. Nil *falsum* vel *dubium* pro *vero* assumat, ne ad illud probandum debeat eo ipso *mutare medium*. V. Soluta difficultate quiescat, quia suum tunc disputatio *finem* habet (CCCLXXIII.) nec ad *imperitorum plausum* captandum per plurima minuta antiquam crambem cum doctorum nausea defendenti recoquat. VI. Si etiam *victricem* in se inclinare sentiat, importune defendentem non urgeat, ut se victum fateatur, sed argumenti vim *eruditus* se ostendisse contentus, altercari desinat, ne *rem bene inductam ad discutendum inconditus pervicacie clamor explodat*, etiam cum laceratione animorum, plerumque *dissimulata*, interdum & *aperta*, ut loquitur S. AUGUSTINUS L. 2. Soliloq. C. 7.

CCCLXXV. REGULÆ PRO DEFEN- Pro de-
DENTE GENERALES ex eodem Cl. P. fendente.
GARNIER loc cit. & requisita pri-
ma-

maria sunt ista I. *felix & prompta memoria* pro repetendis *Syllogismis* ab opponente propositis, II. *Vis ingeni* in discernendo *vero a verisimili*, III. *celeritas* in inveniendis *instantiis* (CCCLVII.) IV. *Soliditas* in *rationibus*, quibus confirmet ea, quæ concedit, V. *Claritas* in *distinctionibus explicandis*, VI. *Vigor* in refellendo adversario, si quando defendens occasionem videt eum refutandi. VII. *Latinitatis peritia*, verborumque *copia* in eloquendo. VIII. *Humilitas & Modestia* in respondendo.

REGULÆ SPECIALES sunt I. *Defendens* prompte ac *fideliter* reassumat, seu repetat *integrum argumentum* ab opponente prolatum, vel, si longius sit, ita *contrahat*, ut nihil tamen roboris eidem detrahatur. II. Deinde *argumenti propositionibus* singillatim respondeat, *falsas* neget, *veras* concedat, *ambiguas* distinguat, & eas, quæ *ad rem non faciunt*, transmittat. Juxta illud vulgare: CONCEDO, NEGO, DISTINGUO: SIC OMNIA SOLVO. III. Quandoque, si potest, respondeat etiam per *instantiam*, *retorsionem*, aut *inversio*.

tionem (CCCLVII.) ita tamen, ut deinde pariter *directe*, seu, ut ajunt, *in forma* solutionem addat. IV. Si argumentans a proposita thesi dilabatur, negando *suppositum*, iterum statum quæstionis exponat, illumque blandè revocet; secus, si res ultra protrahatur, ambo abibunt *in tenebras*, atque difficillime inde *ad clara* revocari poterunt, hinc attente singula opponentis argumenta consideret, nullumque terminum transmittat *obscurum* vel *ambiguum*, sed petat *explicationem* illius. V. Si *questio* proponitur ab opponente, aut *Hypothesis*, eam repetat his verbis: *queritur ex me*, vel *supponitur* &c. VI. Si argumentum laboret *fallacîa*, melius est *distinctione* uti, quam concessis præmissis negare consequentiam, præcipue si argumentans sit *vir magne auctoritatis*. VII. Si *falsam Hypothesin* pro *vera* adducat opponens, ostendatur, in ea *peti principium*, aut involvi *contradictionem*.


CCCLXXVI. *Scholion*. Vulgo equidem inter *piacula* reputatur, & defendenti vitio vertitur, si ea, quæ semel *falso* etiam concessit, denuo neget:


get: ast aliter sentit S. AUGUSTINUS
L. 1. de Acad. C. 3. ubi ad tyrones sic lo-
quitur: Ad ea, quæ temere concessa sunt,
rursum redire, hoc non solent concedere
illi, quos ad disputandum non inveniendi
VERI cupiditas, sed INGENII puerilis
JACTANTIA impellit: itaque apud me, præ-
sertim cum adhuc nutriendi, educandi-
que sitis, non solum conceditur, sed etiam
IN PRÆCEPTIS babeatis volo, ad ea vos
discutienda redire oportere, quæ con-
cesseritis incautius, ita Doctor
ille insignis.

Logicæ Criticæ Finis.



LO-





**LOGICA
DISPUTATRIX,**

SEU

**EXERCITATIONES
SCHOLASTICÆ**

IN

**LOGICAM THEORETICO-
CRITICAM.**

*Collige te ipsum, &, dum Juve-
nis es, diligentius te EXERCE
in ea disciplina, quæ multis gar-
rulus videtur; alioquin veritas
fugiet te. Ita PARMENIDES
ajebat SOCRATI.*



PRÆFATIO.

Sunt moderno sæculo non pauci Philo-
sophi, nedum ex PROTESTANTIBUS, sed
etiam e CATHOLICIS, qui omnem ex
LOGICA *disputationem*, concertationemque
abesse cupiunt, ea potissimum de causa,
quod illa nonnisi meras *regulas* ex termi-
nis notas, & intimo sensu cognitæ tra-
dat, de quibus dubitare, multumque di-
sceptare idem sit, ac tempus preciosum,
aliisque rebus *utilioribus* impendendum,
inutiliter consumere; ast pace horum Vi-
rorum Clarissimorum dixero, sua plane
utilitate ejusmodi concertationes scholasti-
cas, etiam in Logica institutas, ita non
carere, ut plurimum quoque conferant ad
juvenes philosophos exercendos, eorumque
acuenda ingenia, *judiciaque consolidanda*,

si debitæ ac disputando præscriptæ LEGES
(CCCLXXIII.) exacte servantur, sine qui-
bus utique inanes, & per integros dies pro-
tractas *aniles* altercationes obesse magis
quam prodesse ipſus judico. Curandum
ergo, ut in ſcholasticarum Concertatio-
num numero atque pondere certa ratio,
moderatioque ſervetur, *ne* ſcilicet (ut
præclare monuit ARISTO apud STOBEUM
Serm. 82.) *propter exiguum alimentum circa*
crustas plurimas, non ſecus, ac qui cancos
edunt, occupemur. Qua de cauſa moderate
quoque, nec niſi ſuper rebus congruis,
materiisque *utilioribus* Methodo disputa-
toria, quam ſcholæ Catholicorum jam per
ſæcula fere quinque diligenter frequenta-
runt, ad *exercendos* Philoſophiæ tyrones,
eorumque *linguas aperiendas*, hic progre-
diar, & quidem ordine hucusque ſervato,
apponendo videlicet Exercitationes ſcho-
laſticas, ſingulis in *Logica Theoretica* per-
tractatis partibus correfpondentes, ut ſe-
quens exhibet

ELEN-

ELENCHUS EXERCITATIONUM SCHOLASTICARUM

IN I. PARTI. LOGICAM THEORETICAM.

LOGICAM THEORETICAM. IN PROLEGOMENA PHILOSOPHIÆ.

EXERCITATIO I. An detur in hac vita vera philosophia?

EXERCIT. II. An Adam infusam habuerit philosophiam?

EXERCIT. III. An liceat Christiano philosopho philosophari posthabita S. Authoritate?

IN PROLEGOMENA LOGICÆ.

EXERCITATIO I. An Logica sit scientia vel ars?

EXERCIT. II. An Logica sit scientia Theoretica vel practica?

EXERCIT. III. Quodnam sit Logicæ objectum?

EXERCIT. IV. An habitus Logicæ docentis & utentis realiter distinguantur?

EXERCIT. V. An, & quomodo Logica sit necessaria ad alias scientias addiscendas?

IN I. PARTEM LOGICÆ IDEALEM.

EXERCITATIO I. An in aliquo sensu dentur Ideæ innatæ?

EXERCIT. II. An detur Idea falsa?

IN II. PARTEM LOGICÆ JUDICATIVAM.

EXERCITATIO I. An propositio vera possit in falsam transire?

EXERCIT. II. An propositiones de futuro contingente absoluto sint determinate veræ vel falsæ, præscindendo a decreto Divino?

IN III. PARTEM LOGICÆ DISCURSIVAM.

EXERCITATIO I. An Syllogismus sit in scholis Catholicorum retinendus, an vero ex illis eliminandus?

EXER-

EXERCIT. II. An Intellectus, dato semel assensu præmissis, in omni materia necessitetur ad inferendam conclusionem?

IN LOGICAM PRACTICAM, SEU CRITICAM.

EXERCITATIO I. An veritatis criterium in *universali dubitatione* cum Cartesio statui possit?

EXERCIT. II. An saltem ejusdem Cartesii *Idea clara & distincta* veritatis criterium dici valeat?

EXERCIT. III. Quodnam sit genuinum ac *universale veritatis criterium*?

EXERCIT. IV. An scientia, fides, & opinio possint simul stare in eodem intellectu de eadem re?



IN PROLEGOMENA PHILOSOPHÆ.

EXERCITATIO I.

AN DETUR IN HAC VITA
VERA PHILOSOPHIA?

Status
questio-
nis.

PHILOSOPHIAM supra definivimus, quod sit *SCIENTIA rerum Divinarum & humanarum &c.* (III.) Vel: quod sit *possibile*, aut *rationis sufficientis* *SCIENTIA* (IV.) ex *origine* vero *nominis* diximus, eam esse *AMOREM SAPIENTIÆ* (III.) quoniam autem, ut pariter dictum est (XII.) *ACADEMICI, SCEPTICI & ACATALEPTICI* docebant, nullam in hac vita dari *scientiam*, hoc est, nihil certo ac *evidenter* cognosci posse; hinc contra ejusmodi philosophos (quorum aliqui in *ANGLIA* præsertim & *HOLLANDIA* adhuc superesse dicuntur) in præsens inquiritur, an in *Philosophia vera* detur rerum (si non *omnium*, saltem *aliquarum* aut *multarum*) *SCIENTIA*, & consequenter an in hac vita vere, & in sensu mox dicto accepta detur *PHILOSOPHIA*?

Scho-

Scholion. PYRRHO unus e præcipuis Deliria
SCEPTICIS (a quo isti etiam dicti sunt Sceptice-
PYRRHONICI) negata omni SCIENTIA, rum.

profitebatur se dubitare de omnibus,
quæsitusque, an non saltem sciret, se
dubitare? etiam de hoc, an scilicet
vere dubitet? dubitare se reposuit;
quin eo quoque dementiæ per-
venit, ut nulli belluæ in platea oc-
currenti e via cederet, identidem du-
bitans, an non a sensibus, belluam for-
sân sibi, ut in somnio contingit, re-
præsentantibus, illusionem pateretur.
Pariter CRATILLUS ejusdem sectæ, vel
potius infantiæ assecla præfricte asse-
ruit, nihil prorsus de rebus in hac
vita apparentibus pro certo affirmari
posse ob perennem earum fluxum ac
mutabilitatem. Sic e. g. de horto, quod
floreat, dici non posse ajebat, quia
scilicet continuo timendum esset, ne
flores in horto citius perirent, quam
verba loquentis transiissent: unde &
verbis omnino abstinuit, solo nutu,
motuque digiti usus ad indicanda ani-
mi sui sensa. Jam contra hæc deliria
ponitur

apud
-eumque
-eumque

PROPOSITIO.

DATUR IN HAC VITA VERA
PHILOSOPHIA.

Dari Phi-
losophi-
am pro-
bat ejus
definitio,

PROBATUR I. (a definitione philoso-
phia) Philosophia est scientia, hoc
est, certa & evidens cognitio rerum
(si non omnium, saltem multarum). di-
vinarum, & humanarum: atqui talis
cognitio datur in hac vita: ergo da-
tur vera philosophia. p. m. eviden-
ter certa sunt 1. prima principia: im-
possibile est idem simul esse, & non esse.
Totum est majus sua parte, nihil fit abs-
que ratione sufficienti &c. 2. Existentia
Dei, rerumque corporearum, ab ipso
creatarum. 3. Existentia actuum men-
tis nostrae, ut sunt intelligere, velle, re-
minisci &c. de quibus omnibus in ge-
nere agit METAPHYSICA, seu, ut ab
aliis vocatur, PHILOSOPHIA PRIMA.
4. Evidenter etiam demonstratur, ex
uno, vel pluribus particularibus non
posse inferri conclusionem universalem,
quemlibet Syllogismum constare debere
ex tribus terminis, ut pateat identitas
duorum in tertio, definitionem debere fieri
ex genere proximo, & differentia ulti-

ma

ma &c. quæ omnia pertractat Logica.
5. Aerem ex natura sua esse gravem;
Eclipsin Lunæ fieri propter interposi-
tionem terræ solem inter & lunam
&c. quæ PHYSICA demonstrat. 6. Om-
nes actus nostros ad Deum referri debere;
quia Deum diligere debemus super
omnia, & cætera tantum propter
ipsum; omnem econtra flagitiosam esse
miserum, quia videlicet se avertit ab
ultimo fine suo, qui Deus est &c. quod
ETHICA ostendit: ergo in hac vita
datur certa & evidens cognitio rerum
multarum divinarum & humanarum;
ac consequenter VERA PHILOSOPHIA
(CCCXXXIII. 1.) A ex philosophiæ
decurfu ad oculum patebit.

-019 0A
-009 019
-002 019
-019 019
-019 019
-019 019

PROBATUR II. (Experientia) 1. In- Et Expe-
numeræ ubique terrarum inveniuntur rientia.
ACADEMIÆ, in quibus PHILOSOPHIA
defacto docetur ac discitur. 2. Infi-
niti propemodum de rebus philoso-
phicis conscripti sunt LIBRI, in quibus
mentes sagacitate præditæ complures
legent scientificas cognitiones. 3.
Tot Philosophiæ PROFESSORES &
STUDIOSI de rebus, etiam sensibus
imperviis peritissime discurrunt &c.
atqui hæc omnia fieri non possent sine
Philo-

019 019
019 019
019 019
019 019
019 019

Ac propria quo-
que Aca-
demico-
rum con-
fessio.

Philosophia, ut de se patet: ergo da-
tur in hac vita vera philosophia.
CONFIRMATUR hoc dilemmate contra
ACADEMICOS. Vel Academici certo
& evidenter sciunt, non dari SCIEN-
TIAM, vel id non sciunt? si sciunt:
ergo habent scientiam, eo ipso, quod
sciunt, non dari scientiam, sicque cum
SOCRATE possunt vere dicere: hoc
unum scio, me nihil scire. Si non
sciunt, ergo hoc ipso temere ne-
gant, quod tot viri peritissimi
affirmant, & demonstrant. Dein
fatentur illi, quod sciunt *verisimilia*:
ergo etiam vera nosse debent; quomo-
do enim scire possent, aliquid esse
alteri simile, nisi prius noverint illud,
cui assimilatur?

Solvuntur Objectiones.

Satisfit
authori-
tati S.
Scriptu-
re.

OB. I. *Ex autoritate S. Scripturæ.*
Si daretur in hac vita vera PHI-
LOSOPHIA, tunc posset dari certa &
evidens ratio operum Dei, quæ fiunt
sub sole: atqui non potest dari certa
& evidens ratio operum Dei, quæ
fiunt sub sole: ergo in hac vita non da-
tur vera philosophia, P. m. *Eccl. 8. v. 17.*
aperte

aperte dicitur: quod omnium operum Dei nullam possit homo invenire rationem eorum, quæ sunt sub sole, & quanta plus laboraverit ad querendum, tanto minus inveniat: ergo non potest dari certa & evidens ratio operum Dei, quæ sunt sub sole. R. D. M. posset dari certa & evidens ratio multorum operum Dei, quæ sunt sub sole, C. M. omnium operum Dei, quæ sunt sub sole. N. M. & D. m. atqui non potest dari certa & evidens ratio omnium operum Dei C. m. multorum operum Dei. N. m. & sub data distinctione N. consequens & consequentiam. Ad probationem D. A. & sacer textus tantum vult, quod non possimus comprehendere ordinem Divine providentia, quo Deus res creatas hoc vel illo modo in mundo disposuit. C. A. in alio sensu N. A. & consequentiam. Simulque adduco verba S. HYERONIMI, hunc locum ita interpretantis: Qui querit causas, rationesque rerum, quare hoc vel illud factum sit, & quare mundus variis gubernetur eventibus, cur alius cecus, alius debilis, alius videns nascatur & sanus? nihil aliud proficit, nisi in sua tantum questione torquetur, nec tamen invenire valet, quod querit.

Vita nostra non est perpetuum somnium.

OB. 2. *Ex paritate*, cum *Academicis*. In somnio non datur ullius rei cognitio certa & evidens, sed mera *sensuum illusio*: ergo etiam in vita nostra, quæ respectu vitæ futuræ est merum somnium, &, ut Apostolus inquit, *ÆNIGMA*, non datur cognitio certa & evidens, sed omnia tantum sic *apparent*, velut etiam *dæmones* agunt cum *sagis*. v. g. quibus cibis, mensas, & palatia apparentia ostendunt, quæ tamen re ipsa non sunt: consequenter neque dabitur vera Philosophia. R. N. C. & *paritatem*. *Disparitas* est, quia in somnio omnes *sensus* nostri (quibus anima pro hoc statu conjunctionis cum corpore ad cognoscendum indiget) sunt *ligati*: econtra nos loquimur de *vigiliarum* tempore, ubi *sensus* sunt rite *dispositi*, sic enim ea omnia quæ mediantibus sensibus evidenter cognoscimus, *ex se* non esse, sed *ab alio* procedere debere cognoscimus, indeque Dei, tanquam ENTIS A SE existentiam inferimus, hæc porro ipsa Dei existentia perfectissima probat, ea, quæ *vigilantes*, & per *sensus* rite dispositos cognoscimus, esse *realia*, & non tantum mere *apparentia*; dedecet enim summam supremi illius

illius Numinis bonitatem delectari in nobis perpetuo fallendis, Magorum ac Histrionum in morem.

Infas. Atqui non dedecet Deum quandoque fingere, nosque decipere; ergo data disparitas nulla est. *P. subs.* A. Luc. 28. Christus Dominus actu se finxit peregrinum euntibus in Emmaus, & B. Mariæ Magdalene sub specie Hortulani, item alibi discipulis apparebat ut phantasma &c.: ergo non dedecet Deum quandoque fingere. *R. N. subs.* A. Alias enim posset Deus etiam mentiri, quin & peccati auctor existere, quod sine blasphemia dici non potest. Illud igitur, quod legitur Luc. 28. fecit TANQUAM MYSTERIUM, dum scilicet ad breve tempus sese occultavit intuentium oculis, apparendo sic foris, qualis apud illos fuit in cordibus, prout illum locum exponit S. GREGORIUS. Similiter ad 2dum & 3tium responderi potest, ne-tiquam vero homines FALLENDI CAUSA.

OB. 3. Ex ratione ima. SCIENTIA (consequenter & PHILOSOPHIA) debet esse cognitio certa: atqui in hac vita

Ex sensibus haberi potest cognitio certa.

nequit dari cognitio certa: ergo nec datur scientia philosophica, p. m. Omnis cognitio procedens a principio incerto nequit esse certa: atqui in hac vita omnis nostra cognitio procedit a principio incerto: ergo nequit esse certa. p. m. Omnis nostra cognitio in hac vita procedit a sensibus, juxta illud commune Axioma: *Nil est in intellectu, quin prius fuerit sub sensu*: atqui cognitio procedens a sensibus est incerta & fallax; quia sæpius res aliter intellectui per sensus repræsentantur, ac sunt: ergo in hac vita omnis nostra cognitio procedit a principio incerto. R. N. m. ad P. N. m. ad hujus P. D. M. Omnis cognitio dependet a sensibus vel mediate vel immediate C. M. semper immediate sub d. si sint res mere corporeæ & materiales C. M. si sint immateriales & spirituales N. M. *Hæ enim per se intelliguntur, non quia speciem faciunt in sensu, sed per reflexionem intellectus, ut loquitur SCOTUS Q. 3. universal. n. 3. & D. m. cognitio procedens a sensibus est incerta, si desint conditiones ad rectam sensationem requisitæ C. m. si adsint N. m. & C. Conditiones autem debitæ supra explicatæ sunt (CCXCV. & CCXCVI.)*
 dein

dein fallax cujuslibet sensus apprehensio corrigi potest vel per alterum sensum, sicut v. g. *visus* deceptus circa baculum, in aquis *curvum* apparentem, corrigitur per *tactum*, vel etiam per *reflexionem intellectus*, utpote cui ex officio competit aberrantes sensus emendare.

Inst. 1. Intellectus nullum habet certum principium, quo fallacem sensum apprehensionem emendare possit, & certo judicare, quisnam sensum in præfato exemplo v. g. erret, num scilicet *oculus*, num vero *tactus*; ergo data responsio non subsistit. R. N. A. Intellectus enim, inquit præfatus DOCTOR SUBTILIS in 1. *Dist. 3. Q. 4. N. 11.* indito sibi a natura lumine cognoscit veritatem hujus propositionis: *Nullum durius frangitur, nec curvatur ad tactum alicujus molis sibi sedentis.* Ex quo sic infert: *atqui baculus est durior aqua, quia hæc illi cedit, prout uterque sensus, id est tam visus quam tactus indicat, ideoque concludit: ergo baculus in aqua non curvatur, ac proinde visus decipitur, non tactus.*

Inst. 2. Ipsum etiam intellectus judicium incertum est & fallax: ergo adhuc ille nequit esse certum veritatis principium. P. A. *Experientiâ* constat, quod intellectus quandoque illud ipsum ut *verum* approbet, quod prius ut *falsum* reprobaverat: ergo &c. R. D. A. incertum est &c. circa ea, quæ per *verum* & *legitimum discursum* non novit, sed tantum per aliquam *conjecturam*, vel *probabilem rationem* C. A. circa ea, quæ per *demonstrationem* novit. N. A. & C. Regulæ, quibus innotescit, intellectum certo judicare, sunt *discursus legitimus* & *probæ demonstratio*, facta juxta leges circa *fontes veritatis* in *Logica Practica* statutas ac declaratas.

Res naturales sunt immutabiles quoad essentiam.

OB. 4. *Ex alia ratione.* Omnis SCIENTIA (consequenter etiam PHILOSOPHIA) debet habere objectum *immutabile ac necessarium* (quia *scientia* est *cognitio certa rei necessaria* &c.) atqui in hac vita nullum datur objectum *necessarium* & *immutabile*: Ergo nulla datur in hac vita *scientia Philosophica*. P. m. Objectum Philosophiæ essent. res naturales: atqui res naturales non sunt *necessariæ* & *immutabiles*, sed mere contin-

tingentes: ergo nullum datur objectum Philosophiæ certum, & immutabile. R. N. m. ad P. D. m. atqui res naturales non sunt immutabiles quoad existentiam C. m. quoad essentiam. N. m. & C.

Inst. 1. Atqui res naturales non sunt immutabiles, etiam quoad essentiam; ergo manet argumentum. P. m. subf. Illud non est immutabile quoad essentiam, cujus essentia est corruptibilis: atqui essentia rerum naturalium v. g. corporum, est corruptibilis: ergo res naturales non sunt immutabiles quoad essentiam. R. N. m. subsumptam vel N. assumptum. Ad probationem D. m. Essentia particularis & physica &c. est corruptibilis C. m. essentia universalis & metaphysica. N. m. & C.

*Inst. 2. Etiam essentia rerum naturalium universalis seu Metaphysica est corruptibilis, atque mutabilis: ergo nulla distinctio. p. A. Quod libero DEI subiacet arbitrio, illud omne est corruptibile, atque mutabile: sed essentia rerum naturalium etiam universalis seu Metaphysica libero DEI subiacet arbitrio: ergo. R. N. A. Ad p,
N n 2 D. m.*

D. m. *Essentia rerum naturalium subiacet libero Dei arbitrio; ita ut ab eo recipiat, vel non recipiat in tempore existentiam physicam, seu positionem extra suas causas in rerum natura C. m. ita ut sit talis vel talis essentia possibilis, N. m. & C. Et explico distinctionem: Nempe homo v. g. potest quidem existentiam acquirere nascendo, vel eam moriendo deperdere, nequit tamen ille esse aliud essentialiter, quam animal rationale, quæ duò sunt ejus predicata essentialia. Itaque licet, dum v. g. aliquis homo particularis moritur, revera pereat in ipso humana natura singularis & physica, sicut & perit illius existentia physica; nihilominus tamen eadem natura humana integra perseverat in communi, in aliis videlicet hominibus subsistentibus, respectu quorum universalis est, ut in *Metaphysica* magis patebit, & consequenter homo, omnesque res naturales, secundum *essentiam* spectatæ, hoc est secundum *notas suas characteristicas, & predicata essentialia*; ipsamque *definitionem*, sunt *eternæ, necessariae, & immutabiles*, quatenus scilicet *ab eterno, & in æternum necessario ac immutabi-**

tabiliter semper v. g. verum erit dicere: *homo est animal rationale.*

Inst. 3. Essentia rerum naturalium pendet essentialiter a DEO, non solum ut recipiat *existentiam*, sed etiam ut sit *possibilis*: ergo manet argumentum, p. A. Illud pendet essentialiter a DEO, ut sit *possibile*, quod ita constituitur possibile per omnipotentiam Divinam, ut sine illa non intelligeretur possibile: atqui essentia rerum naturalium est talis: ergo. R. N. A. ad p. D. m. constituitur possibilis per omnipotentiam Divinam possibilitate *proxima, extrinseca & secundaria*, sive quæ includit *existentiam*. C. m. possibilitate *intrinseca, primaria & radicali*, quæ consistit in sola *attributorum non repugnantia*. N. m. & C.

Inst. 4. Omnis creaturarum perfectio essentialiter dependet ab omnipotentia Divina: ergo etiam radicalis & primaria creaturarum possibilitas, tanquam aliqua creaturarum perfectio, dependet ab omnipotentia Divina. R. D. A. omnis creaturarum perfectio *positiva & actualis* C. A. *negativa* tantum & *potentialis*, hoc est *mera attributorum non repugnantia* N. A. & C.

Inst. 5. Rerum naturalium essentia, etiam ut mere possibilis vel est *creata* vel *increata*? quidquid dicatur, erit contra nos: ergo manet, quod sit mutabilis. p. m. Si est *creata*, tunc eo ipso libere a DEO dependet, & consequenter ab eo potest *mutari*: Si est *increata*, tunc non amplius manet *creatura*, sed fit formaliter DEUS: ergo. R. N. m. & dico, quod essentia rerum ut *possibilis* præcise nec sit *creata*, nec *increata*, sed *non creata*, id est *non dependens* in mera sui *possibilitate*.

Inst. 6. Ergo eo ipso essentia rerum ut possibilis esset *increata*. R. D. *Illatum*, esset *increata negative*, seu potius *infinitanter*, id est *non creata* (LXXXVIII.) sive non dependens in mera sui possibilitate, sed *abstrahens* a creatione aut productione C. *Illatum*. Esset *increata positive*, per modum aliqujus *existentis ab eterno*, sicut DEUS existit N. *Illatum*.

Inst. 7. Esse *increatum negative* est esse a se ipso *negative*: atqui essentia rerum naturalium dici nequit a se ipsa *negative*; hoc enim est soli DEO proprium; ergo neque dici potest *increata*

ta negative. R. D. m. dici nequit a se ipsa negative *existens* C. m. mere *possibilis* N. m. & C. Illud prius utique soli DEO competit, non autem *secundum*, quod tantummodo *meram non repugnantiam* dicit ab æterno.

Inst. 8. Existentia creaturarum dici nequit a se ipsa, etiam *negative tantum*: ergo etiam earum *essentia* ut *possibilis* dici nequit a se ipsa *negative tantum*. R. N. C. & *paritatem*. Disp. est; quia omnis creaturarum *existentia* dicit translationem a statu *possibilitatis* ad *actualem statum productionis*: *producere* autem *semetipsam* nulla creatura potest, sed indiget necessario *causa superiori producente*: e contra rerum *possibilitas* nihil aliud est, quam *mutua attributorum inter se non repugnantia*, atque ideo, cum nihil *positivi* in se contineat, manet talis per se *independenter ab omni causa positiva*. Nempe homo v. g. est *animal rationale* sine omni causa, id est, etiamsi nunquam *physice* producat, *existere* tamen in rerum natura nequit sine *causa sui productiva*.

Inst. 9. Mutua attributorum inter se non repugnantia, sive attributorum

rei inter se consensio intelligi nequit sine *unione* plurium sibi coherentium: atqui talis unio venit a causa uniente, scilicet Deo: ergo rerum possibilitas adhuc dependet a Deo. R. D. M. intelligi nequit sine *unione potentiali* seu *in actu primo* C. M. sine *unione actuali*, seu *in actu secundo*. N. M. & D. m. Atqui talis unio *actualis* venit a causa uniente C. m. unio mere *potentialis*, & *abstrahens* ab omni existentia, N. m. & C.

Etiam res universales certo cognosci queunt.

OB. 3. Ex ratione tertia. Philosophia est cognitio rerum *universalium*: atqui res universales certo cognosci non possunt: ergo non datur Philosophia. p. m. Si res universales certo cognosci possent, tunc aliqua propositio universalis de rebus singulis sub eodem genere contentis posset affirmari v. g. *omnis ignis est calidus*: atqui hoc fieri non potest: ergo. p. m. Ad hoc requireretur omnium singularium enumeratio & cognitio: atqui (saltem *moraliter* loquendo) impossibile est, omnia singularia sub aliquo universali contenta cognoscere & enumerare, cum sint *vix non infinita*: ergo. R. N. m. certo enim cognosci-
cun-

cuntur hæ propositiones universales :
omne totum est majus sua parte : omnis
homo est rationalis &c. ad p. N. m. ad
 hujus prob. D. M. Requiretur om-
 nium singularium enumeratio quoad
 propositiones in materia contingente
 C. M. in materia necessaria. N. M.
 & D. m. Impossibile moraliter est cir-
 ca propositiones in materia contin-
 gente Tr. m. in materia necessaria,
 N. m. & C. Cum enim in propositio-
 nibus necessariis prædicatum essentiali-
 ter conveniat subjecto, facile cogno-
 scitur, quod omnibus & singulis indivi-
 duis competat; alias natura a se ipsa
 deficeret, non sic in contingentibus.

OB. 6. *Ab Experientia.* Si daretur Ex Phi-
 in hac vita aliqua cognitio certa ac philosopho-
 evidens, ea deberet esse una & uni- rum di-
 formis in omnibus hominibus : atqui versis
 nulla datur ejusmodi cognitio unifor- sententiis
 mis : ergo non datur aliqua cognitio non se-
 certa & evidens. p. m. Dantur tot quitur,
 & tam discrepantes Philosophorum nullam
 opiniones, quorum unus negat, dari ve-
 quod alter evidenter affirmat : ergo, ram Phi-
 R. Trans. M. N. m. ad p. D. A. losophiā.
 Dantur tot discrepantes opiniones
 circa probabilia, & humano studio

nondum plene manifestata C. A. circa certa & evidentia N. A. & C. Utique diximus supra, quod Philosophia non sit scientia omnium; sed multarum tantum rerum humanarum & divinarum &c. dein potest etiam uni ingeniosiori certum apparere, quod aliis tardioribus, vel præjudiciorum, aut affectuum errore delusis dubium videtur & e contra, ut in *Log. Pract. Dissert. I.* abunde declaratum est: Id autem non Philosophia, sed hominum, Philosophiæ nomine inaniter gloriantium, vitio usuenit.

EXERCITATIO II.

AN ADAM INFUSAM HABUERIT PHILOSOPHIAM?

Status
quæstio-
nis. **P**hilosophia hic dupliciter accipi potest. 1. Quoad substantiam, seu quatenus est habitus scientificus cognoscendi res Divinas & humanas &c. (III) in quo sensu ab aliis quoque accipitur pro actuali, eoque recto rationis usu, rerumque naturalium notitia. 2. Quoad modum, hoc est quoad Methodum Systematicam, prout defacto in

in publicis scholis & Academiis tradi solet. Et sic procul dubio Adamus illam non habuit, nec habere potuit, eo quod hæc Methodus primum a Græcis, Græcorumque successoribus introducta observataque fuerit. Quæstio ergo solum procedit de Philosophia in *priore* sensu accepta.

PROPOSITIO.

ADAM HABUIT PHILOSOPHIAM SIBI QUOAD OMNES PARTES INFUSAM.

PROBATUR 1. *Authoritate S. Script.* Quod ECCLI. 17. expresse dicitur de primis nostris Proto-parentibus: *disciplina infusa fuerit illis scientiam spiritus, sensu implevit cor illorum, & bona ac mala ostendit eis*: atqui hæc verba clare indicant Philosophiam, probat omnes 4. Philosophiæ partes (VII.) tas, illis fuisse a Deo infusas: ergo ADAM habuit Philosophiam sibi quoad omnes partes infusam. p. m. Nam. 1. per *disciplinam intellectus* indicatur LOGICA, utpote quæ tota est in tradendis regulis & præceptis, quibus *intellectus* instructus perfecte ratiocinatur. 2. Per *scien-*

scientiam spiritus intelligitur METAPHYSICA, quia circa spiritus, naturali lumine cognoscendos, DEUM nempe, *animam rationalem*, & *angelos* versatur. 3. Per hæc verba: *sensu implevit cor illorum* (id est, animam eorum exprnavit scientiis de rebus corporeis, ac sensibilibus) denotatur *PHYSICA*. 4. Denique per ultima verba: *Et bona ac mala ostendit eis*, *ETHICA* seu *Philosophia moralis* aperte exprimitur, quia hæc circa *bonum* & *malum* cognoscendum intellectum dirigit, ut voluntas dein istud amplextur, & hoc aversetur: ergo omnes 4. Philosophiæ partes Adamo infusæ fuerunt.

Et Ratio. PROBATUR II. *Ratione.* Primus homo creatus a DEO fuit *in statu perfecto quoad corpus*, ita ut statim posset novam sobolem generare: ergo pariter creari debuit in statu perfecto quoad animam, hoc est cum naturalibus animi dotibus. Subsumo. Sed Philosophia est una e præcipuis humane mentis naturalibus ornamentis seu dotibus: ergo decens fuit, ut cum ipsa, a DEO menti ipsius infusæ crearetur. P. C. *prini Entbymematis*, tum quia ex
una

una parte nihil imperfectum a Deo immediate proficiscitur, tum ex altera parte, quia debuit ADAMUS filiorum suorum esse parens simul & Magister, sibi quæ & illis de necessariis servandi corporis & animi adminiculis prospicere, quod sine scientia rerum naturalium præstare non potuisset. CONFIRMATUR. Triplici tantum ratione potuit ADAMUS obtinere Philosophiam, nimirum vel inventione propria, vel alterius instructione, vel infusione: atqui eam nec inventione propria, nec alterius instructione obtinuit: ergo sola infusione. p. m. Tum quia ad id longo indiguisset temporis intervallo, nec proinde fuisset a Deo conditus perfectus, quod Divinæ sapientiæ repugnat, tum quia conveniens non erat, eum ab ANGELO erudiri, quem DEUS citra Angeli operam creaverat, ne vel tantum, vel fortasse plus se debere credidisset Angelo, qui bene esse, quam Deo, qui esse simpliciter tribuisset, ut ait Cl. PURCHOTIUS. Exercit. Ontolog. Q. 3. Concl. 1. tum denique quia mox postquam creatus est, imposuit nomina cunctis animantibus, ut patet ex Genes. 2. ergo debuit ipsorum animantium naturas novisse, & consequen-

quenter jam habuisse Philosophiam
sibi infusam.

Solvuntur Objectiones.

Adam ha-
buit infu-
sam Logi-
cam,

OB. 1. Adam nullam omnino sibi
infusam habuit Philosophiæ par-
tem, id est, nec *Logicam*, nec *Physi-*
cam, nec *Metaphysicam*, nec *Ethicam*:
ergo nostra thesis non subsistit. p. A.
Quoad 1. p. *LOGICA* est scientia instru-
mental^{is} ad alias scientias inserviens:
atqui Adam jam habuit reliquas scien-
tias sibi infusas: ergo *Logicam* non
habuit. R. N. A. quoad omnes partes.
Ad Prob. 1. P. D. A. *Logica* intervit
ad alias scientias vel acquirendas, vel
dirigendas C. A. tantum ad acquirendas
N. A. & C. Adam ergo indiguit *Lo-*
gica ad alias scientias secundum ra-
tionem dirigendas, ne scilicet circa
illas discurrendo erraret.

Physicam. *Inst.* 1. Adam non habuit *Physicam*
sibi infusam: ergo 2da pars prioris
Enthymematis subsistit. p. A. Si ha-
buisset *Physicam*, debuisset cognoscere
naturam serpentis: atqui non cognovit
naturam serpentis: quia eum putavit
loqui

loqui posse; nec cognovit naturam *fructus vetiti*, quem putavit causam *Divinitatis* existere posse: ergo non habuit *Physicam* sibi infusam. R. N. A. ad p. N. m. Adamus enim serpenti æque ac aliis animalibus conveniens nomen imposuit: ergo ejus naturam utique cognovit; quare illud additum *distinguo*: putavit eum loqui posse *supernaturaliter*, & saltem ab *extrinseco* principio Angeli moventis C. naturaliter & a principio *intrinseco*. N. Pariter dicendum de *fructu vetito*, de quo Adam suspicari potuit, quod is effectum *scientiæ Divinæ* producere valeat, non quidem *ex se*, & *ex natura sua*, sed *ex speciali beneplacito Divino*. Vel denique (quod verissimum est) *passione inordinata* abreptus protoparens, etsi cæteroquin in omnibus scientiis versatissimus (ut postea SALOMON egit) ad nihil horum attendit. Postremo non ADAM, sed EVA a serpente decepta fuit, ut inquit APOSTOLUS I *ad Timotheum* 2. v. 14.

Inst. 2. Adam non habuit infusam *Metaphysicam*: ergo 3tium membrum imi Antecedentis verum est. p. A.
Non

Meta-
physicam.

Non cognovit, DEUM esse *infinitum*,
ac *immensum* quod tamen *Metaphysica*
aperte demonstrat: ergo. p. A. quoad
1. p. putavit, se utut *creaturam* posse
DEO per omnia *similem* evadere.
Quoad 2. p. post peccatum coram
DEO, per suam *immensitatem* ubique
necessario præsente, abscondere se
posse putavit: ergo. R. N. A. cum p.
ad hujus prob. D. 1. p. Putavit, se
DEO posse *similem* evadere *perfecte*
N. A. *imperfecte*, seu in quantum limi-
tata entis creati natura permetteret,
Subd. & hoc putavit *judicio maturo*,
& *voluntate efficaci* N. A. *Judicio imma-
turo* & *voluntate inefficaci*, seu potius
inordinato in se, & conjugem suam
amore excecatus, sicque ad malitiam
peccati *non attendens*, sed in solo bo-
no *delectabili* quiescens C. A. & N. C.
ad *secundum membrum* iterum D. A.
putavit se posse abscondere a facie
Dei *sub forma humana* apparentis C. A.
ab ejus *immensitate* N. A. sic etiam
CAIN Gen. 4. dixit: *a facie tua (DEI)*
abscondar.

Et Ethi-
cam.

Inst. 3. Adam non habuit *infusam*
Ethicam: ergo 4tum primi Enthyme-
matis membrum subsistit. p. A. Ethi-

ca

ca est scientia boni & mali: atqui hanc scientiam primum *quæsit* ex impulsu serpentis: ergo eam prius non habuit. R. N. A. ad p. D. m. Quæsit scientiam boni & mali *supernaturalem*, & *Divine* quodammodo similem C. m. *naturalem & ordinariam*. N. m. & C. Dein non ADAM ita seductus est a serpente, sed EVA, ut dictum est.

Dices. Quorum oculi post esum *Et Ethicæ* pomi vetiti aperti sunt, illi non habuerunt antea scientiam boni & mali: atqui ex Genes. C. 3. v. 7. *amborum oculi primum aperti sunt post esum pomi vetiti*: ergo. R. D. M. Quorum oculi aperti sunt, ut novam boni & mali, rerumque simul naturalium scientiam assequerentur, ii non habuerunt antea &c. C. M. quorum oculi tantum aperti sunt, ut suam culpam agnoscerent &c. N. M. & sic distincta m. N. C. Postquam Proto-parentes nostri peccaverunt, eorum oculi aperti sunt, ut suam culpam agnoscerent, tumque se nudos esse erubuerunt, & appetitum sensitivum rationi rebellem sunt experti, cum antea pars hominis inferior esset superiori subiecta, nec caro adversus spiritum concupisceret;

ideoque non sunt affecuti novam rerum naturalium, bonique & mali scientiam, sed prioris jam habitæ usum & experientiam, qua se cognoverunt nudatos & spoliatos omnibus dotibus & ornamentis innocentiae, ac gratiae originalis, quibus in sua formatione ditati fuerant.

Adam erravit voluntate, non intellectu.

OB. 2. Juxta commune axioma: *Omnis peccans est ignorans*: atqui Adamus peccavit: ergo fuit ignorans, & consequenter Philosophiam non habuit. R. D. M. Est ignorans actu & practice, hoc est, eodem modo in praxi se gerit, ac si ignoraret, quid sit agendum, & a quo abstinendum, C. M. est ignorans habitu & speculative, quasi non sciret ea, quæ sibi essent agenda N. M. & C. m. N. C. vel aliter D. M. Est ignorans seu errans in voluntate C. M. in intellectu N. M. & c. nempe conformiter illi: *video meliora, proboque (in intellectu) deteriora sequor (voluntate)*

Inst. Philosophia eo unice tendit, ut hominem ab errore immunem præstet: ergo si Adam habuisset Philosophiam non errasset. R. D. A. Ab erro-

errore theoretico seu intellectus C. A. ab errore pratico seu voluntatis. Subd. nisi ipsa voluntas ex concessa sibi a Deo ~~libertate~~ illius effectum impediatur C. A. si impediatur. N. A. & C.

Ob. 3. Si Adam habuisset infusam Philosophiam, ea fuisset specie alia quam nostra: atqui consequens est falsum: ergo & Antecedens. p. M. Habitus infusus specie differt ab acquisito; quia ille *supernaturalis*, hic vero *naturalis* est: atqui noster est *acquisitus*, ille autem fuisset *infusus*: ergo. R. N. M. ad p. D. M. Habitus infusus *per se*, & qui nullo studio naturaliter acquiri potest, ut sunt habitus *fidei*, *spei*, & *charitatis*, qui sunt *supernaturales* quoad *substantiam*. C. M. Habitus infusus *per accidens*, & solum quoad *modum*, siue qui potest *alio modo*, quam per infusionem obtineri, est specie diversus, N. M. & D. m. Ille fuisset infusus tantum quoad *modum* C. m. quoad *substantiam*. N. m. & C. Adamus nempe potuisset etiam habitum scientiæ Philosophicæ proprio studio comparare, si non a Deo ipsi fuisset infusa: sicut ergo *natura humana* in ADAMO, licet a solo Deo producta, non fuit *diversa specie* ab ea, quam nos a parentibus accipi-

Ejus Philosophia fuit ejusdem speciei cum nostra.

21112
-vltimup
2111

mus, ita nec ejus Philosophia specie
diversa a nostra dici debet.

EXERCITATIO III.

AN LICEAT CHRISTIANO PHI-
LOSOPHO PHILOSOPHARI
POSTHABITA S. AU-
THORITATE?

Status
questio-
nis.

PROtestantes, cum nullum agno-
scent S. Scripturæ, fideique Judi-
cium, nisi suum quilibet spiritum priva-
tum, Philosophiæ ac Theologiæ, id est,
rationis ac fidei tribunal impermix-
tum esse contendentes, sub Philoso-
phicæ libertatis prætextu dogmata non
pauca orthodoxæ Religioni contraria
in Philosophia, præsertim morali seu
Ethicâ, docere audent, v. g. quod in
Luna, aliisque planetis, dentur incolæ
rationales, quod omnes animæ ab ini-
tio mundi a Deo jam sint creatæ, &
ovario Eyæ inclusæ, quod inter ani-
mam & corpus detur Harmonia præ-
stabilita, quod in statu nature lapsæ
non detur vera libertas, quod homo
in hac vita teneatur commode & jucun-
de vivere, quod vita solitaria ac Ere-
miti-

mitica repugnet *Juri naturæ*, quod spe-
ctato Jure naturali *supremo* in Republi-
ca Magistratui competat *Jus sacro-*
rum &c. Igitur contra hos Pseudo-
Philosophos hic in limine Philosophiæ
speciatim defenditur, quod necessa-
rio Philosophia Theologicæ, & Ratio fidei
ancilla esse debeat.

PROPOSITIO.

NON LICET CHRISTIA-
NO PHILOSOPHO PHILOSO-
PHARI POSTHABITA S.
AUTHORITATE.

PROBATUR ex dictis (CCLXXXI. Etiam in
item CCCXXIV. & seq.) Deip in Philoso-
SYNODO LATERANENSI sub LEONE X. phia at-
celebrata ita definiit Pontifex : Cum tendi de-
verum vero minime contradicat, & omnem betur S.
assertionem, veritati illuminatæ fidei con- Authori-
trariam omnino falsam esse definimus, & tatem.
ut aliter dogmatizare non liceat, distictius
inhibemus. & velut damnatissimas here-
ses seminantes. vitandos & puniendos
fore decernimus. Sicut & defacto dam-
nata sunt a CONCILIIS OECUMENICIS.
hæresum multa dogmata Philosophica
v. g. de Dei existentia & unitate, de

Mundi creatione, de fato, de anima humana, de Hypostasi sive substantia &c.

Quid ad
S. Autho-
ritatem
spectet?

Corollarium. Cavendum igitur quam maxime est Christiano *Philosopho*, ne quidquam defendere audeat, quod S. SCRIPTURÆ, vel TRADITIONI manifeste adversatur, vel quod SS. PATRES ubique & semper, ac unanimiter pro certo ac evidenti habuere, vel denique quod Generalia CONCILIA, Romanique PONTIFICES in suis fidei formulis, decretis & judiciis, ab UNIVERSA ECCLESIA probatis concordii studio probarunt, & pro fundamento dogmatis cujuscunque posuerunt.

Solvuntur Objectiones.

De vero
sensu S.
Scriptu-
ræ sola
Ecclesia
judicare
debet.

OB. I. Quando Deus in S. Scriptura de rebus mere *naturalibus* loquitur, plerumque tantum loquitur ad *sensum vulgi*: ergo in rebus pure Philosophicis S. Autoritas non est attendenda. p. A. Genes. I. Sol & Luna vocantur *Luminare majus* & *luminare minus*, cum tamen 1. sol nullo modo sit *major*, quam *stella*, & *superiores planetae*, 2. & *Luna* ne quidem
fit

fit *Luminare*, cum *proprium* ex se *lumen* non habeat, sed & ipsa quoque a sole illuminetur: ergo. R. D. A. Loquitur sæpe ad sensum vulgi, ita tamen, ut in casibus *dubie locutionis* interpretatio semper sit facienda *ad mentem* S. Matris ECCLESIE C. A. ita ut cuilibet privato secundum *suam mentem* ac *phantasiam* interpretari liceat. N. A. & C. (CCCXXIV. 5.) ad prob. dico, quod sol vere sit *Luminare majus*, in eo sensu, quia terram nostram magis *illuminat*, quam omnes *stelle & planete*: sic etiam de *Lana*, maxime si *plena* sit, dicendum est, undecunque dein *lumen* suum habeat, quod ad nos de nocte reverberat.

OB. 2. Deus Philosophiæ Cathedram nunquam ascendit ad homines edocendos, sed potius *reliquit mundum disputationi eorum*. Eccl. 3. 11. : ergo S. Authoritas in Philosophia attendenda non est. R. D. A. Nec tamen etiam Deus in S. Scriptura unquam *mentitus* est, aut *falsum* docuit, C. A. mentitus est aut *falsum* quidquam docuit. N. A. & RETORQ. Etiam Deus nunquam ascendit Cathedram *Chronolo-*

Quæ habentur in S. Script. falsa esse non possunt.

nologia, Historia, & Geographia, nec tamen ipsimet Protestantes civitatum, regionum, annorumque supputationes alias assumere audent, quam quæ in S. Litteris exhibentur. Quod Deus reliquerit mundum disputationi hominum, intelligi debet circa casus Divine providentiae, ludentis in orbe terrarum, ut supra in Exerc. I. ex S. Hieronymo dictum est.

Textus
S. Aug.
non est
contra
nos.

Inst. Juxta S. AUGUSTIN. non legimus, dominum dixisse: mitto vobis Paraclitum, qui vos doceat de cursu solis & Lune. — Christianos facere volebat, non Mathematicos &c. Ergo ex S. Autoritate nihil in Philosophia dicendum est. R. N. C. Illa enim argumentatione S. Doctor usus est contra Manichæos, ridicule ac lepide sic concludentes: Christus promisit, se missurum spiritum S. ut nos doceret omnem veritatem: atque Manes docuit nos omnia, media, suprema, & infima, cursum solis & Lune &c.: ergo Manes fuit spiritus S. Ideoque alatus textus huc non quadrat.

Philoso-
phia Neo-
terica S.
Authori-

Scholion. Nihilominus cavenda quoque est Christiano Philosopho omnis superstitio, nimiaque & vana Religio,

ne

ne scilicet naturalia cum supernaturali-
 bus ad unum idemque tribunal provo-
 centur, & neglecta ratione veritates
 pure philosophice, quarum revelanda-
 rum Deo cura non fuit, ex S. Scri-
 ptura repetantur, qua superstitione
 seducti quidam timidi, putant nefas
 esse, Recentiori Philosophie animum ap-
 plicare; eoquod credant, eam vere
 Religioni esse inimicam, & cum ea re-
 conciliari non posse; quasi vero stu-
 dium SAPIENTIAE RELIGIONI sit adver-
 sum, ac propterea intermittendum,
 veterateque inhærendum ignorantie!
 Videatur desuper egregius liber CL.
 P. UDALRICI WEISS de Præjudiciis Reli-
 gionis.

EXERCITATIONES IN PROLE- GOMENA LOGICÆ.

EXERCITATIO I.

AN LOGICA SIT SCIENTIA
 VEL ARS?

SCIENTIA conformiter definitioni
 supra traditæ (CCCXXXII.) hic
 fumitur pro facultate, seu virtute in-
 Status
 quæstio-
 nis.

tellectuali, quæ in rei consideratione ita
 versatur, ut omnia, vel ferme omnia,
 quæ ea ipsa de re tradit, ex CERTIS EVIDENTISSIMISQUE PRINCIPIIS colligat, atque DEMONSTRET. Ars vero, in rigore loquendo, est habitus acquisitus intellectus (sive virtus intellectualis) qui occupatur circa res EXTERNAS, sive dein relinquat OPUS post se, ut v. g. ARCHITECTURA, sive non, ut MUSICA; quin etiam Ars occupatur quandoque circa rem internam, de qua tamen reddere non potest rationem, ut RHETORICA, GRAMMATICA: artes primi generis appellantur MECHANICÆ, secundi autem generis vocantur LIBERALES. DOCTOR SUBTILIS in 1. Dist. 38. n. 5. ARTEM sic definit: Est habitus cum vera ratione conjunctus, ad efficiendum idoneus, seu dirigens & rectificans potentiam, cujus est secundum artem operari. Quæstio hic procedit tam de Logica docente, quam utente (XXVIII.)

Ars & scientia
 quomodo
 differant?

Corollarium. Ars & scientia multipliciter inter se differunt; nam 1. scientia versatur circa res necessarias, sive quæ aliter esse nequeunt; Ars vero circa res tantum contingentes, & quæ mutari, variarique possunt. 2. Scientia suas

suas elicit conclusiones per demonstrationem: Ars autem solummodo intendit, ut artefactum sit conforme regulis, a peritioribus præscriptis.

3. Scientia habet sua principia in rebus ipsis, ars autem sua habet principia in Mente artificis tantum; fit enim præcise eo modo artefactum, quo istud faciendum artifex in mente concepit.

4. Ars circa potentias tam internas, quam externas, maxime autem circa externas regulandas seu dirigendas occupatur, econtra scientia in solis dirigendis internis animæ facultatibus detinetur.

PROPOSITIO I.

LOGICA DOCENS EST SCIEN-
TIA PROPRIE DICTA.

PROBATUR ex Definitione. SCIENTIA est cognitio vera, certa & evidens rei necessaria & immutabilis per proprias ejus causas & rationes: atqui Logica docens est talis cognitio: ergo est scientia. p. m. Logica docens in qualibet sui parte veras demonstrationes efficit, quæ ex propriis & certis principiis ducun-

Logica
docens est
scientia.

contur, neque *mutuatis* tantum, alit
 ex *fecunditate* ingentis desumptis inni-
 untur: ergo. p. A. Logica docens
 has efficit demonstrationes. 1. (De
 DEFINITIONE.) Quod explicat rei natu-
 ram, debet constare genere & differentia:
 sed definitio est oratio explicans naturam
 seu essentiam rei: ergo debet constare ge-
 nere & differentia. 2. (De DIVISIONE)
 Omnis oratio ignoti manifestativa est mo-
 dus sciendi: sed divisio partes rei mani-
 festat: ergo est modus sciendi. 3. (De
 ARGUMENTATIONE) Argumentatio con-
 stans premissis certis & evidentibus rite
 ordinatis generat scientiam: sed talis est
 demonstratio: ergo generat scientiam &c.
 Atqui hæ sunt demonstrationes ex
 propriis & certis Logice principiis de-
 ductæ, ut de se patet: ergo.

PROPOSITIO. II.

LOGICA UTENS NON EST
 SCIENTIA, SED ARS.

Utens ve-
 ro est Ars. **P**ROBATUR iterum ex definitione.
 Ars est habitus cum vera ratione,
 seu secundum regulas activus vel factivus,
 scilicet alicujus operis (sive deinde illud
 opus

opus fiat extra, five intra intellectum) atqui Logica utens est talis: ergo est Ars. (p. m. Logica utens conficit definitiones, divisiones & Syllogismos: atqui hi sunt utique aliquod opus (licet intra intellectum tantum maneat) estque hoc exercitium seu applicatio Logice docentis: ergo CONFIRMATORIA Scientia proprie dicta versatur circa universalis (quæ sola sunt necessaria & immutabilia) sed Logica utens, quatenus utens, non versatur circa universalis, sed tantum circa singularia: ergo non est scientia: p. m. Logica utens applicat præcepta huic vel illi rei definiende aut dividende, aut inferende: ergo. subdit. usque p. i. sub

Solvuntur Objectiones.

CONTRA I. PROPOSIT.

OB. 1. Ex Authoritate. ARISTOTELES L. 2. Metaphysicis Absurdum est querere simul scientiam, & modum sciendi: ergo absurdum est eam appellare scientiam. R. 1. Interpretando Authoritatem ARISTOTELIS, nempe Aristoteles, loc. cit, tantummodo vult, i. ab

Logica in quo sensu sit Modus sciendi?

sursum esse, ut quis alias scientias discere aggrediatur, antequam in Logica bene versatus sit. R. 2. D. M. absurdum est. Quia nisi simul ipse modus sciendi procedat demonstrative ac scientificè C. M. si sic procedat. N. M. & sic distincta m. N. C. Dein Logica non est ipse modus sciendi, sed versatur tantum demonstrative circa modum sciendi triplicem, scilicet circa definitionem, divisionem, & argumentationem, diciturque modus sciendi solum in hoc sensu, quatenus est modus sive medium ac instrumentum ad alias scientias acquirendas.

Modus sciendi in suo sensu est vera scientia.

Inst. 1. a pari. Modus v. g. saltandi non est saltatio: ergo etiam modus sciendi, seu Logica, non est scientia: R. D. C. modus sciendi *objectivus*, & qui non facit demonstrationes C. c. Modus sciendi *formalis* & *directivus*, qui demonstrative procedit. N. c. & C.

Logica est instrumentum scientificum.

Inst. 2. Nullum instrumentum artificiale est ipsa facultas artificialis: e. g. Malleus non est ipsa ars fabrilis: ergo neque Logica, tanquam instrumentum scientiarum, est ipsa scientia, R. 1. N. C. & Par. dispar. est, quia il-

la instrumenta mechanica non habent in se regulas arti ipsi communes, & consequenter non sunt ipsa ars; *Malleus* enim v. g. non habet in se regulam; secundum quam faber ferras & clavos &c. perficiat: e contra *Logica* in se jam habet, quod aliis scientiis communicet, unde & sibi & aliis est scientia *instrumentalis*; faciens veras demonstrationes circa actus suos. R. 2. *Retorq.* Manus v. g. est *instrumentum hominis*, & tamen simul est etiam pars hominis: ergo etiam *Logica* licet sit *instrumentum scientiarum*, tamen scientia esse potest. Item artes *Pharmacopæa*, & *Ephippiaria* seu *frænosactoria* sunt veræ artes, etsi aliis artibus, nempe *Medicinæ*, & arti *equestri* tanquam *instrumenta* inserviant: ergo a pari &c. Adeoque sufficit, quod *Logicæ* docenti proprium sit *evidenter demonstrare*, id quod solis scientiis, & nulli prorsus arti competit.

Inst. 3. Saltem de *Syllogismo* *Logica* De *Syllogismo* nequit facere *demonstrationes*, qui ta- gismo
men ultimum *Logicæ* *objectum* est: sunt de-
ergo *Logica* adhuc dici nequit *scien-* monstra-
tia. p. A. Si de *Syllogismo* posset fa- tionibus.
cere *demonstrationes*, has facere de-
beret

beret per alium Syllogismum: atqui hoc non: ergo. p. m. Sic enim daretur jam Syllogismus ante Syllogismum: ergo. Ro. D. A. de Syllogismo, seu positus de *operatione mentis discursiva*. Tr. A. de Syllogismo, hoc est de regulis Syllogismi. N. A; & C. ad p. D. M. has facere deberet per alium Syllogismum: ex Logica naturali petiturum C. M. ex Logica artificiali. N. M. & similiter Dist. alteram probat. Daretur jam Syllogismus ex Logica naturali petitus ante Syllogismum: ex Logica artificiali de promptum C. A. daretur Syllogismus artificialis ante Syllogismum ex Logica artificiali acceptum. N. A. & C. Syllogismus artificialis, ultimato demonstratur per Syllogismum ex Logica naturali, sive per aliquod principium ex lumine nature notum, & sic datur status, seu consistentia demonstrationis.

Logica
objectum
est neces-
sarium
quoad
essentiam

OB. 2. Scientia debet habere ob-
jectum necessarium: atqui Logica non
habet objectum necessarium, ergo non
est scientia. p. m. Logica versatur tan-
tum circa ea, quæ fiunt a nobis libere:
sed quæ fiunt libere, non sunt ne-
cessaria, cum possint non fieri: ergo.

1013d

p. M.

p. M. Logica versatur circa *definitionem, divisionem, & argumentationem*: atqui hæ fiunt *libere*, & quando *volumus*: ergo. R. ut superius in EXERCIT. I. *An detur in hac vita vera Philosophia?* D. M. Scientia debet esse de objecto necessario, *necessitate essentie* C. M. *existentie*. N. M. & D. m. Logica non habet objectum necessarium *necessitate existentie* C. m. *essentie*. N. m. & C. ad p. D. M. Logica *utens* versatur circa ea, quæ fiunt a nobis *libere*, sive circa *existentiam* modi sciendi C. M. Logica *docens*. N. M. & D. m. quæ fiunt *libere* a Logica *utente*, non sunt necessaria *necessitate existentie* C. m. quæ fiunt a Logica *docente*, non sunt necessaria *necessitate essentie*. N. m. & C. Quæ fiunt a Logica *docente*, sunt necessaria *secundum essentiam*, quia ex certis principiis *essentialibus* sic constant, ut non possint ex iis non constare. v. g. *Syllogismus* ex tribus terminis ita necessario constat, ut si aliter fiat, *perfectus* non sit, sic etiam *divisio* fieri debet in membra opposita, & *definitio* constare ex genere & differentia: nimirum prout superius dictum est, *creaturarum essentias* esse

Pp

necef.

necessarias, licet a D E O *libere* producantur in tempore.

Inst. 1. Etiam quarundam artium obiecta sunt necessaria *necessitate essentiae*, v. g. obiecta *Geometriae*, *Architecturae*, *Musicae* &c. ergo obiectum *Logicae*, tanquam scientiae debet esse necessarium *necessitate maiori*, scilicet *necessitate non tantum essentiae*, sed etiam *existentiae*. P. C. Secus enim illae artes non differrent a scientiis: ergo. R. N. C. ad hujus prob. D. A. illae artes non differrent a scientiis, secundum *superiorem* sui partem spectatae C. A. secundum *inferiorem* partem N. A. & C. Pars superior in illis artibus est *cognitio rei per certas quasdam ac necessarias regulas efficiende*, & pars inferior est *executio seu productio ipsius artefacti*. Unde potest quis habere *superiorem* artis partem, seu scientiam v. g. *Theoriam Geometriae sine praxi*, vel vicissim; sic autem & *Logica*, ut est *Theoretica* seu *docens* utique separari potest a *praxi*, seu *usu*, in quo sensu etiam (*juxta Prop. II.*) non est *scientia*, sed *ars*.

Inst. 2. Si Syllogismus secundum se consideratus & quoad *essentiam suam*
non

non potest aliter fieri, tunc frustra de eo conficiendo dantur præcepta: atqui hoc non: ergo Syllogismus etiam in se, & secundum essentiam suam consideratus non est necessarius. P. M. Frustra enim v. g. præcipitur, ut, qui videre voluerit, oculos aperiat, quia hoc est *necessarium*, de necessariis autem non fiunt præcepta: ergo. R. N. M. Prob. Dist. non fiunt præcepta de rebus necessariis, quatenus *necessaria* sunt C. quatenus sunt *contingentes*. N. De Syllogismo fiunt præcepta quoad illius *existentiam* seu *confectionem* tantum, non autem quoad ipsius *naturam*, quæ necessaria est, quoniam a nobis non pendet, ut sint v. g. plures aut pauciores termini in Syllogismo, quam tres &c. Hinc patet *disparitas* de apertione oculi *necessaria*, si quis videre cupit.

Ob. 3. Logica docens non habet ob- *Logica*
jectum *determinatum*: ergo non est docens
scientia. P. A. Logica juxta SCOTUM *habet*
Q. 1. *Elench.* vagatur circa res omnes: *objectum*
ergo. R. D. A. Logica utens, seu *determi-*
usus Logicæ non habet objectum, seu *natura*
potius materiam determinatam, in
hoc sensu, quatenus *omni materia ap-*

plicari possunt *præcepta definiendi, dividendi & argumentandi* C. A. *Logica docens*. N. A. Hæc enim, ut dicetur, habet pro suo objecto *modum sciendi triplicem, seu præcepta definitionis, divisionis & argumentationis*. Dein etiam *Logica utens quoad se habet materiam determinatam*, ut pariter dicetur.

**Etiam
Logica
topica est
scientia.**

OB. 4. Saltem *Logica topica*, quæ tractat de *probabilibus, & Sophistica*, quæ agit de *fallaciis*, non est scientia: ergo. R. D. A. In quantum ad *materiam* C. A. in quantum ad *formam artificialem*. N. A. Alterum etiam *Dist. Logica* agit de *fallaciis fugiendis* C. A. *approbandis*. N. A. & C.

Solvuntur Objectiones

CONTRA II. PROP.

**Logica
utens est
ars liberalis.**

OB. 1. *Ars* versatur circa opus *sensibile & externum*: atqui *Logica* utens non versatur circa tale opus: Ergo non est ars. R. D. M. *Ars mechanica & servilis* versatur circa tale opus C. M. *Ars liberalis*. N. M. & C. m. N. C.

OB.

Ob. 2. Unus & idem realiter habitus non potest esse scientia & non esse; sunt enim *contradictoria*: atqui Logica docens & utens est unus & idem realiter habitus, ut paulo inferius dicitur: ergo Logica utens est æque scientia sicut docens. R. D. M. Non potest esse &c. secundum eandem formalitatem & considerationem C. M. secundum *diversam*. N. M. Et Ret. Eadem *g.* virtus *charitatis* inclinat simul ad *amorem* Dei, & ad *odium* peccati, etsi, quatenus inclinat ad *amorem*, non præcise inclinet ad *odium*: ergo etiam, cum *idem* realis Logica habitus habeat *dua munia*, nimirum *cognitionem* & *usum* seu *confectionem* modi sciendi, potest sub *priori* consideratione dici *scientia*, & sub *posteriori* *Ars*.

Logica docens & utens tantum quoad diversa munia differunt.

Inst. 1. Logica utens æque respicit Syllogismum, ac docens: ergo est æqualiter scientia. R. D. A. Respicit Syllogismum secundum suam *existentiam* sive *productionem*, & *singularem* tantum, C. A. secundum *essentiam*, & *universalem*. N. A. Vel aliter D. Respicit Syllogismum, & simul *demonstrat*, N. A. respicit, illum nude efficiendo ac producendo C. A. & N. C.

Inst. 2. Syllogismus etiam *secundum existentiam* est scientia : ergo manet argumentum. R. D. A. Est scientia, quatenus est regulatus a Logica docente C. A. quatenus effective & elictive est a Logica utente N. A. & C.

EXERCITATIO II.

AN LOGICA SIT SCIENTIA
PRACTICA VEL THEORE-
TICA ?

Status
Quæstio-
nis.

Scientia THEORETICA, seu, ut scholæ ajunt, SPECULATIVA dicitur illa, quæ in vero investigando, contemplandoque unice occupatur, atque in eo cognito plane *quiescit*, sive ut Aristoteles loquitur 2. *Metaph. C. 2. Cujus finis est veritas*. PRACTICA econtra vocatur ea, quæ ad operantem potentiam dirigendam per se ordinatur, sive, *cujus finis est opus*, ut ait Stagyrita *loc. cit.* unde etiam hunc locum Aristotelis Avicenna sic interpretatur : *per speculativam scimus, ut sciamus, per practicam vero scimus, ut operemur.*

Scho-

Scholion. PRAXIS porro a scholasti-
cis dupliciter accipitur. 1. *Improprie* Praxis impro-
& *lato modo*, quatenus ab ea dirigitur *prie*,
potentia operans *quæcunque*, sive intel-
lectus, sive voluntas. 2. *Proprie* & in & *pro-*
rigore, sicque a DOCTORE SUBTILI *prie*.

Q. 3. Prolog. n. 3. definitur esse actus
alterius potentie ab intellectu (hoc
est actus *solius voluntatis*) *naturaliter*
posterior intellectu (hinc actus *natu-*
rales, quia *precedunt* omnem intel-
lectionem, nec ab ea diriguntur, non
possunt dici *praxes*) *natus elici confor-*
miter recte rationi, ut sit *actus rectus*
(non quidem semper in genere *moris*,
sed saltem in genere *artis*, & quam-
quam actus *pravi* a voluntate elicti
sint etiam *praxes*, non tamen juxta
Scorum sunt *praxes recte*) adeoque
ad scientiam vel artem *proprie practi-*
cam SCOTISTÆ potiores cum MASTRO
requirunt, ut dirigat *potentiam ab in-*
tellectu diversam, hoc est, *voluntatem*,
aliis autem scholis sufficit *ad praxin*,
ut dirigatur *quæcunque potentia ope-*
rans. Quoniam res tota pendet a
definitionibus nominalibus, hinc sit

PROPOSITIO.

LOGICA DOCENS EST SCIEN-
TIA SPECULATIVA SEU THEO-
RETICA; UTENS VERO EST
ARS MINUS PROPRIE
PRACTICA.

*Logica
docens est
specula-
tiva.*

PROBATUR I. P. Omnis *scientia qua-
talis est speculativa: atqui Logi-
ca docens est scientia: ergo est specu-
lativa.* P. M. Scientia qua scien-
tia quiescit in mera contemplatione
sui objecti: sed hoc dicit meram
speculationem: ergo. p. m. Quia effice-
re jam pertinet ad habitum artis (ju-
xta *Exercit. præc.*)

NEC DICAS, scientiam quoque
dividi in *practicam & speculativam.*
Nam CONTRA EST, hoc tant-
um verum est, si scientia sumatur
pro quavis notitia intellectuali, non ve-
ro si intelligatur cognitio per demonstra-
tionem *parta (CCCXXXII.)* CONF.
*Logica docentis finis est veritas, per de-
finitionem, divisionem & Syllogismum*
*parta: atqui hoc competit soli scien-
tiæ propriæ speculativæ: ergo. Item Lo-
gicæ docentis actus non sunt actus al-
terius potentie, sed solius intellectus, ut*
pa-

patet: ergo est scientia propria speculativa.

PROBATUR 2. P. Logica utens non quiescit in sola cognitione veri, sed eo intrinsecus, & immediate tendit, ut intellectum dirigat, ipsumque idoneum reddat ad omnes suas operationes recte perficiendas. ergo per Logicam utentem non scimus ut sciamus (proxime saltem & immediate) sed ut operemur: Consequenter Logica utens non est scientia proprie & in rigore Theoretica, sed lato modo practica, lato, inquam, modo, quia solummodo intellectum, non autem potentiam ab illo diversam dirigit. Hinc Doctores subtilis L. 6. Metaph. Q. 1. N. 14. expressis terminis inquit: Potest dici, quod Logica sit practica, quia non est tantum propter scire proprium, sed propter scire directivum in aliquo actu, quia enim intellectus in actu proprio discursivo potest errare, indiget habitu directivo, priusquam dirigat in aliis scientiis -- Ideo Logica potest dici primo practice inventa, extendendo nomen.

Logica
utens est,
lato modo
practica.

Solvuntur Objectiones.

Logica
docens
respicit
opus in-
tellectus,
solum ut
specula-
bile,

OB. 1. *Contra* 1. P. Etiam Logica docens respicit opus: ergo æque est practica (saltem improprie) sicut Logica utens. R. D. A. respicit opus ut speculabile & considerabile C. A. ut factibile & operabile N. A. & C.

Inst. 1. Logica respicit Syllogismum ut factibilem & operabilem: ergo manet argumentum. R. D. A. Logica utens C. A. docens. N. A. & C.

Inst. 2. Syllogismus fit ad imperium voluntatis: ergo est opus operabile, & vere practicum. R. D. A. fit a Logica docente N. A. ab utente subd. fit ad imperium voluntatis per accidens, præsuppositive & imperative tantum C. A. per se, immediate, & elicitive N. A. & C.

Inst. 3. Hic Syllogismus: *Omne malum est fugiendum: sed vitium est malum: ergo est fugiendum*, est quid practicum, & voluntatem respiciens: ergo. R. D. A. est quid practicum respectu materie C. A. respectu forme. N. A.

Inst.

Inst. 4. Logica docens est instrumentalis & directiva: ergo est practica sicut utens. R. D. A. Quatenus explicat formam C. A. quatenus efficit quidpiam. N. A. & C.

Inst. 5. Ethica est practica: ergo etiam Logica. R. N. C. *Disp. est*, quia Ethica actus non tantum considerat, sed etiam rectificat, seu efficit conformiter recte rationi; Logica autem docens tantum considerat.

Ob. 2. Contra 2, P. Logica utens efficit tantum demonstrationes: ergo nullo modo est practica, vel etiam omnes aliae scientiae speculativae erunt practicae, v. g. Geometria, quia hae non tantum considerat, sed etiam efficit triangulum. R. N. A. Nam demonstrationes, prout considerantur ut merae speculationes, fiunt a sola Logica docente, prout vero considerantur ut opera intellectus, quem Logica utens dirigit, sic plane (saltem minus proprie & lato modo) sunt praxes, quia Logica utens non quiescit in nuda contemplatione, sed unice tendit eo, ut intellectus operetur, quamvis dein ex post intellectus per actus suos reflexos in

Logica utens respicit demonstrationes solum ut operabiles, seu effectibiles.

in cognoscenda veritate sistere quoque valeat, quod Logicae utenti, qua utenti est mere per accidens. Sic etiam de aliis scientiis quoad illarum theoriam & praxin dicendum est.

Inst. 1. Definitio, divisio, & demonstratio sunt merae speculationes, non praxes: ergo Logica utens, dum circa eas versatur, speculatrix est, non practica. R. D. A. Sunt speculationes, si comparentur cum *objectis* definitis, divisis & demonstratis C. A. Si comparentur cum praeceptis seu *regulis* a Logica utente intellectui applicatis, ut circa ea operetur N. A. & C.

Inst. 2. Ars saltatoria & gladiatoria sunt proprie practicae, licet intellectum tantum instruant: ergo etiam Logica utens dici potest proprie practica, licet intellectum tantum dirigat. R. N. Illud additum antecedentis: nam illae artes non intellectum tantum instruunt, sed etiam manus & pedes necessario a voluntate debent moveri.

Inst. 3. Actus fidei solummodo ab intellectu procedunt, & tamen sunt practici: ergo a pari. R. N. A. Quia
ad

ad illos *fidei* supernaturalis actus etiam requiritur *pia motio voluntatis*, ut Theologi docent, eoquod sint *liberi*, hinc non est mirum, quod sint *proprie practici*; secus fit in nostra thesi, ubi *intellectus* solus a Logica utente dirigitur.

EXERCITATIO III.

QUODNAM SIT LOGICÆ OBJECTUM?

OBJECTUM alicujus scientiæ est id Diversa
 omne, quod *objicitur*, seu pro- objecto.
 ponitur intellectui mediante scientia rum ge-
 cognoscendum: sive, ut alii illud de- nera.
 finiunt, est id, *circa quod aliqua scien-*
tia demonstrative versatur, videlicet cu-
 jus naturam inquit, investigat prin-
 cipia, & proprietates ostendit. Aliud
 est *objectum materiale*, & aliud *formale*.
 1^{um} est illa *materia*, circa quam ali-
 qua scientia vel ars occupatur. 2^{dum}
 est illa *ratio*, *sub qua* attingitur ab hac,
 & non ab alia facultate. e. g. Idem
 corpus humanum est materia *Physicæ*,
Medicinæ, & *Matheseos*, *Physicæ* qui-
 dem sub ratione *naturalitatis*, *Medi-*
cinæ autem sub ratione *sanabilitatis*,
 &

& Matheſeos ſub ratione *meſurabilitatis*. Objectum materiale iterum dividitur in *proximum* & *remotum*. *1um* eſt, de quo aliqua facultas agit *immediate*. *2dum* eſt illud ipſum, quod proximi objectum eſt. e. g. Quia Logica dirigit intellectum per triplicem modum ſciendi, *triplex* *modus ſciendi* eſt objectum proximum, & *intellectus* remotum. Rurſus aliud eſt objectum *adequatum* & *totale*, aliud *inadequatum* & *partiale*. *1um* eſt aggregatum ex omnibus iis, de quibus aliqua ſcientia agit, diciturque etiam *objectum attributionis*, ſi ita ſit adequatum, ut omnia illi objecto attribuantur, tanquam *partes* in illa ſcientia vel arte contentæ. Sic v. g. *Oratio* eſt objectum Rhetoricæ adequatum & attributionis, quia omnia tanquam partes ad *orationem* referuntur.

Quatuor
conditio-
nes ad
objectum
adequa-
tum re-
quiſitæ.

Scholion. Ad objectum totale & adequatum alicujus ſcientiæ DOCTOR SUBTILIS Q. 3. *universal.* has quatuor condiciones requirit. 1. Ut ſit *unum*; nam ab objecto totali & attributionis aliqua ſcientia denominatur *una*. 2. Ut ſit *commensuratum* diſciplinæ & ſcientiæ, cujus eſt objectum, hoc eſt,

ne *latius* vel *angustius* pateat, quam ea facultas, cujus est objectum. 3. Ut ad ipsum *revocari* possint ea omnia, quæ in illa facultate *pertractantur*. 4. Denique, ut per illud a qualibet alia disciplina vel facultate *distingatur*.

Jam circa hanc quæstionem, in qua Status veterum Scholasticorum tot ferme quæstio-
sunt sententiæ, quot capita, paucis nis,
mentem meam sic explico, dum cum
Cl. P. FORT. A BRIXIA *Exercit. Scholast. in Log. Art. IV.* discrimen facio
inter Logicam *docentem*, quæ est *scien-*
tia, & inter *utentem*, quæ est *ars pra-*
ctica. Objectum *prioris* simpliciter vo-
co OBJECTUM, sive id, in quo illius
demonstrationes versantur, quodque
proinde earum ope *verum* esse certo
& evidenter cognoscimus; *posterioris*
econtra objectum appello MATERIAM,
hoc est, id, *circa quod* ad Logicæ uten-
tis præscriptum intellectus *operando* oc-
cupari debet, & de quo vel nihil *de-*
monstratur, vel si quid demonstratur,
istud sit tantum *per accidens*, scilicet
ut evidentiùs reluceat, quomodo po-
tentia activa circa illam se gerere de-
beat, ut opus suum rite perficiat;
Nempe de *objecto* scimus per *demon-*
stra-

strationem illud, quod sciendum est, ut dein circa **MATERIAM** recte operemur.

PROPOSITIO.

LOGICÆ DOCENTIS OBJECTUM EST TRIPLEX MODUS SCIENDI; LOGICÆ AUTEM UTENTIS MATERIA SUNT OPERATIONES INTELLECTUS UT DIRIGIBILES.

Obje-
ctum Lo-
gicæ est
Modus
sciendi;

PROBATUR. I. P. De triplici modo sciendi, *definitione* scilicet, *divisione* & *argumentatione* Logica docens ita differit, ut omnes *demonstrationes*, quas tradit, circa illum versentur, atque ad eum unice referantur: ergo triplex modus sciendi est *objectum* Logicæ docentis in sensu mox explicato. p. A. Quidquid enim in Logica docetur, spectat ad *modum sciendi* vel definitivum, vel divisivum, vel demonstrativum, aut tanquam *pars*, aut tanquam *proprietas*, aut quid conferens ad eorum *complementum*, aut *cognitionem*, ut patet ex dictis in *Logica Theoretica*. **CONFIRMATUR.** Circa illud tota Logica docens

cens occupatur, secundum quod aliis scientiis inservit: atqui secundum solum modum sciendi aliis scientiis inservit, quem istae ab illa desumunt: ergo. p. m. Quæ enim de re qualibet ignorare possumus, ad tria capita reducuntur, scilicet ad *essentiam*, quam indicat *definitio*, ad *partes*, quas *divisio*, & ad *proprietates*, quas *argumentatio* seu *discursus* manifestat: ergo triplicem hunc modum sciendi aliæ scientiæ a Logica desumunt. Habet insuper Modus sciendi *omnes conditiones* ad objectum requisitas, ut examnanti liquet, consequenter est objectum Logicae *docentis*.

PROBATUR 2. p. Logica utens eo Eius vero
immediate ex se tendit, ut intellectum materia
dirigat, ne in vero investigando ac sunt ope-
dijudicando erret: ergo tres operatio- rationes
nes intellectus (*simplex apprehensio*, mentis,
judicium & discursus) quatenus *dirigibiles*, ut *dirigibiles*.
biles, sunt materia Logicae utens in
sensu itidem supra explicato, fumen-
do videlicet *materiam facultatis practi-*
cæ pro eo, circa quod illa *directive*
versatur. CONFIRMATUR ab aliqua
analogia. Materia in physicis dicitur
id, in quo recipitur *forma* quædam

artificialis. v. g. *Lignum* est materia, in quam a statuario introducitur forma Cæsaris : atqui sic etiam quodammodo se habent operationes intellectûs respectu *Logicæ utentis* : ergo illius *materia* dici valent. p. m. In operationibus intellectûs vere recipitur forma sive perfectio, nempe *veritas*, quam efficit agens seu *Logicus*, dum ad præscriptum *Logicæ utentis* operatur : Ergo &c.

Solvuntur Objectiones.

Scotus
sentit no-
biscum.

OB. I. Ex autoritate Scoti. DOCTOR SUBTILIS. Q. 3. *Universal.* expresse docet, & probat, *Syllogismum esse primum, & proprium Logicæ objectum*, quia omnia, quæ tractantur in *Logica*, ad ipsum referuntur : ergo *Modus sciendi* non est objectum *Logicæ*. R. D. A. Probat, *Syllogismum esse objectum Logicæ veteris & Aristotelicæ*, utpote quia de *Syllogismo Aristoteles fecit quasi totam Logicam*, ut ait idem SCOTUS Q. 2. L. 1. prior. C. A. *Logicæ in se præcise consideratæ* subd. probat, esse objectum *Logicæ attributionis* C. A. objectum totale & adæqua-

quatum N. A. & C. Ipsa enim *argumentatio* est modus sciendi *specialis*, sub *modo sciendi in genere* contentus. Hinc etiam cit. DOCTOR in primo prior. *Quæst.* 2. formaliter nobiscum sentit, dum ait: *Modus sciendi recte statuitur objectum adequatum totius Logicæ, prout illa nunc edocetur.*

OB. 2. Nulla scientia est sibi ipsi *Logica* objectum : atqui *Logica docens* est *modus sciendi* : ergo *modus sciendi* non potest esse objectum *Logicæ*. R. *directivus, non objectivus.* D. m. *Logica docens* est *modus sciendi directivus*, hoc est, est ipse *habitus* inclinans intellectum ad præcepta & regulas *Logicales cognoscendas*, & dein ad praxin redigendas C. A. *Logica docens* est *modus sciendi objectivus*, seu est ipsa *præcepta*, quibus intellectus in suis operationibus dirigatur ad verum inveniendum, & circa quæ cognoscenda tota *Logica* docens versatur. N. A. & C.

Inst. Omnia præcepta sunt *directiva* potentiae, ad quam ordinantur : atqui *modus sciendi objectivus* est adunatio præceptorum, quibus intellectus est dirigendus : ergo *modus sciendi*

sciendi objectivus est etiam directivus. R. D. M. Sunt directiva *remote, exemplariter & objective*, in quantum scilicet intellectus præcepta tradita respicit, ut secundum ea definiat, dividat, & argumentetur C. M. sunt directiva *proxime, habitualiter & subjective*. N. M. & D. m. Quibus intellectus est dirigendus *remote & exemplariter* C. m. *proxime & habitualiter*. N. m. & C. Sicut v. g. Aliquis pictor, habens præ oculis pictam imaginem ad aliam in alia tabella depingendam, ab illa dirigitur *exemplariter & objective*, ab habitu vero pingendi sibi inhærente *subjective, proxime & habitualiter*, sic etiam a præceptis Logicalibus intellectus dirigitur *exemplariter*, ab habitu vero Logicæ *proxime & subjective*; & consequenter aliud est modus sciendi *objectivus*, & aliud *directivus*.

Modus sciendi est aliquid unum, unitate ordinis, & aggregationis.

OB. 2. Objectum scientiæ debet esse *unum*: atqui modus sciendi non est quid unum; cum sit plurium & diversorum principiorum adunatio: ergo Modus sciendi non est objectum Logicæ docentis. R. D. m. Non est quid unum unitate per se C. m. unitate

tate ordinis, seu aggregationis, qualiter Logica, & quælibet alia scientia totalis est una. N. m. & C.

OB. 3. Cuilibet scientiæ duplex est assignandum objectum, *materiale* scilicet & *formale*: atqui in modo sciendi hæc non reperiuntur: ergo modus sciendi non est objectum Logicæ. R. D.M. quando plures scientiæ circa idem objectum versantur C. M. quando unica tantum scientia circa idem versatur. N. M. & sic D. m. N. C. Quia nulla est scientia præter Logicam, quæ *modum sciendi* contemplatur, hinc superflua foret illa formalitas objectiva.

Objectum materiale in Logica est etiam ejus objectum formale.

EXERCITATIO IV.

AN HABITUS LOGICÆ DO-
CENTIS ET UTENTIS REALI-
TER DISTINGUANTUR?

HABITUS in scholis accipitur pro *Habitus.*
qualitate, potentiis adveniente,
eamque juvante ad operandum: juxta
PURCHOTIUM vero *Metaph. P. 2. Sect. 3.*
C. 6. Prop. 1. aliosque RECENTIORES
magna ex parte in impressis cerebro

vestigiis, liberiori spirituum animalium fluxu, & omnium, ut vocant, impedimentorum remotione consistere dicitur. Nos habitum in priori sensu hic accipimus.

Logica docens & utens, actualis & habitualis. *Logica docens actualis* est *dictamen intellectus*, actu tradentis regulas & præcepta definiendi, dividendi, & argumentandi. *Logica utens actualis* est ipsemet *actus intellectus*, quo is definit, dividit & argumentatur secundum regulas Logicæ, sicque in operationibus suis rite procedit. Similiter *Logica docens habitualis* est habitus, qui dat facilitatem intellectui tradendi regulas definiendi &c. *Utens habitualis* est habitus, qui confert intellectui facilitatem applicandi præcepta Logicæ docentis, indeque bene apprehendendi, judicandi, & discurrendi.

Distinctio realis. Per *realem distinctionem* hic nil aliud intelligitur, quam *diversitas* aliqua in re. Porro certum est, Logicam *docentem actualem* distinguere realiter ab *utente actuali*, quia una potest esse sine altera; potest enim quis actu cognoscere, qualiter v. g. formanda sit de-

definitio, quin tamen eam actu efficiat. Status
Unde solum restat quæstio, an Logica quæstio-
docens habitualis, & Logica utens ha- nis.
bitualis sint reipsa *alius & alius* habitus,
an vero utens habitualis sit ipsa utens
habitualis?

PROPOSITIO.

LOGICA DOCENS ET UTENS
EST UNUS ET IDEM REA-
LITER HABITUS.

PROBATUR. Ille qui scit leges confi- Habitus
ciendi modum sciendi, non ha- Logicæ
bet *difficultatem*, ut illum efficiat, sed docentis
potius *facilitatem*: ergo qui habet ha- & uten-
bitum Logicæ *docentis*, habet etiam tis sunt
eo ipso habitum Logicæ *utentis*. p. A. realiter
Omnis difficultas superanda per habi- idem.
tum provenit ex triplici tantum capite
1. ex ignorantia *præceptorum*. 2. Ex in-
dispositione *facultatis* exequentis, 3.
vel denique ex defectu *materiae*: at-
qui ille qui scit leges conficiendi mo-
dum sciendi, seu qui habet Logicam
docentem, tales difficultates, non pati-
tur in usu: Ergo. p. m. 1. Non igno-
rantiam *præceptorum*; ea enim suppo-

nitur nosse per Logicam docentem.
 2. Non indispositionem *facultatis* exequentis; nam in *Logica eadem* est facultas *exequens* & *dirigens* (nempe *intellectus*) unde si paratus sit intellectus sufficienter ad *dirigendum*, erit quoque sic paratus ad *exequendum*. 3. Non denique ex defectu *materiae*, quia materia *Logicæ docentis* & *utentis* est rursus *eadem*; siquidem illa versatur circa præcepta definiendi, dividendi & argumentandi, ut *cognoscenda*, hæc vero illa respicit ut *applicanda* ad operationes mentis dirigendas.

CONFIRMATUR. Si superfit aliqua *difficultas* in applicandis regulis *Logicæ docentis* in *aliena materia*, ea non oritur ex defectu habitus *Logicæ utentis*, sed 1. vel ex defectu perfecti habitus *Logicæ docentis*; dum nempe tyro illas regulas applicare intendit, tunc primum quandoque advertit, se clare ac distincte illas regulas antea necdum cognovisse, adeoque difficultas illa non est *nova*, sed *de novo* tantum intelligitur. 2. Vel defectus se tenet ex parte *judicii, eloquentiæ &c.* ut sæpe usu venit. 3. Vel denique ex defectu habitus illius scientiæ, in qua tyro definire,

nire,

nire, dividere & argumentari deberet, utpote cujus *materiam* nondum cognoscit v. g. dum ex *Physica*, aut *theologia morali* argumentari jubetur: ergo respectu habitus *Logicæ utentis* non est *diversæ rationis* difficultas, a difficultate habitus *Logicæ docentis*, & consequenter *Logica docens & utens* sunt unus & idem realiter habitus, ut docet etiam SCOTUS Q. 1. *universal.*

Solvuntur Objectiones.

OB. 1. Actus diversæ speciei generant quoque diversos habitus: atqui actus *Logicæ docentis & utentis* sunt speciei diversi: ergo generant diversos habitus. R. D. M. Quando uterque actus producere potest alium quem habitum C. M. quando non potest. N. M. &c. Actus autem *Logicæ utentis* nequeunt habitum producere, quia non habent specialem & sibi propriam difficultatem, quæ tolli non possit per habitum *Logicæ docentis*. Hinc N. m. utraque enim *Logica* versatur circa modum sciendi, una docendo regulas obtinendæ scientiæ, altera iisdem regulis utendo ad operationes mentis dirigendas.

Inst. Atqui Logica utens non versatur circa *Modum sciendi*, quia pro sua materia habet *tres Mentis operationes*, ut in *Exercit. præc.* dictum est: Ergo distinguitur ab habitu Logicae docentis. R. D. subf. A. Non versatur circa modum sciendi tanquam suam mate-

Logica utens habitualis a docente habituali formaliter distinguitur. riam C. A. Non versatur circa illum tanquam suum *objectum* subd. in sensu formali C. A. in sensu reali. N. A. & D. C. Ergo distinguitur *formaliter* & *natura* rei, seu distinctione Scotistica C. c. *realiter* N. C. & C. Logica docens per ipsum suum *objectum* simul etiam inclinatur, faciliatur & intellectum ad operationes suas rite perficiendas; unde isti duo habitus in intellectu *realiter* distingui nequeunt, bene autem *formaliter*, tum quia diversas habent definitiones, tum quia unus a parte rei æque concipi potest, ac duo diversa principia in eodem homine v. g. principium *sentiendi*, & principium *ratiocinandi*, tum etiam ob diversa *munera* quæ habent, ut loquitur Doctor SUBTILIS Q. 1. *universal.* Sed de *distinctione Scotistica* dicetur in *Metaphysica.*

Ob. 2. Logica docens est scientia, Logica
utens vero non; usus enim scientiæ utens ha-
non est scientia: ergo non sunt unus bitualis
& idem habitus. R. D. A. Utens ve- in sensu
ro non &c. in sensu formali C. A. in reali est
sensu reali Subd. si consideratur ut etiam
actus D. A. ut habitus N. A. & C. scientia.

Inst. 1. Logica utens versatur circa
materiam incertam & contingentem,
nempe circa applicationem præcepto-
rum, quæ tradit Logica docens: Er-
go neque in sensu reali habitualiter
spectata dici potest scientia. R. D. A.
versatur &c. per *actus secundarios*, qui
tamen diriguntur & facilitantur a pri-
mariis C. A. per *actus primarios*, N. A.
& C. Actus *secundarii* alicujus scientiæ
(qui scilicet versantur circa *particula-
ria* objecta) non addunt *peculiarem*
difficultatem supra *primarios* (qui ver-
santur circa objectum aut materiam
certainam) sed continentur in virtute ha-
bitus scientifici, vel quatenus circa
ejus *objectum* versantur, licet per me-
dium contingens vel quatenus ejus *di-
rectioni* subjiciuntur, ab eoque acci-
piunt principia & media, quibus
utuntur, & sic actus Logicæ *utentis*
dependent a *docente*, ut *dirigente*, ut
im-

imperante, ac ministrante principia ac media, ex quibus procedunt, sive in materia propria ipsius Logicæ, sive in extranea aliarum scientiarum.

Inst. 2. Habitus Logicæ docentis non augetur per actus Logicæ utentis: ergo non est unus & idem realiter habitus. p. C. Nam omnis habitus augetur per suos actus. R. N. C. p. D. Habitus augentur per actus ab eis elicitos C. solum ab eis directos. N.

In artibus aliis dantur duo realiter distincti habitus. Ob. 3. In Musica, in arte pingendi, saltandi &c. dantur duo habitus realiter distincti, unus ad regulas *cognoscendas*, alter ad *applicandas*: ergo a pari de Logica docente & utente æqualiter dicendum est. R. N. C. & *Par. Disp.* est, quia, cum illæ artes exerçantur per *externas* corporis potentias, duplex necessario difficultas tollenda est, una in *intellectu* ad dirigendum, altera in *potentia motrice* ad applicandum; non enim eadem v. g. est potentia quæ *cognoscit*, qualiter sit pingendum, aut canendum, cum ea, quæ *pingit* vel *canit*: econtra eadem est potentia (*intellectus* nempe) quæ *cognoscit*, quomodo facienda sit definitio &c. & quæ eandem simul *efformat*.

Inst.

Inst. Habitus prudentiæ realiter distinguitur ab habitu, dictamina prudentiæ exequente : ergo etiam Logica docens habitualis ab utente habituali. R. D. A. Et hoc ideo, quia habitus prudentiæ residet in *intellectu*, habitus autem exequens in *voluntate* C. A. si uterque resideret in *eodem intellectu*, sicut utraque Logica habitualis &c. N. A. & C.

Scholion. Thesis ista procedit de *Logica active utente*, nempe ut est facultas *active* applicandi regulas Logicales; *utens* in sensu Cl. Purchotii realiter a docente distinguitur. *fin* autem ut *passive utens*, hoc est, pro regulis in diversis disciplinis applicatis accipiatur, omni jure cum Cl. PURCHOTIO *Exercit. Ontol. Disp. 1. Q. 5. Concl. 14.* defendi valet, quod Logica docens & utens sint habitus realiter diversi; sic enim *Logica docens* est ea, quæ *ars cogitandi* dicitur, quæque præcepta tradit definiendi, dividendi & demonstrandi: *Logica vero utens* est quælibet alia disciplina, puta *Ethica* vel *Physica*, quæ iis præceptis utuntur, quæque a Logica realissime distinguuntur.

EXERCITATIO V.

AN, ET QUOMODO LOGICA
SIT NECESSARIA AD ALIAS
SCIENTIAS?

Necessarium me-
taphysice,
physice,
& mora-
liter.

N*ecessarium* dicitur id, sine quo alte-
rum haberi nequit. Aliud est *absolu-
te* necessarium, sine quo alterum ne
quidem *supernaturaliter* haberi potest,
aliud *physice*, sine quo *naturaliter* alte-
rum fieri nequit, aliud denique *mora-
liter* necessarium, sine quo abs *gravi
difficultate* alterum obtineri non valet.

Perfectus
in aliqua
scientia
quis sit?

P*erfectus* in aliqua scientia ille voca-
tur, qui scit, quid in illa evidenter
concludat, qui potest dare rationes
phænomenorum, seu eventuum con-
tingentium, qui unum ex altero no-
vit eruere, & emergentes difficulta-
tes solvere, sic v. g. illum medicum di-
cimus *perfectum*, qui scit Medicæ artis
regulas, qui infert unum ex alio, qui
ex morbo simili similem investigat,
qui gaudet iudicio sano &c. licet de
cætero non sit ita expeditus, ut omnia
sibi proposita *Sophismata* exactissime
sciat solvere, & dicere *regulas, figuras*
&

An, & quomodo Log. sit necessaria? 621

& Modos Syllogismorum; ut enim id foret ad melius esse, attamen absolute non requiritur; cum hodie arte etiam præstantissimi Medici Summulisticas tricas aut modice aut nihil curent.

Quæritur igitur, an Logica Artificialis, ut in scholis traditur, sit moraliter, physice aut omnino Metaphysice necessaria ad alias scientias perfecte acquirendas? pro cuius quæstionis Resolutione ponitur sequens.

PROPOSITIO.

LOGICA ARTIFICIALIS
NON EST METAPHYSICE NE-
CESSARIA AD ALIAS SCIENTIAS
IN STATU PERFECTO AC-
QUIRENDAS, SED SO-
LUM MORALI
TER.

PROBATUR I. P. Si aliæ scientiæ natura duce etiam in statu perfecto obtineri possunt, tunc Logica artificialis non est metaphysice, nec physice necessaria; atqui aliæ scientiæ etiam in statu perfecto sola natura duce possunt obtineri: ergo Logica artificialis non

Logica
non est
simplici-
ter neces-
saria.

non est metaphysice: nec physice necessaria. p. m. Nam Mens nostra *naturaliter cogitat*, hoc est percipit, judicat sive definit, dividit, & demonstrat, alias enim regulas definitionis, divisionis, & demonstrationis nunquam tradidisset; hinc olim pueri Mathematicas disciplinas docebantur, antequam Logicæ præceptis vacassent. CONFIRMATUR. Aliæ scientiæ non sunt ipsa Logica difficiliore; & tamen Logica artificialis solis *naturæ* viribus comparatur (per *Logicam* scilicet *naturalem*) ergo aliæ scientiæ etiam in statu perfecto *sola natura* duce possunt comparari. Item errores nostri ex falsis, vel non satis accurate perspectis *principiis* sæpius oriuntur; quam ex male deductis *conclusionibus*: & si quandoque nonnemo ex *naturæ* vitio male ratiocinetur, vix sperandum est, fore, ut ipsi Logices præcepta ad amissim profint, ut experientia quotidiana testatur: ergo Logica artificialis non est *metaphysice*, nec *physice* necessaria.

Sed Moraliter.

PROBATUR 2. P. Illud est moraliter necessarium, sine quo alterum *abs gravi difficultate* haberi non potest: atqui

qui aliæ scientiæ abs gravi difficultate sine Logica artificiali haberi non possunt: ergo. p. m. Non omnes habent perspicacissimum *lumen naturale* (per experientiam) ergo illorum intellectus debet *juvari*: atqui hoc fieri non potest, nisi per *Logicam artificialem*, quæ docet intellectum bene *apprehendere*, legitimum *judicium* ferre, ac rationabiliter *discurrere*: ergo Logica artificialis est *moraliter* necessaria.

Solvuntur Objectiones.

OB. 1. Sine Logica artificiali nulla Demonstratio prorsus datur *demonstratio*: ergo ad alias scientias est metaphysice necessaria, quia metaphysice necessaria est *essentia* scientiæ, ut sit per *demonstrationem* parta. P. A. Ille, apud quem datur demonstratio, debet scire, quod sciat: atqui sine Logica non scit, quod sciat: ergo sine Logica non datur demonstratio. R. N. A. Ad p. D. m. sine Logica saltem *naturali* C. m. semper artificiali. Subd. non scit, quod sciat reflexe aut signate Tr. m. directe & exercite. N. m. & C. Tunc aliquis scit, *se scire*, cum novit,

R r

fe

se inter ratiocinandum rite processisse, nec ullum admisisse principium, nisi clare distincteque cognitum: hoc autem scire potest, si tantum cogitationes suas naturaliter disponat, & attendat ad principia, quibus utitur: ut solent facere Geometrae qui regulas non ab *artificiali* Logica, sed a *naturali* desumunt, & tamen in ratiocinationibus suis sunt accuratissimi.

Inst. I. Nemo potest scire, se scire, nisi errores irreperentes in ratiocinando possit deprehendere: atqui nemo potest illos errores deprehendere sine Logica artificiali: ergo nemo potest scire, se scire sine Logica artificiali. R. D. m. Nemo potest &c. *aeque facile*, ac si Logica artificiali foret praeditus C. m. *omnino* non potest. N. m. & C. Geometrarum experimento discimus, Mathesin solius Logicae naturalis auxilio addisci posse. Quinimo ipsae Logices regulae ingeniis non nimium acutis quandoque errandi occasionem praebent, quia ut plurimum solo earum cortice contenta, intimum sensum non penetrant.

Inst. I.

An & quomodo Logica sit necessaria? 625

Inst. 2. Debet quis scire connexionem consequentis cum Antecedente; atqui sine Logica artificiali non scit: Ergo. R. D. M. Conexionem objectivam C. M. formalem seu potius artificialem. N. M. & sic D. m. N. C.

Inst. 3. Omnis Syllogismus demonstrativus est conformis regulis: ergo si quis habet talem Syllogismum, etiam eo ipso jam debet habere notitiam Logicæ artificialis. R. D. A. Est conformis regulis a lumine naturæ directis, atque in intellectum, in quo est lumen naturale, reflexis C. A. in Logicam artificialem semper reflexis. N. A. & C.

OB. 2. Non potest haberi artefactum sine instrumento: atqui Logica artificialis est instrumentum, imo, ut SS. Patres communiter dicunt, *janua scientiarum*, qua aperta cæteræ aperiantur, & qua clausa clauduntur: ergo Logica artificialis est simpliciter necessaria ad alias scientias acquirendas. R. D. M. Nisi illud instrumentum suppleri possit per aliquid aliud C. M. si suppleri possit. N. M. & D. m. Logica artificialis est instrumentum, & tamen suppleri potest per lumen

Logica factum
quo sensu
sit janua
scientiarum?

naturale C. m. non potest suppleri N. m. & C. Mentem SS. Patrum pariter distinguo: & dicunt hoc de Logica *Metaphorice C. vere ac proprie*. N. Ipsi SS. Patres, etsi quandoque Logicam commendent, ut homines ad ejus studium inflamment, sæpius tamen quoque in eam, velut in artem cavillatricem invehuntur, non illius *usum* prohibentes, sed *abusum* damnantes.

Logica est necessaria OB. 3. Logica ad scientias, quas *actu* dirigit, est *methaphysice* necessaria, ad scientias acqui- ad eas autem, quas actu non dirigit, rendas & sed tantum dirigere potest, neque *moraliter* est necessaria: Ergo utraque acquisitas, pars propositionis nostræ falsa est.

R. 1. Retorq. per similem argumentationem. Equus v. g. ad iter equestre est *metaphysice* necessarius, ad pedestre vero nullo modo est necessarius: ergo homini decrepido equus non est *moraliter* necessarius ad iter. Quod tamen falsum est, cum sit illi *moraliter* necessarius. R. 2. Logica ad scientias acquirendas est *directe* necessaria, ad *acquisitas* autem dirigendas *reflexe*, utrobique vero *moraliter* est necessaria, quia ingenium humanum sibi soli, & *lumini* suo naturali relictum variis de causis, in Dis-

ser-

sertat. 1. Log. Pract. expositis in multos errores labitur.

OB. 4. Aliæ scientiæ non dependent a Logica artificiali: ergo ea neque moraliter est necessaria. p. A. Aliæ scientiæ etiam generant habitus: atqui habitus sunt ad faciliter operandum: Ergo. R. D. A. Non dependent a Logica tanquam a causa magis vel æque principali C. A. tanquam causæ principales ab *instrumentali* N. A. sic etiam artifex a suo instrumento dependet. Ad p. D. M. Aliæ scientiæ generant habitus Logicæ N. M. generant habitus proprios subd. & ad hoc ut sint habitus scientifici, moraliter necessaria est Logica artificialis C. M. non est sic necessaria. N. M. & distincta minore N. C. & C.



EXERCITATIONES IN I. PAR-
TEM LOGICÆ IDEALEM.

EXERCITATIO I.

AN IN ALIQUO SENSU DEN-
TUR IDEÆ INNATÆ?

De idearū
origine
triplex
sententia.

VARIAS inter sententias, quas de
Idearum origine tum VV. tum R.R.
Philosophi tenuere, notatu dignissimæ
sunt I. sententia PERIPATETICORUM,
qui docent, omnes omnino Ideas es-
se *adventitias & factitias* (XXX.) nihil-
que esse in intellectu, quod prius non fue-
rit sub sensu, vel immediate vel mediate.
2. CARTESIANI, quos inter est etiam
Cl. Purchotius, contendunt, plures
ideas immediate a DEO nobis esse in-
fusas, quas *independentem a sensibus cog-*
noscimus, ut sunt v. g. ideæ DEI, en-
tis, veritatis, unitatis, substantiæ, pri-
morum principiorum &c. Inde præfatus
Cl. PURCHOTIUS *Metaph. P. 2. Sect. 3.*
C. 4. Prop. 4. ideam innatam definit, quod
sit ea, quæ nobis a primo vite momento
ad extremum usque, quoties attendit ani-
mus, semper præsto est, quamque sola pri-
ma causa sine corporis, aut cujuscunque
alte-

Idea inna-
ta quid sit
juxta Pur-
chotium?

alterius causa secunda subsidio omnibus communiter impertit. 3. Cl. P. MALEBRANCHE docuit, omnes plane ideas mentis nostræ nil aliud esse, quam ipsam Divinam essentiam, mentibus nostris substantialiter ac intime conjunctam, quæ easdem ita illustret, ut in se ipsa veluti in speculo res & objecta quælibet exhibeat, & non in idea quadam, aut specie & imagine a Deo distincta. L. 6. de inquir. verit. P. 2. C. 3.

Quid juxta P. Malebranchium?

Animadversio. Idea innata accipi nequit 1. pro ipsa facultate producendi Ideam; nam in hoc sensu omnium rerum ideæ forent nobis innatæ, eo quod facultatem, hoc est, potentiam habeamus cogitandi non tantum de DEO, ente, primis principis &c., sed etiam de ligno lapide, auro, & aliis quibuscunque rebus. Dein illa cogitandi facultas, ad quascunque res cognoscendas adhibeatur, una semper eademque facultas est, sicut v. g. facultas loquendi, sive de ligno, lapide, arbore &c. loquamur, eadem omnino manet: Idea vero innata juxta Cartesianos non est una sed multiplex. 2. Neque etiam per ideas innatas intelligi valet. Lumen nature ex allata ratione (CCCX. 3.)

Idea innata non est ipsa facultas cogitandi.

Nec lumen naturæ.

Ponitur
prima il-
lius defi-
nitio.

adeoque vel nulla est *idea innata*, vel non est, nisi *actualis rei notio*, a primo vite momento mentibus nostris a DEO impressa atque insculpta, quin etiam, ut addit Cl. P. FORT. A BRIX. *Metaph. P. 2. Dissert. 3. Sect. 1. Art. 2. §. 333. EIDEM CONTINUO INEXISTENS*, quia, ut ibidem probat, alias *idea innata* prorsus non differret ab *adventitia*, quæ etiam menti non continuo inexistit, sed modo adest, modo abest: ergo si *idea* quoque *innata* a mente aliquando potest abesse, explicandum esset æque ac de *idea adventitia*, quomodo mens eam denuo obtineret.

Idea in-
ta non po-
test con-
venire cū
idea ad-
ventitia.

RRIDENT quidem Cartesiani, *ideas innatas* per hoc ab *adventitiis* differre, quia illæ a solo DEO, hæ vero ab ipsa mente producantur. Sed

Contra est, quæro, an DEUS *ideas innatas* producat posita tantum aliqua conditione, vel independenter ab omni conditione? Si *immo*: ergo eo ipso *ideæ innatæ* non differunt ab *adventitiis*, cum etiam istæ occasione motuum, qui ex rerum externarum appulsu in nobis contingunt, menti a DEO (ut ipsi Cartesiani loquuntur) imprimantur. Si *2dam*. Tunc iterum quæro, cur

cur illæ ideæ innatæ menti continuo non inexistant? sive cur DEUS eas modo imprimat, modo non? Ita cit. Cl. P. FORT. A BRIX.

Ast alii, quia cum Cl. P. BUFFIER, citato a Cl. P. HAUSER. *Psychol. P. 2. Art. 3. §. 225.* censent, a nullo Philosopho ideis *innatis* sensum hunc, omnis difficultatis expertem, tribui posse, sub *actuali* notione intelligunt talem ideam, seu speciem, quam mens sibi inesse cognoscit, & quæ tamen nec sensuum ministerio ullo acquisita, nec ab intellectu ficta, sicque eidem naturaliter insita sit, ut mens, (a variis objectis & sensationibus quasi admonita) eam ab ipso Creatore inditam primum, dein vero ex anime ad corpus conjunctione nonnihil obfuscatam excitet in semetipsa ac contempletur. Quæritur igitur, an mens omnes suas ideas a sensibus ita desumat, ut nulla in nobis existat cognitio & idea, quæ non remote saltem, & mediate, a sensatione aliqua vel objecto sensibili proveniat? ut volunt PERIPATETICI, an vero etiam aliquæ dentur ideæ innatæ in sensu CARTESII, ac denique quid de sententia Cl. P. MALEBRANCHII tenendum sit? Quæstionem

Ponitur
altera
Ideæ innatæ definitio.

Status
quæstionis.

triplicem resolvent sequentes tres propositiones.

PROPOSITIO I.

OMNIS NOSTRA COGNITIO
IN HAC VITA PROVENIT A
SENSIBUS VEL IMMEDIATE,
TE, VEL MEDIANTE.

Omnes
res sensi-
biles im-
mediate
per sensus
cogno-
scuntur.

PROBATUR. Quidquid cognoscimus,
vel est *sensibile vel insensibile*? at-
qui tam *primum*, quam *secundum*, per
sensus percipimus, primum quidem im-
mediate, secundum vero mediate: er-
go &c. P. m. quoad 1. P. *Sensibile* dicitur
illud, quod organa nostra sensoria mo-
vere potest (CCXCI.) atqui quod
organa nostra sensoria movere potest,
ope *sensuum* immediate percipitur:
ergo omne *sensibile* ope *sensuum* im-
mediate percipitur, nempe vel *viden-*
do, vel *audiendo*, vel *odorando*, vel
gustando, vel *tangendo*, ut *experientia*
quotidiana & *sensu intimo* manifestum
est. P. etiam m. quoad 2. P. *Mediate*
per sensus illud acquiritur, quod ex
cognitione rerum sensibilium acquiritur:
atqui *insensibile* notio ex cognitione
rerum

Res autē
insensibi-
les media-
te per sen-
sus cogno-
scuntur.

rerum sensibilibus acquiritur: ergo insensibilium notio mediate per sensus acquiritur. P. m. ex argumento ad hominem (CCCLI.) Juxta eos ipsos qui ideas innatas defendunt, rerum immaterialium seu insensibilium ideae illae innatae excitantur ex cognitione sensibilibus: ergo etiam eadem via poterunt illae notiones primo acquiri: & innata vi a mente formari, per abstractionem scilicet, reflexionem, conso- ciationem seu compositionem &c. prout & ipse Deus tanquam causa prima ex creaturis cognoscitur tam positive, hoc est, tribuendo ei praedicata excellentiae, quam negative, id est, removendo imperfectiones, quae in creaturis reperiuntur: quamquam etiam sic non aliam Dei notionem habeamus, nisi inadequatam, & obscuram, atque a posteriori tantum, nullatenus vero a priori. Plura huc pertinentia in solutione objectionum dilucidabuntur.



PROPOSITIO. II.

NULLA IN NOBIS DATUR IDEA INNATA.

Idea innata
rejicitur.

PROBATUR *ex una parte* (ut ex Cl. E. FORT. A. BRIJX. ante probatum est). Idea innata debet esse talis notio, quæ a primo vitæ momento mentibus nostris a Deo indita continuo in ea perseveret: atqui nullius rei notio ita in nobis perseverat: ergo nulla in nobis datur idea innata. P. m. quis enim cum veritate dicere valet, se a primo vitæ suæ momento *Deum, ens, substantiam, primaque principia* &c. quæ a Cartesianis nobis dicuntur innata, actu novisse? quis itidem defacto semper de *Deo, ente* &c. cogitat? Et *ex altera parte* omnes ideæ rerum sensibilibum & insensibilium acquiruntur per sensus, vel immediate, vel mediate (juxta *prop. præc.*) ergo &c.

Idea innata
repugnat
ipsis Car-
tesianorū
princi-
piis.

CONFIRMATUR I. Contra Cartesium. Nihil juxta Cartesium datur in rerum natura nisi *substantia* ejusque *modificationes* (LXVII.) ergo hujusmodi ideæ innatæ vel deberent esse ipsa animæ
sub-

Substantia, vel ejus *modificationes*. *Subsumo*: atqui nec *primum* dici potest, nec *secundum*: ergo juxta ipsa *principia* Cartesii repugnant *ideæ innatæ*. P. m. *subf.* quoad *1mum*. *Ideæ innatæ* sunt *animæ rationali* a Deo *primum infuse*: ergo non possunt esse ipsa *animæ substantia*. p. m. Quoad *2dum*. Tum quia sic non *continuo* perseverarent, eo quod anima ex innata libertate sua *diversimode* se modifcet. *3m* quia anima se ipsam non modifcat sine *objecto* determinante prius existente, quale ante *ideas innatas* non datur; neque modificatio *cerebri corporea*, est proportionata ad spiritus repræsentandos, alias queres *imateriales*. Consequenter admittere deberent Cartesiani, quod ejusmodi *ideæ innatæ* essent *entitates* ab anima *distinctæ*, & in eadem receptæ, id quod nimium quantum a principiis aliis ipsorum abhorret: consequenter omnino repugnat idea quævis innata.

CONFIRMATUR 2. *Contra eundem Cartesium* (qui admittit, quod *solus Deus* in nobis *producât* perceptiones five ideas. Quid est, Deum in nobis Ideas producere? I. An hoc idem est, ac intel-

intellectiones & perceptiones suas animæ communicare? atqui hoc non; nam cum *intellectio Dei* sit *necessaria & immutabilis*, ubicunque est, tota est, & una atque eadem, quod tamen in nobis non observamus. II. An est idem, ac perceptiones ac ideas omnes in illa creare ex nihilo? atqui nec hoc esse potest; secus enim mens humana non esset *principium cogitationum activum*. III. An idem est, ac animam ad cogitandum *adjuvare*? sed hoc non est ideas producere. IV. An denique est idem ac *species incorporeas communicare*, quæ res exhibeant? atqui hoc necessitatem *unionis animæ & corporis* dissolvit, neque mens in hac vita a sensibus & corpore ullatenus dependeret, quod est temerarium ac *Harmonie præstabilitæ Wolfii* aperte favens, ut in *Psychologia* docetur.



PROPOSITIO III.

IDEÆ NOSTRÆ NON SUNT
IPSA DIVINA ESSENTIA, MEN-
TIBUS NOSTRIS INTIME CON-
JUNCTA., IN SENTENTIA
P. MALEBRANCHII.

PROBATUR I. *Videri aliquid in ali-* Rejicitur
quo in duplici sensu accipi potest. quoque
1. Velut in lumine & principio, sicut sententia
colores v. g. videntur in lumine, aut P. Male-
conclusiones particulares in univerſa- branchii.
libus. 2. Velut in *objecto cognito*, ut
v. g. imago videtur in speculo: atqui
in neutro sensu illa P. Malebranchii
sententia subsistit: ergo ideæ nostræ
non sunt ipsa Divina essentia &c. p. m.
In 1mo sensu idem dicit, ac ope Divini
luminis, seu *rationis naturalis* a nobis
ea intelligi, quæcunque intelligimus,
atqui ideæ innatæ pro lumine nature
accipi nequeunt, ut antea dictum est:
ergo. Si in 2do sensu accipiatur, tunc
etiam ipsum illud *objectum*, in quo al-
terum cognoscitur, debet esse per-
fecte *cognitum*: atqui plurimi dantur,
qui aut nullam, aut tantum confusam
Dei notionem habent, prout in *Hist.*

Acad.

Utrum
repugnet
innata
sententia

Acad. Paris. ad annum 1703. narratur de quodam, qui usque ad annum vigesimum quartum circiter ætatis suæ surdus & mutus, audire tunc primum, mox & loqui cæpit; nam a quibusdam Theologis examinatus, qualem de Deo ideam habuerit? inventus est nunquam de illo cogitasse, etsi a Catholicis parentibus natus edoctusque fuerit signo crucis frontem munire, ad elevationem SS. Hostiæ pectus percutere &c. Dein cum Deus sit tantum simplex quædam natura, si mentes nostræ omnia in ipso viderent, intuen- do sic divinam intelligentiam, omnium possibilium rerum ideis æquivalentem, nihil ignorare plane valerent; & consequenter essent omnisciæ. Nec dicat P. MALEBRANCHE. Quod Deus non omnia mentibus nostris in hac vita detegat, sed plurima ac potissima occultare soleat. Nam

Contra est. 1. Repugnat prorsus ens simplicissimum videre, nec tamen integrum, 2. Si Deus saltem aliqua manifestat, tunc certe non inutilia ac noxia, suæque gloriæ contraria manifestat: atqui hoc falsum est, cum maxima idearum humanarum pars sit

inu-

inutilis, noxia, & mala. 3. Denique Favens illi, qui in caelis sunt, omnes *beati* ^{errori Be-} sunt, quamquam pro meritorum dif- ^{guardo-} ferentia *perfectiorem* alii aliis Dei visio- ^{rum,} nem habeant, pluraque illis quam istis Deus in se tanquam in *speculo volunta-* rio videnda proponat: ergo etiam *beati* adhuc in hac vita pariter dicendi essent, qui divinam essentiam, etsi *imperfectius*, in sententia P. Malebranchii intueri possent; quod proxime accedit ad errorem *Beguardorum*, & *Beguinarum*, asserentium, quod homo possit jam in hac vita *Beatitudinem* obtinere, qui error damnatus est a CLEMENTE V. P. M. in CONCILIO VIENNENSI anno 1300. celebrato.

PROBATUR. 2. In hac sententia Et expectatio dari nequit 1. Cur, cum omnes ^{rientia} mentes *equaliter* Deo conjunctae sint, ^{repugnans} non omnes tamen *æqualiter* videant? 2. Cur *eadem* mens in pueritia, adolescentia, virili ætate ac senectute non sit *equaliter* videns? 3. Cur, cum promptuarium idearum nostrarum DEUS sit semper *idem*, non etiam *memoria* nostra non semper sit *eadem*? quinimo sic nulla omnino in cerebro memoria statui debet a P. MALEBRANCHIO;

CHIO; sed in sola Dei essentia intimo
 præsente, 4. Cur in morbis notitia
 rerum amittatur? non enim credibile
 est, quod Deus ita nobis ex sola mor-
 bi alicujus causa irascatur, ut priores
 ideas subito occultet. 5. Denique
 cur homines quandoque amentes fi-
 ant, ac legum quoque divinarum
 ignari & contemptores? nam si quid
 hominibus Deus revelet in semetipso,
 eæ profecto sunt *leges Divinæ*, quas
 tanta cura illis inculcat.

Solvuntur Objectiones

CONTRA I. ET II. PRO- POSITIONEM.

Lumen naturale, est nobis concrea-
 tum unum cum men-
 tis indif-
 ferentia,
 quæ non
 est in bru-
 tis.

OB. I. *ex paritate.* Apibus conge-
 nitus est habitus mellificandi,
 araneis habitus texendi, avibus habi-
 tus nidificandi &c. qui habitus non
 consistunt in actuali cognitione suorum
 objectorum, nec in pura capacitate
 ad acquirendam cognitionem illarum
 artium, sed in tali *preparatione poten-
 tiarum*, ut, accedente actuali motione
 earum per objectum, statim resultet
 actualis idea objecti: ergo etiam dici

po-

potest, quod Deus hominum ingenia sic disposuerit circa aliquas veritates, ipsis in ordine ad finem suum imprimis utiles ac necessarias, & consequenter dantur *Ideæ innatæ*. R. ex hac paritate nil aliud sequitur, quam quod detur in homine *lumen* quoddam *naturale*; sicut datur in *apibus*, *aranæis* & *avibus* ad suas operationes peragendas, quod utique nemo negat; ast *Ideas innatas* non posse in hoc sensu accipi paulo ante jam dictum est. Dein lata adhuc inter *homines* & *bruta* disparitas intercedit, eoquod homo præter *lumen naturale* insuper habeat *libertatem a necessitate* ad actiones suas *libere* ponendas, non autem *Bruta*, quæ instinctum naturæ necessario sequuntur, a quo ad unum tantum determinantur, hinc etiam *bruta aequaliter & uniformiter* absque prævia *instructione* artes suas exercent, non sic humanum genus, ut usus & experientia quotidiana testatur &c.

OB. 2. Multa percipimus *independenter omnino a sensibus*, nempe ea bus pro-
omnia, quæ Cartesiani proferunt, ut veniunt
sunt *DEUS, ens, substantia, veritas*, ^{omnes}
prima principia &c. ergo dantur *Ideæ* ^{ideæ.}

innatæ: P. A. Ea omnia non possunt fuisse speciem sensibus imprimere: Ergo. R. N. A. Ad p. D. A. Speciem intuitivam C. A. abstractivam seu præcisi-
vam Subd. immediate C. A. mediate N. A. & C. Humana mens ex innata sibi vi potest *invisibilia* cognoscere ex *visibilibus*, & ex singularibus universalia excerpere, (CCCIV.) futura ex præsentibus, & ea, quæ non sunt, ex iis quæ sunt, colligere valet. Sic

Idea Dei. I. Idea DEI a posteriori habetur ex rebus *sensibilibus*, quæ scilicet, quia non possunt sibi ipsis dare *suum esse*, mens exin *ratiocinatur*, quod debeat dari aliquod *ens primum*, seu *causa prima*. Pariter UNITAS DEI ex *ordinata* mundi *visibilis gubernatione*, itemque aliæ DEI PERFECTIONES ex sensibilium creaturarum perfectionibus (semotis per intellectum phantasmatis ac imperfectionibus) desumuntur, & quasi *depurantur*; nempe dum ens *eternum*, *immensum* &c. concipimus, ab illius existentia omnes terminos *loci*, *temporis* &c. quos per mentis *ratiocinium* inferimus indignos Deo illimitato, removemus.

II. Ideam *Spiritus* concipimus, dum *Spiritus*.
excludimus proprietates, quas in cor-
poribus observamus, ut sunt *divisibili-
tas, figura &c.* his dein simili *ratioci-
nio*, ex nostra *experientia & sensu in-
timo* deducto, addimus alia v. g. *po-
tentiam volendi, cogitandi &c.*

III. Idea *ENTIS* fit, *abstrahendo* a *Entis*.
rebus singularibus præcisum illum *con-
ceptum* alicujus **NON REPUGNANTIS**
EXISTERE.

IV. Idea *SUBSTANTIÆ* eodem mo- *Substan-*
do producitur, per conceptum a re *tia.*
singulari abstractum, quo res illa sin-
gularis nude spectatur ut *aliquid per*
se existens, seu, ut *RR. volunt*, ut
subjectum mutationum (LV.)

V. Idea *VERITATIS* habetur si in- *Veritatis.*
ter duas aut plures res sensibiles *suo*
exemplari conformes talis fiat *præcisio*,
ut sola earum *conformitas* in abstracto
consideretur. Sicque de aliis ejusmodi
ideis dicendum est.

VI. *Axiomata* seu *prima principia* co- *Primordi-*
gnoscentur, dum mens *ex particula-* *principio-*
ribus itidem *propositionibus generales* *rum.*

seu universales deducit e. g. *domus est major quam janua, totus mundus est major quam Europa aut Germania, totus homo est major quam illius pes aut manus* &c. ergo OMNE totum est majus quam pars &c. Principia vero moralia e. g. *DEUS est colendus, quod tibi non vis fieri, alteri ne feceris* &c. per intellectum rite dispositum eruuntur ex ideis DEI, utilitate vite socialis, vel educatione, exemplis, penis &c.

Animæ
nostræ.

VII. Idea ANIMÆ nostræ, quam a posteriori, hoc est, ex effectibus suis (cogitatione scilicet, & discursu) cognoscimus, dependet ab ideis, sine quibus nemo cogitare valet; ideæ vero omnes rerum, de quibus cogitamus, dependent a sensibus mediate vel immediate, ut modo dictum est; ergo & idea anime.

Cognitio
dulcis &
amari nō
evincit
ideas in-
natas in
pueris.

OB. 3. Omnes, etiam pueri, cognoscunt, rem unam esse *dulcem*, aliam *amaram* &c. ergo habemus ideas innatas de ejusmodi rebus. R. D. A. Cognoscunt per lumen naturale, & ex ipsa structura fibrillarum nervearum, gustus organo deservientium (CCXCI.) quæ in diversis diversa est, unde &

or-

ertum habet illud vulgatum: *de gustibus non est disputandum* C. A. ex ideis innatis. N. A. Sed plura de *gusto in Physica*.

Inst. Pueri satisfaciunt nonnullis quæstionibus, quibus dissolvendis solum naturæ lumen non satisfacit: ergo in illis dantur *ideæ innatæ*. P. A. teste CICERONE *QQ. Tuscul. I. I.* Socrates ex pusiōe quæsiuit nonnulla *Geometrica* de dimensione quadrati, ad quæ sic respondit puer, quasi Geometriam didicisset: Ergo. R. N. A. Ad p. dico cum SCOTO, puerum illum a Socrate interrogatum recte respondisse non jam *indoctum*, sed doctum, quippe puer faciliora primum solo lumine naturali percepit, tum vero & lumine naturali, & acceptis jam notitiis doctior effectus cætera enodavit. Nec respondendi ad res Geometricas facilitas.

OB. 4. DEUS creavit animas rationales in statu perfecto: atqui *innatæ* ideæ spectant ad animæ rationalis statum perfectum: Ergo DEUS animas creavit cum ideis innatis. R. D. M. In statu perfecto *substantiali* C. M. *accidentali* N. M. & D. m. spectant ad statum perfectum accidentalem C. m. *substantiali* Ideæ innatæ non spectant ad substantialem perfectionem.

lem N. m. & C. *Scientie* omnes ad accidentalem tantum hominis statum pertinent: Ergo etiam *ideæ*, ad scientias acquirendas requisitæ.

Inst. 1. DEUS Adamo concreavit ideas innatas: ergo etiam aliis hominibus. R. N. C. Quando enim *uni fit gratia*, *alteri propterea non fit injuria*. DEUS Adamum in perfecta virili ætate creavit, ficque etiam perfectiones omnes *ætatem illam decentes* illi tanquam primo gentis humanæ *Magistro* communicavit; secus fit in Adæ posteris, qui omnes nascuntur ut *infantes*, & ut *tabule rase*, possunt tamen isti per aliorum, qui nunquam desunt, Magistrorum *instructionem* in juventute addiscere, quod in virili ætate ipsos scire decet.

Inst. 2. Quælibet potentia debet habere innatum suæ operationis principium: atqui *ideæ rerum innatæ sunt principia operationum mentis nostræ*: Ergo mens nostra ideas debet habere innatas. R. N. m. Nam principia operationum mentis nostræ sunt potius *intellectus & voluntas*. Dein *ideæ rerum non dependent a sola potentia*, sed
etiam

etiam ab *objectis*, quorum tamen præsentia non est in nostra potestate.


OB. 5. Experientia constat, variam Inclinationem hominibus inesse *inclinationem* ad scientias; unus enim v. g. ad *Medicinam*, alter ad *Jurisprudentiam*, alter ad *Mathesin* propendit: atqui hujus rei alia non est causa, nisi *innate* nobis *ideæ innatas*.

Ergo. R. N. m. Venit enim hoc tum ab *educatione*, primaque in juventute *applicatione*, ac fructus assequendi *specie*, tum etiam a multiplici *cerebri* humani *dispositione*; nam qui *spirituum* v. g. majori copia abundant, ii ad *speculativas* facultates propensissimi sunt, quorum econtra *cerebrum* est *crassius*, & *spiritibus* vivacioribus destitutum, hi ad *experimentales* maxime sese applicare solent *artes*.

OB. 6. Ideæ omnes ope *sensuum* nobis exhibitæ sunt *materiales*, cogitationes vero animæ sunt *spirituales*: atqui spirituale non potest ortum habere a materiali: ergo ideæ saltem rerum *spiritualium* nobis sunt innatæ.

R. D. m. Non potest ortum habere a materiali *immediate* C. m. *mediate* in sensu superius explicato N. m. & C.

Verum quidem est, quod nulla in intellectu pro statu moderno conjunctionis animæ cum corpore, daretur *idea de insensibili re*, si deficeret *sensibilibus*. Attamen manet intellectui salva vis congenita ponendi cognitiones etiam pure spirituales. v. g. *Dei, spirituum &c.* quatenus ab eodem remouentur per reflexionem ea omnia, quæ *corporeum* quidpiam sapiunt, unde falsa est illa *Antropomorphitarum* nefaria hæresis, quæ DEO tribuit *formam, membra & passiones hominis*. Dein neque pure sensibilia ut *sensibilia* intellectus percipit, sed cognitiones ejusmodi opè sensuum acquisite *depurare* per reflexionem scit, seu potius objecta *materiali schemate*, quò vestiebantur, *exuere*, ac spirituali cognitione attingere, ut in *Psychologia* clarius exponetur. Denique si *sensus* non habent infinitas rerum *corporearum* imagines, cur *intellectus* habeat ideas innatas rerum *spiritualium*? cum tamen intellectus sit *potentia activa*, sensus vero mere *passiva*.



Solvuntur Objectiones

CONTRA III. PROP.

OB. I. Datur in DEO *mandus intelligibilis*, in quo rationes omnes, & notiones continentur: ergo si mens *substantialiter* cum DEO est unita, necessario in illo videt, quæcunque intelligit, *subf.* atqui mens est unita cum DEO, & quidem arctius, quam cum corpore; ergo mens nostra omnia intelligit in DEO ipsi intime conjuncto. R. N. C. Nam ipse Cl. P. Malebranchius probe animadvertit, eam unionem non sufficere, ut mens in DEO cuncta videat, quæ intelligit, sed insuper requiri docuit; ut ei DEUS ideas hujusmodi *detegat*. Unde per *Instantiam* quæro a Malebranchianis: vel per istam *unionem mentis cum Deo* intelligunt *unionem substantiarum*, vel *unionem operationum*? neutrum dici potest: ergo ista eorum sententia non subsistit. P. m. Non *primum*, quia id non sufficit, ut mens intelligat, nisi *adum* accedat. Dein ex illo sequeretur, quod simul MENS DEI aut *pars* aut *modificatio* foret, indeque *unatum*

tum in hoc universo substantia assereretur, omnia permeans, qua omnia vivant & cogitent, ut impius SPINOZA docuit. Nec 2dum, quia hoc est idem, ac dicere: *Mens unita est Deo, quia per communicationem idearum & luminis Dei intelligit omnia*, quod est ignotum probare per ignotum, ac petere principium (CCXXVI.)

S. Scriptura
ra P. Ma-
lebran-
chio non
favet.

Ob. 2. Systemati huic S. Scriptura aperte favet: ergo non est temere rejiciendum. P. A. Psalm. 3: v. 10, de DEO dicitur: *qui docet hominem scientiam*. Act. 17. v. 28. Paulus ait: *Deus non longe est ab unoquoque nostrum, in ipso vivimus, movemur & sumus*. Maxime autem Jacobus C. 1. §. 17, affirmat DEUM esse patrem luminum, & rursus Paulus Rom. 1. v. 19. aperte inquit: *Deus enim illis (hominibus) manifestavit*. Denique Joan. 1. v. 9. de DEO dicitur, quod sit *Lux vera, quæ illuminat omnem hominem venientem in hunc mundum &c.* ergo. R. N. A. ad p. dico, textus illos in alio, & duplici quidem sensu a SS. Patribus intelligi, 1. quod RATIO (quæ velut lumen mentis est) a DEO sit & conservetur. 2. Quod DEUS eandem homi-
nis

nis rationem naturalem per Propbetiam seu revelationem emendet atque perficiat, sicque Divina LEX dicitur *Lucerna ardens ante pedes*, PROPHECIA VERO vocatur *lumen in tenebricofo loco lucens*, & CHRISTUS: *lux, veritas & via*.

Inst. S. AUGUSTINUS in toto libro de Nec S. Augustinus. Magistro nititur demonstrare, quod homo nihil per sensus discere queat, sed a DEO, qui intus in corde loquitur, erudiatur, juxta illud S. Scripturæ: *unus est Magister vester, qui in cœlis est.* Math. 23. v. 10. Quem librum ille, cum retractasset L. 1. *Retract. C. 12.* illam nihilominus sententiam confirmavit: imo in aliis etiam libris idem docuit, ut sunt L. de Trinit. & Confess. ergo ille S. Ecclesiæ Doctor favet Systemati P. Malebranchii. R. 1. cum Cl. ANTON. GEN. quod S. AUGUSTINUS in ea sententia Doctor singularis sit, cujus idcirco nomen nemini potest vim inferre, ut authoritati cedat etiam sine ratione; ipsiusmet enim S. Doctoris in ejusdem libris frequens sententia est, nullius hominis authoritati assentiendum esse, nisi quatenus aut Divina authoritate, aut probabili ratione naturali utatur, R. 2. quod S.

Do-

DOCTOR tantum intelligendus sit, quod nos res omnes conspекturi simus in Divina essentia olim in patria sive in Caelo, non autem modo in hac vita, ubi nullum datur lumen glorie, in quo videamus illud ineffabile lumen; sic enim loquitur ipsemet in L. 83. QQ. q. 46. *Idea in Deo sunt, illa tamen in hac vita minime videntur, assequemur autem eas in patria.*

EXERCITATIO II.

AN DETUR IDEA FALSA?

Status
quæstio-
nis.

Veritas alia est cognitionis, alia judicii. 1ma habetur, si objectum sit conforme cognitioni, 2da tunc obtinetur, si objectum tale est, quale mens judicat esse. Nos veritatem hic in primo sensu accipimus, eo ipso, quia idea de se tantum ad cognitionem seu simplicem apprehensionem, non vero ad iudicium spectat.



PRO-

PROPOSITIO.

NULLA DATUR IDEA FALSA.

PROBATUR. Omne objectum est Non da-
conforme cognitioni: ergo in omni tur idea
objecto datur *veritas cognitionis*. P. A. falsa.
Si aliquod objectum non esset confor-
me cognitioni, esset v. g. dum *auri-*
chalcum apprehendo pro vero *auro*,
baculum curvum pro recto &c. atqui
hic non datur *difformitas* seu *falsitas*
cognitionis: ergo. P. m. Dum *aurichal-*
cum pro *auro* reputo, non *aurichalci*
ideam habeo, sed *auri* tantum, &
quidem *vere*, alioquin enim male di-
ceretur, a me *aurum* cognosci pro
aurichalco: ergo non habeo difformi-
tatem seu *falsitatem* cognitionis re-
spectu *aurichalci*, sed *nullam* (confe-
quenter etiam nec *falsam*) illius cog-
nitionem seu *ideam* habeo. Nempe li-
cet in eo casu non percipiatur res
objecta *sensibus* externis, percipitur
tamen res vere objecta *menti*, quæ
sola est *perceptionis objectum*, utpote
quæ sola menti percipienti obversatur.

CONFIRMATUR. Mens percipiendo
non fallitur, si nihil rei tribuat, quod
illi

illi tribuendum non sit, nihilque detraxat, quod ei non sit detrahendum: atqui per simplicem apprehensionem (ad quam solam *idea* per se spectat) hoc fit: ergo mens non fallitur. P. m. Nihil enim de ipsa re apprehensa affirmatur aut negatur in prima mentis operatione: ergo &c.

Solvuntur Objectiones.

Idea est
tantum
imago
rei, quæ
cognoscitur.

OB. 1. Illud est falsum, quod rem aliter repræsentat, ac est in se: atqui sæpe idea id facit: ergo datur idea falsa. P. m. Sæpe refert v. g. *aurum*, dum deberet repræsentare *Aurichalcum*: ergo. R. D. m. id est, aliter ac repræsentanda esset C. m. aliter ac cognoscitur N. m. & C. Idea nullius alterius est representatio, quam illius rei, quæ cognoscitur (cum sit *imago rei*) unde sicut tali modo & non alio menti repræsentatur objectum, ita etiam tali modo verum est quoad cognitionem.

Inst. 1. Communiter dicitur: hic rem male vidit, hoc est, aliter rem cognovit ac est, prout & sæpe fallimur circa personas visas: ergo dantur idee falsæ.

falsæ. R. D. C. Si desuper fiat *judicium*, quod res ita se habeat, ut fuit cognita C. C. Si non fiat *judicium*, sed simpliciter tantum apprehendatur N. C. & C. Simplex apprehensio nil *affirmat* vel *negat*, hinc neque *veritatis* neque *falsitatis* capax est; *cognoscitur* autem *vere* id, quod *menti* repræsentatur, indeque si *aurum* v. g. pro *aurichalco* cognoscitur, mens *nullam* prorsus, ut dictum est, *aurichalci* ideam habet, & consequenter nec *falsam* (*falsa* enim tantum foret, si mens *aurichalcum* perciperet, & in illo aliquid *aliter* perciperet, ac est) sed potius habet *aurichalci ignorantiam*; *auri* vero habet *ideam veram*, quia istud *vere cognoscit*.

Inst. 2. Nulla idea in nobis excitari potest, nisi ab ea ipsa re, cujus est idea; ergo ipsa res in se *falso* cognoscitur, si per ideam in sensibus non excitatam mente concipitur. R. N. A. Nam *similitudo* objectorum, *præjudicia* infantiae, aut alia quæcunque *deceptio* potest esse causa alterius ideæ, quam mens facit ad similitudinem objecti, *sensibus*, ut in se est, debite non apparentis, sicut v. g. etiam ex *Creaturis*

potest in mente excitari idea DEI: talis autem omnino *vera* est, quia est conformis *objecto* hic & nunc in *mente* existenti, licet non congruat *creaturis*, seu *objecto sensibus* repræsentato. Plura videlicet dantur corpora, ex se quidem diversa, sed tamen quoad aliquas sensibiles, magisque obvias qualitates prorsus *similia*; quapropter, cum primo nobis occurrunt, *easdem* etiam *motiones* in organis sensuum excitant, atque ex iisdem motionibus, in organis sensuum factis, *easdem ideas* in mente necessario excitant, adeoque impedire non possumus; quin corpora *dissimilia* similes quandoque ideas in nobis excitent, quæ omnes *veræ* dicendæ sunt, quia semper percipitur res *objecta menti*, licet non percipiatur res *objecta sensibus*, nisi quoad ideas illas analogas *adventitias*, ex quibus mens cûdit *factitias* vere menti cognoscenti inexistentes.

Inst. 3. Apprehensio *aurichalci* pro vero *auro* est difformis *objecto*, neque intellectus attingit id, quod *intendit*: ergo ejusmodi, apprehensio falsa est. R. D. I. *membrum A.* est difformis *objecto sensuum Tr.* A. *objecto men-*

mentis, five objecto cognito N. A. vel aliter D. est difformis *negative* tantum & *materialiter*, seu *respectu materie* C. A. Positive & formaliter subd. ratione subsequentis Judicii C. A. in se N. A. dein etiam D. 2. *membr.* A. intellectus non attingit, quod intendit, hoc est, habet *ignorantiam* auri-chalci C. A. habet errorem seu *falsitatem* N. A. & C. Et pono hanc *instantiam*: vel mens rem sibi objectam percipit, vel non? si *immo*: ergo *veram* habet illius ideam. Si *2dum*: ergo *nullam* habet, consequenter nec *falsam*.

Inst. 4. Perceptiones *Chimerice* v. g. Hircocervi, Vulpanseris &c. *false* sunt, quia a parte rei ejusmodi animalia non dantur: ergo adhuc dari possunt ideæ falsæ. R. D. A. Si de illis fiat *judicium* C. A. in *simplici apprehensione*. N. A. & C. Si *simpliciter* tantum *apprehendantur*, per modum *non entis* vere cognoscuntur (CCCXXX.) plerumque tamen ejusmodi perceptiones fiunt per ideas *factitias* ex rebus *seorsim* prius conceptis, v. g. *hirci* & *cervi*, ideas *simplices* combinando in unam *compositam*.

Inst. 5. Idea composita seu complexa involvit *compositionem* cum alio: ergo etiam involvit *judicium*: *subf.* atqui in *judicio* potest esse *falsitas*: ergo etiam in *idea composita* potest esse *falsitas*. R. D. A. involvit *compositionem*, hoc est, rem compositam menti exhibet, attamen sine *affirmatione* & *negatione* C. A. *affirmando* vel *negando* unum de alio N. A. & C.

Datur
idea vera.

OB. 2. Datur *idea vera*: ergo etiam datur *idea falsa*. R. N. C. & *par. disp.* est, quia perceptio potest esse *conformis* objecto, non vero *difformis*; nam eo ipso, si est *difformis*, objectum illud omnino non percipitur, sed *aliud*, & consequenter non *falso*, ut sæpe jam dictum est. Dein datur quoque *veritas*, & quidem *summa* in Deo, cui nulla opponitur *falsitas*: datur item *veritas entitativa* in omni ente, eique nullo modo competere potest *falsitas*: ergo etiam dari potest in *simplici apprehensione veritas*, cui nulla opponatur *falsitas*.

Datur
quando-
que judi-
cium fal-
sum.

OB. 3. *Judicium* potest esse *falsum*: ergo etiam *idea*: R. N. C. & *par. disp.* est, 1. quia in *judicio* aliquid *affirmatur*

Anprop. vera possit in falsam transire? 659

tur vel negatur, non autem in idea.

2. Quia unius rei nonnisi *una* est perceptio, hinc eidem rei tanquam proprio objecto *utraque* idea, scilicet tam *vera* quam *falsa* applicari nequit: econtra de eodem objecto, penes eandem rationem spectato *plura* simulque *opposita* formari possunt *judicia*.

EXERCITATIONES IN II. PARTEM LOGICÆ JUDICATIVAM.

EXERCITATIO I.

AN PROPOSITIO VERA POSSIT IN FALSAM TRANSIRE?

Q Uæstio non procedit de propositionibus in materia *necessaria*, vel *impossibili*, nam ejusmodi propositiones juxta omnes ita sunt *veræ*, ut nullo modo *falsæ* fieri aut esse queant; sed in materia *contingenti*: quippe hæ solæ ita sunt veritati conjunctæ, ut in eo ipso instanti, quo *veræ* sunt, potuerint esse *falsæ*. Quælibet porro ejusmodi propositionum dupliciter

Status
quæstio-
nis.

Propositi- spectari potest. 1. *Materialiter & abso-*
lute, quatenus præcise termini pro-
 positionis *sua significata* repræsentant;
 e. g. *Petrus scribit*, ubi nuda *Petri scri-*
ptio denotatur. 2. *Formaliter & rela-*
tive ad *copulam*, quæ est *forma* pro-
 positionum (CXXIV.) & sic non tan-
 tum termini repræsentant *sua significa-*
ta, sed etiam simul *determinatam tem-*
poris differentiam involvunt (CXXIII.)
 ita ut tota propositio accipiatur pro
tempore, non quo formatur *nunc*, sed
 pro quo conformiter suæ copulæ pri-
 mum *formata* fuit, & in hoc sensu
 veræ sunt omnes Prophetiæ in S. Scri-
 ptura contentæ, & tempus *futurum*
 indicantes e. g. *orietur stella ex Jacob.*
Ninive subvertetur &c. etiam hodie pro-
 lata, si nempe ad illud tempus, pro
 quo a Prophetis formatae sunt, refe-
 rantur, licet, si ad *modernum ævum*
 referantur, *falsæ* existerent. Jam in
 hoc ultimo sensu ponitur



PROPOSITIO.

EADEM FORMALITER PROPO-
SITIO NEQUIT DE VERA
IN FALSAM TRAN-
SIRE.

PROBATUR. Hæc propositio *formali-* Proposi-
tio con-
tingens
semel ve-
ra semper
manet
vera.
ter sumpta v. g. *Petrus studet*, semel
vera v. g. pro hora 2da, pro qua fit,
& qua Petrus etiam studet, omnitem-
pore subsequenti supponit pro studio
Petri *pro hora secunda*, licet Petrus
tempore subsequenti v. g. *hora 3tia*
& *4ta* non amplius studeat: ergo om-
ni tempore subsequenti dicta propo-
sitis *formaliter* sumpta, est & manet
vera de studio Petri *pro hora secunda*,
& consequenter non potest successive
fieri *falsa*; secus enim jam suppose-
ret pro *alio* studii tempore, & sic eo
ipso non foret amplius eadem *forma-*
liter numero propositio, quæ primo
fuit facta, quia *copula* seu *forma* pro-
positionis immutata jam *aliud* iudicii
mentalis *actum* importaret: (CXXI.)
CONFIRMATUR. Omne, quod est,
quando est, necesse est esse eo in-
stanti, quo est (cum idem simul esse

¶ non esse absolute repugnet) ergo etiam objectum propositionis de præsentī est *immutabile*, & consequenter neque ipsa propositio potest mutari. Et sane per hunc loquendi modum salvatur *veritas* Prophetiarum, quæ suum jam consecutæ sunt effectum, non autem in sententia contraria, in qua dici debet, quod modo illæ propositiones Propheticæ adimpletæ, ex *veris* transierint in *falsas*, quæ est locutio *piarum aurium offensiva*, & *male sonans* (CXXXVII.) cum sic argui posset, quod in S. Scriptura modo continerentur *propositiones falsæ*. Accedit, quod ipsa etiam S. Mater Ecclesia hunc sensum nostrum approbet, dum in officio v. g. *Vigiliæ Nativitatis Christi* canens: *hodie scietis, quia veniet dominus, & mane videbitis gloriam ejus* &c, horum verborum sensum videtur aperte dirigere in illud *tempus*, quo CHRISTUS nondum natus fuerat.

Solvuntur Objectiones.

Veritas
est acci-
dentalis
proposi-

OB. I. Veritas & falsitas sunt propositioni contingenti *accidentales*: ergo propositio ejusmodi vera e. g.

Petrus

Petrus studet, potest mutari in falsam, tioni
& econtra. R. D. A. Si illa proposi- materiali-
tio consideretur *materialiter*, *absolute*, ter, non
& ante enuntiationem. C. A. Si spectetur formaliter
formaliter, *relative ad* copulam, & statæ.
post factam pro tempore determinato
enuntiationem. N. A. & C.

Inst. 1. Tali modo propositio *contingens* non differret a *necessaria*: atqui hoc non potest admitti: ergo nec id, unde sequitur. R. N. S. M. Nam propositio *necessaria* est propositio *eternæ veritatis*, ita ut *ab eterno* & *in æternum* semper vera sit e. g. *homo est animal rationale*, quia ibi copula sumitur in *vi nexu* tantum (CXXIII.) econtra in propositione *contingente* prædicatum subiecto ita convenit, ut saltem *antecedenter* posset ab eo etiam abesse (CXXV.) licet *consequenter*, seu post factam enuntiationem *in æternum*, & *pro tempore futuro* *dependenter a certo temporis instanti* non amplius abesse queat.

Inst. 2. In dato casu *Petrus v. g. hora tertia* non amplius studet: ergo tunc ista propositio: *Petrus studet*, erit falsa. R. D. C. Si supponit *pro hora*

tertia. C. C. Si hora tertia adhuc supponit, & verificatur pro hora secunda *N. C. & C.* vel aliter *D. C.* erit falsa *materialiter & absolute* spectata *C. C. formaliter & relative ad copulam* considerata. *N. C. & C.* Quod autem propositio illa ad *determinatum tempus*, quo Petrum currere actu pronuntiamus, referenda sit, ut *vera* aut *falsa* censeretur possit, ex eo deducitur, quod solum illud *temporis spatium* ad ipsius propositionis *objectum* jure pertineat; alias enim nulla omnino esset propositio vera in materia *contingenti*, cum nulla sit in hac materia, cujus *objectum* *eodem semper modo* se habeat, sicut in ipsa propositione enuntiatur, falsæ quoque defacto essent omnes propositiones, quas de primo Christi adventu continet *S. Scriptura*, ut mox dictum est.

Inst. 3. Propositio contingens potest esse indifferens ad significandum *hoc* vel *illud* instans temporis: ergo sicut tempus mutatur, ita quoque propositio mutari potest. *R. D. A.* Potest esse indifferens, si *materialiter, absolute, & ante enuntiationem* spectetur. *C. A.* Si *formaliter & post factam enuntiationem*

tionem consideretur. N. A. & C. Certe sicut hæc propositio: *aliquis homo est doctus*, ut vera sit, ad unum certum & determinatum individuum, in quo verificetur, quoad subiectum restringi debet (XCIX. 4.) ita pariter, ut hæc propositio: *Petrus aliquando studet* (ubi τὸ aliquando denotat contingentiam (CXXVI. 4.) vera vel falsa esse censeatur, tempus determinatum definiendum est; alias semper est propositio neutra, quod implicat. Porro sicut illa propositio: *aliquis homo est doctus*, non est falsa ex eo, quod v. g. *Paulus* non sit doctus, ita etiam hæc: *Petrus (aliquando) studet*, falsa dici non debet ex eo, quod *Petrus aliquo tempore* (v. g. *hora tertia*) non studeat, sed requiritur, ut nunquam studeat; sicut etiam *nullus* homo debet esse doctus, ut prior propositio (*aliquis homo est doctus*) evadat falsa: consequenter vera est hæc propositio, si tantum pro una horæ parte *Petrus* studeat, vel determinata (si eam in mente sua quis præfixerit) vel indeterminata (Si tantum iudicatum sit, fore, ut *Petrus* intra unius horæ spatium aliquando studeat) vel denique, si quis omnino iudicaverit, *Petrum* studiis

studiis *per integram horam* esse vacaturum, tunc, si etiam tantum *per partem horæ* a studiis vacet, propositio erit *falsa*. Sin autem postremo *nullam certam temporis differentiam* quis animo definierit, tunc, si Petrus studeat, *vera*, si non studeat, *falsa* erit, sed *materialiter* tantum propositio illa spectatur.

Inst. 4 Pro instanti sequenti v. g. *bora tertia*, qua Petrus non amplius studet, jam variatum est propositionis objectum: ergo tunc erit *falsa*. R. D. A. *Materialiter*, & in esse physico C. A. *formaliter*, & in esse logico seu repræsentativo. N. A. & C.

Inst. 5. Iste actus: *Petrus scribit in instanti A.* non potest repræsentare Petrum scribentem pro instanti A in instanti B: ergo data distinctio non subsistit. P. A. Esset enim propositio de *præsenti* & *præterito* simul. R. N. A. ad P. D. A. *Materialiter* & per *ampliationem*. (XCIII.) repræsentando scilicet objectum, quod *fuit* præsens, & modo est præteritum C. A. *formaliter* & pro *statu*, hoc est repræsentando illud ut *præsens* & *præteritum* simul. N. A. & C.
OB.

An prop. vera possit in falsam transire? 667

OB. 2. Paries albus potest mutari in nigrum, quia albedo & nigredo sunt illi *accidentales*: ergo etiam propositio *vera* potest mutari in *falsam*, quia veritas & falsitas sunt ei *accidentales*. R. ut antea D. C. propositio *materialiter* spectata C. C. *formaliter* spectata N. C. & C. simulque *inverto argumentum*: murus ut *albus formaliter* nequit fieri *niger* pro eo instanti, pro quo habet *albedinem*: ergo etiam propositio *formaliter* sumpta (pro primo scilicet enuntiationis suæ instanti) non potest fieri falsa, æque ac *repugnat*, ut, quod est, non sit, quando est.

EXERCITATIO II.

AN PROPOSITIONES DE FUTURO CONTINGENTE ABSOLUTO SINT DETERMINATE VERÆ VEL FALSÆ, PRÆSCINDENDO A DECRETO DIVINO?

FUTURUM ab Aristotele dicitur esse id, quod est determinatum in causa ad habendam existentiam in duratione sequenti, estque medium inter actu existens, quod jam est positum extra

Futurum
quomodo
definietur?

extra suam causam, & inter possibile, quod continetur in causa nondum determinata ad istius productionem: futurum vero reipsa quidem non existit, attamen in sua causa jam est preparatum ad hoc, ut in aliquo sequenti tempore existat. Alii futurum sic definiunt: est id, quod modo non habet, sed habebit existentiam in duratione sequenti: Nos cum communiore Philosophorum turba priorem futuri definitionem hic accipimus.

Decretum Dei.

Triplex in Deo datur scientia, nimirum simplicis intelligentiæ, visionis, & media.

DECRETUM DEI est actus providentiæ Divinæ, omnia & singula in tempore eventura præordinans. Porro, licet DEUS unico ac simplici actu præsentia; præterita & futura cognoscat: nihilominus triplicem quoque in eo SCIENTIAM Theologi solent distinguere. 1^ama dicitur SIMPLICIS INTELLIGENTIÆ, per quam res possibiles ut possibiles, seu priusquam (secundum nostrum modum res Divinas concipiendi) formaverit decretum de eis producendis vel non producendis. 2^ada dicitur SCIENTIA VISIONIS, per quam ab æterno prænoscit res omnes absolute futuras (postquam scilicet decrevit eas producere vel permittere) 3^{ti}a tan-

tandem vocatur SCIENTIA MEDIA, feu conditionata, per quam DEUS cognofcit res, quæ futuræ effent, *fi ponerentur hæ aut illæ conditiones*. Nominatur autem MEDIA, quia (fecundum illius scientiæ Patronos) *fequitur* scientiam simplicis intelligentiæ, & *precedit* scientiam visionis, ac proinde inter utramque quafi *mediare* videtur. Et de hac *ultima* nolumus hic falcem in mefsem *Theologicam* ex instituto immittere, hinc quæftio tantum ponitur de futuro contingente *absoluto*, non *conditionato*.


Inter *contingens* & *indifferens* hæc eft differentia, quod *indifferens* fit idem ac *indeterminatum*, & confequenter pugnat cum *determinato*; nec poffit res aliqua effe *indifferens* ad effectum, & fimul *determinata*. *Contingens* vero ita pugnat cum *necelfario*, ut non pugnet cum *determinato*: ac proinde poteft res aliqua fimul effe *contingenter* futura, & *determinata*, hinc *decretum* DEI concomitans (ut SCOTISTÆ loquuntur) res *contingentes* non facit *necelfario* futuras, fed folum *determinatas*, & non amplius *indifferentes*. Cæterum licet re ipfa *decretum* DEI
Discrimen inter contingens & indifferens.

omni-

Signum
rationis.

Status
quæstio-
nis.

omnium rerum futuritionem defacto jam præcesserit: potest tamen *saltem per actum intellectus* concipi aliquod *instans* (*signum rationis* vocatur:) quo DEUS concipiatur ut *indifferens* ad discernendam rem aliquam contingentem v. g. *finem belli moderni Borussici*, vel hujus aut alterius hominis *liberam quamlibet actionem*. Jam ergo si *pro illo signo rationis* fiant hæ propositiones contradictoriæ de futuro contingenti absoluto: *bellum hoc anno finietur; bellum hoc anno non finietur*. Quæritur, an una illarum propositionum *præscindendo ab omni decreto Divino* sit determinate vera, & altera determinate falsa? an vero utraque sit *neutra*, hoc est nec determinate vera, nec determinate falsa? pro cujus resolutione sit



PRO-

PROPOSITIO.

INTER DUAS PROPOSITIONES
CONTRADICTIONARIAS DE FUTU-
RO CONTINGENTI ABSOLUTO,
SI PRÆSCINDATUR A DECRE-
TO DIVINO, NEUTRA EST
DETERMINATE VERA
AUT FALSA.

PROBATUR. *Determinate futurum* De futu-
est id, quod est determinatum in ris con-
causa ad habendam existentiam pro tem- tingenti-
pore sequenti: atqui præscindendo a bus non
decreto DEI objectum neutrius pro datur de-
positionis: bellum hoc anno finietur, bel- terminata
lum hoc anno non finietur (scilicet finis veritas
belli futurus) est determinatum in causa absque
ergo neutra propositio est determi decreto
nate vera aut falsa. P. m. Non enim Divino.
est determinatum 1. in causa prima,
utpote a qua præscinditur. 2. Non
in causa secunda, quia, ut duces &
milites ad pacem se determinent,
requiritur decretum DEI concomi-
tans, ut Metaphysica docebit. 3.
Non in se ipso, quia, sicut nul-
la res contingens potest sibi ipsi
dare suum esse, ita neque futurum
Uu esse;

esse: ergo si præscindatur a decreto Divino, objectum neutrius propositionis est *determinatum in causa*, sed mere tantum possibile.

RESPONDENT *adversarii* 1. Ad futuritionem causalem requiri decretum Divinum, non vero ad futuritionem formalem, quam dicunt consistere in negatione existentie rei pro nunc, & in existentia pro tunc, seu pro tempore per copulam importato, sed

Verificativum formale futuritionis non datur sine decreto Divino.

Contra est. 1. Verificativum formale propositionis de futuro contingenti primum resultat ex causali, seu ex objecto actu determinato, & consequenter illud præsupponitur, ut futuritio formalis vera sit, quia veritas est conformitas iudicii cum objecto. 2. Determinata veritas est effectus pro nunc: ergo etiam debet habere causam pro nunc, ideoque si non habet, nisi pro tunc, non erit determinata veritas pro nunc, sed tantum pro tunc, quo scilicet actu ponetur decretum de futuritione rei tanquam illius causa & ratio unica.

Decretum Dei generale

RESPONDENT *AA.* 2do. Sufficere decretum DEI generale & indifferens, quo
DEUS

DEUS decernat, se cum creatura concursurum, si illa ad objectum contingens se determinaverit. Ast rursus non sufficit ad futuritionem determinatam.

Contra est. 1. Si ipsum DEI decretum est *indifferens & indeterminatum*, sane eo ipso non potest esse causa effectus determinati, & consequenter nec dabitur *futuritio determinata*, sed solum *indeterminata ac possibilis*. 2. Hæc responsio videtur evertere *ordinem* causarum, eo quod *causam primam* faciat dependere a *causa 2da* (quantum scilicet ad *futuritionem rerum contingentium* attinet) quod sine illata DEO injuria a christiano philosopho dici nequit. Adde, quod prorsus implicet, ut concipiatur creatura se *determinare* ad aliquem actum, quin DEUS se cum illa *condeterminet*, ut in *Theologia* docent SCOTISTÆ; ergo &c.

Solvuntur Objectiones.

O B. 1. Præscindendo a decreto DIVINO una ex his propositionibus: *Petrus cras ambulabit, Petrus cras non ambulabit*, enunciat *ambulationem* Petri crastinam, & hanc ipsam altera negat: tantum

U u 2

ergo

indeter-
minate
veræ abs-
que de-
creto Di-
vino.

ergo una est determinate vera & altera falsa. P. C. Ex duabus propositionibus *contradictoriis* semper una debet esse vera, & altera falsa (CLIII.) atqui hæ sunt propositiones *contradictorie*: Ergo. R. D. A. Enuntiat ambulationem &c. ut *indeterminate* futuram aut non futuram, seu potius ut *possibilem* C. A. ut *determinate* futuram aut non futuram N. A. ad P. D. M. semper una debet esse vera &c. si habeant objectum determinatum C. M. si tantum indeterminatum N. M. vel aliter. Una debet esse vera supposito decreto Divino C. M. eo præciso Subd. *indeterminate* C. M. *determinate* N. M. & C. m. N. C. Sicut v. g. oculus dexter *indeterminate* tantum est *necessarius ad videndum*, si non supponatur adesse *actuale exercitium*, & alter oculus sit *æque aptus* (XCIX. 4.) ita pariter, quia præscindendo a decreto Divino nequit haberi aut enuntiari *exercitium ambulationis* Petri, utraque propositio est *indeterminata* & confusa; accedente autem decreto Divino de *exercenda* Petri *ambulatione* oritur primum *determinata* unius *veritas*, & alterius *falsitas*.

Inst. 1. Inter contradictoria non datur medium, quia alias idem simul esset, & non esset: ergo una debet esse vera ex illis duabus propositionibus, & altera falsa, etiam præscindendo a decreto Divino. R. D. A. Non datur medium per modum propositionis *mediantis* C. A. per modum propositionis, quæ sit quasi *suspensa* quoad veritatem, vel assensum iudicii N. A. & C. Dein ex *contradictione* hic non potest erui veritas, quia inter contradictoria unum est *necessario*, & non tantum *contingenter* verum, adeoque jam quæstio non amplius esset de propositionibus *contingentibus*, sed *necessariis*, quod est contra statum quæstionis.

Inst. 2. Si utraque propositio est *suspensa*, tunc eo ipso jam non sunt contradictoriæ, quod est magis contra statum quæstionis; ergo prior Responsio non subsistit, R. D. A. si utraque est *suspensa* quoad modum significandi C. A. si tantum quoad veritatem, vel assensum iudicii N. A. Duæ propositiones contradictoriæ etiam præciso decreto Divino vere quidem aliquid significant,

Ex contradictione sola non oritur determinata veritas propositionum.

& enuntiant, in suo esse materiali considerata, nempe *ambulationem* v. g. Petri; attamen quia hæc *absque decreto* divino est tantum *indeterminata*, intellectus debet iudicium suum suspendere, vel si iudicat, ejus iudicium debet esse tale: *Possibile est Petrum cras ambulare, possibile est Petrum cras non ambulare*; utrumque enim tantum *possibile est*.

Inst. 3. Ergo Petrus nec est ambulaturus, nec non ambulaturus. R. D. Ill. Præscindendo a decreto Divino C. Ill. hoc supposito N. Ill. Nam ante decretum Divinum pure aliquid enuntiatur *vi formæ* (CXXIV.) Iudicium tamen intellectus assensum debet suspendere, quia materia nondum est determinata.

Inst. 4. Hæc propositio: *Petrus cras ambulabit*, in statu quæstionis admittitur, & concipitur PRÆSCINDENDO A DECRETO DIVINO: ergo etiam præscindendo ab eodem decreto Divino debet admitti ejus objectum, nempe *ambulatio cras futura*, & consequenter præscindendo a decreto Divino dicta propositio ut vera debet admitti. R. D. A. Admit-

Admittitur *cum dubio* de illius veritate determinata C. A. admittitur *cum positiva concessione* veritatis determinatæ. N. A. & C. Si præscindatur a decreto Divino, duæ propositiones contradictoriæ de futuro contingenti absolute hic non conceduntur, sed præcise dantur, ita ut sensus sit; *dato & non concesso* &c.

Inst. 5. Præscindendo a decreto Divino (sive ante omne decretum DEI) *ambulatio* Petri crastina non est futura: ergo hæc propositio: *Petrus cras non ambulabit*, eo ipso erit vera præscindendo ab omni decreto Divino. R. D. A. Sumendo τὸ non præcise & indeterminate quoad assensum intellectus C. A. sumendo τὸ non positive & determinate N. A. & C. Præscindendo a decreto Divino neque hæc propositio: *Petrus cras ambulabit*, neque altera: *Petrus cras non ambulabit*, determinate vera est, sed ipsum *ambulationis exercitium*, manet prorsus *suspensum* & indeterminatum absque illius *verificativo causali* (quod est decretum Divinum) ex quo primum resultat *verificativum formale*, fere sicut v. g. prius debet esse *physice* productus

homo, antequam ab eo resultent *animalitas* & *rationalitas*, ut SCOTISTÆ loqui solent.

Inst. 6. Inter *esse* & *non esse* nullum prorsus datur *medium*: ergo neque inter *futurum esse*, & *non futurum esse*, & consequenter, sicut in *priori* casu datur *determinata* veritas aut falsitas, ita etiam in *posteriori*. R. N. C. & *par*. Disp. est, quia τὸ *esse* dicit rem extra suas causas positam, quod ipsum τὸ *non esse* negat: econtra tam *determinate futurum* quam *non futurum* dicit *determinationem a solo* & *uno decreto Divino*: ergo si ab isto præscindatur, neque *illud* habebitur.

Inst. 7. Ex duabus propositionibus contradictoriis *de contingenti præterito* & *præsenti* una est *determinate vera*, altera *falsa*: ergo etiam *de futuro*. P. C. Propositiones *de futuro* mensurantur per propositiones *de præsenti*: ergo si istæ sunt *determinate veræ*, etiam illæ erunt *determinate veræ*. R. N. C. disp. est, quia illarum propositionum *objecta* sunt *vere* per *decretum Divinum determinata*, non autem in nostro casu.

casu. Unde ad P. D. A. mensuran-
tur &c. tanquam per mensuram *secun-*
dam, & ab alio altiore ac priore, sci-
licet a decreto Divino dependentem
C. A. tanquam per mensuram *primam*
N. A. & C.

OB. 2. Præscindendo ab omni decre-
to Divino hæc propositio: *Petre ter me-*
negabis, erat determinate vera: ergo
etiam aliæ ejusmodi propositiones ita
veræ sunt. P. A. Negatio Petri, erat
actus peccaminosus & *malus*: atqui ad
actus peccaminosos DEUS non ponit
decretum: ergo &c. R. N. A. ad P. D. m.
non ponit decretum *positivum*, sive non
decernit approbative & voluntate spe-
ciali C. m. non ponit decretum *permissi-*
vum, hoc est, non decernit voluntate ge-
nerali N. m. & C. DEUS quidem non con-
currit ad τὸ *esse formale peccati* (quod
juxta *Scotistas* consistit in *privativo*)
concurrit tamen ad *entitatem physicam*
actus mali, quæ *physica* entitas in ge-
nere *entis* bona est.

Inst. Qui permittit peccata, peccat:
atqui DEUS non peccat: ergo non
permittit peccata etiam *voluntate gene-*
rali tantum. R. D. M. Peccat, si
teneatur illa impedire. C. M. Si non

U u 5 tenea-

teneatur: sed potius sit *provisor universalis* & causa prima, quæ vi sui decreti generalis *libertatem* homini concesserit, indeque ex malo bonum elicere queat. N. M. & C. m. N. C. *DEUS non fineret malum aliquod esse in suis operibus, nisi usque adeo esset omnipotens & bonus, ut etiam beneficeret de malo.* Inquit præclare S. AUGUSTINUS in *Enchirid. C. 11. & alibi.*

Decreto
divino
nondum
posito ha-
betur
tantum
futuratio
indeter-
minata.

OB. 2. In illo signo, in quo DEUS v. g. videt ANTI-CHRISTUM ut *possibilem*, & in quo nondum decernit illius productionem, adhuc verum est dicere: *Anti-Christus est futurus*: & in illo signo pariter vera est hæc propositio: *DEUS decernet Anti-Christum*; & ista est falsa: *DEUS non decernet Anti-Christum*; ergo datur determinata veritas præscindendo a decreto Divino. R. D. A. Veræ sunt illæ propositiones indeterminate C. A. determinate N. A. & C. Propositiones nunquam possunt enuntiare aliquid *determinate* verum vel falsum, ubi non est verum vel falsum in *objecto*: atqui præscindendo a decreto Divino non est aliquid determinate verum vel falsum in *objecto*, ut sæpe jam dictum

ctum est: ergo nec poffunt aliquid ejusmodi enuntiare.

OB. 4. Veritas est *conformitas cum ob- jecto*: atqui, etfi hodie primum po- natur decretum, tamen heri jam ad- fuit *conformitas cum ob- jecto* (per de- cretum fcilicet *ponendum*) ergo etiam heri jam adfuit *veritas*. R. 1. D. M. Veritas est con- formitas cum ob- jecto de- termina- to. Est conformitas cum ob- jecto *determi- nato* C. M. cum ob- jecto *indeterminato* N. M. & fic D. m. N. C. Quampri- mum ob- jectum est *determinatum*, ori- tur conformitas, & non prius, deter- minatio autem ob- jecti fit per *decretum*. R. 2. D. m. Heri jam adfuit *conformi- tas*, fi fit effectus jam ex *fua natura* determinatus, & *necessarius*, vel fal- tem in *caufa preparatus*, ut est v. g. eclypsis folis & lunæ certo tempore contingens C. m. fecus N. m. & C. m.

OB. 5. Decretum DEI nil tribuit futuris contingentibus *quoad effe*: ergo ad eorum futuritionem determinatam non requiritur. P. A. Decretum Di- vinum futuris tantum tribuit *effe voli- tum*, ficut intellectus *possibilibus* dat *effe cognitum*: atqui *effe volitum* est tantum in *voluntate Divina*: ergo nil causa.

Decre- tum Di- vinum tribuit re- bus futu- ris *to effe determi- natum in* causa.

tri-

tribuit futuris contingentibus quoad esse. R. D. A. Nil tribuit quoad esse reale existiale, quod provenit ab omnipotentia Divina, res in tempore producente C. A. nil tribuit quoad esse determinatum in causa N. A. & C. ad P. D. m. Volitum active sumptum est tantum in voluntate Divina C. m. passive sumptum N. m. & C. Res ante omne decretum DEI habent solum esse possibile, per decretum habent esse reale futuritionis, seu determinationem in causa, & denique per omnipotentiam Divinam accipiunt esse reale existiale. Sive, ut alii loquuntur: futurum est aliquod concretum (LXXXIV.) & involvit duo, nempe 1. esse materiale, hoc est, ipsam rem futuram, 2. Esse formale, seu ipsam futuritionem. Jam: ante decretum nec datur esse formale (scilicet futuritio) nec esse materiale (scilicet res futura) per decretum vero datur esse formale, seu futuritio, & per omnipotentiam producentem datur quoque esse materiale, seu res ipsa futura.

Quomo-
do con-
cursus
causæ

OB. 6. Communiter a Theologis docetur, concursus causæ primæ determinari a causa secunda quoad exercitium

citium & specificationem actus liberi: primæ
 ergo DEUS tanquam causa prima non determini-
 ponit aliquod decretum, antequam netura
 creatura ad actum se jam determina- causa se-
 verit, & consequenter datur determi- secunda?
 nata veritas etiam præscindendo a de-
 creto Divino, R. D. A. Docetur, con-
 cursum causæ primæ determinari &c.
 in tantum, ut iste concursus non sit
 amplius *universalis* & paratus ad fa-
 ciendum utrumque oppositorum C. A.
 in tantum ut causa prima prius se de-
 terminet, & deinde DEUS primum pro
 posteriori concurrat N. A. & C. DEUS
 offert causis secundis concursum uni-
 versalem sive generalem, vi cuius para-
 tus est cum illis coincidere in utramli-
 bet contradictionis partem: at iste
 concursus tantum se tenet ex parte
 actus primi, ita ut possint se ipsis agere
 motus suos; dum vero agunt motus
 suos, & sese determinant ad unam
 determinatam contradictionis partem
 in actu secundo, indigent determinato
 DEI influxu: & in hoc sensu potest
 dici, quod concursus causæ primæ
 determinetur a causa secunda quoad
 exercitium & specificationem actus
 liberi, at tamen coincidenter. Verum
 de hoc plura in Theologia naturali &
 revelata.

EXER-

EXERCITATIONES IN III. PAR-
TEM LOGICÆ DISCUR-
SIVAM.

EXERCITATIO I.

AN SYLLOGISMUS SIT IN
SCHOLIS CATHOLICORUM
RETINENDUS?

Syllogismum, Methodumque dispu-
tandi *Syllogisticam* non pauci ex
PROTESTANTIBUS quotidianis laceffunt
conviciis, & e scholis quoque prorsus
eliminatam esse cupiunt, ast frustra
obluctantur, sunt enim ex iis ipsis
viri etiam celebres, qui formæ Syllo-
gisticæ bonitatem, utilitatemque me-
lius inspicientes plurimas ei laudes di-
cunt, ut sunt GOTTSCHEDIUS, SCHU-
BERTUS, THÜMIGIUS, HEINECCIUS, &
maxime WOLFIUS, qui in suis cogita-
tionibus rational. de viribus intellectus.
§. 110. In hæc verba scribit: *Non du-
bito, fore aliquos, qui mirentur, cur
Syllogismorum formalium utilitatem
predicem, qui hodie ferme omnium
ludibrio expositi sunt; eos autem scire
velim*

Wolfius
laudat
Syllogis-
mos for-
males.

velim, me nec veterum placita super-
stitiosè colere, nec in iis esse hospitem,
quæ a Recentioribus memoria prodita
sunt. Mihi quidem a Præceptoribus,
quibus usus sum, Syllogismorum con-
temptus fuit implantatus, adeo ut
etiam consueti more riserim non satis
intellecta; seriâ tamen discussione usus,
aliâ prorsus deprehendi rei faciem,
quam quæ per transfennam eam aspi-
cienti apparuerat, nec cum aliis viris
magnis nunc ea defendere pudet ex
veritatis amore, quæ suggillantur ab iis,
qui ea intimius perspicere non valent.
Hæc ille. Quocum etiamnum sen-
tiunt, sicut & dudum ante illum in
hac parte sensere Catholici omnes.
Quare statuitur



PROPOSITIO.

SYLLOGISMUS IN SCHOLIS PERPETUO EST RETINENDUS.

Formam
Syllogi-
sticam
probat
authori-
tas.

Expe-
riencia.

PROBATUR I. *Authoritate SS. Patrum*, quos pro nostra sententia adducit PETAVIUS *L. 1. Theol. Dogmat. C. 4. & 5.* ubi etiam probat, omnes primi nominis THEOLOGOS forma syllogistica fuisse usos, & ex hac quidem prudenti *ratione*, quia perbene nove-
rant, quod per eam *Heterodoxorum* errores solidius detegere, sophismata solvere, ac veritatis jura facilius tueri possent. Quin audeo ex ipsa *Acatholicorum* penu depromere argumenta, quibus non modo *artificium syllogisticum* illustretur, sed & illi ipsi solide impugnentur; Nempe in colloquio *FRANCOTHALIENSI* sic dicti *Reformati* hunc *Nicolai Storckii* (*Anabaptistarum* parentis) erroribus *syllogismum* opponebant, quo *Anabaptistarum* fundamenta subverti penitus credebant: *Æternus Rex JESUS* nullo tempore fuit *sine Regno*, *sine Ecclesia*, *sine fidei grege* & *populo*: sed si *Anabaptistarum* cœtus esset
Regnum

Regnum, Ecclesia, fidelis grex & populus Christi, sequeretur, Christum per quindecim secula (ad annum usque 1522, quo scilicet per præfatum Storckium in Thuringia natus est Anabaptistarum error) Regno, Ecclesia, & fidei populo caruisse; ergo cætus Anabaptistarum non potest esse vera Christi Ecclesia. Nonne autem per hoc ipsum argumentum κατ' ἀνθρῳπον (CCCL.) Protestantes pariformiter prosterni valent? quærere enim ex ipsis liceat, quo sæculo Lutherani aut Calviniani nati sint? Certe ante Lutherum & Calvinum nullus Lutheranus aut Calvinianus fuit: Hi vero primum circa annum Christi 1517. & 1542. cætum suum congregare ceperunt: ergo & ipsorum cætus non potest esse Christi populus. *Forma syllogistica* vim iidem Protestantes quoque experti sunt in COLLOQUIO RATISBONENSI anno 1591. de rebus fidei habito inter RR. PP. GRETSERUM & TANNERUM S. J. ex una, & Theologos Lutheranos ex altera parte, in quo, istis extra rhombum frequenter saltantibus identidem ab illis ingeminatum fuit scholasticum illud, *in forma, in forma*, in quo ipso colloquio, ut legentibus patet, Aca-

tholici quidem in intellectu convincti, non autem, ut ad veram fidem redirent, in voluntate persuaderi potuere.

Et ratio
multi-
plex.

PROBATUR 2. Ratione 1. Per formam syllogisticam error in discursu, quantumvis subtilis facillime detegitur, & an non quædam sine probatione assumuntur, quamprimum innotescit: 2. *Fallacis & evagationibus* (geminis disputantium vitis) via præcluditur, & adversarius perspecta præmissarum veritate dare veritati victas manus cogitur, vel saltem, quam infirmis fundamentis ejus assertio innitatur, aliis manifestum evadit, unde Syllogismus merito nominari valet: *medium securis, firmum, solidissimum & brevissimum, ad veritatem: nedum inveniendam, sed & propugnandam, & aliis declarandam.* 3. Per formam syllogisticam evitatur confusio, & acuitur attentio tam opponentis, quam respondentis, dum simul & semel eam ad tres tantum terminos convertere, atque ad unum quæstionis scopum tendere compelluntur, donec successive omnium attributorum objecti ad invicem distincta comparatio evoluta fuerit, præcipua controversiæ capite penitus resecto: 4. Addit

WOLFIUS supra citatus, exemplis doceri posse, demonstrationes Geometricas, quando expenduntur, in Syllogismos formales resolvi, nec in Matheſi quidquam inveniri, niſi per Syllogismos, nec denique in diſciplinis aliis ad demonstrationes veri nominis perveniri, niſi per Syllogismos: ergo ob egregias haſce utilitates Syllogismus, formaque diſputandi ſyllogiſtica in ſcholis perpetuo eſt retinenda.

Solvuntur Objectiones.

OB. 1. Per Syllogismos formales niſi *Syllogif-*
hil inveniri, cognosci que poteſt, quod *mus uti-*
antea cognitum non erat: ergo Syl *lis eſt ad*
logismus nullam præſtat utilitatem, *cogno-*
conſequenter e ſcholis eſt eliminan- *ſcendam*
dus. P. A. Nequeunt per Syllogif- *identita-*
mos duo extrema in conſeſione com- *tem duo-*
binari cum medio, niſi in iſiſ præ- *rum inter*
miſſis habeatur jam illorum notitia: *ſe.*
ergo. R. N. A. Ad P. D. A. ita ta-
men ut extremorum inter ſe identitas
vel diſtinctio primum per Syllogiſmum
legitime inferatur C. A. ut extremo-
rum inter ſe identitas vel diſtinctio in
præmiſſis jam cognoscatur ſubd. in
evidentibus C. A. in probabilibus. N. A.

& C. Dein hoc argumentum probat
nimium: ergo nihil; sequeretur enim
quod omne *ratio cinium* esset *inutile*,
quod nemo dicet.

Inst. 1. Ad veritatem invenien-
dam, aut alios docendam etiam in
probabilibus sufficit *ratio cinium natura-*
le: ergo superfluum est *ratio cinium*
artificiale, sive Syllogismus. P. A. Si-
cut naturaliter loquimur, etsi nun-
quam cogitemus, quomodo glottidem
moveamus, aut per quos musculos
locutio fiat, sic etiam naturaliter *ra-*
tiocinamur, etsi de legibus distincte
nunquam cogitemus: ergo. R. N. A.
ad P. Tr. A. N. C. Nam 1. ex hoc
argumento denuo sequeretur, *omnes*
artium quarumcunque *regulas* esse *inu-*
tiles, quia naturaliter v. g. *canimus*,
saltamus, *mensuramus* &c. etsi de legi-
bus canendi, saltandi, metiendi &c.
raro aut nunquam cogitemus. Hinc R.
2. D. C. ergo sufficit *ratio cinium na-*
turale ad *simpliciter* *ratio cinandum*
C. C. ad *clare*, *ordinate* & *solide* *ra-*
tiocinandum. N. C. & C. Licet *ra-*
tiocinium naturale præcedat Syllogis-
mum artificialem, sicut v. g. organum
vocis ad harmonice canendum præ-
sup-

ſupponitur: attamen prout ad cantum harmonicum *certius* aſſequendum ſtatuantur *regulæ*, ſic quoque ad ratio-
cinia *facilius* formanda, & *clarius* exponenda: *artificium* ſyllogiſticum in-
primis utile eſt, quia conſulit *ordini*
& *confuſioni* idearum, ſi *regulæ* diſpu-
tationis ſyllogiſticae tum generales tum
ſpeciales exacte ſerventur (CCCLXXII.
& ſeq.)

Inf. 2. Diſputatio ſyllogiſtica, ſi
habeatur circa mere *probabilia*, men-
tem longa & perplexa propoſitionum
ambage eo uſque circumducit, ut
tandem neſciat, ubi ſit, aut quomo-
do ſe ex ejusmodi laqueis extricare
debeat? ergo per eam veritas in *pro-
babilibus* potius amittitur, quam in-
venitur. R. D. A. Si non ſerventur
Diſputationi præſcripta tum *generalia*,
tum *ſpecialia* præcepta C. A. Si ſer-
ventur N. A. Tunc enim facile evi-
tari valet *confuſo*. Quodſi etiam veri-
tas ipſa detegi nequit ſervatis cunctis
regulis, & *variſſimilitudine* deprehenſa
contenti eſſe debemus: ubi vero ne-
que *probabile* quid per formam ſyllo-
giſticam erui poteſt, neque per aliam
quamcunque Methodum id fiet.

Diſputa-
tio Syllo-
giſtica
utilis eſt
etiam
circa pro-
babilia.

Utilitas
Syllogis-
morum
in dica-
steriis &
concioni-
bus.

Ob. 2. Nec in *dicaſteriis*: Principum, nec in *concionibus* publicis, locum deſacto habet forma ſyllogiſtica: ergo non eſt utilis. R. Tr. A. Nam quan- tum proſit ad docendum, delectandum, & movendum, *relatio cauſe* ad Syllo- giſmi rigorem reſtricta, aut *eloquentia* Syllogiſmiſ oratoriis animata, nitide probat. Cl. P. NEUMAYR in ſua præ- ſtantiffima *idea Rhetorices pro uſu quo- tidiano, civili, & Eccleſiaſtico*, ſolide non minus quam *perſpicue* elaborata. N. C. Poſteſt enim forma ſyllogiſtica de ſe eſſe *utiliſſima*, eſſi non omnes eo legitime *rationationis lapide* Ly- dio uti vellent, ſicut ſol v. g. pellendis tenebris maxime idoneus exiſtit, eſſi valvis reclusis quandoque a cubiculo illuminando arceatur. Sufficit quod *ſcholis catholicis*, diſputationem jam per quinque fere ſecula ſummo ſem- per cum fructu uſurpantibus ſit maxi- me utilis, nec aliud hic probare in- tendimus.

Forma
Syllogi-
ſtica per
ſe non fa-
vet errori
tuendo,

Ob. 3. Forma ſyllogiſtica non raro plus ſervit *errori tuendo*, quam *veritati eruendo*: ergo in ſcholis non eſt utilis. R. A. Quia *deſcendens*, etiamſi in diſputationibus ſcholasticis *convincatur*,

tur, nunquam tamen ab opponente se victum esse fatetur, nec ejus sententiam amplectitur. 2. Etiam *opponens* ob temporis angustias, urgentem Syllogismorum seriem, & æstum disputationis quandoque temere arripit, quidquid in buccam venit, pro argumentatione sua prosequenda: ergo. R. N. A. Ad pr. 1. *membr.* Tr. A. N. C. nam juvat saltem *audientibus* veritatem demonstrasse (CCGLXXIV. 6.) dein Retorq. *Pertinaces* nec cedunt veritati per *naturalem* idearum connexionem agnitæ: ergo etiam *naturalis illa* *con-*
nexio esset inutilis. *Ad 2. membr.* prob. rursum Tr. A. nam defectus isti non *Syllogismorum* legibus, sed *syllogizantium* inscitie, aut alii etiam fragilitati adscribendi sunt. N. C. Quia admittendus est etiam unus vel alter *abusus*, ne relinquere cogamur longe nobiliorem *usum*, præsertim cum per leges supra præscriptas (CCGLXXIII.) facillime tolli possit *abusus*.

Inst. Multi de sua sententia non dubitant; instituta vero disputatione syllogistica tam de sua, quam de adversarii sententia dubitare incipiunt: ergo veritati eruendæ illa non inservit. R.

Favet vero errori agnoscendo.

N. C. Nam melius est nescire, quam
judicia proprio deceptum errare, &
potior est sana dubitatio (CCLXXI.)
quam ignorantia crassa vel affectata.
Dein juxta illud vulgatum: multum
est scire, quod multa nescias, & proxi-
mus cognitioni est, qui, quid debeat in-
quirere, prudenter agnoscit: quidni ergo
utilitas maxima ex disputatione syllo-
gistica oritur?

Itemque Ob. 4. In rebus physicis unice ex-
perimentis & rationibus plerumque tota ratio ad autho-
ritati di-
judican-
da.

ad 1. membr. Antec. D. A. ita tamen
sur per hæc experimenta in ipsas dein
causas & rationes physicas intrinsecas ut-
terius legitimo discursu inquiratur C.
A. sistendo in solis experimentis. N. A.
(CCCII.) Ad 2. membr. similiter D. A.
si extrinseca tantum rei probabilitas at-
tendatur C. A. si veritas N. A. Ipsæ
enim authorum rationes per diligens
ratiocinium sedulo sunt discutiendæ
(CCCXL.)

EXERCITATIO II.

AN INTELLECTUS, DATO SEMEL ASSENSU PRÆMISSIS, IN OMNI MATERIA NECESSITETUR AD INFERENDAM CONCLUSIONEM?

Assensus hic idem est ac *judicium affirmativum*, & *dissensus* *judicium negativum*, in quo sensu est actus intellectus, non voluntatis (CXXII.) INTELLECTUS porro est *potentia necessaria*, quæ positis omnibus ad agendum requisitis dispositionibus, & remotis obstaculis debet agere. VOLUNTAS vero est *potentia libera*, quæ positis quibuscunque dispositionibus potest non agere, vel contrarium agere.

Quid sit assensus?


potentia necessaria, & libera,

NECESSITAS datur duplex 1. *Contrarietatis seu specificationis*, quando nempe aliqua potentia præsentibus ac positis omnibus circumstantiis ita debet actum aliquem ponere, ut non possit alium contrarium specie distinctum ponere. 2. *Contradictionis seu exercitii* est, quando necessario debet ponere hunc actum, & non potest illum ipsum

Necessitas duplex.

Statu
questio-
nis.

omittere. Quid sit huic duplici necessitati opposita duplex LIBERTAS? patet *a contrario*, nempe, quando quis v. g. potest ponere *amorem* vel huic specie oppositum *odium*, tunc habet libertatem *contrarietatis* seu *specificatio- nis*, quando vero etiam illum ipsum actum *amoris* potest *non ponere*, seu libere omittere, habet libertatem *contradictionis* seu *exercitii*. Hic ergo quaeritur, an, si intellectus concessit *premissas* in aliquo Syllogismo, (& qui- dem non tantum *demonstrativo*, sed etiam *probabili*) teneatur quoque inferre *conclusionem*, saltem *mentaliter*, an ve- ro negare eandem possit, aut assensum suspendere? Questionem hanc resol- vit sequens



PRO-

PROPOSITIO.


DATO SEMEL ASSENSU PRÆMISSIS, INTELLECTUS NECES-
SITATUR AD INFERENDAM
CONCLUSIONEM, TAM IN SYL-
LOGISMO DEMONSTRATI-
VO, QUAM PROBA-
BILI.

PROBATUR. I. Intellectus est poten-
tia necessaria, quæ positis omni-
bus ad agendum requisitis necessaria
agit: atqui dato assensu præmissis, & co-
gnita connexione terminorum, posita
sunt omnia ad inferendam conclusio-
nem requisita: ergo &c. p. m. Si quis
obstaret, esset voluntas, quæ intelle-
ctum posset ab assensu retrahere: at-
qui voluntas id non potest: Ergo,
p. m.: intellectus subjacet voluntati
solummodo in tantum, in quantum a
voluntate potest applicari vel non ap-
plicari: atqui dato assensu præmissis jam
est formaliter applicatus: ergo volun-
tas non amplius impedire valet, quo-
minus in actum prorumpat, & conse-
quenter debet assensum quoque præ-
stare conclusioni. **CONTRARIUM. a pari. Est**

Conces-
sis præ-
missis eti-
am con-
cedi de-
bet con-
clusio,
tam in
Syllogis-
mo demō-
strativo,

Statu
questio-
nis.

omittere. Quid sit huic duplici necessitati opposita duplex LIBERTAS? patet *a contrario*, nempe, quando quis v. g. potest ponere *amorem* vel huic specie oppositum *odium*, tunc habet libertatem *contrarietatis* seu *specificatio- nis*, quando vero etiam illum ipsum actum *amoris* potest non ponere, seu libere omittere, habet libertatem *contradictionis* seu *exercitii*. Hic ergo quaeritur, an, si intellectus concessit *premissas* in aliquo Syllogismo, (& quidem non tantum *demonstrativo*, sed etiam *probabili*) teneatur quoque inferre *conclusionem*, saltem *mentaliter*, an vero negare eandem possit, aut assensum suspendere? Quaestionem hanc resolvit sequens:



PRO-

PROPOSITIO.

DATO SEMEL ASSENSU PRÆMISSIS, INTELLECTUS NECES-
SITATUR AD INFERENDAM
CONCLUSIONEM, TAM IN SYL-
LOGISMO DEMONSTRATI-
VO, QUAM PROBA-
BILI.

PROBATUR. I. Intellectus est poten-
tia necessaria, quæ positis omni-
bus ad agendum requisitis necessaria
agit: atqui dato assensu præmissis, & co-
gnita connexione terminorum, posita
sunt omnia ad inferendam conclusio-
nem requisita: ergo &c. p. m. Si quid
obstaret, esset voluntas, quæ intelle-
ctum posset ab assensu retrahere: at-
qui voluntas id non potest: Ergo,
p. m.: intellectus subjacet voluntati
solummodo in tantum, in quantum a
voluntate potest applicari vel non ap-
plicari: atqui dato assensu præmissis jam
est formaliter applicatus: ergo volun-
tas non amplius impedire valet, quo-
minus in actum prorumpat, & conse-
quenter debet assensum quoque præ-
stare conclusioni. CONFIRM. a pari. Et

Conces-
sis præ-
missis eti-
am con-
cedi de-
bet con-
clusio,
tam in
Syllogis-
mo demō-
strativo,

oculus v. g. sit in potestate voluntatis, ut applicetur ad videndum, vel non applicetur, tamen supposita applicatione (si scilicet oculus ad imperium voluntatis sese aperiat) necessario videt, & non amplius impediri a voluntate potest: ergo cum intellectus sequi sit potentia necessaria, neque hic poterit a voluntate impediri.

PROBATUR. 2. Quando ponuntur præmissæ qua præmissæ in actu secundo, necessario ponitur etiam conclusio: atqui supponitur præmissas esse positas, & concessas: ergo etiam conclusio debet poni atque concedi. P. in. Præmissæ qua præmissæ in actu secundo dicunt relationem ad conclusionem: atqui quando ponitur fundamentum cum relatione, necessario adest etiam terminus (LIX.) terminus autem, quem respiciunt præmissæ, est conclusio: ergo ista necessario poni debet.

Quam
etiam
probabi-
li.

Et quidem non tantum in Syllogismo demonstrativo (quod omnes concedunt) sed & in Syllogismo probabilium, quia eadem pro ipso rationes militant; nam etiam in probabilibus nihil potest intellectum ablatore ab inferenda
con-

conclusionem : Ergo. P. A. Si aliquid absterere potest, id esset *inevidentia conclusionis probabilis* atqui (ex *Hypothesi minoris concessæ*) jam *judicata est convenientia minoris in tertio* : ergo adest quoque *evidentia conclusionis*. **CONFIRMATUR.** Syllogismus *probabilis* habet eandem formam, quam habet Syllogismus *demonstrativus*, hoc est, eadem *figuras & modos*, licet ratione *materie* inferat conclusionem tantum *probabilem* : ergo si M. & m. sunt *vera*, tunc etiam conclusio est tam *evidens*, quam in Syllogismo *demonstrativo*. P. C. Illa enim difficultas, quod conclusio ratione *materie* sit tantum *probabilis*, jam est superata in *premissis concessis* ut *veris* : ergo certum est, quod æque evidenter concludat quoad formam Syllogismus *probabilis*, sicut *demonstrativus*; cum tam in conclusione unius quam alterius possit dari *reductio ad impossibile* (CCVI.) & consequenter si in Syllogismo *probabili* intellectus non teneretur ad inferendam conclusionem, *contradictoriis* assentiri deberet, quod nequit admitti : Ergo nec id, unde sequitur.

Solvuntur Objectiones.

Intelle-
ctus est
tantum
potentia
necessa-
ria.

OB. 1. Voluntas potest non amare bonum, etiam cognitum ut bonum: ergo pariter intellectus potest non assentiri vero etiam cognito ut vero, & consequenter, licet cognoverit *premissas* esse veras, potest *conclusionis assensum* suspendere, vel etiam *dissensum* ponere. R. N. C. & Par. *Disp.* est, quia voluntas est potentia libera, intellectus autem est potentia necessaria. Dein hoc argumentum videtur laborare falso *supposito*, quasi nempe assensus alicui propositioni præstandus esset actus voluntatis, cum tamen sit potius actus intellectus (CXXII.) hinc si intellectus præmissas iudicavit esse veras, eo ipso etiam tale iudicium ferre debet de conclusione, quæ jam continetur in præmissis (CXCII.)

Inst. 1. Potest intellectus assentiri uni contradictoriorum, quin alteri dissentiat: ergo etiam potest assentiri præmissis, quin assensum præstet conclusioni. R. D. A. Si unum tantum contradictoriorum illi clare reluceat. C. A. Si utrumque illi clare & distincte
-rele-

re luceat. N. A. & C. Cum autem positis præmissis ipsa quoque conclusio posita jam sit, utpote in una præmissarum *contenta*, atque hujusmodi continentiam altera præmissarum menti *clare* exhibeat, *debet* mens ipsa concessis præmissis conclusioni quoque assentiri.

Inst. 2. In conclusione habetur *aliud* Conclu-
judicium, quia est alia propositio: er- fionis ju-
go voluntas potest imperare intel- dicitum
lectui, ut nil omnino in conclusione af- jam est
firmet vel neget. R. D. A. Habetur conten-
aliud numero judicium C. A. aliud spe- tum in ju-
cie distinctum judicium, N. A. & C. dicio præ-
vel D. C. voluntas potest imperare & c. missis
nisi jam esset istud judicium in priori præstito.
contentum C. C. secus N. C. & C. &
Retorq. de oculo, quem si sit objecto
debite applicatus, voluntas requirit im-
pedire, quominus videat. Sic etiam
non potest intellectus a voluntate im-
pediri, quo minus judicet, *majus* &
minus extremum, quæ clare cognovit
in præmissis esse *eadem uni tertio* (sci-
licet *medio termino*) esse quoque *eadem*
inter se in conclusione. Item aliter
D. C. ut prius. Voluntas potest im-
perare, ut intellectus nil affirmet, si
veritas præmissarum sit *obscure* tantum
cogni-

cognita C. C. si *clare* & *distincte* N. C. & C.

Inst. 3. Conclusio *virtualiter* tantum continetur in præmissis, non secus ac *planta* v. g. hyemis tempore continetur in *semine*: atqui non *necessario* ponitur, quod *virtualiter* continetur, sicut *planta* v. g. hyberno tempore non adest *formaliter*: ergo neque conclusionis assensus *necessario* ponitur etiam concessis præmissis. R. D. m. Si adhuc sit *obstaculum*, ut non exeat potentia in actum C. m. Si non adsit N. m. & C. Quominus *planta* in hyeme *formaliter* producat, adest *impedimentum*; non sic in nostro casu, ut dictum est.

Inst. 4. Posset utique statim v. g. turbari phantasia, explosione e. g. bellici tormenti, aut alio quocunque modo: ergo habetur *par ratio*. R. Thesis loqui in casu, *ubi nullus est obex*.

In rebus
fidei re-
quiritur
motio vo-
luntatis
quoad as-
sensus

OB. 2. Ut intellectus assentiatur conclusioni *revelate*, & ad fidem spectanti, requiritur pia *motio voluntatis*: ergo intellectus citra voluntatis motionem etiam in *aliis* propositionibus conclusioni non assentitur. R. D. A.

Re-

Requiritur pia motio ad assensum *pre-* *premissis*
missis, vel saltem uni *premissarum* *præ-* *dandum*
standum C. A. ad assensum *conclusio-*
nis N. A. & C. conclusio legitimi Syl-
logismi continetur in *premissis*, tan-
quam *effectus* in *causa*, quæcunque sit
ipsarum *premissarum* natura, ac pro-
pterea dato semel, *premissis* assensu,
necessario etiam *conclusioni* assentire
debet intellectus.

Inst. Voluntas concessis *premissis* ab
intellectu potest illum alio divertere:
ergo non *debet* conclusionem ponere.
R. D. A. Si non ut *veras* iudicavit *præ-*
missas C. A. si ut *veras* iudicavit
N. A. & C. ac iterum Retorq. *de*
osulo &c.

Ob. 3. Intellectus per participatio. Intelle-
nem a voluntate est *liber*: ergo potest *ctus* est
conclusioni assentiri vel dissentiri. *tantum*
R. D. A. Est liber *passive* tantum, id *liber pas-*
est, in quantum a voluntate antece- *sive, non*
denter est applicabilis ad *premissas* co- *active.*
gnoscendas vel non cognoscendas C. A.
est liber *active*, ita ut non *debeat* age-
re, si semel sit a voluntate *applicatus*
N. A. & C. ac denuo Retorq. *de ocu-*
lo &c.

Inſt. Si intellectus præmiſſas falſas
 judicavit, eſſe veras (v. g. in Syllogiſmo
Sophiſtico) in concluſione, ubi ap-
 paret *falſitas*, non aſſentitur: ergo
 circa aſſenſum concluſioni præſtandum
 eſt *active* liber. R. D. A. Non aſſen-
 titur in instanti *poſteriori*, in quo revo-
 cat præmiſſas C. A. in instanti quo po-
 nit aſſenſum præmiſſis N. A. & C.
 dein N. ſuppoſ. quod in Syllogiſmo
Sophiſtico concluſio contineatur in
 præmiſſis (CXCLII.)

Conclu-
 ſio Syllo-
 giſmi
 probabi-
 lis eſt evi-
 dens ex
 Hypothe-
 ſi.

Ob. 4. Si ex natura ſua objectum
 præmiſſarum eſt tantum *probabile*, non
 poteſt intellectus neceſſitari ad aſſen-
 tiendum concluſioni: Ergo ſaltem in
 Syllogiſmo *probabili* intellectus non
 neceſſitatur conceſſis præmiſſis ad aſ-
 ſentiendum concluſioni. P. A. Etiaſi
 detur evidētia ratione *forme*, ratio-
 ne *materia* tamen concluſio ſemper
 manet probabilis: ergo adhuc intelle-
 ctus poteſt *formidare*, & conſequen-
 ter aſſenſum ſuſpendere. R. D. A. Niſi
 tale objectum *probabile* fiat ſaltem ex
 Hypotheſi evidens C. A. Si ſic fiat evi-
 dens N. A. ad P. D. C. niſi præmiſſæ
 ſint conceſſæ tanquam veræ C. C. ſi
 ſint conceſſæ N. C. & C. quod poſſet
 intel-

intellectum abstertere ab assensu in materia probabili, ex Hypothesi jam fuit superatum in præmissis concessis tanquam veris, hinc illo impedimento sublato potentia necessaria debet in actum exire, & consequenter necessario assentiri conclusioni propter principia, ut inquit Scotus in 1. sent. D. 1. Q. 4.

EXERCITATIONES IN LOGICAM PRACTICAM SEU CRITICAM.

EXERCITATIO I.

AN VERITATIS CRITERIUM IN UNIVERSALI DUBITATIONE CUM CARTESIO STATUI POSSIT?

CARTESIUS (XXII.) animadvertens plurimas errandi causas in hoc orbe reperi (Log. Pract. Diff. I.) pro regula generali philosophandi sibi assumpsit, aliisque tradidit hanc unicam: *Ante veritatis inquisitionem de rebus omnino omnibus generaliter dubitandum est, id est, de nulla prorsus re aliquid certo affirmandum, aut negandum.*

Status
quæstio-
nis.

dum, sed omne prorsus iudicium suspendendum est, donec (depositis sic omnibus *præjudiciis*) veritas meditando eruatur, & quasi primo inveniat, unde etiam partem suam Philosophicum *meditationes Philosophicas* inscribere voluit. Cæterum non solum *negative* circa omnes & quascunque veritates intellectum se habere præcepit, sed etiam *positive*, ita nempe, ut, antequam veritas meditando inventa fuerit, omnia interim pro *falsis* haberi debeant. Hic ergo quæritur, an hoc fundamentum, quod in sua Philosophia CARTESIUS posuit, sit ita firmum, ut a sano quocunque Philosopho assumi queat? pro cuius resolutione ponitur

PROPOSITIO.

CRITERIUM VERITATIS IN
GENERALI DE REBUS OMNI-
BUS DUBITATIONE CUM
CARTESIO STATUI
NEQUIT.

Generalis
dubitatio
Cartesia-
na est fa-

BROBATUR. Veritas non debet in-
quiri modo absurdo & stulto: atqui
dubitare de omnibus est sic procede-
re,

re: ergo &c. P. m. Absurdum enim *næ rationi*
 est & stultum *omnia habere pro falsis*, *contraria*,
 & de ipsius DEI existentia dubitare;
 sicque temporaneum *Atheistam* agere
 (ut jubet Cartesius) & quidem eo fi-
 ne, ut *fonte ipso veritatis* sublato (DEO
 scilicet) magis pateat *veritatis lux*;
 quia hoc est docere, debere quem-
 piam, ut *dealbetur*, fieri prius *æthiopem*:
 ergo &c. P. A. Res *certissima* & summe
evidentes, ut sunt *existentia DEI*, *pri-*
ma principia &c. non possunt esse ob-
 jectum assensus dubii, & incerti, si-
 cut econtra res summe *fallibiles* & *in-*
certaine nequeunt esse objectum as-
 sensus certi: ergo *absurdum* est & *stul-*
tum omnia habere pro falsis, hoc est,
de rebus omnibus dubitare cum Cartesio.

CONFIRM. Ex principiis hisce Cartesii *Fovetque*
Atheistam nullus convertet, ut *DEUM* *Athei.*
existere concedat, quia ille in sua *dub-* *smum.*
itatione defixus omnem *existentia DEI*
 ideam claram perpetuo negare valet:
 ergo hæc sententia favet Atheismo. P. A.
 Non enim illi Deus demonstrari pote-
 rit ex *creaturis*; nullam enim creatu-
 ram dubitatio Cartesiana supponit:
 neque ex *idea innata*, utpote quam
 non dari supra probavimus: ergo &c.
 Et sane quod *Systema Philosophiæ*

Cartesianæ tenebras Atheismi foveat, expertus est orbis Christianus in BENEDICTO SPINOZA, qui ex Judæo Christianam Religionem professus, brevi utrumque nomen deposuit, & quidem ex principiis Cartesianæ Philosophiæ, ut scribit WOLFIUS in 2. P. Theol. Natural. Sect. 2. C. 4. §. 677. qua de causa Jure a Rege CHRISTIANISSIMO illa publice interdicta est, quod ipsum quoque factum est in Italia; quin etiam in Germania vix Lipsiæ innouit, cum ejecta rursus fuit. Variam quoque fortunam in Batavia & Anglia experiri debuit, ut passim scriptores referunt.

Solvuntur Objectiones.

Ex fontibus veritatis eruntur certæ cognitiones.

OB. I. Multi decepti sunt in rebus, etiam certissimis ac evidentibus e.g. non agnoscendo existentiam DEI, vel cum Aristotele mundi æternitatem asserendo &c. ergo de rebus etiam certissimis ac evidentibus dubitandum est. R. D. A. Ad particularem tantum rationem vel experientiam respiciendo, & fontes veritatis (*Log. Pract. dissert. II.*) ordinate ad debite non applicando

or-

ordinate ac debite non applicando C.
A. secus N. A. & D. C. ergo dubi-
tandum est in sensu sano (CCLXXI.)
CC. in sensu insano & absurdo NC & C.

Ob. 2. Astronomi ad veritatem Astrono-
investigandam multa assument falsa morum
pro veris, e. g. imaginantur sibi va- Hypothe-
rios circulos in coelis, ubi tamen nul- ses non
lus a parte rei invenitur: ergo in favent
sensu Cartesii positive quoque de re- Cartesio.
bus omnibus dubitare licet, licet a
parte rei multa certissima sint. R. N.
C. & Par. disp. est, quia in Astrono-
mia res illæ aliter ad captum omnino
explicari nequeunt, possunt autem
multa clare demonstrari in Philosophia
(juxta Exerc. I.) consequenter de iis
nequit dubitari, Dein Astronomi certa
ntique habent Planetarum loca, Car-
tesius vero nihil prorsus certi vult ad-
mittere. Denique Astronomi non
admittunt falsa, sed tantum Hypotheti-
ca, secuturi etiam probabiliora vel
certa in omnibus, si excogitentur, de
Hypothesi autem falsa videantur dicta
superius (CCCXIV.)

Inst. Qui baculum curvum efficere
volunt rectum, inflectant illum in

aliam contrariam partem: ergo etiam
 Mens nostra ad falsitatem prona, per
 alteram extremam dubitationis partem
 ad veritatem inflecti debet. R. N. O
 Et *par. disp.* est, quia baculus quando
 incurvatur, per *rectitudinem* transit,
 sicque ad illam se facile sensim compo-
 nit: e contra Cartesius in sua senten-
 tia mentem in *falsitatem* deflexam im-
 pellit *versus eam ipsam falsitatem*, sicque
 ex curvitate parva aut mediocri efficit
 maximam: *absurdum est* autem (inquit
 S. GREGOR. NAZ.) per *scopulos*, imo
 per *naufragia ad littus ducere*.

Dubita-
 tio debet
 esse sana

Scholion. Sicut vir prudens, qui in
 certa v. g. aureorum nummorum mul-
 titudine quosdam reperit *spurios*, om-
 nes *probando & spurios* abiiciendo juxta
 legem *prudentie* operatur (eo quod ex-
 perientia tunc sit. solum *particularis*)
 ita etiam si quis *falsum* quid deprehen-
 dat, sincere illud abicere, omniaque
 ei connexa mature discutere debet,
 ne alia adhuc falsitas latens pro veri-
 tate assumatur: attamen sicut ille præ-
 fatus vir male ageret, si ob *unum* aut
plures adulterinos nummos, reliquos
 omnes esse pariter *spurios* judicans,
cunctos abiceret, ita etiam ob *unius*
 aut

aut alterius inventæ falsitatis causam, non omnes haustæ notitiæ continuo pro falsis habendæ sunt, sed ex præconceptis notitiis veris ad aliarum veritatum acquisitionem procedi debet, sicque pedetentim lolia sunt extirpanda, donec frumentum purum in agro suo intellectus videre queat. Plura videntur n. (CCLXXI.)

EXERCITATIO II.

AN SALTEM EJUSDEM CARTESII IDEA CLARA ET DISTINCTA VERITATIS CRITERIUM DICI VALEAT?

POSTquam CARTESIUS, statuta semel de rebus omnibus *generali dubitatione*, quam modo rejecimus, ad veritatem inveniendam se dedit, quoniam præprimis *sensu intimo* percepit, mentem suam de rebus plane omnibus *cogitare* posse, conclusit, primum omnis veritatis initium esse hanc propositionem: *cogito: ergo sum* (ast hujus quoque propositionis falsitas in Metaphysica communiter declaratur). Inde ulterius progressus, indubitanter asseruit, non posse nos falli, si iis tan-

Status
questio-
nis.

tum assentiamur, quæ *clare & distincte* percipimus; sic enim ait in *Medit. (III.) Illud omne, quod a nobis clare & distincte percipitur, verum est; nihilque admittendum est tanquam verum, quod a nobis clare & distincte non percipitur. (CCLXXVI.)* Quæritur hic ergo, *An, & in quo sensu clara rei perceptio pro veritatis criterio statui queat? Quare sit*

PROPOSITIO.

IDEA CLARA ET DISTINCTA
IN REBUS FIDEI NEQUIT ESSE
VERITATIS CRITERIUM,
BENE VERO IN REBUS
PHYSICIS.

Idea clara & distincta Cartesii locum non habet in rebus fidei;

PROBATUR I. P. Tum quia in rebus fidei non datur idea clara (cum fides de se essentialiter sit *obscura*) tum quia ex hac regula nemo vallet aliquem Heterodoxum contradicentem refellere, & absurdissimas etiam opiniones tuentem refutare, eo quod ille semper ad *claram & distinctam* suæ mentis ideam confugere valeat, seu ad *spiritum privatum* (qui juxta Heterodoxos est rerum *Theolo-*

gica-

gicarum idea clara & distincta, quam DEUS suorum fidelium intellectui elargitur) Nam sicut in naturalibus Cartesiani argumentantur, id esse verum, de quo claram & distinctam ideam per lumen nature habemus, ita etiam a vera fide alieni dicere possunt, id verum esse in supernaturalibus, rebusque fidei, de quo claram & distinctam ideam per lumen gratiae internum ipsi habeant (licet revera mentiatur iniquitas sibi) & si quis neget, has ideas dari, possunt identidem cum Cartesio dicere, se illas habere, & animadvertere: ergo idea clara & distincta Cartesii in rebus fidei nequit esse veritatis criterium.

PROBATUR 2. P. Idea clara & distincta in rebus physicis hauritur per sensus, & experientias, a ratione approbata (isti enim sunt fontes veritatis physice) atqui quidquid per sensus (debito dispositos) & per experientias rationi conjunctas haurimus, in rebus physicis per se nunquam fallit: (CCXCIII. CCXCV. & CCCII.) ergo idea clara & distincta in rebus physicis criterium veritatis esse potest.

Bene autem in rebus physicis.

In quo
sensu
idea clara
& distin-
cta gene-
ret certi-
tudinem
Metaphy-
sicam?

Scholion. Nempe idea clara & distincta, si sit *adventitia*, necessitat intellectum, ut secundum perceptam ideam iudicium inferat, & veritatem cognoscat: dein vero per ideas *factitias* ulterius ratiocinando tandem ad aliquod *principium primum* delabitur, ex quo in eodem intellectu enascitur certitudo etiam *Metaphysica* (videlicet ex Hypothesi, quod res ita sit, ut per ideam claram & distinctam percipitur) adeoque idea clara & distincta non est quidem certitudo *Metaphysica*, sed *physica* tantum, ex ea tamen tanquam præsупposita, lumen naturale certitudinem *Metaphysicam* deducit, reflectendo se ad illud principium: *Idem nequit simul esse, & non esse.* e. g. Quod ignis urat habeo per *sensum tactus* ideam claram & distinctam, & hæc ipsa idea clara & distincta *ustionis*, tactum meum *physice* afficientis, facit me denique *Metaphysice* certum, me hic & nunc *revera* ab igne *uri*, quia nequit fieri, ut non urar ab igne, quando ab eodem ipso uror. NB. Intellige, si ignis viribus suis *naturalibus* relinquatur; secus enim dicendum, si fiat aliquod *miraculum*; unde hoc criterium in rebus *fidei*

An idea clara & dist. sit crit. verit.? 715

fidei & Miraculosis non procedit, ut dictum est.

Solvuntur Objectiones.

OB. I. *Contra I. P.* Si idea clara & distincta hominem falleret, tunc illa falsitas in auctorem luminis naturalis tanquam in causam unicam referenda esset; Ita CARTESIUS. Atqui hoc non; ergo idea clara & distincta nunquam fallit. R. N. S. M. Nam potius referenda est in homines, proprio lumine naturali abutentes ad iudicandum v. g. de rebus supernaturalibus, ad quas naturale ipsorum lumen pertingere non valet; unde sicut CALVINUS non sine horrenda blasphemia DEUM vocat auctorem peccati, eo quod nobis dederit potentiam peccandi: sic a pari Cartesius pessime, videtur inferre DEUM fore authorem falsitatis, si idea clara & distincta unquam nos decipere posset.

Falsitas
ideæ cla-
ræ & di-
stinctæ
nequit
refundi
in Deum.

Inst. S. AUGUSTINUS in multis locis docet, falsum non intelligi: ergo quid quid per ideam claram & distinctam intelligitur, verum est. R. S. Doctorem solum loqui de cognitione, quæ ha-
betur

S. Aug.
non favet
sententiæ
Cartesii.

betur *in patria* (in cœlo) ubi dantur
meræ cognitiones abstrahentes a phan-
tasmatibus, non autem de cognitione,
quæ habetur *in via*, seu in hoc mun-
do. Dein D. A. Falsum non intelligen-
tur reduplicative ut falsum C. A. spe-
cificative, hoc est sub ratione veri non
cognoscitur N. A. & C. Nam teste
Aristotele 1. Eth. C. 3. *sæpe contingit,*
ut falsa sint probabiliora veris. Id est
(si ita loqui velimus) *falsa se-*
cundum naturam & ordinem physicum
sunt sæpe probabiliora quam ea, quæ
vera sunt secundum fidem.

Idea clara OB. 2. Contra 2. P. Plurimi habue-
& distin- runt, & etiam non raro ha-
cta debet bent ideas *claras & distinctas* de rebus
pondera- bent ideas *claras & distinctas* de rebus
ri secun- etiam *falsissimis*: ergo ideæ claræ & di-
dum cer- strictæ non probant rem esse veram
tas leges. etiam in rebus physicis. R. D. A. Et
hoc ideo, quia debitas *cautelæ* non
adhibuere C. A. si eas adhibuissent.
N. A. & C. cautelæ porro debitas pro
sensuum usu legitimo, & experimen-
tis faciendis indicatæ sunt (CCXCVI.
& CCCII.) &c.

EXERCITATIO III.

QUODNAM SIT GENUINUM
AC UNIVERSALE VERITA-
TIS CRITERIUM?

Diversa veritatis criteria, a VV.
æque ac RR. Philosophis consti-
tuta, enarrata sunt *Log. Pract. Dissert.*
2. Sect. I. n. (CCLXXV. & CCLXXVI.)
ubi etiam (n. CCLXXVII.) diversas
illas authorum sententias aliquo modo
reconciliare conati sumus, distinguen-
do scilicet inter FONTES VERITATIS
& inter CRITERIUM VERITATIS, pro
quo ultimo assignavimus duo, unum
materiale & reflexum, & alterum *for-*
male, ad equatum & ultimum: Igitur
conformiter ibi dictis ponitur.



JAN

PRO-

PROPOSITIO.

REGULÆ LOGICALES SUNT
CRITERIUM VERITATIS MA-
TERIALE; EVIDENTIA VERO
EST CRITERIUM FORMALE
AD ÆQUATUM ET
ULTIMUM.

Regulæ
Logica-
les sunt
criterium
veritatis
materia-
le.

PROBATUR. I. P. *Criterium verita-
tis materiale* intelligo aliquam nor-
mam, secundum quam examinentur *ideæ
ac judicia & discursus*, ut reflexe haberi
pro veris possint (CCLXXVII.) atqui
Regulæ Logicales sunt talis norma;
ergo sunt criterium veritatis materiale.
P. m. Ut quis examinet, num *ideæ
ac judicia & discursus* reflexe haberi
pro veris possint, debet reflexe posse
judicare, num *definitiones & divisiones*
quas adhibet, sint genuinæ, num *pro-
positiones & præmissæ Syllogismorum*
sint demonstrativæ, aut tantum pro-
babiliter, num *forma Syllogismorum* sit
legitima? atqui de his omnibus reflexe
tantum per *regulas Logicales* potest
judicare: ergo Regulæ Logicales sunt
talis norma. P. m. Regulæ enim Lo-
gicales explicant, quomodo faciendæ

Sint definitiones & divisiones, expriment naturam judiciorum & propositionum, explicant, quid ad demonstrationem aut probabilitatem requiratur, formam Syllogismorum exacte delineant, atque evidenter demonstrant, utrum nullo vitio laboret discursus, prout per decursum Logicæ criticæ legentibus ad oculum patet: ergo de his omnibus reflexe tantum per regulas Logicales potest quis judicare, & consequenter Regulæ Logicales sunt criterium veritatis materiale. CONFIRMATUR. Regulæ Logicales passim vocantur *modus sciendi*: ergo eo ipso dici possunt *norma*, seu criterium veritatis reflexe habendæ, cum ubique in illos reflectere sese mens debeat, id quod expressis etiam terminis docet WOLFIUS *Pbil. Rational. P. 2. sect. 1. C. 1.*

PROBATUR 2. P. Per Criterium formale, adequatum & ultimum (cit. loc.) intelligo notam nobis intime præsentem, ex qua omnino convincamur, nos in hac aliqua rei alicujus cognitione non falli: atqui evidentia est talis nota: ergo est Criterium formale, adequatum & ultimum. P. m. Per illam enim

Evidentia vero est criterium formale & ultimum.

clarissime quis intelligit, se hic & nunc non falli, sed verum omnino vel percipere, vel judicare: (CXXXIV.) dicente TULLIO L. 4. QQ. Acad. C. 12. ut necesse est, lancem in libra, ponderibus impositis deprimi, sic animum perspicuis (evidentibus) cedere. Nam quomodo non potest animal ullum non appetere id, quod accommodatum ad naturam appareat, sic non potest objectam rem perspicuam non approbare.

Scholion. Et totuplex quidem datur evidentia, quotuplices dantur veritatis eruendæ fontes (CCLXXVII.) in rebus nempe *Physicis* datur *evidentia sensuum*, in rebus *credibilibus* *evidentia authoritatis*, in rebus denique *immaterialibus* & pure *spiritualibus* *evidentia intellectus*, aut *sensus intimi*; si enim servantur leges in *Logicæ Practicæ* Dissert. II. singulis præscriptæ, ex omnibus prædictis *ori potest evidentia*.

Solvuntur Objectiones.

Idea clara & distincta reconcilia.

OB. I. In Exercit. præc. Ideam claram & distinctam Cartesii pro criterio veritatis (in rebus saltem *physicis*)

cis) statuimus, hic autem alte de illa ^{tur cum} ^{ista ten-} ^{tentia.}
 silemus: ergo nobismet ipsis contra-
 dicimus. R. D. A. Statuimus pro criterio
 veritatis in eo sensu, quatenus coinci-
 dit cum *evidentia sensuum* C. A. in sensu
 formali *Cartesii* N. A. & C. Nam Carte-
 sius præterea supponit ideas rerum a
 Deo nobis inditas, indeque *eas falsas esse*
non posse, ut paulo ante dictum est; ex quo
 supposito plurima deducit in *Physica*:
 in hoc autem quam maxime fallitur,
 quod *res* ipsas, potius *ideis* suis, quam
ideas rebus, rerumque naturis, rite
 prius exploratis accommodet; & sane
 alii æque præstantes Philosophi longe
alias & multum *oppositas* habent ideas
 Philosophicas, quam CARTESIUS; im-
 possibile autem est, ut DEUS menti-
 bus indat ideas adeo *diversas* & *opposi-
 tas*; unde illa Cartesii supposita nos
 non admittimus.

Inst. Impossibile est, ut illud, cu-
 jus *ideam claram & distinctam* habemus,
 non sit verum: ergo idea clara & distin-
 cta etiam in sensu Cartesii debet statui
 pro Criterio veritatis. R. D. A. Ut
 prius, si idea clara & distincta sumat-
 ur pro evidentia sensuum aut mentis.
 C. A. in sensu Cartesii N. A. vel Subd.

circa principia immediata & prima
 C. A. circa omnes omnino veritates
 N. A & C. Certe sola *claritas*, qua
 aliquid menti primo repræsentatur,
 non sufficit ad *veritatem* ideæ; sæpe
 enim propositio ex ideis composita,
 quæ prima fronte nobis apparuit om-
 nino *vera*, re melius discussa, depre-
 hensa est *falsissima*: si vero per *ideam*
claram & *distinctam* a quibusdam intel-
 ligatur *idea* objecto seu *essentie* rei *confor-*
mis & *vera*, rursus quæri potest, ex
 qua nota & norma illa veritas dijudi-
 canda sit? & responderi debet: *Ex Re-*
gulis Logicalibus, evidentiam parentibus;
 secus enim solummodo sensus esset:
verum est id, quod verum est, essetque
 adeo propositio *identica*, & probare-
 tur idem per idem, quod est contra
 N. CCXXVII. Adeoque idea clara &
 distincta Cartesii (si non accipitur
 pro evidentia mentis aut sensuum) tan-
 tum dici debet *Criterion immediatum*
proximum & directum, vel potius *DI-*
RIGENDUM a regulis Logicalibus (quia
 in regulas Logicales illa idea clara se *re-*
flectere debet, ut sit vera) vel aliter:
Idea clara & distincta in rebus physicis
 potest dici *criterium rei simpliciter ap-*
prehensa, regulæ autem communes Lo-
 gica

gicæ unacum evidentiâ denominandæ sunt criterium rei *judicandæ* & ad *rationem* deductæ. Vel denique loquatur quilibet mea pace in hac thesi, quomodocunque libuerit; nam de *terminis* non disputo, dummodo in re conveniamus.

OB. 2. Evidentiâ est causa plurimorum errorum, sicut *idea clara & distincta Cartesii*: ergo etiam pro criterio veritatis statui nequit. P. A. Epicurus videbatur sibi *evidenter* cognoscere, dari vacuum, Aristoteles mundum esse æternum, & P. Malebranchius, se omnia videre in essentia Divina &c. & tamen hi omnes errarunt: Ergo. R. D. A. Evidentiâ non satis examinata, nec regulis in utraque Logica præscriptis debite utens C. A. bene & rite ponderata N. A.

Evidentiâ mentis cum debitis cautelis adhibita non fallit.

Inst. 1. Evidentiâ supponit aliud criterium, ex quo certi evadamus, nos hanc & nunc illam habere: ergo non est adæquatum ac ultimum. R. D. A. Supponit aliud criterium materiale & reflexum, nimirum regulas Logicæ criticæ C. A. aliud formale N. A. & C. ipsa evidentiâ ex summi creato-

Nec aliud criterium magis ultimum supponit.

ris beneficio est tam vivida & actiuosa animi lux, ut instar *lucis corporeæ* & se ipsam & objecta menti nostræ clare exhibeat ac demonstret, juxta illud receptum: *quod est alteri ratio essendi tale, sibi ipsi est tale.* sicut nec oculus v. g. per alium oculum videt, nec albedo per aliam albedinem est alba.

In rebus
credibili-
bus datur
etiam
quædam
eviden-
tia.

Inst. 2. In rebus *credibilibus* nulla datur *evidentia*, sed potius *obscuritas*; ergo nostrum criterium non est universale. R. D. A. non datur *evidentia* respectu *materiæ* credendæ C. A. respectu *mentis*, evidenter convictæ, quod res revelatæ ita se habeant, ut a persona omni exceptione majore traditæ sunt. N. A. & C. (CCLXXXI.) Intra nos oritur evidens hoc iudicium, fieri non posse, ut omnes vel plurimi homines, sana ratione utentes, & idem testantes fallantur aut fallere velint, maxime si sint homines religiosi ac pi, & ad hoc *Divina* etiam *authoritate* deputati &c.



EXERCITATIO IV.

AN SCIENTIA FIDES, ET OPINIO POSSINT SIMUL STARE IN EODEM INTELLECTU DE EADEM RE?

Scientia (CCCXXXII.) opinio (CCCXXXIX.) & fides (CCLXXVIII) in hoc ab invicem discrepant, quod scientia sit cognitio certa, & evidens rei necessariæ; opinio vero est incerta, & rei probabilis; fides autem (saltem Divina) est quidem certa (per quod distinguitur ab opinione) sed est inevidens, & obscura; propositio enim credita non determinat intellectum ad assensum ex vi terminorum, sed solum per auctoritatem dicentis aut revelantis, per quod distinguitur a scientia.

Differentia inter scientiam opinionem & fidem.

Sensus ergo quæstionis est, an scientia tam actualis, quam habitualis stare possit in eodem intellectu cum opinione, aut fide tam actuali, quam habituali de eadem propositione? Dico. I. in eodem intellectu; certum enim est, idem objectum posse sciri ab uno intellectu, ab altero tantum

Status quæstionis.

probabiliter, & opinative cognosci, & ab altero ignorari, per errorem. Sic v. g. Aliqui Philosophi scientifice, & demonstrative noverunt immortalitatem animæ; aliqui solum probabiliter eam adstruebant, Athei vero eam omnino negaverunt. Dico 2. de eodem objecto; potest enim idem intellectus aliquid certo scire, aliud tantum probabiliter cognoscere, aliud denique credere, ut apud omnes in confesso est. Nunc pro resolutione hujus quæstionis sequitur.

PROPOSITIO. I.

OPINIO, SCIENTIA ET FIDES ACTUALIS SIMUL HABERI NON POSSUNT IN EODEM INTELLECTU CIRCA IDEM OBJECTUM SECUNDUM EANDEM RATIONEM SEU FORMALITATEM CONSIDERATUM.

Opinio
& scientia
actualis
nequeunt
simul sta-
re.

PROBATUR I. *De opinione & scientia.* Repugnat, idem de eodem ab eodem affirmari & negari: atqui si opinio & scientia actualis de eodem ab

An scient. fides & opin. poss. simul stare? 727

ab eodem intellectu haberentur, idem de eodem ab eodem affirmaretur, & negaretur: ergo opinio & scientia actualis simul haberi non possunt &c. M. patet ex illo axioma: *Impossibile est idem simul esse, & non esse.* m. P. Ab Aristotele L. 1. Post. C. 30. n. 7. ubi sic loquitur: *ex his perspicuum est, fieri non posse, ut eandem rem simul opinetur quispiam, & sciat, alioquin existimaret, eandem rem aliter se habere posse (per opinionem) & non aliter (per scientiam) quod fieri nequit.* - - Existimabit exempli causa, hominem esse id ipsum, quod animal, hoc est, non posse esse non animal, & non id ipsum, quod animal, hoc est, posse esse non animal: ergo idem de eodem affirmaretur, & negaretur: hinc bene concludit DOCTOR SUBTILIS. in 3. dist. 24. n. 12. Cum scientia & opinio sint simpliciter impossibiles in eodem de eodem, si aliquis habeat primo opinionem de aliquo, & superveniat demonstratio, corrumpitur opinio - - & medium dialecticum (probabile) nihil faciet, impeditum a demonstrativo.

PROBATUR. 2. De scientia & fide. Nec scientia cum fide actuali.
Idem objectum secundum eandem formam mali-

malitatem, & respectu ejusdem potentiae nequit esse, & non esse evidenter cognitum (esset enim contradictio) atqui si posset esse respectu ejusdem intellectus objectum scientiae & fidei; idem foret evidenter, & non evidenter cognitum; evidenter quidem, quia ex Hypothesi esset objectum scientiae: inevidenter vero, quia esset objectum fidei; quæ essentialiter est inevidens & obscura &c. Unde præclare S. AUGUSTINUS tract. 40. in Joan. inquit: *quid est fides, nisi credere, quod non vides?* & tract. 68. *fides autem, quod non videt, credit; nam si videret, jam non esset fides.*

Etiam per
diversa
media.

RESPONDENT adversarii, fidem & scientiam non posse quidem haberi de eodem secundum idem per idem medium, bene vero per diversum; sicut v. g. potest quis aliquid videre *clare* & *obscure*, si nempe unum habeat oculum sanum, alterum vero tenebrosum, aut sicut idem vultus *clare* potest videri in speculo *nitido*, & *obscure* simul in speculo *sordido*, aut halitu infuscato.

Sed

Contra

Contra est. Contradictorie opposita neque ex diversis mediis simul stare possunt: atqui scientia & fides sunt contradictoria, cum prior sit clara & evidens, posterior autem non clara sed obscura, & non evidens: ergo scientia & fides neque ex diversis mediis possunt simul stare, & sane juxta omnes scientia & fides ita necessario diversis innituntur mediis, ut prorsus repugnet: medium obscurum & inevidens fidei ad medium scientificum evidens demonstrationis obtinendum posse inservire: ergo vel scientia nullo modo fidei adversatur, vel ad hanc tollendam oppositionem diversitas mediorum non sufficit. Nec aliquid probant allatæ paritates; nam 1. Idem quidem objectum clare & obscure videri simul potest, sed non ab eadem potentia, & eodem oculo: econtra conclusio de eodem ab eadem potentia (intellectu scilicet) clare & obscure cognosci nequit. Neque ad 2dum est idem objectum secundum esse representativum in duobus speculis; repræsentatur enim objectum per sui species, quæ multiplicantur in utroque speculo: non sic in nostra thesi: unde bene rursus ait SCOTUS

Loc.:

Loc. cit. n. 13. impossibile est, de eodem esse simul scientiam & fidem.

PROPOSITIO. II.

HABITUS TAMEN SCIENTIÆ,
FIDEI, ET OPINIONIS POSSUNT
ESSE IN EODEM INTELLECTU
DE EODEM OBJECTO PER
DIVERSA MEDIA.

Habitus
tamen si-
mul con-
sistere va-
lent.

PROBATUR. Possum enim v. g. ha-
bere *fidem* de futuritione Anti-
Christi, quia eum esse venturum
Christus Dominus in Evangelio præ-
dixit; & *opinionem*, an ex Matre Ju-
dæa, & patre gentili sit nasciturus? &
scientiam, quod sit futurus *animal ra-
tionale*, quia erit *homo*: ergo de *eo-
dem* objecto per diversa media, & se-
cundum diversas rationes considerato
possunt haberi prædicti habitus. Ita
expresse quoque docet Doctor SUB-
TILIS in 3. Dist. 24. N. 21. ubi ait,
sanctos Petrum & Joannem, qui vi-
derunt Christum Dominum crucifigi,
non potuisse *fidem actualem* habere de
illius crucifixione; *habebant tamen*,
inquit, *habitu*, quo credidissent cruci-
fixio-

An scient. fides, & opin. poss. simul. stare? 731

fixionem, si non vidissent: ergo censet *habitus fidei* simul stare cum *actu*, & multo magis cum *habitu scientie*.

CONFIRMATUR. *Habitus* est tantum *facilitas* operandi: atqui una *facilitas* non opponitur alteri: ergo possunt simul stare. P. m. Potest enim quis simul habere *facilitatem* seu *habitus saltandi* v. g. *equitandi*, *pingendi*, *disputandi*, *terram metiendi* &c. quamvis non simul & semel *actus* illarum artium vel scientiarum ponere & exercere queat: ergo licet illi *actus* opponantur (juxta Prop. I.) *habitus* tamen stare possunt. Nam *formido* e. g. in opinione afficit tantum *actum* opinandi, & non *habitus*, quia, antequam *actu* opiner de aliqua re, nec de *formidine* vel cogito. Item si habeo *habitus opinandi* vel *credendi*, per *habitus demonstrandi* *habitus* priores non *destruuntur*, sed tantum per *actus* *ligantur*; possum enim adhuc opinari *actu demonstrationis* præterito, potentia scilicet *reducibili* ad *actum*, non tamen in eodem instanti *reducenda* ad *actum*, ut scholæ loqui amant.

Solvuntur Objectiones.

CONTRA I. PROP.

Habitus
simul sta-
re possunt
quoad
existenti-
am, non
vero quoad
causa-
litatem.

OB. 1. De scientia & opinione. Quo-
tiscunque duæ cause sunt com-
possibiles in eodem, etiam effectus de-
bent esse compossibiles: atqui juxta
Prop. II. *habitus* scientiæ, & opinionis
sunt simul compossibiles in eodem in-
tellectu: ergo etiam *actus* erunt com-
possibiles. R. cum SCOTO loco su-
pra cit. N. 21. D. M. Quando causæ
sunt compossibiles in simul causando
C. M. quando causæ sunt tantum si-
mul compossibiles in existendo N. M.
& sic D. m. N. C. si enim, inquit cau-
se ambæ sint in eodem, scilicet medium
Dialecticum, & demonstrativum, Dia-
lecticum nihil faciet, impeditum a medio
demonstrativo.

Scientiæ
essentia-
lis est evi-
dencia,
opinionis
autem
non evi-
dencia.

OB. 2. Actus scientiæ & opinionis neu-
tiquam sibi mutuo adversantur: ergo
possunt simul stare. P. A. Nam uter-
que actus potest esse *verus*, simulque
affirmativus vel *negativus*. Ergo. R. N.
A. ad P. N. C. contrarii enim mutuo
sibi sunt illi actus, non ideo, quia

unus

unus est *verus*, sicut alter, aut *affirmativus* vel *negativus*, sed quia ratione cognitionis *scientificæ* intellectus nequit ambigere aut *formidare* de veritate objecti; ratione *opinionis* vero nequit non dubitare & *formidare*, quæ sunt *contradictoria*, quibus adeoque intellectus simul & semel assentiri non valet.

- *Inst.* 1. Non repugnat, ut v. g. objectum aliquod ratione *albedinis* visum vehementer perstringat, simulque ratione *odoris* eum ne leviter quidem afficiat: ergo neque repugnat, ut ratione *medii scientifici* mens rem aliquam certo *evidenter* cognoscat; ratione vero *medii probabilis* simul de eodem opinetur tantum. R. N. C. & Par. *Disp. est*, quia *odor* ne leviter quidem impedit, quo minus ratione *albedinis* objectum valide *visionis* organum immutet (cum *aliud* prorsus organum, nempe *nares* afficiat) econtra medium *scientificum* omnino *impedit* probabilitatem; nam de ratione *scientiæ* est, ut de veritate rei cognitæ ne quidem *radicaliter* sive *remote* dubitet: at de intrinseca ratione *opinantis* est, ut *remote* saltem ambigat de perceptæ rei
Veri-

veritate. Et *disparitas* ulterior est, quia medium scientificum & probabile *eandem* potentiam, *intellectum* scilicet, afficiunt in eoque contrarios ejusmodi effectus producant.

Inst. 2. Potest quis munus aliquod habere a Petro, simulque illud non habere a Paulo; ergo etiam mens potest certo cognoscere objectum ope medii scientifici, & simul illud certo non cognoscere ope medii probabilis. R. D. C. Ita ut metuat, ne verum sit, quod per medium scientificum cognoscit N. C. ita ut nullo modo dubitet de veritate, sed solum judicet, medium probabile satis non esse ad firmam mentis adhesionem impetrandam C. C. & N. C. porro sicut non potest quis accipere munus a Petro, & simul illud ita non accipere a Paulo, ut simul aliquid a Paulo accipiat, quod illi muneri *contrarium* sit, ipsumque destruat, ita etiam repugnat, ut habita evidenti rei cognitione ope medii scientifici simul possit mens ita illam non habere ope medii probabilis, ut ratione hujus simul valeat eadem de re *opinari*.

Inst.

Inst. 3. Lux major non impedit minorem: ergo nec scientia opinionem, & consequenter potest quis circa idem objectum habere rationem evidentem & probabilem. R. N. C. & *Par. Disp.* est, quia lux major & minor sunt in eadem serie, & tantum differunt per gradus: *evidentia* vero, & *non evidentia* sunt in diversa serie, & opponuntur *contradictorie*.

Inst. 4. Scientia & opinio sunt duo entia *positiva*: ergo non opponuntur *contradictorie*. R. D. C. *Explicite* & in se consideratæ C. C. *implicite* & ratione annexæ *evidentia* & *non evidentia*, aut *formidinis*, & *non formidinis*. N. C. & C. & *Retorq.* etiam duo motus contrarii sunt duo entia *positiva*, & tamen *implicite* unus involvit privationem alterius, nec possunt convenire *eidem* mobili secundum idem.

Inst. 5. Opinio est *aliqualis* certitudo, & scientia est *omnimoda* certitudo: ergo sunt in eadem serie. R. D. A. Et prima est *non evidens*, & *non clara*

ex natura sua, altera vero evidens & clara C. A. utraque in eadem serie evidentiæ aut claritatis N. A. & C.

Inst. 6. Opinio potest esse sine omni formidine: ergo potest stare cum evidentiâ. R. D. A. Sine formidine actuali C. A. sine radicali N. A. & C. scientia autem omnem omnino formidinem excludit.

Inst. 7. Si opinio semper relinqueret formidinem saltem radicalem: ergo, quod major esset probabilitas & opinio, eo major esset formido: atqui hoc non; ergo opinio non semper relinquit formidinem. R. N. S. M. essentia enim rerum, ut axioma tenet, non suscipiunt magis & minus, sed consistunt in indivisibili; sic enim v. g. una aqua non est magis aqua quam altera, nec unus homo magis homo quam alter. (LV.) sola vero qualitas, ut in scholis dicitur, suscipit magis & minus (LVIII.)

OB. 3. Eadem conclusio potest ni- Conclusio
ti una præmissa evidente, & altera sequitur
probabili: ergo etiam eadem con- tantum
clusio potest esse evidens ratione probabi-
scientiæ, & probabilis ratione lis ex una
nionis. R. D. A. Ita tamen, ut conclu- præmissa
sio sequatur tantum probabilem C. A. scientifici-
evidentem, N. A. & C. essentia Syllo- ca, & al-
gismi consistit in *vi illativa*, hinc si tera pro-
ista solum *probabiliter* tenet, etiam babili
sola præmissa *probabilis* in ordine ad il-
lationem influit, quia non aliter est
vis illativa in conclusione, quam fuit
convenientia *majoris & minoris extre-*
mi cum tertio, scilicet *medio termino*,
ideoque etiam sola *probabilitas*, & non
evidentia qua talis, sed *qua convenient*
in illo tertio infertur in conclusione.
In *conclusionem* porro; ut vocant, *Theo-*
logica, ubi ambæ præmissæ sunt cer-
tissimæ (una nempe *scientifica*, altera
vero *de fide* e. g. *Omnis homo est ani-*
mal rationale: Christus est homo: ergo
est animal rationale) neutra præmissa-
rum prævalet, sed una potius impe-
dit alteram, scientia nempe propter
evidentiam impedit fidem, fides autem
propter *obscuritatem* impedit scientiam,
unde tantum generant assensum fir-

mum fidei proximum, qui dicitur
actus Theologicus, de quo Theologi.

Inst. 1. Actus contritionis potest procedere ex *diversissimis motivis*. e. g. Ex motivo *naturali* ob vindictam DEI temporalem, & ex *supernaturali* ob metum gehennæ, aut ex amore DEI: ergo etiam eadem conclusio potest in-
 niti scientiæ, & opinioni. R. N. C. *Disp.* est, quia in primo casu manet *eadem series*; utrobique enlm habeo *formidinem*: econtra in *secundo casu* esset *formido* propter opinionem, & non esset formido propter scientiam.

Inst. 2. Secundum diversa subiecta five personas potest quis esse *doctus*, & *indoctus*, *magnus* & *parvus* &c. ergo etiam secundum diversa media potest quis *opinari* & *scire*. R. N. C. *Disp.* est, quia in primo casu ille homo semper manet *intrinsece* idem, & tantum *ab extra* ei advenit aliqua *denominatio*, ipso prorsus immutato: ast in *secundo casu* opinio & scientia *eundem* ipsum intellectum afficiunt *intrinsece*, illum
 ipsum

An scient. fides, & opin. poss. simul stare? 739

ipsum reddendo *evidentem* & non *evidentem*, quod simul & semel fieri repugnat.

Inst. 3. Voluntas potest aliquem diligere ob tale motivum e. g. ob *scientiam*, & simul odio habere ob aliud v. g. ob *perversos mores*: ergo etiam intellectus potest scire & opinari *ex diversis mediis*. R. N. C. *Disp.* est, quia in primo casu scientia non est incompatibilis cum perversis moribus (cum unum alterum non neget) econtra opinio cum scientia; obiectum enim, quod semel, & absque ulla formidine de opposito intellectui relucet, illum *necessitat* ad assensum, ita ut nullo modo, ne radicaliter quidem possit *formidare* sive opinari.

Ob. 14. De scientia & fide. Potest aliquis *scire* Deum demonstrative; & simul *credere* illius existentiam: ergo *scientia* & *fides* possunt simul stare. R. D. A. ita ut habitualiter sciat: & actualiter credat, vel econtra C. A. si-
Qui scit Deum nequit illum in eo instanti etiam credere.
mul & semel per actus N. A. & C. de-
In potest quis *scire* Deum ut authorem

nature, simulque illum credere ut auctorem gratie, in quo nulla est contradictio, quia ambo actus non cadunt supra *idem*.

Inst. 1. Ipsa rei evidentia potest esse motivum determinans mentem ad credendum, uti testatur D. THOMAS Apost. cui Christus dixit *Joan. 20.* quia *vidisti me Thoma, credidisti*: ergo scientia & fides possunt simul stare. R. D. A. Ita ut, tunc *aliud* evidenter sciatur, & *aliud* credatur C. A. ita ut *idem* sit scientiæ fideique objectum N. A. & C. S. THOMAS Christi carnem palando, *illius divinitatem credidit*, ut ait S. Gregor. P. Homil. 26. in Evangel. adeoque *aliud vidit & aliud credidit*.

Inst. 2. Plurimæ propositiones simul ex ratione; simulque ex *Authoritate* confirmantur, maxime in Theologia: ergo sciri possunt, & credi. R. D. A. ita ut ratio evincat eas esse *veras*, & *authoritas*, eas non esse *novas* C. A. ita ut tam ratio quam *authoritas* eas esse *veras* ostendat sub D, si ratio sit de-

An scienti fides, & opin. poss. simul stare? 741

demonstrativa, & authoritas sit divina
C. A. si ratio sit solum *probabilis*, &
authoritas tantum *humana* N. A. & D.
C. sciri possunt & credi actualiter,
N. C. habitualiter & per actus suc-
cessivos C. C. & N. C. possunt etiam
actus scientiæ & fidei in eodem in-
tellectu *simul esse*, si *simultas* intelliga-
tur pro immediata consecratione, ita,
ut, qui efficit actum scientiæ circa
unam formalitatem objecti, statim
exercere possit actum fidei circa *altam*.

Solvuntur Objectiones.

CONTRA II. PROP.

OB I. Actus fidei, scientiæ, & opi-
nionis repugnant: ergo etiam tas, quare
habitus R. N. C. & par. disp. est, quia actus op-
habitus non conferunt *actu* evidentiam, ponan.
certitudinem, vel inevidentiam & in-
certitudinem intellectui, sed tantum *vero ha-*
bitus.
facilitatem, ut pro diversa dispositione
facultatis & motivi propositi Intelle-
ctus nunc clare, nunc obscure, nunc
certo, nunc incerto tendat in obje-

Quum: e contra *actus* suam *rationem formalem* intellectui communicat; unde quando *actus* est certus & evidens, suam evidentiam, & certitudinem communicat intellectui; quando vero incertus est, & inevidens, efficit intellectum dubium & inevidentem, repugnat autem eundem intellectum respectu ejusdem objecti esse simul certum & incertum, evidentem & inevidentem: igitur etiam repugnat, præfatos *actus* respectu ejusdem objecti simul consistere.

Inst. 1. Contraria nequeunt esse simul; sed habitus fidei, scientiæ & opinionis sunt contrarii: ergo nequeunt esse simul. R. D. m. sunt contrarii, quando versantur circa idem objectum per idem motivum C. m. quando versantur circa idem per diversa media N. m. & C. vel aliter D. m. sunt contrarii respectu actuum C. m. respectu sui N. m. & C.

Inst. 2. Error & scientia circa eandem rem nequeunt esse simul in intellectu etiam per diversa media: ergo ne habi-

habitus fidei, scientiæ, & opinionis. R. D. A. nequeunt esse simul *secundum eandem formalitatem*, ita ut error *idem* neget, quod scientia affirmat, vel econtra C. A. *secundum diversas formalitates*, ita ut error neget aliquid de objecto, & scientia *aliud*, non autem *idem* affirmet de eodem N. A. & C. potest aliquis v. g. scire se habere animam *spiritualem*, & simul per errorem aut hæresin negare, eam esse *immortalem*.

Inst. 3. Tales sunt *habitus*, quales sunt *actus*: ergo si *actus* opponuntur, etiam *habitus* sic opponuntur R. D. A. id est, *habitus* exigunt elicere *actus* similes *his*, a quibus sunt producti C. A. tales sunt in entitate N. A. & C. *habitus* tantum dicunt *posse*, super *posse* autem non cadit *contradictio*, alias enim etiam in eadem *voluntate* v. g. daretur *contradictio*, quia ista æque *potest* velle, quam non velle, sicut & Petrus & Paulus habent *simul potentiam* occupandi eundem numero locum, quamvis *actualis* occupatio ejusdem loci non possit simul ab ambobus exerceri

quoad actus. Igitur *habitus* tantum *ratione actuum* sibi opponuntur, quia isti actus ponunt *exercitium actuale*, in quo unus alterum omnino impedit habitus vero dicunt tantum *potentiam facilem & expeditam* ad ejusmodi *exercitium aliquando ponendum*.

Inst. 4. *Habitus opinionis adveniente scientia perit: ergo non possunt simul stare: R. N. A.* non enim *perit*, sed tantum *ligatur*, & ita quidem, ut, licet cum scientia simul non sit *reducenda in actum*, sit tamen adhuc *reducibilis*, in alio scilicet *Instanti*, ubi scientiæ actus abest. Hinc etiam *D. A.* perit, id est tunc non exit in actum *C. A.* non manet quoad *facilitatem & potentiam expeditam*. *N. A. & C.*

Inst. 5. *Non potest simul stare: posse esse hominem, & non posse esse hominem: ergo etiam posse & non posse quoad habitus simul stare nequeunt: R. C. totum. At N. suppos. quod habitus dicat non posse, sed uterque &*

omnis habitus dicit posse. Cæterum
primum hocce opusculum meum nunc
finiens: cum S. AUGUSTINO Epist. 149. Conclu-
ingenue fateor, me ex eorum numero sio operis.
esse conari: qui proficiendo scribunt, &
scribendo proficiunt: unde si aliquid vel
incautius, vel indoctius a me positum est,
quod non solum ab aliis, qui videre id
possunt, merito reprehendatur, verum
etiam a me ipso (quia & ego, saltem
postea, videre debeo, si proficio) nec
mirandum est, nec dolendum, sed potius
ignoscendum atque gratulandum, non
quia erratum est, sed quia improbatum.
nam nimis perverse se ipsum amat, qui
& alios vult errare, ut error suus latet.
Homines enim sumus (inquit idem S.
Doct̃or l. 2. de Baptis. contra Donatistas
n. 6.) unde aliquid aliter sapere, quam
res se habet, humana tentatio est, nimis
autem amando sententiam suam; vel in-
videndo melioribus - - diabolica præ-
sumptio est; in nullo autem aliter
sapere, quam res se habet, angelica
perfectio.

Denique omnia, quæcunque scrip-
si, S. R. Ecclesiæ examini libentissime
subji-

subilicio. Ex verbum illius summa mihi ratio est, removeo argumenta, removeo disputationem. Sola mihi ad credulitatem sufficit persona dicentis: non licet mihi de fide dicti ambigere, non licet deliberare. Cassianus l. 4. de Incarn. c. 6.

O. A. M. D. G.



IN.

INDEX RERUM.

A.

	Pag
A bstractio quid sit?	<u>52</u>
Abstractus terminus	<u>104</u>
Academici Philosophi.	<u>14</u>
Accidens	<u>62</u>
separabile,	
inseparabile,	
extrinsecum,	
intrinsecum.	<u>63</u>
inseparabile differt a proprio.	<u>64</u>
Actio.	<u>82</u>
Ab actu ad potentiam.	<u>271</u>
Equipollentia, ejusque regula.	<u>110</u>
Equivocus terminus.	<u>102</u>
Affectus animo dominantes impediunt a studiis.	<u>338</u>
Alienatio.	<u>118</u>
Ampliatio.	<u>117</u>
Analogia attributionis, proportionis & inaequa-	
latis.	<u>103</u> & <u>104</u>
Ante prædicamenta.	<u>86</u>
Apoeryphi libri.	<u>444</u>
Apologias scribere.	<u>531</u>
Appellatio.	<u>119</u>
Arbor Porphyrii.	<u>64</u>
ejus usus.	<u>65</u>
Crisis Recentiorum in illam,	<u>65</u>
& Peripateticorum responsiones.	<u>67</u>
Arbor Cartesii.	<u>68</u>
Argumentatio formaliter & materialiter bona.	<u>222</u>
ejus species.	<u>223</u>
Argumentum ad hominem.	<u>514</u>
Argu-	

Argu-

INDEX RERUM.

Argumentum ab analogia.	515
ad verecundiam.	516
ex proportione.	516
ex nomine & voce.	518
per distractionem.	518
per instantiam,	
per retorsionem.	
per inversionem.	
a necessitate.	519
ad ignorantiam.	520
Aristotelis libri de Logica.	35
Aristotelicæ Philosophiæ fata.	18
Ars Heuristica.	397
Ascensus terminorum.	126
Attentio debita.	369
Attentionis defectus unde oriatur?	323
Remedia,	324
Authoritatis abusus.	360
Authoritas Divina.	385
etiam in Philosophia attendi debet.	578
Authoritas humana.	394
Author dogmaticus.	394
Historicus.	395
Axioma.	176

C.

Cartesiani Philosophi.	29
Cartesii generalis dubitatio.	705
Systema de Ideis innatis.	628
arbor prædicamentalis.	68
Categoriæ W. Philos.	69
RR. Philos.	88
Cate-	

INDEX RERUM:

Categoricus terminus.	102
Categorematicus terminus.	101
Non Causa pro causa.	279
Certa propositio.	174
Cholerici.	346
Chymici Philosophi.	27
Circulus vitiosus.	284
Cognitio Philosophica.	
Historica.	
Mathematica.	1
Collectiva suppositio.	124
Comprehensio Ideæ universalis.	51
Conclusioni an necessario sit assentiendum con-	
cessis præmissis?	695
Concretorum Regulæ.	107
Concretus terminus.	104
Confusa suppositio.	124
Connotata quid sint?	146
Consequens & Consequentia.	221
Consuetudo cum populo & rudibus.	364
Contradictorie & contrarie oppositus terminus.	112
Contradictoria oppositio.	203
Contraria oppositio.	207
Conversio triplex.	213
regulæ.	217
Convincere alterum quid sit?	524
Convincentis dotes.	524
Convincendi officia.	525
Copula.	100
principalis.	155
secundaria.	155
datur etiam in propositione negativa.	157
Corollaria.	177
Corporum existentia est certa.	434
	Cri-

INDEX RERUM.

Critica quid sit?	37. & 373
Criterium veritatis.	<u>374</u>
Pythagoræ.	376
Platonis.	
Epicuri.	<u>377</u>
Aristotelis.	
Peripateticorum.	
Acatalepticorum.	<u>378</u>
Cartesii.	
Malebranchii.	<u>379</u>
P. Buffier.	
Tschirnhausen.	
Huetii.	<u>380</u>
Spinozæ.	
Leubnitii.	381
materiale.	
formale.	
genuinum & proprium.	<u>719</u>

D.

Defendere se adversus alios quomodo	quis se
debeat?	<u>531</u>
Definitio.	
nominis,	
rei.	<u>133</u>
essentialis.	
accidentalis seu descriptiva.	<u>136</u>
genetica.	<u>137</u>
regulæ.	<u>137</u>
quomodo sit facienda ab Experimentis?	<u>429</u>
est modus sciendi.	<u>142</u>

De-

INDEX RERUM.

Definitum formale & objectivum.	133
Demonstratio.	468
a priori.	469
a posteriori.	
directa & indirecta.	470
Analytica & Synthetica.	472
Symbolica.	480
Demonstrationis bonæ loci.	482
Differentia.	
divisiva.	
constitutiva.	57
Dilemma.	224
Diminutio.	118
Directa prædicatio.	65
Discurfus.	219
ad eum requisita.	220
Disputatio.	533
Socratica.	
Megarica.	
Syllogistica.	534
regulæ generales.	536
speciales.	538
Distributive.	
complete.	
incomplete.	123
Divisio multiplex.	143
Regulæ.	147
ejus utilitas.	150
Docere quid sit?	521
Docentium dotes.	522
Doctores I. class. quomodo sint habendi?	394
Doctrina solida quomodo sit acquirenda?	327
Dogmatici Philosophi.	14

B b b

Du-

INDEX RERUM.

Dubia propositio.	I
positive.	
negative.	175
Dubitatio sana.	367

E.

Eclectici Philosophi.	30
Educantium vitia.	354
officia.	357
Educatorum male officium.	359
Egyp̄istæ.	410
Eus rationis geometrice demonstratur.	477
Enthymema.	226
Epicherema.	234
Epīcurei Philosophi.	16
Error materialis, formalis.	317
Theoreticus, prācticus.	318
Errorum causæ.	318
ex parte intellectus,	318
voluntatis.	327
corporis.	342
ab extra.	354
Erronea propositio.	180
Essentialia rei.	61
Ethymologia quid sit?	134
Evidentia in quo sensu sit veritatis criterium?	719
Exemplum.	223
Experientia.	415
interna,	
externa.	416
ei ratio iungenda est.	424
Experimentum physicum.	416
Experimentandi artis pręstantia.	421
	&

INDEX RERUM.

& utilitas.	422
Exponibilis propositio.	164
Extensio Idæ universalis.	52

F.

Fides Divina.	385
Humana.	386
Fides & scientia an possint simul stare?	725
Figuræ syllogismorum.	235
Figura Galeni.	236
Finitus terminus.	113
Forma propositionum.	158
Syllogismi.	234

G.

Gassendistæ.	29
Genus.	35
supremum,	
subalternum.	
infimum.	56

H.

Habitus.	84. & 611
Log. doc. & utent. an distinguantur?	611
Hæretica propositio.	179
Hæresi proxima.	180
Bbb a	Hæ.

INDEX RERUM.

Hæresin sapiens.	<u>181</u>
Hermenia propositionum.	<u>186</u>
regulæ.	<u>187.</u> & seq.
Heuristica ars.	<u>397</u>
Historica cognitio.	<u>I</u>
Historicus.	<u>395</u>
ejus dotes.	<u>400</u>
Historia Politica.	
Divina, Ecclesiastica, profana.	<u>395</u>
naturalis,	<u>396</u>
& litteraria.	<u>397.</u>
Hypothesis.	<u>178</u>
possibilis.	<u>438</u>
impossibilis.	<u>441</u>
bona,	<u>439</u>
falsa.	<u>440</u>

I

Ideæ definitio.	<u>39</u>
ejus multiplex divisio.	<u>41</u>
innata num detur?	<u>628</u>
falsa an detur?	<u>652</u>
Idea clara & distincta Cartesii.	<u>711</u>
Ideæ associatæ.	<u>48</u>
Idealistæ.	<u>410.</u> & <u>434</u>
Ignorantia Elenchi.	<u>278</u>
Imbecillitas Mentis.	<u>318</u>
Impertinens terminus.	<u>118</u>
Impia propositio.	<u>182</u>
Incidens propositio.	<u>164.</u>
Indirecta prædicatio.	<u>65</u>

Indi-

INDEX RERUM.

Individuum.	59
Individuationis principium.	59
in- & extrinsecum.	60
Inductio.	223
Infinitus terminus.	113
Ingenii nimius fervor.	321
Injuriosa propositio.	182
Intentionaliter primo.	
& secundo.	115
Judicium.	151
intuitivum.	429
dianæticum.	430
est actus Intellectus.	152

L.

Lemma.	178
Libri Apocryphi.	444
genuini qui sint?	449
Libris externa,	
interna,	451
eorum errores unde veniant?	449
quomodo sint legendi?	451
& interpretandi?	454
Loci bonæ demonstrationis.	482
topici.	502
Logicæ Ethymologia.	
definitio.	32
origo.	34
divisio.	36
objectum.	603
veteris scriptores.	35

INDEX RERUM.

Logica an sit scientia vel ars?	583
num sit Theoretica vel practica?	596
an habitualis docens ab utente habituali realiter distinguatur?	611
an & quomodo sit necessaria?	620
in quo sensu sit modus sciendi?	587

M.

Major propositio & minor.	233
Majus & minus extremum.	232
Malebranchii Systema de Ideis innatis.	629
rejicitur.	637
Male sonans propositio.	184
Materia propositionum.	158
Mathematica cognitio.	I
Mechanismus.	91
Meditatio Philosophica.	297
ejus exemplum.	298
Medium argumentationis.	505
quomodo sit inveniendum?	506 & seq.
Melancholici.	346
Mendacium vel mendax.	374 & 375
Methodus.	286
Analytica.	289
Synthetica.	290
Mathematica.	291
Juristarum.	294
scholastica.	293
An sit 4ta Mentis operatio?	287
An Synthetica præstet Analytica?	292
ejus regulæ generales.	295

Metho-

INDEX RERUM.

Methodus docendi.	521
studendi	526
alios refutandi.	529
se ipsum defendendi.	531
disputandi.	533
Modalis propositio.	161
Modi apud RR.	89
primarii.	90
secundarii.	92
Syllogismorum.	2517 & seq.
Modus & dictum.	161
Modus sciendi quid sit?	142

N

Necessaria propositio.	259
ratione actus.	160
Negativus terminus.	113
Negatio duplex affirmat.	162
Newtoniani Philosophi.	30
Nexus seu Mechanismus.	91
Nomen quid sit?	95
Nominales Philosophi.	25

O

Objectum Idgicæ quodnam sit?	603
Obscura cur sit S. scriptura?	456
Observatio physica.	416

Bbb 4

Ocu.

INDEX RERUM.

Oculi deceptio multiplex.	351
Opinio.	496
quid ad eam requiratur?	497
an stare possit cum scientia?	726
Oppositio.	202
Contradictoria.	203
Contraria.	207
subcontraria.	
subalterna.	208
communis.	209
Oppositus terminus.	112
Oratio quid sit?	98

21

Partes subjectivæ.	36 & 61
Passio.	83
SS. Patres quid valeant in rebus fidei?	392
in scientiis naturalibus?	392
Pertinens terminus.	114
Petitio principii.	282
Philautia.	335
Philoristia.	145
Philosophica cognitio.	1
Philosophiæ definitio.	3
divisio.	7
objectum.	4.
præstantia, & utilitas.	5
media ad philosophandum.	6
Philosophia an detur vera?	550
num fuerit Adæ infusa?	568
Antiqua.	12
Media.	

INDEX RERUM.

Media.	20
Nova.	28
Philosophari num liceat posthabita S. Authoritate?	578
Phœnomenon.	417
Phlegmatici.	346
Pigritia.	342
Polemica scripta.	529
Porisma.	178
Positivus terminus.	112
Post-Prædicamenta.	86
Postulatum.	176
Præceptores inepti quomodo noceant?	333
Præcisio formalis.	7
objectiva.	53
Prædicabilia Porphyrii.	54
Prædicamenta VV. Philosophorum.	69
quanti ea æstimet Cl. Antonius Gen.?	85
Prædicamenta RR. Philosoph.	88
Prædicatio directa.	
indirecta.	65
Prædicatum.	100
Præjudicia infantia.	354 360 & 365
Principia Logica.	
Metaphysica.	229
Prioritas multiplex.	86
Privative oppositus terminus.	112
Probabilitas.	489
practica.	
politica.	490
ejus dijudicandæ ratio.	491
Problema.	177
Propositio multiplex apud Logicos.	152 & seq.
apud Mathematicos.	175
& Criticos.	179

INDEX RERUM.

ejus proprietates.	202
vera num possit in falsam transire?	659
quid de Proposit. de futur. conting.?	667
Proprietates terminorum	116
Proprium.	61
quarto modo.	62

Q.

Qualitas.	77
4. ejus species.	78
& proprietates.	80
propositionum.	159
Quando?	84
Quantitas,	74
ejus species.	75
& proprietates.	77
propositionum.	158

R.

Ratio quid sit?	423
ejus valor.	423
experientiæ jungenda est.	424
plus valet quam autoritas in scientiis naturalibus.	361
Reductio Syllogismorum triplex.	263
Reduplicativus sensus.	105
Refutare alios.	522

Regu-

INDEX RERUM.

Regulæ circa vocabula.	198 & 120
Suppositionum.	127
definiendi.	137
dividendi.	147
Hermeneutica propositionum.	187
pro Syllogismis simplicibus.	238
pro compositis.	258 & seq.
pro singulis figuris.	247
consequentia.	268
pro dignoscendo libro canonico.	388
pro authore dogmatico.	397
Historico.	401
pro sensuum usu legitimo.	413
pro experimentis faciendis.	417 & 424
pro interpretanda S. Scriptura.	461 & seq.
pro dijudicandis futuris contingentibus.	498
Logicales in quo sensu sint criterium veri-	
tatis?	718
Regula falsi.	441
universalis Syllogismorum.	249
Relatio varia.	81
ejus fundamentum, terminus,	
& ratio fundandi.	82
Relative oppositus terminus.	112
Restrictio.	118
S.	
Sanguinei temperamentii homines.	345
Scandalosa propositio.	183
Sceptici.	550
Schismatica propositio.	181

Shola.

INDEX RERUM.

Scholastici.	28 & 27
Scholia.	178
Sciendi intemperantia.	325
Scoti elogia.	21
Scotistæ.	ibidem.
S. Scriptura in sensu litterali est exponenda.	391
ea non est abutendum.	ibidem.
cur sit obscura?	456
ejus sensus quadruplex.	458
& stilus.	464
Idiotissimi & Emphases.	466
eam interpretandi regulæ generales.	461
Sensatio.	409
quomodo contingat?	ibid.
Sensorium organum.	ibid.
Sensuum fallacia.	351
usus.	411
Sensus per se non fallunt.	411 412 & 557
intimus.	432 & seq.
communis.	435
Series entium & modorum.	89 & seq.
Sermo.	98
Signum multiplex.	94
Simplicium seductiva propositio.	184
Simultas triplex.	87
Situs.	84
Sophismata varia.	275 & seq.
ea solvendi modus.	285
Sophista quis sit?	274
Sorites.	225
Species.	58
Suprema.	
Subalterna.	
Infima.	60 & 61
	Speci-

INDEX RERUM.

Specificativus sensus.	106
Status.	117
Stoici Philosophi.	16
Studium non obest valetudini.	329
nec pietati.	331
Subdivisio.	143
Subjectum & prædicatum	
formale,	
objectivum.	154
Subreptionis vitium.	418
Substantia ima.	
2da.	64
Prædicamentalis.	72
ejus proprietates.	74
Substratum terminorum Logicorum.	59
Sum in vi copulæ,	
aut verbi.	156
Suppositio varia.	121 & seq.
regulæ.	127 & seq.
Syllogismus.	227
ejus artificium.	228
an sit eliminandus e scholis?	684

T.

Temperamentorum vitium.	344
Termini definitio.	100
Etymologia.	ibid.
& divisio varia.	101 & seq.
Theologice verum est etiam philosophice verum.	390
Theorema.	177
Thomistæ.	20

To.

INDEX RERUM.

Totum actuale.
 potentiale.
 essenziale.
 integrale.
 per accidens.

56 & 61

145

146

ibid.

U.

Ubi.

Vera propositio.

Verbum.

Veritas.

Ethica.

Logica.

Metaphysica.

ejus fontes.

84

170 & seq.

97

171

374

375

ibid.

382 & seq.

Universale in causando.

in essendo.

in repræsentando.

fit per abstractionem.

50

51

52

Universalia Porphyrii.

54

Univocus terminus.

102

Vocabula quomodo sint usurpanda?

98 & 120

Voluntatis seriæ defectus impedit a studiis.

332

Voluptates corporis retrahunt a scientiis.

328

Vox.

95



ERRA-

ERRATA.

Pag.	Lin.	pro	Lege.
7.	27.	Methaphysica	Metaphysica
25.	4.	Pariensis	Parisiensis.
cit.	18.	cira	circa.
36.	1.	videatur	videantur.
38.	3.	vigilatio	vitilatio.
58.	22.	ft.	est.
96.	3.	ad exprimendas	addatur &c.
149.	2.	qua	quæ
168.	3.	CXXXII.	CXXXI.
226.	15.	ἐνδυμῶμαι	ἐνδυμέομαι.
293.	8.	merito.	merito.
432.		<i>in margine primorum religionum, pri-</i> <i>morum principiorum.</i>	
435.	23.	rationes	nationes.
438.	<i>penult.</i>	facundi	fœcundi.
440.	11.	consenda est	censenda est.
442.	<i>ult.</i>	duo signa ✕ ✕ signa † †	mutentur in
444.	6.	quod	quot.
cit.	15.	quondam	quosdam.
446.	13.	existere	exstiter.
616.	15.	facilitat &	& facilitat.
617.	7.	D. A.	C. A.
621.	1.	ut	utut.

Leviora Lector benignus corriget.

